



P.65.20  
UNIVERSITY OF  
TORONTO LIBRARY


The  
Jason A. Hannah  
Collection  
in the History  
of Medical  
and Related  
Sciences

115

True Turkey and Lancashire

WILLIAM HARVEY, was born of a good family at Folkestone in Kent, on the 2d of April, 1578. At ten years of age he was sent to a grammar school at Canterbury, and at fourteen removed from thence to Caius College, in Cambridge. At the age of nineteen he travelled through France and Germany to Padua in Italy; where having studied physic under Eustachius Radius, John Minadous, and the celebrated Hieronymus Fabricius ab Aquapendente, he was created doctor of physic and chirurgery in that university, in 1602. Returning soon after to England, he was incorporated doctor of physic at Cambridge. In 1604, he was admitted candidate of the college of physicians in London; and three years after was chosen fellow. In 1615, he was appointed lecturer of anatomy and chirurgery in that college; and the year after read a course of lectures there, in which he opened his discovery, relating to the circulation of the blood. The original manuscript of these lectures is extant in the valuable museum of the late Sir Hans Sloane, and is intitled, *Prælectiones anatom. universal. per me Gulielmum Harvæium, medicum Londinensem, anat. et chirurg. professorem. Ann. Dom. 1616. Anno Ætatis 37. Prælect. Apr. 16. 17. 18.* In 1628, he published his *Exercitatio anatomica de motu cordis et sanguinis*, and dedicated it to king Charles I. There follows also another dedication to the president and members of the college of physicians, in which he observes, that he had frequently before, in his anatomical lectures, declared his new opinion concerning the motion and use of the heart, and the circulation of the blood; and for above nine years had confirmed and illustrated it before the college, by reasons and arguments grounded upon ocular demonstration, and had defended it from the objections of the most skilful anatomists. This discovery was of such vast importance to the whole art of physic, that as soon as men were satisfied (which they were in a few years) that it could not be contested, a great many put in for the prize themselves; a great many affirmed the discovery to be due to others; unwilling that Dr. Harvey should obtain all the glory.







T. Cook sculp

# WILLIAM HARVEY, M.D.

A. Donation of Doct<sup>r</sup> Harding  
Augt 14<sup>th</sup> 1812 —

arrived & paid for



Gulielmus Harveus  
de  
Generatione Animalium.

# EXERCITATIONES DE Generatione Animalium.

*Quibus accedunt quædam*  
De Partu : de Membranis ac humoribus Uteri:  
& de Conceptione.



AUTOR E

*GUILIELMO HARVEO*  
Anglo, in Collegio Medicorum Londi-  
nenſium Anatomes & Chirurgiæ Professore.



LONGDINI,

Typis Du-GARDIANIS; impensis Octaviani  
Pulleyn in Coemeterio Paulino.

M. D C. LI.

Digitized by the Internet Archive  
in 2010 with funding from  
University of Toronto

<http://www.archive.org/details/exercitationesde00harv>



CLARISSIMIS  
ORNATISSIMISQUE VIRIS,  
PRÆSIDI, & SOCIIS  
Collegii Medicorum Londinensium,  
GEORGIVS E.N.T.  
S.P.D.

**D**um, nuperis Saturnalibus;  
anxiæ parumque tandem pro-  
futuræ solicitudinis pertæsus;  
nubeculam illam ab animo  
meo detergere satago; adeo  
magnum Virum, Collegique nostri summum  
decus & ornamentum: Harveum dico, non  
procul, eo tempore, ab Urbe commorantem:  
eumque naturæ rerum perscrutandæ intentum  
reperio,

reperio, & vultu hilari alacrique animo,  
Democriti instar, cuncta investigantem.  
Tum ego protinus: satin' salva omnia? Qui  
possint, ait, ubi turbarum plena Respublica,  
egoque adbuc ipsem in alto mari? Et pro-  
fecto (addidit) nisi studiorum solamen, re-  
rumque olim à me observatarum recordatio  
animum mihi reficerent; nihil est, cur ultrà  
superesse cupiam. Ità factum, ut vita hæc  
umbratilis, & à curis publicis vacatio, quæ  
aliis ægritudinem animi afferre solet, mihi  
medicinam attulerit. Ego excipiens; hu-  
jusce rei hanc caussam reddidero, inquam;  
quòd, dum alii plerique aliorum cerebro  
sapiunt, & à Veteribus tradita (addito  
variæ dictionis, novæque methodi mango-  
nio) pro suis venditant; tu semper, de na-  
turæ arcanis, naturam ipsam consulere ma-  
lueris. Habet autem hoc studium, ut mi-  
nus fallaciæ, ità & voluptatem pleniores:  
ubi rem unam indaganti, aliæ sæpe occur-  
runt, quas nè quæsieris quidem. Ipse enim  
(memini) aliquando mihi narrabas, nun-  
quam

quam te animalis cuiuspiam dissectionem  
instituisse, (instituisti autem s̄epissime)  
quin aliquid in eo inexpectatum repere-  
ris, de quo tibi antea nulla cogitatio.  
Ita est, inquit; placuit mihi semper ip-  
sorum animalium inspectio: indeque non  
modo levia naturae arcana, sed ipsius  
Creatoris summi imaginem quandam in-  
dipisci nos posse, sum arbitratus. Et  
ut multa olim à doctis Viris reperta sint,  
crediderim tamen longè plura abscondi  
adhuc in impervestigabilis naturae obscu-  
ritate nocte: miratusque sum s̄apenumero,  
imò risi eos, qui ab Aristotele, Gale-  
no, aut alio aliquo magno nomine, omnia  
consummata adeò atque absoluta crede-  
rent, ut nè hilum quidem superaddi pos-  
sit. Natura equidem ipsa est arcano-  
rum suorum fidissima interpres: quæ in  
uno genere, aut pressius, aut obscurius  
exhibet; ea clarius & patentius in alio  
explicuit. Nemo sane de partis alicu-  
jus usu sive officio rectè determinaverit;

a.

qui

qui ejus, in pluribus animalibus, fabri-  
cam, situm, annexa vasa, aliisque acci-  
denta non viderit, secundumque diligenter  
pensaverit. Prisci illi sapientiae con-  
sulti, unius ferè Græciæ finibus, ut regio-  
num, ita quoque animalium, plantarum,  
cæterarumque rerum cognitionem termi-  
nabant. Nobis verò patet jam totus  
Orbis, & à peregrinantium sedulitate,  
non solum loca, habitus, moresque Incola-  
rum nobis innotuerunt; sed & quibus ani-  
malibus quælibet regio gaudeat, quæ mine-  
ralia, quas plantas producat, jampridem  
cognitum habemus. Nulla autem gens  
tam barbara est, quæ non aut fortuitò, aut  
inevitabili quadam necessitate coacta, ali-  
quid in usum communem adinvenerit, quod  
nationes alias humaniores latuit. Et pu-  
tabimus, nihil prorsus commodi, ab his  
auxiliis, scientiarum latifundiis accedere;  
verum omnem planè sapientiam à primis  
statim seculis absorptam fuisse? Ignaviae  
profectò hæc nostræ, haud naturæ culpa  
est.

est. Accedit etiam aliud malum: quod  
multi saepe rerum inexperti, ex concepta  
pridem opinionis alicujus verisimilitudine,  
de ea postmodum, tanquam certò cognitâ,  
audacter pronuntient: unde fit, ut non ip-  
si solum hallucinentur, sed & alios quo-  
que imprudentes in errorem deducant.  
Hæc, & alia his similia, cum mirâ (ut  
solet) promptitudine effunderet; ego inter-  
pellans, Quam sis ipse met, inquam, im-  
munis ab hac culpâ, satis intelligunt omnes  
qui te nôrunt: atque hinc est, quod Viri  
eruditissimi plurimi, quibus indefessum tuum  
in excolenda Philosophia studium explorat-  
um est, ulteriora tua experimenta avidè  
exspectent. Harveus subridens, Ergo ne  
autor sis, ait, ut è portûs hujus (in quo  
dego) tranquillitate, me dem iterum in  
infidum mare? nôsti, quantum turbarum  
pristinæ meæ lucubrationes concitaverint.  
Præstat sanè interdum, domi privatim  
sapere; quam, quæ multo cum labore compa-  
raveris, ea protinus divulgando, tempesti-

tes ciere, quæ tibi, in posterum, otium &  
quietem adimant. Imò verò, respondi,  
virtuti id præmium usitatum est, ut bene  
merenti malè rependantur gratiæ : venti  
autem, qui turbas istas dederunt, perinde  
ut Cæcias, malum ipsimet sibi accersive-  
runt. Simul ostendit mihi Exercitationes  
de Generatione animalium, ingenti labore  
elimatas. atque ego illico, Habeo, inquam,  
quod volebam : has enim nisi publici juris  
feceris, dicam te & nomini tuo deesse pa-  
riter, & aliorum utilitati invidere. nec  
erit, quod negotium tibi ulterius faceſſat ;  
quicquid enim est à prelo typographicō  
molestiæ, id ego omne in me fuscipiam li-  
bens. Gravatè ille primò ; atque, inter  
alia, Tractatum hunc, omissâ Insectorum  
generationis historiâ, mancum fore cauſſa-  
batur. Quid multa ? impetro tandem ;  
&, concedo tibi, inquit, scripta hæc mea  
vel continuò edendi, vel in posterum sup-  
primendi liberam potestatem. Actis eam  
ob rem plurimis gratiis, valedixi ; abiique,  
ceu

ceu Jason alter, vellere aureo ditatus.  
Domum autem reversus, dum singula per-  
lustro, mirabar equidem, tam ingentem  
thesaurum tandiu absconditum latuisse :  
¶, dum alii apinas, tricásque, ¶ cram-  
ben bis (imò centies) coctam, magno cum  
fastidio exhibent; Virum hunc eximias suas  
observationes tam parvi facere. Enim-  
vero quotiescumque nova inventa depromit,  
haud multorum more se gerit; nempe, tan-  
quam loquatur quercus, aut lactis gallinacei  
haustulum propterea mereatur: sed quasi  
fortuitò, aut facili negotio in res illas  
incidisset; quas nihilominus datâ operâ,  
studioque indefatigabili rimatus est. Can-  
doris etiam eximii hoc argumentum est,  
quòd nullius autoris nomen laceffat, sed  
suam ubique pacatè proferat sententiam.  
Dicere enim solet, indicium esse caussæ  
non bonæ, pro eadem rixosè acriterque  
contendere: veritatem autem patrono non  
indigere. Cumque facile potuerit inte-  
grum hoc opus de suo texere; maluit ta-

men (evitandæ invidiæ ergo) Aristotelis  
& Aquapendentis ductum sequi, tanquam  
ipsem duntaxat subtegmen adderet. De  
eo haud dicam amplius (nè omni mea laude  
superiorem in os laudare videar:) Vobis  
præsertim, quibus virtus, candor, & in-  
genium illius optimè perspecta sunt. De  
me ipso autem hoc solum addam: me in hoc  
negotio obstetricis duntaxat munus obiisse.  
Nempe fætum hunc, quemadmodum vi-  
detis, consummatum ac perfectum, ægrè  
verò prodeuntem foras, & forte auram  
aliquam maleficam metuēntem, in lucem  
eduxi. Habui scilicet preli curam: &  
cùm Autor noster ita pingere soleat  
(idque viris doctis apud nos solenne di-  
citur) ut vix quisquam, nisi assuetus,  
facile legendo sit; sedulò operam dedi;  
ut nè hanc ob causam multum à Typo-  
grapho peccaretur: quod in libello ejus  
non ita pridem edito, minùs cautum fuisse  
video. Habetis itaque, Viri doctissimi,  
scrip-

scriptionis hujus caussam: nempe, ut sci-  
atis, Harveum nostrum Reipublicæ li-  
terariæ commodo, Vestræ omnium dig-  
nitati, & honori suo litasse. Valete,  
y διπλαχεῖτε.

---

P R A E-

---





# PRÆFATIO.



Uod multi à me petierunt, aliqui etiam efflagitârunt; non ingratum fore spero (Lector candide!) si, quæ de *Generatione animalium* ex dissectionibus anatomicis observare licuit, (aliter enim multò, quam ab auctoribus, sive Philosophis, sive Medicis tradita est, rem omnem deprehendi) exercitationibus hisce, in veritatis studiosorum gratiam, & utilitatem, exposuero.

Medici omnes, *Galenum* sequuti, ex maris & fœminæ seminibus in coitu mixtis, secundum hujus vel illius prædominium, foetum huic, vel illi similem; marem item, vel fœminam procreari docent. Et aliquando maris semen efficientem caussam esse, fœminæ autem materiæ vicem supplere; nonnunquam, contrarium profitentur.

*Aristoteles* autem (naturæ diligentissimus investigator) affirmit, principia generationis esse marem, & fœminam: hanç, materiam; illum, formam tribuere: & à coitu protinus **ex** menstruo sanguine in utero efformari principium vitale, primâque futuri foetus particulam (cor nempe in sanguineis) afferit.

B

Verum

## PRAEFATIO.

Verum hæc falsa, & temere dicta esse, facile constabit ; & veluti tenebrarum phantasmata (adhibitâ luce anatomicâ) subito evanescunt, nec redargutionem operosam requirent, ubi per autopsiam contraria, eaque rationi consentanea, ipse meus (Lector !) propriis oculis certior factus ; deprehenderis ; simulumque intellexeris, quām sit intutum, imò verò turpe, circa rerum ipsorum examen, ex aliorum commentariis insti-tui ; præsertim, cūm tam apertus facilisque Naturæ liber sit.

Quæ igitur, in his meis *Exercitationibus*, de animalium generatione traditus sum, ea publici juris esse volui ; non modò ut certam. indè perspicuāmque veritatem Posteri discernant ; sed etiam, & quidem præcipue, ut (expositâ, quā ego usus fuerim, indagandi methodo) novam studiosis, & (nisi me fallit animus) certiorem semitam ad scientias adipiscendas proponerem.

Quamvis enim iter novum & arduum sit, naturam scrutando, potius ex rebus ipsis ; quām libros evolvendo, ex Philosophorum placitis erudiri : illud tamen ad naturalis Philosophiæ arcana apertius, minùsque in fraudem ducens agnoscendum est.

Nec est, cur jure quempiam labor deterreat ; si modò secum animo reputaverit, hoc ipsum quod vivimus, ab indefatigabili cordis nostri agitatione proficisci. Neque profectam desertum & solitarium hoc iter foret, nisi more (aut vitiō potius) seculi in quo degimus, plurimi ad ignaviam proclives, mallent cum turbâ errare, quām cum laboris ærisque impendio privatim sapere : cūm tamen veteres Philosophi (quorum nos etiam laudamus industriam) contrarium prorsus iter institerint ; atque indefessis laboribus varia rerum experimenta inquirentes, haud dubiam lucem studiis nostris prætulerint. Adeò ut, quicquid ferè haec tenus in Philosophia existimii compertique habemus, id ipsum ad nos ab antiquæ Graeciæ sedulitate profluxerit. Eorum tamen inventis dum acquiescimus, credimusque (quæ nostra est societate) nihil ulterius reperiiri posse ; vivida ingenii acies languescit, & lampada,

quam

## P R A E F A T I O.

quam nobis tradiderunt, extinguimus. Non omnem certè veritatem à Veteribus occupatam esse, quilibet fatebitur; nisi qui multa nuper in Anatomicis (ut alias nunc artes taceam) scitu digna inventa esse ignoraverit. Idque ab iis potissimum factum est, qui vel sedulò in rem aliquam intenti, in aliam fortuitò inciderunt, vel (quod magis laudabile) propriis oculis Naturæ ductum sequuti, per anfractuosa quidem, sed certissima vestigia, ad veritatis tandem apicem pertigerunt. In tali profectò opere, non fatigari solùm, sed etiam fatiscere suave est: ubi indagandi fastidium, ipsā intuendi voluptate abunde compensatur. Solemus, rerum novarum cupidi, procul in ignotas terras excurrere, ut audita ab aliis ipsimē propriis oculis intueamur: ubi tamen plerunque

— *Minuit presentia famam.*

Pudeat itaque, in hoc Naturæ campo tam spaciose, tam admirabili, promissisque majora semper persolvente, aliorum scriptis credere; incerta indè problemata cudere; & spinosas captiosasque disputatiunculas nectere. Natura ipsa adeunda est; & semitâ, quam nobis monstrat, insistendum: ità enim dum oculos nostros consulimus, & à minimis exorsi ad majora promovemus pedem, ad intima tandem ipsius arcana penetrabimus.

### *De modo, & ordine acquirendæ cognitionis.*

Quamvis ad scientiam quamlibet via unica pateat, quā nempe à notioribus ad minùs nota, & à manifestis ad obscuriorum notitiam progredimur; atque universalia nobis præcipuè nota sint (ab universalibus enim ad particularia ratiocinando, oritur scientia;) ipsa tamen universalium in intellectu comprehensio, à singularium in sensibus nostris perceptione exsurgit. Ut verissimum sit utrumque Aristotelis pronuntiatum; tum illud in Physicis; Naturaliter constituta est via ab iis que sunt nobis notiora & clariora, ad ea que sunt clariora & notiora naturâ. Non enim eadem sunt & nobis nota, & L. I. t. 2. 2. simpliciter: quare necesse est hoc modo progredi; nimisrum, ex iis que

## PRÆFATIO.

Post. 2. quæ naturā quidem sunt obscuriora, nobis tamen sunt clariora; ad ea quæ sunt notiora & clariora naturā. Ea verò sunt nobis primum perspicua & manifesta, quæ sunt magis confusa. Idcirco ab universalibus ad singularia progreedi oportet: totum enim secundum sensum notius est; universale autem est totum quiddam. Tum etiam illud in Analyticis: Singularia nobis notiora, & secundum sensum priora existant: siquidem nihil est in intellectu, quod non prius fuerit in sensu. Et licet ratiocinatio naturaliter prior & notior sit, quæ per syllogismum instituitur; nobis tamen illa perspectior est, quæ sit per inductionem: ideoque facilius definimus singularia, quam universalia; latet enim magis equivocatio in universalibus; quapropter à singularibus ad universalia transeundum est.

Conveniunt illa, quæ jam diximus; licet primo intuitu inter se pugnare videantur: quoniam universalia primò per sensum à singularibus hauriuntur; & eatenus duntaxat nobis notiora sunt, quatenus universale est totum & indistinctum quid; totumque nobis notius est, secundum sensum. Licet enim in omni cognitione à sensu ordiamur, quia (ut ibidem Philosophus) sensibilia singularia sensui notiora sunt; ipsa tamen sensatio est universalis. Nam (si bene animum advertebis) etsi in sensorio externo, dum sentimus, ineſt singulare; putà, color citrinus, in oculo: quod indè tamen abstractum à sensorio interno judicatur & intelligitur, universale est. Unde fit, ut plures eodem tempore, ab eodem objecto, varias species abstrahant, & notiones diversas concipient. Quemadmodum in pictoribus, & poëtis videre est: qui licet eodem tempore, & loco, cæterisque omnibus circumstantiis convenientibus, unum aliquod, idēmque objectum intuiti fuerint; id ipsum tamen singuli diversimodè referunt, & describunt: prout nempe quisque species differentes in phantasiam efformaverit. Ità pictor quilibet, alicujus vultum delineaturus, etiam si millies id agat, varias semper depingit facies; eisque non modò discrepantes à se invicem, sed etiam à primo exemplari: tam exiguo tamen discrimine, ut si singulas seorsum intuearis, easdem putas; collatæ verò, plurimum discrepant: Hujus autem rei hæc cauſa est: Quod in ipsâ visione,

# PRÆFATIO.

sive actu videndi, singulare, clārum, & distinctum erat ; id ipsum mox remoto visibili (clausis nimirum oculis) in phantasiā abstractum, vel in memoriam reservatum, obscurum & indistinctum apparet ; neque amplius ut singulare, sed ut commune quiddam, & universale apprehenditur.

Subtilitatem hanc Seneca, ad mentem Platōnis, verbis disertissimis explicuit. *Idea*, inquit, est eorum, quæ naturā fiunt, exemplar aeternum. Adjiciam definitioni interpretationem, quò tibi res apertior fiat. Volo imaginem tuam facere : exemplar picturæ te habeo, ex quo capit aliquem habitum mens, quem operi suo imponat. Ita illa quæ me docet & instruit facies, à quâ petitur imitatio, Idea est. Paucisque interpositis ait : Paulò antè pictoris imagine ntebar : ille, cum reddere Virgilium coloribus vellet, ipsum intuebatur ; Idea erat Virgilii facies, futuri operis exemplar : ex hac quod artifex trahit, & operi suo imposuit, id est. Quid intersit, quaris ? Alterum exemplar est, alterum forma ab exemplari sumpta, & operi imposta : alteram artifex imitatur, alteram facit. Habet aliquam faciem statuā ; hæc est Idos : Habet aliquam faciem exemplar ipsum, quod intuens opifex, statuam figuravit ; hæc Idea est. Etiannum aliam desideras distinctionem ? Idos in opere est ; Idea extra opus : nec tantum extra opus est, sed ante opus. Quæ enim priùs animadversa sunt, atque usu, sive consuetudine firmiter impressa manent in animo artificis, ea artēm ipsam, habiliūque effectivum constituunt : siquidē ars est ratio operis, in animo Artificis. Quo pacto igitur ars nobis advénit ; eodem omnino cognitio omnis & scientia acquiritur : nam ut ars circa facienda, ita scientia circa cognoscenda, est habitus : ut illa ab imitatione exemplarium ; ita hæc, à rerum naturalium cognitione procedit. Utriusque origo est sensus, & experientia ; cùm fieri nequeat, ut alterutri (nisi spectatis exemplaribus) recte insit vel ars, vel scientia. In utrisque differt id, quod in rebus sensibilibus speculamus ; à spectro ipso, quod in phantasiā, vel memoriā retinetur. Illud exemplar, Idea, formalis informans ; hoc, imitamentum, Idos, species abstracta. Illud res naturalis, ens reale ; hoc repræsentatio, sive similitudo,

## PRÆFATI<sup>O</sup>.

& ens rationis. Illud, circa rem singularem versatur, ipsumq;  
est singulare, & individuum: hoc, universale quid, & commu-  
ne. Illud, in omni artifice & scientie, est sensibile, clarus, &  
perfectius: hoc, intelligibile & obscurius. Quippe certiora  
nobis, & manifestiora, quæ à sensu percipiuntur, quām  
quæ ab intellectu; siquidem hæc ab iis proveniunt, & illu-  
strantur. Denique, sensibilia sunt per se, & priora: intelligi-  
bilia autem, posteriora, & ab illis orta; cū nobis nē inesse  
quidem possint, citra illorum opem. Quare, absque recto  
sensu<sup>s</sup> adminiculo, crebris observationibus, certaque expe-  
rientiā adhibito; de phantasmati & apparentiis mente no-  
strâ comprehensis, perperam judicabimus. In omni nempe  
disciplinā, diligens observatio requiritur; & sensus ipse sāpe  
consulendus est. Propriā, inquam, experientiā nitendum est,  
non alienā; quā sine, nemo idoneus ullius Philosophiæ  
naturalis disciplinæ auditor; aut de iis, quæ de generatione  
dicturus sum, æquus Judex fuerit; siquidem ista citra ex-  
perimentiam, & Anatomicam peritiam, haud melius in-  
tellexerit; quām cæcus natus, de colorum naturā, & di-  
scrimine; aut surdus, de sonis jūdicaverit. Quapro-  
pter (cordate Lector!) nolo mihi, de *Generatione anima-  
lium* scribenti, quicquam credas: ipsos oculos tuos mihi  
testes, & judices appello. Quoniam n. scientia omnis perfe-  
cta, iis principiis innititur, quæ ex sensu compertis originem  
ducunt; singulare curā nitendum, ut per frequentes anima-  
lium dissectiones, eadem perspecta & explorata habeas. Se-  
cū si feceris, opinionem quidem tumidam, & fluctuantem  
acquires; solidam autem, certāmque scientiam non ase-  
quēris. Quemadmodum iis usu venit, qui in sculptis  
pictisve tabulis, longinquas terras, atque urbes, vel corpo-  
ris humani partes interiores, sub falsā imagine intuen-  
tur. Atque hinc factum, ut luxuriante hoc ævo, plurimi  
sint scriptores, & sophistæ; pauci admodum sapientes, &  
Philosophi.

Atque hæc, velut in promulgationem, prælibare placuit; ut  
intelligas, quibus auxiliis fatus, & quo consilio ductus, ob-  
servationes has meas, & experimenta publici juris fecerim:  
utque

## PRÆFATI<sup>O</sup>.

utque ipsem, iisdem vestigiis insistens, non modo inter Aristotalem, & Galenum et quum judicium feras; sed, relictis argumentis, & verisimilibus conjecturis, ipsamque autopsiam amplectendo, plurima adhuc aliis incognita, & quidem præstantiora, reperias.

### De iisdem, ad mentem Aristotelis.

**N**ulla cognitio nobis innata est, ex sententiâ Aristotelis. Neque enim opinio, nec ars, nec intellectus, nec loquela, nec ratio ipsa, à naturâ, & ortu primo nobis insunt: sed omnia hæc in eorum censu habenda, quæ extrinsecus nobis secundum naturam adveniunt: Ut etiam qualitates, & habitus illi, qui spontanei existimantur, & in potestate nostrâ siti sunt; ut virtutes, & vitia, ob quæ homines vel laudantur, vel vituperantur, & puniuntur. Acquirenda igitur est cuiuslibet rei notitia. Quænam verò sint prima hujus cognitionis principia, non est hujus loci determinare.

Unde autem, & quomodo, ipsa notitia nobis adveniat, hic præmittere; non inutile fore arbitror; tum ad perfectiorem de generatione animalium intelligentiam, tum etiam ad tollendum dubium, quod ex Aristotelis sententiâ quis deduxerit. Hic enim omnem doctrinam, & disciplinam Analyt. post l. 1. c. 1. dianoëticam, ex antecedente cognitione fieri, afferit: 161.2. cap. Unde videatur sequi, aut nullam esse notitiam primam, ult. aut illam nobiscum nasci; quod prædictis est dissidenteum.

Dubium hoc postea ab ipsomet Aristotele solvitur; ubi modum, quomodo cognitio acquiratur, docet. Nam postquam cognitionem omnem certam, per syllogismum, & demonstrationem haberit docuerat; atque omnem syllogismum demonstrativum, ex primis principiis, veris, & necessariis constare, manifestum fecerat; tandem, qui modo principia nota fiant, & quis sit notificans habitus, inquirit; simul etiam, utrum habitus, cum non insint, ingenerentur; an, cum inessent, laterent? Non habemus (inquit) eos habitus; accidit enim ut eos

qui:

## PRÆFATIO.

qui habent cognitiones exquisitiores demonstratione, lateant. Si vero eos accipimus, cum antea non haberemus, quomodo notum faceremus, & disceremus ex non antecedente cognitione? Perspicuum igitur est, neque haberi, nec in ignorantibus, ac nullo habitu praeditis gigni posse. Quare necesse est, facultatem quandam haberi, non tamen talem, que his præstantior sit, tanquam exquisitor. Videtur autem hoc inesse omnibus animalibus: habent enim vim congenitam judicatiwam, quam appellant sensum. Cum autem sensus insit; in aliis animalibus, res sensu percepta manet, in aliis, non manet. In quibus igitur non manet; haec aut omnino, aut eorum quæ non manent, cognitionem non habent, extra rō sentire: alia vero cum sentiunt, unum quid in animâ retinent. Cum autem multa animalia hujusmodi sint, jam est discriben quoddam; adē ut in aliis ratio fiat ex hujusmodi rerum memoriam; in aliis, non fiat. Ex sensu igitur fit memoria, quemadmodum dicimus: ex memoria vero s̄aē ejusdem rei factā, fit experientia. (multæ enim numero memoria, sunt una experientia.) At vero ex experientiā, sive ex omni & universali quiescente in animâ (nimur, uno preter multa, quod in omnibus illis inest unum & idem) fit principium artis, & scientiæ: artis, si pertineat ad generationem; (viz. agenda, vel. efficienda;) Scientiæ, si pertineat ad id quod est (viz. cognitionem entis.) Itaque, nec insunt definiti habitus; nec fiunt ex aliis habitibus notioribus, sed ex sensu.

Quibus Aristotelis verbis clare constat; quo ordine cuiuslibet artis, aut scientiæ cognitione acquiratur. Nempe, ex sensu permanet sensatum: ex permanentiā sensati, fit memoria: ex multiplici memoriā, experientia: ab experientiā, ratio universalis, definitiones, & maxima, sive axiomata communia, cognitionis certissima principia, ex. gr. Idem, eidem, secundum idem, esse, & non esse, impossibile. Omnis affirmatio, vel negatio, aut vera est, aut falsa; & hujusmodi alia.

Quare, ut supra diximus, nulla perfecta cognitione, quæ nostra appellanda sit, nobis inest; nisi ab experienciā à nobis factā, & sensu nostro, aliquo modo proficiatur; vel saltem ab his examinetur, comprobetur, & super cognitionem

## PRÆFATIO.

tionem aliquam in nobis præexistentem firmissimè exstructa appareat. Quippe sine memoriâ, nulla sit experientia; quæ nihil aliud est, quam multiplicata memoria: similiter, memoria esse nequit, sine permansione sensati: & sensatum permanere non potest, in quo nunquam fuerit.

Elegantissimè iterum, ad eundem sensum, summus Philosophiæ Dictator: *Omnes homines naturâ scire desiderant.* Metaph. Signum autem est, sensuum dilectio: inter quos, praeceteris, visum eligimus; quia hic vel maximè nos cognoscere quicquam facit, multaque differentias manifestat. Naturâ itaque animalia sensum habentia sunt: à sensu vero quibusdam eorum non innascitur memoria, quibusdam autem innascitur. Et ob hoc, alia prudentia, alia disciplinarum capaciora sunt, quam illa quæ memorare non possunt. Prudentia quidem, absque eo quod discant; quaecunque scilicet audire sonos non possunt, ut apes, & si quod animalium genus simile est. Discunt autem quæcunque unâ cum memoriâ hunc quoque sensum habent. Cetera igitur phantasias ac memoriis vivunt; experientiâ vero parum participant. Humanum autem genus arte etiam ac ratiocinationibus. Fit autem ex memoriâ, experientia hominibus: multi etenim ejusdem rei memoria, uixi experientia vim efficiunt. Quare experientia penè simile quid scientie ac arti esse videtur. Per Apud Plat., experientiam autem ars & scientia hominibus efficitur. Experi- in Gorgia, entia enim (ut recte ait Polus) artem efficit, imperitia vero casum.

Quibus manifestè docet, non posse quempiam prudentem, aut scientem verè dici, qui non propriâ experientiâ (ex multiplice memoriâ, frequenti sensatione, atque observatione diligent acquisitâ) rem itâ prorsus sese habere intellexerit. Sine illâ enim, opinamur duntaxat, aut credimus: scientia autem talis, aliorum potius, quam nostra censenda est. Quare inepta prorsus, & erronea est, usitata hodie veritatis indagandæ methodus: dum plurimi sedulò inquirunt, non quid res sint, sed quid ab aliis dicantur: deductaque ex singularibus præmissis universali conclusione, factoque inde saxe perperam analogismo, verisimilia plerunque

## PRÆFATI.

plerumque ad nos, pro veris, transmittunt? Hinc factum, ut sciolí multi, & Sophistæ, aliorum inventa expilantes, eadem pàssim (ordine solummodo, verbisque immutatis, paucisque nullius momenti adjectis.) pro suis audacter venditent; Philosophiamque, (quam certam, & perspicuam esse oportuit) obscuram, intricatam, & confusam reddant. Qui enim Autorum verba legentes, rerum ipsarum imagines (eorum verbis comprehensas) sensibus propriis non abstrahunt, hi non veras Ideas, sed falsa Idola, & phantasmatia inania mente concipiunt; unde umbras quasdam & Chimæras sibi fingunt; totaque ipsorum theoria, sive contemplatio, (quam tamen scientiam arbitrantur) vigilantium insomnia, aut ægrotantis animi deliria repræsentat.

Insurro itaque in aurem tibi, (amicè Lector!) ut, quæcunque à nobis in hisce de *Generatione animalium* exercitationibus tractabuntur, ad exactam experientiæ trutinam pensites; fidemque iis non aliter adhibeas, nisi quatenus eadem indubitato sensuum testimonio firmissime stabiliri deprehenderis. Idem quoque suavit Aristoteles; qui, cùm de apibus pluscula egisset, tandem ait: *Generatio apum ita se habere videtur, tum ratione, tum etiam iis quæ in earum genere evenire visuntur. Non tamen satis adhuc explorata, quæ eveniant, habemus. Quod si quando satis cognita habebuntur, tunc sensui magis erit quam rationi credendum. Rationi etiam fides adhibenda est; si, quæ demonstrantur, cum iis rebus conveniunt, quæ sensu percipiuntur.*

De

*De Methodo in cognitione Generationis  
adhibendâ.*

Quoniam igitur in Generatione animalium (ut etiam in cæteris rebus omnibus, de quibus aliquid scire cupimus) inquisitio omnis à caussis petenda est, præsertim à materiali, & efficiente; visum est mihi, ad animalia perfecta retrospiciendo, (quibus nempe gradibus orta, & adulata fuerint) tanquam à metâ ad carceres, vestigia recolligere: ut tandem, cum ulterius non detur regressus, nos ad ipsa principia pèrvenisse constet: simûlque appareat, ex quâ materiali primâ, à quo efficiente principali, & quomodo ex iisdem procedat vis plastica: tum etiam, quos processus in hoc opere natura faciat. Materia enim prior, & remotior, auferendo, vel negando, (tanquam vestitu exuta) magis inclarescit; & quicquid in generatione priùs fit, id quasi materiale principium quoddam est posterioris. Ità, ex. gr. antequam homo vir evaderet, erat puer, (quippe ex puero in virum crevit:) antequam puer esset, fuit infans; antequam infans, embryo. Quærendum autem porrò, quidnam in utero materno fuerit, antequam embryo, sive foetus esset: Num tres bullæ? sive rudis, indigestaque moles? seminûmve permistorum conceptus, vel coagulum? sive aliud quippiam? prout ab Autoribus statutum est.

Similiter, antequam gallus, vel gallina perficitur, (perfictum autem animal dicitur, quod suî simile generare potest) pullus erat; ante quem pariter, in ovo, embryo sive fœtus cernitur: atque ante hunc, Hieronymus Fabricius ab Aquapendente, capitis, oculorum, & spinæ rudimenta observavit. Sed cum asserit, ossa priùs facta esse, quam musculos, cor, jecur, pulmones, omniâque præcordia; & interiora omnia, priùs exterioribus debere existere, contendit; rationibus potius nititur probabilibus, quam auptisiâ; & posthabito per dissectiones, sensuum iudicio;

## PRÆFATI.

ad ratiunculas è mechanicis petitas confugit : quod Anatomicum egregium minimè decuit. Hujus enim erat, oculorum bonâ fide enarrare , quid in ovo quotidie mutatum deprehenderit , antequam foetus in eodem perficeretur. Præsertim cùm ipsemet ex professo *de Generatione pulli ex ovo* historiam scripserit ; & , quid singulis diebus ageretur, picturis adumbraverit. Erat , inquam, tantè diligentiae consentaneum , quid in ovo priùs, simul, aut posterius fieret , ipso lensuum testimonio nos certiores facere: non autem, ad exemplum domûs, aut navis , de ordine partium, & formationis modo, opinionem, sive conjecturam umbratilem proponere.

Nos igitur ( secundùm methodum à nobis propositam ) primùm in ovo ; deinde in aliis quoque diversorum animalium conceptibus , quid priùs, & quid posterius à summo naturæ numine, cum providentiâ, & intellectu inimitabili , ordinéque admirabili constituatur , exponemus ; simùlque tandem, de materia prima ex quâ , & efficiente primo à quo , déque generationis ordine , & œconomia , quæ observata à nobis fuerint , enarrabimus : ut indè, de quacunque formaticis, & vegetantis animæ facultate , ex operibus ipsius ; de animæ naturâ, ex membris, sive organis , eorūque functionibus , aliquid certi intelligamus.

Non potuit quidem hoc fieri in omnibus animalibus ; tum, quòd aliquorum copia non suppeteret ; tum etiam, quòd quorundam subtilitas visus nostri aciem effugeret. Sufficiet igitur, quòd in quibusdam generibus, nobis notioribus, id præstiterimus ; ad quorum normam , reliquorum etiam animalium primordia reducantur.

Ea itaque elegimus, quæ fidem nobis in experiendo magis indubitatam redderent : animalia nempe majora, perfectiora, & quæ in potestate nostrâ sita essent. In majoribus enim, magis conspicua ; in perfectioribus, distincta magis ; & in iis, quæ in potestate nostrâ sunt, & nobiscum versantur, maximè obvia sunt omnia : ut fas sit,

(quoties

## PRÆFATI<sup>O</sup>.

( quoties libuerit ) eadem introspiciendo, observationes nostras ab incertis hæsitationibus expedire. Atque hujusmodi sunt, in oviparorum quidem genere, gallina, anser, columba, anas, pisces, crustata, testacea, mollia, ranae, serpentes; insecta, ut apes, vespæ, papilioes, bombyces: in viviparorum autem censu, oves, capræ, canes, feles, jumenta bisulca; &, præ cæteris, animalium omnium perfectissimus, homo ipse.

His perspectis, & cognitis, naturam animæ vegetativæ abstrusam contemplari; & in omnibus animalibus, generationis modum, ordinem, atque caussas intelligere licebit: quia cætera animalia omnia, cum jam dictis, aut eorum nonnullis, in eadem specie, aut genere conveniunt; & eodem generationis modo procreantur, vel saltem ad illa per analogiam referri possunt. Natura enim divina, & perfecta, in iisdem rebus semper sibi consona est. Et sicut opera ejus vel conveniunt, vel discrepant, (nempe aut genere, aut specie, aut proportione aliquâ) itâ & operatio ejusdem, (generatio scil. sive fabricatio) in iis, vel eadem, vel diversa est. Qui novum hoc, atque inusitatum iter ingreditur, & ex ingenti naturæ volumine, per dissectiones anatomicas, ac experimenta, veritatem inquirit, ei tanta observatorum copia, tamque peregrinâ facie se se offert; ut à se inventa, & observata explicare aliis ac describere difficultius possit, quam ipsimet eadem invenire laboriosum fuerat: adeò multa occurunt, quæ nomina desiderant, tantaque est rerum fœcunditas, & verborum egestas. Quod si per metaphoras ea explicare, & antiquis atque usitatis vocabulis, conceptus suos de nuper-repertis exprimeret; ea lectio haud melius, quam ænigmata, intelligeret, remq; ipsam, haud visam, neutquam assequeretur. Novis autem, fictisque appellationibus usus, sententiae suæ non tam facem adhibere, quam nubem offundere videatur. Scilicet, ignotum, per ignotius exponeret: majorēaque operam lector verborum interpretationi, quam rerum ipsarum intellectui impenderet. Ideoque rerum inexpertis, Aristoteles

## PRÆFATI<sup>O</sup>.

teles multis in locis obscurus creditur: & fortassis ob hanc caussam, *Fabricius ab Aquapendente* fabricam pulli in ovo picturis potius ostendere, quām verbis explicare maluit.

Quare, Lector benevole, nē ægrè feras, si in exornandā ovi historiā, & generationis pulli descriptione, novā methodo, & verbis aliquando insolitis usus fuerim: néve existimes, me vanæ gloriolæ studio potius innotescere, quām veris, & ex rerum naturâ depromptis observationibus, prodessere, maluisse. Id nē fieret, aliorum, qui in hoc negotio mihi facem prætulerunt, insisto vestigiis; eorūmque (quoad licuit) utor verbis. Præ cæteris autem, *Aristotelem* ex antiquis; ex recentioribus verò *Hieronymum Fabricium* ab *Aquapendente*, sequor; illum, tanquam *Ducem*; hunc, ut *Præmonstratorem*. Quemadmodum enim qui novas terras, & peregrina litora primi reperiunt, nova illis nomina imponunt, quæ apud posteros manere solent; ità quoque inventoribus rerum, primisque scriptoribus, rebus ab iis repertis impositio nominum bono jure debetur. Audiōque hic Galenum monentem, modò de rebus constet, de verbis non esse litigandum.

---

D E



# De Generatione.

*Ab ovo gallinaceo cur ducatur exordium.*

## Exercitatio I.

**H**ieronymus Fabricius ab Aquapendente (quem mihi, ut dixi, præmonstratorem constitui) initio libri sui de Formatione ovi & pulli, hæc habet: *Intentionis nostra est, de omni formatione fœtus agere; initio ab ea, quæ ab ovo procedit, desumpto. Hæc enim omnem aliam tractationem præcedere debet: tum quia ex hac Aristotelis opinionis intelligentia non difficuler elicetur, & habetur; tum quia tractatio formationis fœtus ex ovo amplissima est; & altera longè latior, & difficilior.*

Nos autem ab ovi historiâ exordiendum duximus, tum ob prædictas causas; tum etiam, quia indè certiora dogmata mutuamur, quæ (ut pote notiora nobis) quorumlibet animalium generationis contemplationi lucem afferant. Ova enim cùm parvo constent, omnique tempore, & loco in promptu sint; facile ex iis observatu est, quænam sint clara & distincta generationis primordia; quos in formatione progressus natura faciat; & quād admirabili providentiâ omnia in hoc opere gubernet.

Pergit Fabricius: *Amplissimam autem esse formationis fœtus ex ovis contemplationem, ex eo patet, quod maxima animalium pars ex ovis gignitur.*

D

Nam

## *Ab ovo gallinaceo cur ducatur exordium.*

Nam ut insecta ferme omnia, & imperfectiora omittam animalia, que ex ovo fieri, sensui appetet; ex perfectioribus quoque maxima pars ex ovis gignitur. Ad hunc censum refert penitata omnia; pisces quoque (præter sola cetacea) omnes; item crustacea, testacea, & mollia omnia; ex terrestribus, reptilia, multipedia, & serpentiæ omnia; atque, inter quadrupedia, omne lacertorum genus.

Nos autem asserimus, (ut ex dicendis constabit) omnia omnino animalia, etiam vivipara, atque hominem adçò ipsum ex' ovo proligni; primisque eorum conceptus, & quibus factus fuit, ova quedam esse; ut & semina plantarum omnium. Idcōq; non ineptè ab Empedocle dicitur, *Oviparum genus arboreum*. Habet itaque historia ovi fusiorem contemplationem; quod ex eâ generationis cuiuslibet modus elucescat.

*Arist. de  
gen. an. l. I.  
c. 20.*

Quare de eo primum dicemus, ubi, unde, & quomodo oriatur. Deinde, quo pacto, & ordine, quibusque gradibus, factus, sive pullus in ovo, & ex illo formetur, & perficiatur, dispiciemus.

Iterum Fabricius: *Animalium factus, alius ex ovo, alius ex semine, alius ex putri gignitur; unde alia ovipara, alia vivipara, alia ex putri, seu sponte naturæ nascentia, ἀντόματα Græcè dicuntur.*

Mihi verò hæc divisio minus placet; cum omnia animalia dici possint quadam modo ex ovo; & quadam modo ex semine oriri; & à partu potius, quam à primâ origine, ovipara, vivipara, sive vermapara dicantur; quoniam vel ovum, vel vermem, vel vivum animal pariunt. Item sponte nascentia dicuntur; non quod ex purendine oriunda sint; sed quod casu, naturæ sponte, & æquivocâ (ut aiunt) generatione, à parentibus sui dissimilibus proveniant. Quippe alia etiam animalia, ovum, aut vermem, tanquam conceptum suum & semen pariunt; ex quo postea, foris exposito, factum producunt: unde ovipara, aut vermapara appellantur. Vivipara autem dicuntur, quia conceptum, sive semen tardi intra se retinent & fovent, donec factus inde vivus, & formatus in lucem prodeat.

---

## *De generationis loco.*

### *Exercitatio. 2.*

**N**atura (inquit Fabricius) in primis de loco fuit sollicita; quem aut in animali, aut extra animal constituit: atque in animali, uterum esse volunt; extra verò, ovum: in utero quidem, ex semine, & sanguine; in ovo verò, ex iis, que in ipso consistunt, factus generationem molita est.

Quæcumque enim ex semine verè dicto procreantur, ea vel in eodem loco

loco & oriuntur, & perficiuntur; vel in diversis. *Vivipara omnia*, in ipso utero incunabula sua habent, & complementum: *Ovipara* autem, ut intra parentem prima ducunt exordia, & ovum fiunt; ita extra eam, in foetum perficiuntur. Et in horum numero, alia ovum eiusque intra se servant, donec maturum & perfectum fuerit; ut genus pennatorum, & quadrupedum oviparorum, ac serpentum. Alia verò semen adhuc imperfectum & immaturum excludunt; incrementum & perfectionem, sive maturitatem, foris acquisiturum: ut plura genera piscium, ranæ, item mollia, crustata, testacea, & cochleæ: quorum ova primum exposita, sunt veluti origines duntaxat, inceptio-nes, & vitelli; qui postea albumina sibi ipsis circumcirca induunt, tandemque alimentum sibi attrahentes, concoquentes, & apponentes, in perfectum semen, atque ovum evadunt. Talia quoq; sunt insectorum semina (vermes ab Aristotele dicta) quæ initio imperfectè edita, sibi viatum querunt, indéque nutriuntur & augentur, de erucâ in auri-ali; de ovo imperfecto, in perfectum ovum, & semen. Gallina autem, & reliqua omnia ovipara, perfectum ovum excludunt; unde, extra uterum, foetum generant. Ideoque *Aquapendens* duo generationis loca constituit; unum internum, nempe uterum; alterum externum, quem ovum dicit. Sed meliore jure, (m  a quidem sententia) ni-dum, sive repositorium, externum locum appellâset: in quo scilicet exclusum semen foyetur, maturatur, & in foetum perficitur. Ab hujus enim loci differentiâ, *oviparorum* generatio potissimum discriminatur. Et profectò res admiratione digna est, animalcula illa locum hunc tantâ providentiâ eligere; eundemque arte & ingenio haud imitabili fingere, fabricare, munire, & abscondere; adeò, ut inesse iis divinæ arræ particulam, (quod Poëta de apibus afferuit) confiteri necesse sit; & indoctam eorum artem, atq; sapientiam, mirari nobis potius, quam assequi concedatur.

---

De uteri Gallinæ parte superiore, sive ovario.

Exercitatio 3.

**U**terus gallinæ à Fabricio dividitur in superiore & inferiorem: Su-periorem, *Ovarium* nominat.

Locus ovarii positus est statim infra jecur ad spinam, supra arteriam magnam descendantem. Quo enim loco, in majoribus animalibus sanguineis, arteria cæliaca Mesenterium ingreditur, ad exortum nempe venarum

*De uteri Gallinae parte superiore, sive ovario.*

venarum emulgentium, vel paulò inferiùs; & quo loco cæteris animalibus sanguineis & viviparis vasorum præparantium, ad testiculos tendentium, exortus est; & ubi gallus suos testiculos gerit, ibi etiam gallinæ ovarium reperitur. Quædam enim animalia testiculos foris, alia intus ad lumbos gerunt; mediâ quasi ab origine præparantium intercapdine. Gallus verò ad ipsum eorundem exortum, suos habet: quasi ipsius genitura præparatione nullâ indigeret.

*Hist. en. l. 6. c. 2.* Aristoteles dicit, ad septum transversum ovum inchoari. Nos autem, inquit Fabricius, in respirationis tractatu, negavimus pennata septum obtainere. Solvitur dubium, pennata septo prorsus non destitui; quia membranam habent tenuem loco septi positam, quam Arist. cinctum, & septum appellavit: sed non habent septum, quod musculus sit, & ad respirationem conferat; ut alia animalia. Aristoteles autem musculum non agnovit,

Ità eodem halitu, culpam, quam summo Philosopho afflaverat, disflat: ipsemēt verò erroris haud immunis. Quippe certum est, & Aristotelem musculos agnoscisse; (ut alibi à nobis observatum, & demonstratum est) & membranas in avibus, (non modò transversim positas ad cinctum corporis, sed & secundum ventris longitudinem protensas) vicem diaphragmatis subire, & ad respirationem conferre; ut alibi in exercitationibus de respiratione animalium luculenter probavimus. Et, ut alia nunc taceam, avis, præ cæteris animalibus, non modò facillimè respirat, sed vocem etiam in cantu diversimodè modulatur: cum tamen ejus pulmones lateribus & costis adeò affixi sint, ut parùm admodum dilatari, assurgere, & contrahi possint.

Quin etiam (quod tamen à nemine hactenus observatum memini) earum bronchie, sive asperæ arteriæ fines in abdomen perforantur, aëremque inspiratum intra cavitates illarum membranarum recondunt. Quemadmodum pisces, & serpentes intra amplas vesicas in abdomen positas, eundem attrahunt, & reservant; eoque facilius natare existimantur: & ut ranæ, ac busones, cum æstate vehementius respirant, aëris plus solito in vesiculas numerosissimas absorbent, (unde earum tam ingens tumor) quò eundem postea in coaxatione liberaliter expirant: Ità in pennatis, pulmones potius transitus, & via ad respirationem videntur, quam hujus adæquatum organum. Quod si à Fabricio observatum esset, non negasset, membranas illas (saltē cum muscularum ventris adminiculo) respirationi inservire, & diaphragmatis officium præstare: cum hoc non sine muscularum ventris adminiculo, instrumentum respiratorium sit; aliudque ei munus incumbat in iis, quibus carnosum sive musculosum contigit. Nimirum, ut ventriculum cibo turgidum, & intestina fæcibus flatuque distenta deprimit; nè cor, & pulmones ab eorum ingressu patiantur angustias, vitæque penetralia opprimantur. Cujus periculi cum in avibus nullus sit metus, septum membraneum iis donatum est; respirationis usibus valde accom-

accommiodum : ideoque *diaphragma* habere meritò dicuntur. Quinetiam licet aves diaphragmate penitus destituerentur, non propterea tamen reprehendendus foret Aristoteles, dum ova ad *septum transversum* inchoari scribit : quippe hoc nomine locum duntaxat designat, ubi *diaphragma* in aliis animalibus reperiri solet. Quemadmodum nos etiam dicimus, *ovarium* esse ad exortum vasorum spermaticorum præparantium ; licet *gallina* vasis his præparantibus careat.

Perforatio pulmonum, à me inventa (cujus modò memini) haud obscura, & cæxa est ; sed, in *pennatis* præsertim, patula admodum ; adeò ut in *Struthiocamelo* meatus plurimos repererim, qui digitorum meorum apices facilè exciperent. In *gallo Indico*, & *gallinaceo* ipso, omnib[us]que ferè *pennatis*, immisso in *tracheam* *stylo*, transitus è pulmonibus in cavitates abdominis apertos & patentes invenias. Aër in eorum pulmones folium operā inspiratus, non sine impetu ad inferiora pertransit.

Imò verò dubitare liceat, an non in homine etiam, dum vivit, aër per dictos meatus, in thoracis cavitatem penetret. Quomodo enim aliter, empýicorum pus, & pleuriticorum extravenatus sanguis, illac effluant ? in vulneribus pectoris (illæsis etiam pulmonibus). aër per vulnus foras erumpat ? aut liquores in cavitatem pectoris injecti, cum sputo reddantur ? Verùm hac de re alibi, in *Exercitationibus nostris*, de respirationis caussis, organis, & usu, planè, plenéque dictum est.

Redeo ad *Ovarium*, & superiorem uteri gallinæ partem ; in quâ ovorum rudimenta inchoantur ; quæ initio (secundūm Arist.) minuta sunt, & candida ; adauata postea, lutea, & flava conspiciuntur.

Uterus *Fabricii* superior, revera nullus est, nisi postquam *gallina* concepit, & ovorum primordia in se habet ; quæ meritò congerient papularum dixeris. Ideoque rectissimè ait : *Superior matrix nūl aliud est, quām infinita propemodum vitellorum multitudo, quæ in uno velui acervo congregata conspicitur, rotunde figure, & cujusvis magnitudinis, in quā à minimo ad maximum ea intercedit differentia, quæ est à grano sinapis ad fructum ferè nucis juglandis, aut mespili.* Hec vitellorum multitudo simul quasi racematum apposita, collecta, & conjuncta est : ob quam caussam ego perpetuò vitellarium, aut potius vitellorum racemum appellabo ; quia uvarum racemo quām simillima est. Quod & Arist. de mollibus dixit, cùm ait : *De gen. an.* redundatique ova eorum glutino cohærentia ad speciem uve, Etenim sicuti in *l. 3. c. 8.* racemo, uve, seu acini sunt tum majores, tum minores, tum minimi, singuli suo pediolo appensi ; sic in proposito vitellorum racemo videre est.

At verò in piscibus, ranis, crustatis, & cochleis res aliter se habet. Hæc enim ova ejusdem omnia magnitudinis in se continent ; quæ foras emissæ, simul augmentur, perficiuntur, & foetus excludunt. In gallinæ autem ovario, reliquorūque oviparorum ferè omnium, varia admodum vitellorum incrementa cernuntur, à quantitate propemodum

invisibili, ad consummatam magnitudinem: licet ova gallinarum (non aliter, quam eorum, quæ ova sua omnia simul & concipiunt, & pariunt) in eodem nido fœtus suos ab incubationis fotu ferè simul excludant. In columbino tamen genere (quæ bina solùm ova uno nido reponunt, & incubant) observavi, omnia ova in ovario congesta, uniusmodi esse magnitudinis, præter bina illa cæteris longè majora, & jam ad descensum in secundum uterum parata. Ut in his numerosi fœtus proveniant, non partus multitudine, sed frequentia; singulis nempe mensibus. Similiter in piscibus cartilagineis; ut raiâ, pastinacâ, caniculâ &c. bina duntaxat ova simul maturantur, & utrinque à dextro & sinistro cornu descendantia, in utero inferiore foventur, excluduntq; fœtus vitales, (ut viviparis contingit;) in ovario tamen infinitus penè ovorum numerus, diversarumque magnitudinum reperitur; in raiâ supra centum numeravi.

Cæterorum autem oviparorum ova, foris, vel perficiuntur, ut piscium; vel concoquuntur, ut cochlearum, crustatorum, & aranearum. Et cochleæ quidem sua ova reponunt in spumâ; crustata. (ut squillæ, gammari, astaci) pannis adhærentia circumferunt; aranea vero, tanquam in sportulâ ex telâ suâ constructâ, secum gestat, & fovet. Scarabæus ova sua simo (pedibus posterioribus obvolvendo) circumcludit, & reponit. In iis autem omnibus, ovorum copia incredibilis cernitur. Pisces, duas quasi vesicas oblongas, sive folliculos naucti sunt: ut videre est in cyprino, halece, & violâ, (quam nostrates *Smeli* vocant) in quibus omnibus, ut nullus cernitur uterus, præter ovarium; ita hoc ovis aliquando adeò refertum est, ut reliqui corporis molem facile exsuperet.

Ex hujusmodi mugilum, & cyprinorum ovarii sale conditis, in massam coactis, fumoque induratis, fit edulii genus à Græcis & Italîs magnopere expertum (Botarcha ab his appellatum, à Græcis ἡ τάρχα, id est, ova salita) quale in ventre nostrorum beringorum infumatorum, & astacorum intus granulatim compactum, rubrumque reperitur. Quod ex Sturionum ovis salitis fit, Caviaro dicitur, & saponem nigrum refert; gulorum delitiæ.

In omnibus piscibus (quibus numerosa proles contingit) ovorum tanta copia generatur, ut tota ventris capacitas vix ea recenter concepta, multò mindis aucta, continere valeat. Ideoque in piscibus, præter Ovarium, nulla alia pars generationi dicata est. Horum enim ova foris incrementum sumunt, nec utero ad hanc rem opus est. Videturque ovarium hoc testiculis, aut vesicis seminalibus analogon: non solùm, quod eo in loco reperiatur, in quo maribus testiculi nasci solent; (nimisrum, testiculi in gallo siti sunt, ut diximus, juxta ingressum arteriaæ cæliacæ, prope cinctum corporis; ibidemque in gallina ovarium reperitur) sed etiam, quia in utroque piscium sexu, generationis tempore,

pore, duo folliculi per totum ventrem ducti, situ, figurâ, & magnitudine pares insunt; qui simul adauerti, replentur, in mare quidem, materiâ similari, spermaticâ, lacteâ (unde lac piscium dicitur;) in foemina verò, granulis innumeris, præ exiguitate visum effugientibus; adeò ut in conceptionis principio (propter arctam eorum compaginem) corpus similare, & tanquam maris lac regulate coagulatum, appareant: posteaq; tanquam minimæ arenulæ invicem intra folliculum cohærentes, videantur.

In minoribus avibus (quæ quotannis duntaxat semel, & pauciora ova pariunt) vix ovarium reperias: sed ubi in maribus testiculi siti sunt, ibi in foeminis, pro ovario, tres aut quatuor bullæ (pro numero scilicet ovorum, quorum sunt primordia) nec minus ipsis marium testiculis conspicuæ, inveniuntur.

In serpentum uteri cornibus, (quæ sunt instar vasorum spermaticorum in maribus) prima ovorum rudimenta, ceu totidem globuli filo adalligati, apparent: ut in mulierum armillis, vel coronâ precariâ, ex orbibus è succino consectis, fieri solet.

Quæ itaque in vitellario reperiuntur, non ova perfecta censenda sunt, sed horum primordia, sive rudimenta; quæ in racemo, eo ordine & magnitudine disposita sunt, ut gallinæ singulis diebus ad partum, priori succedat alterum. Nullum autem ovum in ovario cinctum est *albamine*, sed vitelli solùm reperiuntur; qui, prout è minimorum congerie sese extulerint, in ambitum producent, ut in fusiori spatio facilius amplientur. Ideoque *Fabricius* verè ait: *Vitelli in racemo maiores in circuitu sunt, minores in medio, ceu à majoribus circundati, denique minimi omnibus subjecti.* *Dum enim augescentes majorem molem acquirunt, à reliquis separantur: quod dum sit, singuli vitelli, præter tunicam propriam, aliam ab ovario mutuantur, quæ illos extrinsecus amplectitur, & fundamento, unde oriuntur, adnequit.* Quare à *Fabricio*, *pediolus* sive *pedunculus* nominatur; quod ejus operâ, ut fructus ex arbore, sic vitellus è racemo nutrimentum hauriat, & crescat. *Est enim hic pediolus nexus membranous cavatus, qui à racemi fundamento ad vitellum producitur; quem cùm contingit, dilatatur, & (perinde ac nervus opticus in oculo amplificatus) vitellum externâ tunicâ obducit.* Hunc fortè *Aristoteles* σόλον *De gen. anim.* ἐνφελῶσσιν, i. e. appendiculam umbilicalem, & veluti fistulam nuncupavit. *I. 3. c. 2.* *Pediolus* iste sectione multa vasa in vitellum dedit, per quem passim ramicantur.

Hæc quidem à *Fabricio* verè dicta sunt; sed fallitur, dum ait: *Tunica hæc, non quidem totum vitellum circundat, sed paulo illum ultra medianatem comprehendit;* perinde ut in glande operculum retrò appositum, calix appellatum: quo sit, ut exterior vitelli portio, à propositâ membranâ destituta, conspeciei sese offerat sine venis, & nudata appareat. *Ambit enim integrum vitellum;* sed in parte vitelli exteriori, à propriâ ejus tunicâ

## De Infundibulo.

non facile distinguitur, quod ambae tenuissimae sint. In parte autem posticâ, quâ vitellus racemi fundamento obvertitur, tunica hæc vitello non adhæret, nec in eum venulas spargit; sed, sacculi instar, solum amplectitur.

Singulis vitellis totidem tunicas ab eodem fundamento desumuntur. Quare locus iste, communis uterus censendus non est: cum nihil hic reperiatur præter *rareum*, sive acervum multorum diversæ magnitudinis ovorum ab eodem fundamento prodeuntium.

Fundamentum autem hoc, est corpus sui generis, ad pennati spinam obortum; venæ, & arteriæ magnæ adnexum; laxum, porosum, & fungosum; ut plurimos vitellos ex se producat, iisdemque tunicas largiatur: quæ postea, ad auctis vitellis, distenduntur; eoque sacculi instar, cum collo angustiore, ventre autem amplio, ambiunt: quemadmodum à *vitriarii* flatu ampullæ efformantur.

*Fabricius* porro: *Vitelli*, sicuti à *parvulo* initio incipiunt, ad milii seminis aut *sinapis* magnitudinem; & minui sunt ac candidi, ut dicit *Arist.* sic subinde paulatim increscunt; & ut ait *Arist.* lutei ac flavi efficiuntur, quoisque ad justam magnitudinem omnibus notam perveniant. Ego vero milii semine longè minores observavi; qui nemipe instar *papularum*, aut sudaminum, vel arenularum, (quales in piscium *Ovariis* reperiri dimisimus) propè visum effugerent; & illius loci membranarum veluti scabrities viderentur.

---

## De Infundibulo.

### Exercitatio 4.

**P**roxima uteri gallinæ pars *Infundibulum* à *Fabricio* nominatur. Est enim tanquam infundibulum, seu tuba, ab ovario (quod undique complectitur) deorsum tendens; sensimque latior facta, in superiorem uteri productionem terminatur. Infundibulum hoc vitellis (abruptis pedunculis) ex ovario in uterum secundum (ita à *Fabricio* censetur) descendantibus transitum præbet: estque similis vaginali tunice in scroto, membranâ tenuissimâ facilèque dilatabili constans, ut devolutos quotidie vitellos excipiat, & in dictum uterum deferat.

Cupis harum rerum specimen aliquod? Finge aninio pusillam plantam, cuius radices tuberosæ, vitellorum congeriem referant; & truncus, tubulum illum vaginalem: Ut plantæ illius stipites hyeme moriuntur, & evanescunt; ita similiter, ubi gallina ova parere desierit, integrum ovarium, cum infundibulo (ceu effecta) exarescunt, retrahuntur, & abolentur; reliquo duntaxat fundamento, radicimque indicio.

*Infundi-*

Infundibulum hoc, solummodo transitū officium præstare, vel ex eo constat, quod vitellus in eo hærens nunquam deprehendatur: sed quemadmodum testiculi interdum per vaginalē tunicam sursum repunt in inguina, & quibusdam animalibus (ut lepori, & talpæ) intra abdomen reconduntur; rursumque prodeunt, & descendunt; ita per infundibulum hoc, vitelli ab ovario in uterum delabuntur; vicemque illius infundibuli supplet (ut formam refert) quo liquores è vase in vas aliud strictioris orificii transfundimus.

De gallinæ uteri parte exteriore.

Exercitatio 4.

Fabricius descriptionem uteri, post ovarium prosequitur: adeoq; in inverso ordine, partis superioris, productionis uteri explanationem, ipsius uteri tractationi præmittit. Nimis etiam præcisè, sive determinatè, tres illi spiras assignat, harumque certas positiones constituit; quæ tamen incertæ sunt. Infundibuli quoque ibidem definitionem præpostere repetit.

Liceat igitur mihi, hic meam uteri gallinæ observationem, & historiam (quam, secundum methodum anatomicam commodiorem existimo) proponere, & ab exterioribus partibus introrsum (contraria quam fecit Aquapendens) procedere.

In deplumata gallinâ reperire est podicem, non (ut in cæteris animalibus) in orbem contractum, sed depresso orificio transversim scissum, & duobus labellis conniventem; quorum superius, alterum inferius intra se collectum tegit, & occultit. Superius istud labrum, seu velabrum, à radice Vropygii oritur; &, ut palpebra superior oculum, sic hoc tria pudendi orificia contegit; (nempe ani, uteri, & ureterum) quæ sub hoc velabro, tanquam *præputio*, retracta latent: quemadmodum in mulieris pudendo, intra cunni labra & nymphas, vulvæ, urinæque foramina absconduntur. Adeò ut, citra sectionem, aut violentiorem velabri illius in gallinâ retractionem, nec fæcum ab alvo, nec urinæ ex ureteribus, neque ovi ab utero exitus appareat. Ac propterea duo illa excrementa (urina nempe, & stercus) simul, tanquam è communi cloacâ, sursum elevato velabro, & nudato foramine, egeruntur. Similiter in coitu, gallina supervenienti gallo vulvam detegit, & accommodat: ut observavit Fabricius in gallinâ Indicâ, gallum appetente. Vidi egomet Struthionem foeminam, (cùm custos dorsum ejus leviter attre-

attractaret, quò libidinem accenderet) sese humi prosternere, velabrum attollere, vulvamque ostendere, & exporrigere; quam intuitus mas, illico æstro venereo percitus descendit; alteroque pede in terram defixo, altero dorsum succubantis premente, penem ingentem vibrans, (linguam bubulam crederes) subagittavit; multo cum utriusque murmure, & strepitu; capitibus saepe protensis, & reductis, aliisque gaudii indiciis. Neque hoc avibus proprium est, sed etiam aliis animalibus commune, quæ caudam submovendo, & genitalia exporrigendo, marium initui sese adaptant. Eundemque ferè usum, quem velabrum in gallinâ, in aliis cauda præstat; quâ nisi semotâ, vel elevatâ, nec excrementa prodiere, nec mares foeminas inire queant.

In cervis, danis, & dorcade, (ceu animalibus castioribus) tale pudicitiae tutamen, & velabrum *cuticulare*, vulvam, meatumque urinæ in foeminâ operit; quod attolli necesse est, priusquam mas penem immittere possit.

In caudatis etiam animalibus, sine caudæ sublevatione, partus non contingit: Imò verò & mulierum quoque partus, coccygem ungendo, eumque manu retrudendo obstetrics facilitant.

*Chirurgus* quidam, vir probus, mihique familiaris, ex Indiâ orientali redux, bonâ fide mihi narravit, in Insulae Borneæ locis à mari remotioribus & montosis, nasci hodie genus quoddam hominum caudatum, (ut olim alibi accidisse, apud Pausaniam legimus) è quibus ægræ captam virginem (sunt enim sylvicolæ) ipse vidit, cum caudâ carnosâ, crassâ, spithame longitudine intra clunes reflexâ, quâ anum & pudenda operiebat. Usque adeò velari ea loca natura voluit.

*Velabri* istius fabrica in gallinâ, est similis superioris palpebræ: ex cute nempe, membranâ carnosâ & musculosâ texitur; cum fibris à circumferentiâ undique ad centrum ducitis: ejusque interior superficies, ut palpebra & præputii, mollis est. Habet etiam in extremitate sui *tarsum* semicircularem, ad modum palpebræ: atque insuper, inter cutem & membranam carnosam, interstitium cartilaginosum, ab *uropygii* radice cum tarso falcato ad angulos rectos copulatum: (ut *vespertiliones*, intra membraneas alas quasi latitatem exiguum caudam habent) quâ fabricâ, ceu caudâ, velabrum hoc dicta pudendi foramina facilius detegere, & operire possit.

*Foraminu-*  
*la in gal-*  
*linæ podi-*  
*ce.* Sublato itaque, & resciſſo hoc velabro, *foramina* aliquot apparent; quorum alia conspicua, alia obscura sunt. Evidentiora quidem sunt ani, & vulvæ; exitus nempe excrementi, & introitus in uterum. Obscurâ autem, tum illud, per quod urina è renibus profuit; tum exiguum illud à *Fabricio* inventum, in quod gallus (ait ille

ille ) semen suum immittit. Quod tamen foramen , apud Aldrovandum Antonius Ulmus, diligens dissector, non agnovit ; nec quisquam alius, quòd sciam, præter Fabricium.

Foramina hæc omnia adeò sibi invicem vicina sunt , ut ferè in unam cavitatem concurrere videantur ; quam ( utpote stercore, & urinæ communem) cloacam liceat appellare : quòd in eâ, unâ cum alvi fæcibus , urina è renibus descendens commisceatur, donec simul egerantur. Per hanc quoque ovum in partu transiens , sibi viam parat.

Hujus cavitatis ea fabrica est , ac si in vesicam utrumque excrementum descenderet, & naturâ urinâ pro clystere naturali abutetur. Ideoque crassior paulò & rugosior, quàm intestinum, est : atque in egestione, & coitu, foras provolvitur, ( sublato, ut dixi, vellabro , quod ipsam tegit ) & tanquam interior intestini pars prolapsa , prominet : eodemque tempore, omnia foramina distinctè apparent ; quæ statim in ejus reductione, quasi in unam bursam collecta, reconduuntur.

Foramina magis conspicua, ( ani scilicet, & vulvæ ) contrarium Orificij usitum in pennatis omnibus, atque in aliis animalibus obtineri situant. In his enim pudendum, sive genitale foemineum, parte anteriore locatur , inter intestinum rectum, & vesicam : in illis autem exrementi exitus partem anteriorem possidet, atque inter ipsum & uropygium, introitus in matricem deprehenditur.

Foramen autem, in quod *Fabricius* putat gallum semen suum immittere, inter hoc vulvæ ostium, & uropygium cernitur. Ego vero talem ejus usum non agnosco : In pullis enim juvenculis vix reperitur ; in adultis autem promiscue inest, tam gallo, quàm galbinâ. Accedit, quòd foramen valde exiguum & obscurum fit , ut tantæ utilitatis non appareat : vix enim aciculam aut setam admittit, & in cavitatem cœcam terminatur : neque unquam potui humorem seminalem in eâ reperire ; quanquam *Fabricius* afferit, semen ibidem , tanquam in bursâ, per annum integrum reservari, omniâque interea ova inde fecundari : ut postea dicetur.

Insunt omnibus avibus, serpentibus, quadrupedibus oviparis, urinæ metuque etiam piscibus ( ut facile in *Cyprino* videre est ) renes, & ureters, per quos urina profluat : quod Aristotelem, aliisque hactenus Philosophos latuit. In avibus autem, & serpentibus, quibus fungosi pulmones sunt, parva cernitur urinæ copia ; quòd parùm admodum , & pitifando , bibant ; quare vesicâ urinariâ iis non est opus ; sed lotium ( ut diximus ) in communem alvum, sive cloacam, cum sicco exremento deponunt. In *Cyprino* tamen, aliisque quibusdam piscibus vesicam quoque urinariam deprehendi.

In gallinâ , ureters à renibus, ( qui ampli longique in dorso cavitate

## De gallinæ uteri parte exteriore.

cavitate locantur ) utrinque descendant, & in communem cavitatem, sive cloacam desinunt. Exitus autem eorum adeò obscurus est, & in cavitatis ipsius limine delitescens, ut forinsecus eum inventire, & stylum vel tenuissimum immittere, planè sit impossibile. Neque equidem nimirum ; quippe in omnibus, vel maximis animalibus, insertio ureterum prope vesicæ collum, adeò anfractuosa & obscura est, ut ( licet urina, & calculi aliquando per eos in vesicam delabantur ) nè flatuis quidem per easdem vias regredi, aut urina vi pelli queat. Contra autem, tum in avibus, tum in cœteris etiam animalibus, si stylus, vel seta deorsum per ureteres imbellatur, facile in communem cavitatem, aut vetricam, via appetitur.

In Struthione hæc omnia luculenter patent; in quo, præter communis cavitatis orificio exterius, quod velabrum tegebatur; aliud, intra anum, orificio rotundum, constrictum, & quasi sphinctere clausum reperi.

Verum, his omissis, quod ad propositum nostrum spectat, agamus.

### Orificio uteri

Orificio uteri, sive vulvæ; nimirum transitus ē communis cavitate in uterum gallinæ, est veluti protuberantia quædam mollis, laxa, rugosa, atque orbicularis; tanquam præputii extremitas clausa, aut vulvæ interioris cuiusdam tunicae prolapsus. Locatur autem (ut dixi) inter foramen ani, & uropygium; atque aliquantulum sinistrorum vergit; idque factum putat *Ulysses Aldrovandus*, ad commodiorem coitum, & faciliorem membra genitalia galli incursum. Ego verò sæpius observavi; gallinam, prout gallus eam à dextrâ aut sinistram parte concenderit, eò versùs podicem suum indifferenter flectere. In gallo penem non invenio, quem nec *Fabricius* reperire potuit: cum tamen in ansere, atque anate manifestissimè appareat. Ejus verò loco, in gallo orificio reperio, ( haud sécūs quām in gallina) minus tamen illud, & angustius; quemadmodum etiam in cygno, ansere, & anate idem conspicitur: anseris autem & anatis mentula (dum coeunt) ab hoc orificio protenditur.

In nigrâ anate, penem tantæ longitudinis vidi, ut absoluто coitu, humi pendente in sequens gallina, avidè eum (lumbricum, credo, arbitrata) mordicaret; faceréisque illius citius solito retractionem.

In Struthione mare, intra hoc pudendi orificio, tanquam in equi præputio, prægrandem glandem, & nervum rubicundum, forniæ & magnitudine linguae cervinæ, aut bubulæ minoris, reperi; quem in coitu rigidum & aliquantulum aduncum vibrare sæpius vidi; & in foeminæ vulvam inimissum, sine subagitatione ullâ, diutius tenere: perinde ac si clavo aliquo ambo in coitu colligati essent: dum interea temporis, capitis collique gesticulationibus (ut

(ut diximus) mirè perstreperent, (quasi Hymenæo annuissent,) ingentemque voluptatis sensum exprimerent.

Legi apud D. du Val Medicum doctissimum Rothomagensem, hermaproditum quendam chirurgis atque obstetricibus demandatuni fuisse, ut, num vir, an mulier esset, decernerent. Illi, inspectis genitalibus, mulierem esse judicabant: iussimque propterea est, ut sequioris sexus vestitu uteretur. Interea tamen mulierum amores sectari, virique officium præstare accusabatur. Hic tandem erumpente ex latenti præputio (tanquam ex locis muliebribus) mentula, vir evasit.

Vidi ipsem aliquando viri cuiusdam penem, introrsum adeò reductum (præterquam cum tentigine provocaretur) ut nihil in corruato præputio supra scrotum, præter summum glandis apicem prominere.

In equo aliisque quibusdam animalibus, ingens istius membra longitudo ex occulto porrigitur. In talpa etiam animali exiguo, inter cutem & abdominis musculos, magna penis retractio conspicitur: ejusque pariter femina longior & profundior vulva obtigit.

Gallo, (cui penis deest) idem, credo contingit, quod avibus minoribus; quæ celeriter, & affrictu dunataxat coitum perficiunt. Junctis nempe sèpius utrinque (galli & gallinæ) pudendorum orificiis, (quæ foras eversa protuberant, rigent, glandisque in motum tenduntur; præcipue vero maris, quod feminam exterius dunataxat lambit, non autem, ut arbitror, ingreditur;) ceu repetitis suaviis, non uno longiore initu, coitum celebrant.

In equorum, canum, felium, aliorumque coitu, femina mari penem obtendenti, pudendum rigidum, tenique accommodat. Quod etiam in avibus contingit, quæ cicures manum sibi imponi sinunt, venerèque turgentes, orthicum hoc protendunt; idemque renitens, ac duriusculum repertis, si digitum adnoveris.

Imò vero usque adeò libidinosa interdum aves sunt; ut, si dorsum earum manu solùm leviter tangas, statim procumbant, orificiumque uterinum nudent, & exporrigan; quod si blandè digito deriuferis, vago murmure, alarumque gesticulatione, gratam veneficis dulcedinem exprimunt. Quinetiam foemellas ova inde concipere, & Aristoteles auctor est, & ipsem in turdo, merulâ, alii que, ex Hist. m. l. 6. c. 2. pertus sumi: idque olim primùm fortuitò, meoque damno didici.

Pistacum nempe insignem, docteque garruluni, uxoris mea diu in delitiis habuit. Erat is adeò familiaris ut, quocunque vellet, liberè per ædes vagaretur; absente Dominam inquireret; inventæ hilari voce ad blandiretur; vocanti etiam responderet; advolaret; vellemque rostro, pedibuscque vicissim comprehendens; ad summum humerum

humerum scanderet; indéque per brachium descendens, super manum semper se fisteret: Iussus loqui, aut cantare, etiam noctu, & in tenebris, morem gesit. Sæpe ludibundus & lascivus sedentis gremium adibat; ubi caput sibi atrectari, dorsumque demulceri gesiebat; quassatisque alis, & blando strepitu summani animi sui laxitiam testabatur. Ego hæc omnia ab usitatâ pridem familiaritate & obsequio proficisci interpretabar: marem enim sum arbitratu, ob loquelæ, & cantus eximiam præstantiam.

Quippe, inter aves, fœmellæ raro cantillare, aut voce invicem provocare solent: sed mares solum suavi vocis modulamine fœmelas delinire, & ad veneris obsequium pellicere, animadvertisimus.

Hift.an.l.  
5.c.5.&  
l.6.c.2. Ideoque Aristoteles ait: *Perdices, si adversæ maribus steterint, ventusque inde affet ubi mares stant, concipiunt, & maritantur. Plerunque etiam voce marium utero ingravescunt, si gestiunt, ac libidine turgent. Volatu quoque supernè marium effici idem potest; videlicet dum mas ipse in feminam fætuscum spiritum dimitit. Quod verno præfertim tempore contingit: unde Poëta*

Vlrgil. 2.  
Georg.

*Vere tument terre, & genitalia semina poscunt.  
Tum pater omnipotens facundis imbribus æther  
Conjugis in gremium letæ descendit, & omnes  
Magnus alit, magno commissus corpore, fætus.  
Avia tum resonant avibus virgulta canoris;  
Et venerem certis repetunt armenta diebus.*

Non diu autem post blandas has contrectationes, Psitracus, qui multos jam annos sanus vixerat, ægrotavit; crebrisque tandem convulsionibus obortis, in Domine sue gremio, ubi toties luserat, animam plurimum desideratus expiravit. Dissecto itaque cadavere, (ut mortis caulam inquirerem) ovum ferè perfectum in utero reperio; sed, ob defectum maris, corruptum. Quemadmodum aviculis in caveis reclusis sæpe accidit, quæ maris consortium desiderant.

His, aliisque exemplis, inducor ut credam, gallum gallinaceum, & phasianum, non solum cantu suo fœmellis blandiri, sed eodem etiam ovorum conceptui conferre: noctu enim ad galli cantum, non nullæ ex assidentibus gallinis sese concutiunt, alas & capita quatientes; quasi horrore blando correptæ, à coitu gesticularentur.

Ornithol.  
l.20. pag.  
54. Avis quadam, quam cygnus altero tanto major, non ita pridem ex Java India orientalis insulâ in Hollandiam advecta est, quam Batavi Cassoware nominabant. Hujus iconeni Ulysses Aldrovandus exhibit, dicitque eam ab Indis, Eme appellari. Non est bisulca, ut Struthio, sed in singulis pedibus tres digitos habet; quorum

rini unus, calcari adeò longo, duro, & robusto armatur, ut facilè tabulam duos transversos digitos crassam calcitrando penetret; antrorsum autem ferit. Corpore quidem, cruribus, & femore Struthionem refert; rostrum autem latum (ut hic) non habet, sed teres & nigrum. Super caput, pro cristâ, cornu orbiculatum gerit extuberans: linguâ caret; quælibet oblatâ devorat; calculos nempe, carbones, etiam ignitos, & glaciei frusta, sine discriminâ: plumæ ipsi è singulis calamis binæ prodeunt, nigræ, breves, & exiles; ad naturam pilorum, sive lanuginis accedentes. Alas habet valdè exiguae, & mutilas. Animal est aspectu truculento, eique palearia rubra, & cœrulea, oblonga per collum descendunt.

Mansit hæc avis amplius annos septem, in Hollandiâ: eamque postea illustrissimus Mauritius Princeps Auriacus; serenissimo Regi nostro Jacobo, inter alia munera, dono misit; in cuius hortis supra quinquennium vixit. Postea autem, cum in eundem locum struthiones duo, mas & foemina, concedissent; eosque avis hæc Cassoware in proximis claustris (ubi separatim alebantur) sèpenumero coëntes audivisset, vidissetque; inopinatò prorsus (sympathia, credo, cognati generis extimulata) ova concepit. Quotquot enim eam viderant, marem potius, ex armis & ornatu, quam fœminam judicabant. Ex his ovis, unum peperit integrum, quod aperui, & perfectum inveni; albumen nempe luteo circumfusum, cum chalazis sive grandinibus utrinque annexis, & cavitate exigua in obtuso cacumine; aderat etiam cicatricula, sive macula albicans; testa erat crassa, dura, & valida, quam (ablato vertice) in poculum efformari jussi; quemadmodum ex struthionum ovis calices effungi solent. Erat ovum hoc paulò, quam struthionum, minus; undique, ut dixi, perfectum; procul dubio tamen subventaneum, &, ob defectum maris, infœcundum. Matri verò, eodem tempore, quo ovum pepererat, mortem prædixi; idque ex sententiâ Aristote- lis, qui ait, *Aves morbo laborare, & interire, nisi pariant.* Quod Gen.an.1 etiam non multò post evénit; dissectoque cadavere, ovum imperfe- 3. ctum & corruptum in superiore uteri parte, mortem præmaturam (ut prius in plittaco, aliisque avibus observaveram) attulisse, compri.

Plurimæ itaque aves, quanto salaciores, tanto etiam fœcundiores sunt; & aliquando sine mære, (ob pabuli ubertatem, vel alia aliquâ de causâ) ova concipiunt: raro autem, citra ejus operam, ea vel perficiunt, vel pariunt; sed morbis inde potius gravioribus tenentur, tandemque intereunt. Gallina verò non solum ova concipit, sed & parit etiam, eaque perfecta; at hypenemia, & infœcunda. Similiter, insecta plurima, (in quorum censu bombyces, & papilio- nes sunt) ova concipiunt, & pariunt, absque maris congreßu, (ut etiam pisces) sed irrita, & subventanea. Quasi

Quasi in hujusmodi animalibus, ova concipere, perinde foret, ac in puellâ uterum incalescere, menstrua profluere, fratrare ubera, & ( ut paucis dicam ) viro maturam esse : quo si privetur diutiùs, symptomatibus gravioribus ( hysterics nempe, aut furore uterino ) corripitur ; vel in cachexiam, aliásque varias ægritudines delabitur. Omnia siquidem animalia, cupidinis œstro percita, ferociunt ; & nisi se invicem fruantur, plurimū tandem à consuetis moribus recedunt. Ità mulieres quædam insaniunt præ desiderio consuēcendi cum viris ; & in nonnullis usque adeò sævit hoc malum, ut vel veneficio astflatæ, vel sideratæ, aut à cacodæmone obseßæ judicentur. Idque sèpius continget, nisi proba educa-tio, bonæ famæ reverentia, & innata huic sexui verecundia, inor-dinatos hosce animi impetus compescerent.

*De Gallinæ Vulvâ.*

## Exercitatio 5.

**A**B orificio uterino exteriori, ad interiora, & matricem, in quâ ovum perficitur, transitus est ; quem in aliis animalibus *vaginam* uteri, sive *vulvam* nominamus ; in quam mas penem suum in coitu ad matricem usque immittit. At verò in gallinâ, trajectus hic adeò implexus, & interioris suæ tunicæ laxitate rugosus est ; ut, licet è matrice foras facilis via pateat, atque ingens ovum illâc haud magno negotio prodeat ; ingredi tamen maris penem, seménque ejus interiorem uteri cavitatem subire, vix sit verisimile : nam neque stylo, nec setâ viam intus reperire potui ; nec *Fabri-cio* etiam aliquam invenire contigit. Imò verò, eodem teste, nè quidem inflatus aér, in uterum penetrat. Quæ causa, opinor, fuit, cur ille à partibus interioribus ad exteriōres progrediens, ovi historiam descripsérit. Quinetiam pensitatâ hac uteri fabricâ, negat, semen in uteri cavitatem pertingere, aut ullam ovi partem constituere. In quâ sententiâ ego etiam libens nomen meum pro-fiteor. Eninverò nihil in ovo secundo ( quod idem in subven-taneo non sit ) vel additum, vel mutatum reperias ; unde galli semen uterumi subintrâsse, atque ovum tetigisse constet. Quinetiam, licet sine galli congressu ova omnia irrita sint, & subventanea ; ejus tamen operâ ( etiam aliquandiu post coitum ), ova subsequen-tia, quorum necdum principium aut materia extat, fœcunda evadunt.

Pag. 30. *Fabricius*, ut modum explicet, quo galli semen ova fœcunda reddit,

reddit, hæc habet: Cùm in ovo semen non appareat, & tamen à gallo in uterum porrigitur; queritur, cur in uterum galli semen immittatur, si in ovum non ingreditur? Item, si in ovo non adest, quomodo ovum fæcundum ex galli semine, quod non habet, efficiatur? Mea opinio est, galli semen in uteri principium immisum, efficere totum uterum, & simul quoque omnes vitellos eò cadentes, ac totum denique ovum fæcundum: idque facere suā facultate, seu spiritali substanciali irradiante; eo modo, quo videamus, ex testibus, & semine alia quoque animalia fæcunda reddi. Si quis enim in memoriam revocaverit incredibilem illam transmutationem, quā animal exēciū afficitur, dum calorem, robur, & fæcunditatem in toto corpore amittit; facile id quod dicimus uni tantum gallinæ utero evenire concedet. Sed quodd omnino verū sit, virtutem fæcundandi tota ova, & quoque uterum à semine galli provenire, patet ex eo, quod mulieres agunt, quæ gallinam domi gallo destitutam babentes, eam per unum atque alterum diem alibi gallo committunt: ex hoc enim exiguo tempore succedit ovoidum omnium fæcunditas per totum illud anni tempus. Id quod Aristoteles confirmat: qui vult, quod cùm semel aves coierint, omnia ferè ova l. 3. c. 1. fæcunda habere perseverent. Porro seminis fæcundandi virtus, nè ullo pag. 38. modo exhalare possit, sed diutiū in utero consideraret, ac toti impertiretur; natura ipsum conclusit, reposuitque in cavitatem, quasi bursam, podici vicinam, & utero appensam, & ingressu tantum donatam, ut inibi diutiū semine detento, virtus ejusdem magis conservaretur, & universo communicearetur utero.

Ego verò experimenti prædicti veritate suspicabar; eoque magis, quod Philosophi verba malā fide recitata cernerem: neque enim is dixit, Aves, cùm semel coierunt, omnia ferè ova fæcunda habere perseverant; sed, omnia ferè ova habere perseverant: ubi Fabricius rō fæcunda, de suo addidit. Aliud autem est, aves ex coitu ova concipere; aliud, ova ex coitu fæcundari. Idque ex præcedentibus Aristotelis verbis clariū liquet, ubi ait: Omnino in avium genere, nè ea quidem ova, quæ per coitum oriuntur, possunt magna ex parte augeri, nisi coitus avis continuetur. Cujus rei causa est, quod, ut in mulieribus coitus maris detrabitur mensum excrementum (trahit enim humorem uterus testefactus, & meatus operiuntur) sic in avibus evenit, dum paulatim menstruum excrementum accedit, quod foras decidere non potest, quoniam parum est, & supernè ad cinclum continetur, sed in uterum ipsum collabitur. Hoc enim ovum augetur, sicut fetus viviparorum, eò quod per umbilicum affluit. Nam cùm semel aves coierunt, omnia ferè ova semper habere perseverant, sed parva admodum & imperfecta, ideoque infæcunda; siquidem perfectio ovi est, secundum esse. Si igitur, sine coitu avis continuato, nè ea quidem ova, quæ per coitum concepta sunt, augentur, siue (ut Fabricius interpretatus est) perficiuntur; multò minus fæcunda reddentur ea ova, quæ aves citra coitum habere perseverant.

Nè quis autem existimet, his verbis ( trahit enim uterus tepefactus, & meatus aperiuntur ) concludi, posse uterum attrahere semen galli intra cavitatem suam ; sciendum, à Philosopho non dici, uterum attrahere semen forinsecus ; sed in mulieribus per venas & meatus coitus calore apertos, è proprio corpore menstruum sanguinem attrabi ; & pariter in avibus, sanguinem ad uterum à continuato coitu tepefactum trahi, indéque ova augeri ; sicut fœtus viviparorum per umbilicum solent.

Quæ autem de cavitate illa, sive bursâ, adnectit, in qua, per annum integrum, semen galli hospitari autumat ; ea jam antè à nobis refutata sunt ; ubi, nullum semen in ea contineri, & gallo pariter ac gallinæ inesse, asseruimus.

Quamobrem, ut facile crediderim ( si, per fœcunditatem, plurimum & majorum ovorum proventum intelligamus ) pauperum muliercularum gallinas, ( quibus probabile est, deesse pabuli copiam ) nisi cum gallo assueverint, pauciora & minora ova parituras ; ( secundum illud Philosophi : Quod si semel cum gallo coierint, tum per totum annum ova majora, meliora, & numerosiora habere perseverabunt. In quem finem pabuli quoque abundantia, & bonitas, plurimum conducunt. ) gallinas tamen ex paucis cum gallo coitionibus, ova omnia per integrum anni spatium fœcunda parere, id inquam minus verisimile mihi videbatur. Nam si pauci coitus ad diurnam adeò generationem sufficerent ; Natura ( quæ nihil agit frustrâ ) mares in avium genere, minus salaces effecisset ; nec gallus toties quotidie gallinas suas, etiam invitas, ad coitum solicitaret.

Novimus, gallinam, quamprimum ova enixa nidum deserit, voce streperâ clamitare, gallumque ad coitum pellicere ; qui pariter elatâ & singultiente voce respondens, eam anxiè querit, inventâque subito comprimit : quod sanè, nisi procreandi caussâ, fieri natura noluisset.

*Phasianus* mas, in aviario detenus, adeò flagranti libidine æstuat ; ut, nisi complures fœmellas, ( ad minimum sex ) secum habuerit ; eas iterato sibi coitu male multet ; & fœcunditatem impedit potius, quam promoveat. Vidi aliquando fœmellam phasianum, à gallo simul concluso ( quem nec occultando fese, neque aufugiendo, evitare poterat ) adeò de classata, dorsisque ob frequentiores ejus insultus deplumem, ut tandem misericordis exagitata, præ morte deficeret. In eadem tamen dissectâ, ovorum nè rudimenta quidem inveni.

Observavi etiam anatem marem, conjugé carentem, & cum gallinis commorantem, tantâ libidine æstuarę, ut gallinam juvenculam quoquoversum per horas aliquot infectaretur, rostro vellicaret, tandemque in defatigatam insilierit, stuprumque pati coegerit.

Gallus

Gallus gallinaceus in prælio vñctor, non modò in superati con-juges, sed in ipsum viçtum quoque libidinem suam exerçet.

Similiter fœmellæ aliquæ in libidinem adeò proclives sunt, ut mares suos morsiunculis vellent, ( quasi in aurem veneris gaudia insuffrarent ) supersiliant, aliisque artibus ad coitum invitent : in quo numero sunt columbae, & palseres.

Non videtur igitur verisimile, paucas aliquot coitiones, principio anni celebratas, ovorum omnium, per integrum ejus decursum, sub-sequentium fœcunditati sufficere.

Ego tamen aliquando ( ut hic *Fabricio* patrocinium parem ) vernâ tempestate ( de coitûs fœcundantis tempore, & necessitate aliquid certi indagaturus ) gallinas duas à gallo seclusas per quatriduum detinui, quæ interea singulæ tria ova pepererant, non minùs aliis ovis prolificâ. Iterumque aliam gallinam seclusi, quæ decimo ab indè die ovum peperit ; aliudque die vicesimo, & utrumque fœcundum. Ut videatur, posse unum atque alterum coitum, integrum ra-cemum, omniâque illius anni ovi fœcunda reddere.

Dicam etiam, quod tunc temporis porrò observâram. Cùm u-tramque gallinam ( aliquandiu, ut dixi, seclusam ) gallo restituerem ; quarum altera ovo grava, altera recens enixa erat ; gallus huic ocyùs occurrit, eámque avide ter quatérve compressit : alteram verò circumibat sèpius, pedibûsque alas fricando salutare visus est, adven-tumque gratulari ; veruntamen ad priorem reversus, eam iterum, iterumque iniit, coitumque per vim repetit : neglectâ interea gravi-dâ, quam nullo modo ad venerem solicitabat. Mirabar ego, quibus indiciis ille internosceret, coitum huic profuturum, al-teri verò importunum fore. Profectò dictu haud adeò pronum est, quomodo vel visu, vel auditu, vel olfactu, mares ( etiam è longinquo ) intelligent, fœmellas cupidinis æstro percelli, coitumque appetere. Aliqui, etiamsi vocem illarum duntaxat audiant, vel lo-cum in quo minixerint, aut vestigia solùm olfacent, statim libi-dine accenduntur, easdémque ad coitum insestantur. Verum de hac re alibi, in tractatu de animalium amore, libidine, & coitu, universim erit dicendi locus. Jam ad propositum revertor.

## De Gallinæ, aliarumque avium ventre.

## Exercitatio 6.

**A**B orificio externo per vulvam, ad gallinæ uterum, sive matricem pervenimus; in qua ovum perficitur, albumine cingitur, & testa contegitur: de cuius situ, & positurâ antequam dicimus; nonnulla de ventris aviuni peculiari *anatome* huc afferenda, & prælibanda sunt. Observavi enim in pennis, ventriculum, intestina, aliisque viscera, aliter in imo eorum ventre sita & constituta esse, quam in pedestri animalium genere.

Aves ferè omnes duplicem ventriculum naestæ sunt; quorum alter *ingluvies*, alter *ventriculus* propriè dicitur. In priori, edulia ingesta reservantur, & præparantur; in posteriori conficiuntur, & in chylum transeunt: illum nostrates vocant, *the crop, or craw*; hunc, *the gisard*. In ingluvie aves grana integra devorata retinent; indeque, cum epotâ aquâ madefacta, macerata, atque emollita, in ventriculm postea transmittunt; ut ibidem molantur, & comminuantur. Cujus rei gratiâ, pennata ferè omnia arenulas, calculos, aliisque quedam duriora deglutiunt, & in ventriculo una cum cibariis servant; (dum interim in ingluvie nil tale reperitur) habentq; hunc ventriculum ex duobus crassissimis & robustissimis musculis (in minoribus avibus carnosis, aut ligamentosis) compactum; ut hoc modo, ceu duobus lapidibus molaribus, binis invicem cardinibus colligatis, molere cibaria, & pinsere possint; vicenque dentium molarium, quibus carent, calculi suppleant. Hoc pacto alimenta conficiunt, & chylificant; posteaque compressione facta (quemadmodum ex herbis, aut fructibus contulâ succum vel puliculam exprimere solemus) pars mollior, & liquidior sursum attollitur; eamque in principium intestinorum (quod in illis juxta ingressum gulæ, in ventriculi parte superiore coilocatur) transferunt. Id itâ fieri, in pluribus avium generibus appareat; in quorum ventriculis, si calculi, aliave duriora & aspera diutius permanerint, à continuo eorum motu adeò attrita & lavigata cernuntur, ut cibariorum attritioni inepta sint, ac propterea rejiciantur. Hinc aves, ~~am~~ calculos eligunt, linguâ probant; &, si nihil asperos senserint, rejiciunt. Hoc modo ferrum, argentum, & lapillos attritos, & propemodum absumptos in ventriculo *Struthionis* inveni, atque etiam in *Cassoware*. Ideoque vulgo creditur, eos ferrum concoquere, & eodem nutrir.

Falconibus

Falconibus, aquilis, aliisque avibus ex prædâ viventibus, si au-rem propè admoveris, dum ventriculus jejonus est; manifestos intus strepitus, lapillorum illuc ingestorum, invicemque collisorum, per-cipias. Neque enim falcons refrigerii causâ ( qui vulgaris Ac-cipitrariorum error est ) lapillos devorant, sed ut eorum operâ ci-bum comminuant: quemadmodum & aliæ aves, ( quibus molendo victui ventriculus carnosus obtigit ) in eundem finem, calculos, vel fabulum, vel quid aliud simile, deglutiant.

Avium igitur ventriculus, intra abdominis capacitatem, infra cor, pulmones, & jecur, situs est. *Ingluvies* autem extra corpus (ut plurimum) in infima colli parte, ad os jugale, hæret: in qua ciba-ria (ut dixi) emolliuntur solum, & preparantur; indéque pennata quædam cibum ita maceratum pullis suis regurgitant, eoque nutri-unt, ( quemadmodum quadrupedes, fœtus suos lacte alunt; ) ut vi-dere est in omni columbaceo genere, atque etiam *spermologis* illis, quos nos *Rooks* nominamus. Quinetiam apes è floribus collectum mel, & in ventriculo digestum, domum redeuntes, evomunt, & in propria alvearia recondunt: eodemque modo *crabrones*, & *vespæ* suos fœtus nutriti. Visa etiam est canis foemina cibos præmansos, & semicoctos catulis suis nutricandis revomere. Ut mindus mirum sit, foeminas pauperes, vietumque ostiatim quærentes, præ lactis ino-pia, infantes suos cibis, prius in ore suo præparatis & in pulpam re-dactis, alere.

Intestina in avibus, à parte ventriculi superiore ( ut diximus ) oriuntur; & secundum longitudinem sursum deorsumque ( non trans-versim, ut in nobis ) replicantur. Iisdemque statim sub corde, ad corporis præcincturam, ubi diaphragma ( quo aves destituuntur ) in quadrupedibus situm est, jecur amplum, & bipartitum, utrinque ( nam liene carent ) collocatum, hypochondria replet: infra jecur ventriculus positus est; cui subjacent intestinorum volumna, cum plurimis tenuibus membranis interjectis, aëre repletis; quippe in has, ut diximus, asperæ pulmonum arteriæ foraminibus hiulcis ape-riuntur. Renes ( qui ampli in avibus visuntur ) oblongi, & tan-quam ex globulis carneis compositi, nullisque cavitatibus prædicti, utrinque spinæ, & arteriæ, venæque magistraliæ descendentibz adjacent; & in ampla atque oblongâ ossis coxendicis cavitate sepulti jacent. Ex horum parte anteriore, secundum longitudinem, ureteres ad cloacam, & podicem ipsum extenduntur; ut serosum excrementum illuc à renibus deferant. Est autem in avibus hujus seri exigua quan-titas, quod illæ parum bibant, & earum nonnullæ ( nimurum aqui-læ ) nihil omnino. Nec separatim, ut in aliis animalibus, urina profluit; sed, ut diximus, in communem cloacam, alvi quoque faci-bus dicatam, ex ureteribus destillat; ut earuna etiam hoc pacto

exitum facilitet. Differt hoc lotium in avibus, atque in aliis animalibus: nam, cùm urinæ partes duæ sint, serosior una, & liquida; crassior autem altera, quæ in sanis hypostasis nominatur, & in urina jam refrigeratâ subsedit; aves (contrà quām vivipara animalia) majorem hujus copiam obtinent; eaque, ab altera, colore albo sive argenteo distinguitur; & non modò in cloacâ reperitur (ubi abundat) alvique fæces circunlinit, sed etiam in toto uretrum ductu; qui à renum tunicis, hac ipsâ albedine discernuntur. Nec solum in avibus crassior hæc materiâ à renibus descendens conspicitur; sed in serpentibus etiam, aliisque oviparis; præsertim iis, quorum ovum duriore cortice obducitur. Major quoque hujus, (quām serosæ, & tenuioris partis) copia: estque consistentiæ, inter crassam urinam & stercoraceum excrementum, mediæ; adeò, ut ureteres pertransiens, lac coagulatum, sive leviter densatum referat; forsique ejectum, citò facileque in crustam friabilem concrescat.

*De reliquarum uteri partium, in Gallina, situ,  
& fabricâ.*

*Exercitatio 7.*

**I**ntraventriculum, & jecur, ad spinam dorsi, ubi homini, cæterisque animalibus *pancreas* est; inter truncum *Portæ*, & *cavam* descendenter, ad exortum emulgentium, & vasorum spermaticorum præparantium, ubi arteria cœliacâ mesenterium petit; ibidem etiam in gallina, aliisque avibus, *ovarium*, & vitellorum racenus nascitur. Nempe ei, à parte anteriore, truncus *Portæ*, gula, & ventriculi orificium; à posteriore, vena cava, & arteria magna ad spinam dorsi descendens; supra, jecur; subtus autem, ventriculus adjacent. *Infundibulum* itaque tenuissimâ membranâ constans, ab ovario deorsum secundum dorsi longitudinem, inter illud & ventriculum, tendit. Et ab *Infundibulo*, (inter ventriculum, intestina, renes, & lumbos) processus uteri, sive pars ejus superior, cum multis revolutionibus & cellulis (ad figuram colli, & recti intestini in homine) in ipsum uterum descendit. Ipse autem uterus, processui huic continuus, infra ventriculum, inter lumbos, renes, & intestinum rectum, extremo abdominis loco, ad podicem situs est; adeò ut, cùm ovum albumine vestitum in eo continetur, deorsum tantopere decumbat, ut digitis facile, num molle, an durum, partuque vicinum id ovum sit, percipere liceat.

Uterus hic, in gallinâ, tum magnitudine, tum fabricâ varius conspicitur. Quippe in gallina gravidâ, aut nuper effœtâ, plurimùm differt ab eo, qui in gallinâ virgine, sive pullo reperitur: hujus enim uterus carnosus est, & rotundus, quasi bursa vacua; tantillæ cavitatis, ut vix fabam continendo sit; foris quidem lœvis est, intus autem plicis quibusdam secundùm longitudinem rugosus: primo intuitu, vesicam urinariam majusculam, aut ventriculum alterum parvum, facilè judices. In prægnante autem, & jam veneri maturâ, (quam ex rubicundo crista colore mulieres nôrunt) uterus multò auctior, & carnosior appetet; cum plicis majoribus, & crassioribus; ad magnitudinem illam, quam ovo excipiendo idoneam cernimus; qui sursum, secundùm spinæ ductum, longè protenditur, & ex multis loculamentis, sive cellulis (tanquam intestinum colon, ut dixi,) componitur, quæ ex uteri producti replicatione consituuntur. Pars hujus inferior, ut maxima, itâ crassissima & carnosissima est, pluribusque & majoribus plicis roborata; figura ejus interna ovalis cernitur, tanquam ovi *proplasma*. Ascendentem uteri portionem, sive productionem, ego processum nomino: *Fabri*cius, secundum utrum appellat, & ex tribus spiris seu flexionibus constare afferit: *Ulysses Aldrovandus*, uteri stomachum nuncupat. Sunt quidem, fateor, ut plurimùm tres spiræ; non est hoc tamen itâ perpetuum, quin (ut in colli cellulis contingit) natura interdum abludat.

Uterus iste, prout ascendit altius, itâ quoque sensim magis attenuatur & gracilescit, minoribusque & paucioribus plicis conflat; donec tandem in membranas (ealque tenuissimas) abiens, infundibulum constituit; quod ad cinctum corporis usque pertingens, totum ovarium complectitur.

Ideoq; *Fabri*cius, secundi uteri tres partes constituit; principium nemPag. 17. pe, medium, & finem: Principium inquit, in membranam tenuem mollissimamq; degererans, orificium latius efformat, quasi tubulum aut infundibulum representans. Altera pars (quam ego uteri processum nomino) spiris tribus transversis constans, albumini suppeditando inservit; & ad locum infimum & capacissimum protenditur, quem finem ejus uteri appellat, in quo chalazæ (inquit) dueaque membranae, & cortex efformantur.

Tota uteri substantia (præsertim circa plicas) tam in utero ipso, quam processu ejus, multis amplisque venis scatet: plures tamen sunt arteriarum ramuli, quam venarum.

Plicæ, quæ in parte Uteri interiore obliquæ, & transversæ apparent, carnoæ substantiæ sunt; & colore albissimo ac laetèo prædictæ, aquam lentam exsudant; ut tota interior superficies, tum uteri, tum processus ejus, multo quasi tenui albumine madeat; unde vitellus descendens augetur, circumpositoque paulatim albumine perficitur.

Uterum ovis privatum rarò reperies, sed vel in processùs spiris inhærens, vel in ipso utero contentum invenies. Si processum hunc vacuum inflaveris, ceu obliquis & contortus tubulus apparebit, & ad modum cochleæ, sive turbinis in fastigium assurgens : talisque est ex plicis & spiris uteri fabrica, qualem in vulva nuper observavimus ; ut licet nempe descendantì ovo via satè pateat ; tamen vix ullus retrorsum sit ( vel inflato aëri ) ad superiora transitus.

Processus uteri cum suis spiris, in effæta gallina ( ut diximus ) atque etiam in pullis juvenculis, adeò imminuitur, ut in tenuissimas membranas abeat, & planè aboleatur, nullumque ejus vestigium extet ; uti neque ovarii, aut infundibuli : solummodo ibidem ( tanquam racemi radix ) glandulosum quid, & spongiosum, quod in gallinis coctis dulce sapit, reperitur ; quemadmodum in viviparis ( præsertim juvenculis ) placenta, & thymus ; quos ideo nostrates the sweet-bread, id est, panem dulcem nominant.

Uterus, unà cum processu, membranæ operâ dorso alligatur ; quam propterea Fabricius Mesometrium vocat : quòd secundus uterus, unà cum hoc membranoso venosoque corpore, concinnè admodum intestinis, & suo mesenterio comparari possit. Nam ut hoc, intestina ; ità illud, processum oblongiorem à spina exortum firmat, & detinet ; nè loco motus, & implicatus, vitellorum transitum impeditat : sed liber, & aperitus, eosdem molliter excipiat. Per hoc mesometrium, plurima quoque vasa sanguine refertissima, in singulas uteri plicas ramifications. Est itaque ortu, substantiâ, fabricâ, usu, & officio mesenterio analogon. Quinetiam ab uteri fundo, secundum longitudinem, ligamentum ( instar tæniæ ) ad infundibulum usque protenditur, quale in superiore coli regione productum cernimus. Quasi portio quædam exterioris tunicæ tensa & contrafacta, ut reliquum processus in plicas & cellulas corrugetur. Ità scilicet intestino aliquo exempto, filoq; per longitudinem unius lateris traducto, & constricto, alterum ejus latus in rugosas cellulas efformabis.

Hujusmodi igitur est constitutio uteri in gallina fætante : carnosâ scilicet, ampla, in longum latumque ductilis, anfractuosa, spiris & convolutionibus à podice sursum, secundum dorsi spinam protensa, atque infundibulo continuata.

De

*De generatione Ovi.*

*Exercitatio 8.*

**V**itellus, in racemo, exigua duntaxat *papula* est; sensimque auctus, colorem & magnitudinem vitelli adipiscitur; indéque abruptus, per infundibulum descendit, & per spiras cellulásque processus devolutus, albumen induit: licet nullibi (quod rectè contra Aristotelem Fabricius observavit) utero adhæreat, nec per vasa umbilicalia augeatur; sed, ut piscium, vel ranarum ova, foris ex aqua albumina sibi parant, & circumvolvunt; vel, ut fabæ, ciceræ, cæteraque legumina, & frumenta, humore macerata intumescunt, indéque alimentum pullulanti ex sese germini acquirunt: ità similiiter ex dictis uteri plicis (tanquam ex ubere, aut placentâ uterinâ) albugineâ humiditate promanante, vitellus sibi (vegetativo, & inato, quo pollet, calore, & facultate) albumen quærit, & concoquit. Ideoque in plicis illis, & cavo uteri, liquor, albuminis saporem referens, copiosissimè abundat. Atque hoc pacto vitellus paulatim descendens, albumine cingitur, donec tandem, in extremo utero, membranis, testáque duriore assumptis, ad partum perficitur.

*De Ovi incremento, & exitu.*

*Exercitatio 9.*

**A**udiamus Fabricium: *Sicuti dicimus* (inquit) *ventriculi actio-* pag. 8:  
*nem esse chylificationem;* & *testium actionem, seminis generationem;*  
*quia in ventriculo chylus, in testibus semen comperiatur: sic ovariorum ge-*  
*nerationem esse pennatorum uteri actionem,* omnino asseveramus, quod ovum  
*inibi inveniatur.* Sed non est hec sola uterorum functio, ut patet; sed ea  
*quoque adnotatur, & enumeratur, nimirum ovi augmentum, quod ovo statim*  
*genito succedit, quoisque perfectum efficiatur, & justam magnitudinem adi-*  
*piscatur.* Etenim gallina non prius naturaliter ovum parit, quam perfectum  
*factum, & congruam magnitudinem adeptum fuerit.* Igitur uterorum actio,  
*tum ovi generatio, tum augmentum est: augmentum autem, nutritionem*  
G sup-

supponit, & includit. Sed cum generatio omnis a duobus perficiatur, vide-  
licet opifice, & materiam; agens in oorum procreatione nil aliud est, quam  
instrumenta, seu organa proposita, nemirum duplex uterus: materia vero  
nulla alia, quam sanguis.

Nos autem brevitati studentes, (omissis, ut oportet, altercati-  
nibus) ut facilè concedimus, uteri officium, & usum procreandis  
ovis destinatum esse; ita efficiens adæquatum (ut dici solet) & im-  
mediatum, in ovo ipso contineri asseveramus; ovumque, non ab  
utero, sed ab interno principio naturali, sibiique proprio, tum gene-  
rari, tnm augeri censemus; principiumque hoc a tota gallina pri-  
mum in vitellum inchoatum, primamve papulam profluere; quod  
deinde (ceu innatus calor, aut natura opifex) vitello inhærens,  
ipsum nutrit, augerque: quemadmodum, in unaquaque corporis  
parte, facultas quædam inest, qua ipsæ singillatim aluntur, & cre-  
scant.

Modum autem quod attinet, quo vitellus albumine augetur, A-  
*ristoteles videtur credidisse, in ovis, dum mollibus membranis obvolvum-  
l. 3. c. 2. tur, canalem umbilicalem in acuta ovi parte esse, (ubi ovi principium sta-  
tuit) per quem ageatur. Quam sententiam Fabricius reprehendit,*  
*Pag. II. negatque ullum talem canalem adesse, aut vitellum ullibi utero adhaerere:  
atque dubium de ejeci ovi appendicula diluit; dicendo, ovm augeri  
dupliciter, prout duplex est uterus, superior, & inferior; & ovi substantia  
duplex, vitellus, & albumen. Vitellus adaugetur vero argento, sangu-  
ine nempe, qui ad ipsum per venas porrigitur, dum adhuc vitellario appen-  
ditur. Albumen autem alio modo adaugetur, & accrescit, ac vitellus: eter-  
nus non per venas, neque per nutritionem, ut vitellus, incrementum susci-  
pit; sed per juxtapositionem vitello (dum per secundum uterum devolivit-  
tur) adhaerescit.*

Mea autem sententiâ, ovum ubique eodem modo augetur, quo  
vitellus in racemo; à principio nempe intrinseco concoquente: hoc  
solum discrimine, quod in racemo alimentum illi per vasâ defera-  
tur, in utero autem jam paratum inveniat, quod imbibat. Quippe  
in omni nutritione, & accretione, æqualiter necessaria est partium  
juxtapositio, & applicati alimenti concoctio ac distributio: neque  
hæc minùs, quam illa, vera nutritio censenda est: siquidem utraq;  
novi alimenti accessu, appositione, agglutinatione, atque transmu-  
tatione contingit. Nec minùs sanè ciceres vel fabæ, attracto per  
tunicas suas terræ humore, (quem veluti spongæ imbibunt) ve-  
rè nutrirí dicuntur; quam si eundem per venarum oscula admittent:  
& arbores corticibus suis rorem pluviasque absorbentes, aquæ  
verè aluntur, ac per radices solent. Verum de nutritionis modo,  
alibi plura annotavimus. Impræsentiarum nos alia difficultas tenet;  
nimirum an vitellus, dum albumen acquirit, separationem ejus ali-

quam,

quam, & distinctionem non faciat ; atque ita, dum augetur, pars quædam terrestrior in vitellum, seu medium ovi ( tanquam ad cœntrum , ut Aristoteles voluit ) subsidat ; pars alia levior eundem circumambiat. Inter vitellum enim, qui adhuc in racemo est, & eum qui in medio perfecti ovi reperitur, hoc maximè interest ; quod ille, quamvis luteo colore sit, consistentiâ tamen magis albumen referat ; & cocturâ, hujus instar, crassescat, compactus, viscidus, & in laminas fissilis sit : vitellus verò qui in ovi perfecti medio est, à coctione friabilis fiat, & consistentiæ magis terrestris, ( non crassæ, & glutinosæ, albuminis instar,) appearat.

## De Ovi Cortice.

## Exercitatio 10.

**T**Empestivum est, post declaratam ovi generationem, de ejus partibus, & differentiis agere. Componitur autem ovum ( inquit Fabricius ) ex vitello, albumine, chalazis duabus, tribus membranis, ( vi-  
delicet, unâ vitelli propriâ, duabus totius ovi communibus ) & demum cōrtice. Quibus duo addenda sunt, que verè ovi partibus annumerari non possunt ; alterum est, quædam exigua cavitas in obtusore ovi parte intus prope putamen efformata ; alterum, pere exiguum, albimque vestigium, quasi rotunda cicatricula vitelli superficiæ adnata. Quorum omnium historia exactissimæ nobis afferenda est, ab externis exordientibus. Ovi exterius operculum ( quod cortex, & putamen appellatur à Plinio ; ovi testa, à Quinto Sereno ; ) est integumentum durum, tenue, friabile, porosum, colore vario ; nimirum candido, pallido, rubro, maculato, & punctis distincto : videlicet gallinarum & columbarum, candido ; palustrum, pallido ; tinnunculi, rubro, ut minium ; pfasianorum, maculato, punctisque distincto, ut ait Aristoteles. Putamen De hist. an. non omnia ova sortita sunt : Etenim serpentium ova eo defituantur ; & gal-  
linæ aliquot solent ( raro tamen ) sine cortice ovum parere. Putamen hoc quanquam durum est, non tamen equaliter in omnibus partibus durum apparet ; sed durius ad ovi principium, & superiorem partem est. Ideoque Fa-  
bricius dubitandum ait, ex qua materia, & quo tempore, ovi testa gi-  
gnatur. Aristoteles enim & Plinius affirmant, corticem non intus gi- Hist. an. I. 6.  
gni, sed cum ovum edivum est ; & prout exit, ita ab aëre externo obdurari, c. 2. & gen.  
calore externo evaporante humorem. Idque factum, ait Arist. nè parenti an. I. 8.  
dolorem moveret, & facilius egrederetur. Quemadmodum ovum aceto L. 10. c. 52.  
emollitum, in vas stricti orificii facile intrudi dicitur. De gen. an.  
l. 3. c. 2.

Fabricius quidem huic opinioni diu adversabatur ; quod ovum duro  
cortice

cortice obductum intus reperisset; idemque mulieres quotidie experiantur, dum extra abdomen digitis ovi duritatem pertinentem, ut cognoscant, an gallina mox sit editura ovum, necne. Postea autem, cum acceperisset a mulieribus fide dignis, ovorum corticem in exitu ab aere obdurari, qui lenum quendam humorē exenti ovo circumfusum est vestigio exiccat, & cortici nondum exacte duro apponat, & induret; atque ipse tandem experientia id comprobasset: mutavit sententiam, putavitque, ovum cortice obductum, & constitutionem inter molle & durum adepium, jam in exitu statim impensis obdurari; concrecente circa putamen est vestigio, propter humoris evaporationem, (ut ait Arist.) viscosam ac tenaci quadam humiditate; cumqua madescens in tota superficie ovum nascitur, & recenti cortici adhaerens exsiccatur, obduraturque, frigido ambiente nonnihil interea conferente. Id quod facile inueberis (inquit) si gallinam domesticam domi habueris, & ovum ei in exitu dextre manu arripueris.

In hac Aristotelis sententia diu haeseram, donec me certa experientia contrarium docuit. Quippe compertum habeo, ovum in utero, ferè semper duro cortice obductum esse. Et aliquando vidi ovum, est gallina viva exemptum, atque etiamnum calens, sine cortice humiditate tenaci madescens; quod tamen ab humiditate illa circa putamen concrecente, aut evaporascente, (ut voluit Fabricius) nihil omnino obdurauerat, neque ab aere ambiente frigido permutabatur; sed mollitem, quam in utero habuerat, retinuit.

Visum est etiam a me ovum est gallina recens prognatum, per seque cortice incrustatum, cuticulam tamen membranosam, & molli super corticem inductam, vestitum; quae membrana ne quidem post ovi ortum concresebat. Vidi præterea ovum est gallina natum, undique testa obductum, præterquam in acuti culminis apice, ubi exigua mollesque quendam eminentia. (qualem forte Arist. proximilicet vestigio habuit) permansit.

*Fabricius* itaque mihi videtur a vero recessisse: neque enim ea dexteritate unquam fui, ut ovum in ipso exitu arripere, idque inter molle, & durum reperire potuerim. Et hoc fidenter astro, corticem intus, sive in utero, ex materiam ibidem oblatam confici; & non aliter, quam reliquas ovi partes, a formatrice eius facultate plasmari: eoque magis, quod viderim ovum peregrinum (*Fabricius centenium* vocat, & nostrates mulieres gallo adscribunt) crusta testum, intra aliud gallinæ ovum majus, perfectum, & cortice circumcire obductum, contineri. Ovum hoc *Serenissimo Regi Carolo*, Domino meo clementissimo, multis aliis coram, spectandum precepui. Eodemque anno in limone majore dissecto, limonem alterum perfectum, sed peregrinum, flavo cortice obductum reperi. Quod jam crebro in *Italia* contingere, audio.

Communis eorum error est, qui hodie philosophantur, querere varie-

varietatis partium caussas, ex diversâ materiâ, unde oriuntur. Itâ *Medici*, varias corporis partes, ex diversâ materiâ, vel sanguinis, vel spermatis, gigni & enutriri afferunt: nempe ex tenuiore materiâ, partes molles, ut carnem; ex duriore & crassiore, terrestres partes, ut ossa &c. Nos autem errorem hunc nimis pervulgatum, alibi refutavimus. Nec minus illi falluntur, qui ex atomis omnia componunt, ut *Democritus*; aut ex elementis, ut *Empedocles*. Quasi generatio nîl aliud foret, quam separatio, aut congregatio, aut dispositio rerum. Non est quidem negandum, ut liquid ex aliquo producatur, hæc quæ dicta sunt necessariò requiri; generatio tamen ipsa ab iis omnibus diversa est. In hac sententiâ *Aristotelem* reperio: atque ipsem postea docebo, ex eodem albumine (quod omnes factentur similiare esse, non autem ex diversis partibus compositum) singulas pulli partes, ossa, ungues, plumas, carnem, ceterisque omnes, procreari, & nutriti. Præterea, qui hoc modo philosophantes materialem duntaxat caussam assignant, & vel ex elementis sponte aut casu concurrentibus, vel ex atomis variè dispositis, caussas rerum naturalium deducunt; quod est in operibus naturæ, atque in generatione & nutritione animalium præcipuum, hanc attinunt: divinum nempe illud efficiens, & naturæ numen, (quod summâ arte, providentiâ, & sapientiâ operatur, omniaque in finem aliquem, sive boni alicuius gratiâ efficit) non agnoscunt; sed divino Architecto honorem derogant, qui non minore artificio, & providentiâ *corticem*, in ovi tutelam, exstruxit; quam ceteras omnes ovi particulas ex eadem materiâ, & per eandem facultatem formatrixem composuit.

Quanquam illa, quæ jam diximus, vera sunt (ovum scilicet etiamnum in utero existens, duro cortice muniri;) tantopere tamen apud me semper valuit *Aristotelis* autoritas, ut non temere ab illa recedendum putem; ideoque credam (quod etiam observationes meæ confirmant) huic corticis concretioni, aliquid in ipso ejus exitu ab ambiente aëre accedere; lentumque illum & lubricum humorem, (à quo, dum nascitur, madet) statim ab ejus exclusione indurari. Cortex enim, dum in utero est, multò tenuior, & transparens magis, ac laxe superficie conspicitur; edito autem jam ovo, crassior multò, minus translucidus, & superficie aspera (tanquam polline albissimo adperso, & nuper acrecente) appetet.

Liceat nobis, hic dum sumus, aliquantulum exspatiari.

In *Scotie* insulis orientalibus desertis, tanta omnis fere generis avium marinorum copia reperitur; ut, si, quæ à fide dignis accepi, retulero; verear, nè fabulas maiores narrare videar, quam quas autores varii, de *anseribus* *Scotici*: ex arborum quarundam fructibus, (quos nunquam viderunt) in mare delabentibus, prog-

natis, tradiderunt. Quæ ipse metu vidi, bonâ fide edisseram.

Est insula parva, *Scoti Basse* nominant, ( ex hac unâ Lector nosce omnes) non procul à littore in alto mari sita, abrupto & confrago so clivo editissima ; ( verius saxum ingens, sive scopulum dixeris ; ) haud amplius mille passuum circuitu amplitudo ejus clauditur. Hujus Insulae superficies, ( mensibus *Maio*, & *Junio*) nidis, ovis, pullisque propemodum tota instrata est ; adeò, ut vix uspiam, præ eorum copiâ, pedem liberè ponere liceat : tantâq; super-volitantiū turba, ut ( nubium instar ) solem, cœlumque auferant ; tantisque vociferantium clangor & strepitus, ut propè alloquentes vix audias. Si subjectum mare, indè, ( tanquam ex editâ turri, & altissimo præcipitio ) despexeris ; idem quoquoversum infinitis diversorum generum avibus natantibus, prædæque inhiantibus operatum videas. Quemadmodum, verno tempore, stagna alicubi ranis refertissima cernuntur : & aprici colles, montesque acclives frequen-tissimis ovium caprarumque gregibus obseSSI eminus spectantur. Si circumnavigando imminentem clivum suspicere libuerit, videas in singulis prærupti loci crepidinibus, & recessibus, avium cuiuslibet generis & magnitudinis ordines innumerabiles ; plures sanè, quam illuni nocte, & sereno cœlo stellæ conspiciuntur : si advolantes, avolantesque eminus adspexeris, apum profectò ingens examen credas. Haud facile dixerim, quantus reditus quotannis ex plumis, & nidorum ( foco utilium ) reliquiis, ovorumque coctorum commercio possessori accedat : adeò, quod ipse mihi narravit, fidem exsuperat. Hoc unum, quod ad propositum nostrum proprius spectat, potissimum mihi memorabile videtur ; estque præfata multitudinis clarum indicium. Tota hæc Insula adventantibus candido nitore micat ; clivique, tanquam ex albissima cretâ, fulgent ; saxi tamen nativus color obscurus, & niger est. Insulam albam & splendentem reddit crusta ei adhærens albissima, friabilis, ejusdemque ( cum ovi cortice ) consistentia, coloris, & naturæ : adeò omnia ejus latera integumento duro, testaque albâ friabili superinductâ, trullissata sunt. Pars ima, quam reciproca maris unda quotidie abluit, nativo suo colore conspicua, luculenter docet, albedinem illam in summo fucatam esse, & à liquidis avium excrementis ( quæ cum alvi fæcibus elidunt ) proficiunt ; quibus, tanquam ovi testâ albâ, durâ, & friabili, saxum obtegunt & incrustant : eodemque modo, *Aristoteles* quoque, & *Plinius*, ovi testam fieri, voluerunt. Harum avium nullæ illius loci inquilini sunt ; sed pariendi caussâ advenæ, per aliquot duntaxat septimanas ibidem, tanquam in diversorio, morantur ; donec scilicet pulli unâ avolare possint. Tamen alba illa crusta adeò solida, firma, & profunda adhæret, ut genuinam illius soli naturam crederes.

Excrementum hoc liquidum, album, & lucidum, ex avium renibus cum urina per ureteres in communem cavitatem, seu cloacam, delabitur; fæces alvi ibidem cooperit, atque una prodit foras: estque crassior eorum urinæ pars, quam, in nostrâ, sedimentum, sive hypostasis nominamus. Nonnulla de hac re suprà diximus, atque eandem alibi pleniùs demonstravimus. Albi hujus exrementi copia ibi præsertim conspicua est, ubi accipitres stationibus suis terminos muros fæcibus illinunt, albedine gypseâ obducunt, & quasi cerussâ depingunt.

In struthionis mortui cloacâ, gypsei hujus cænienti eam copiam reperi, quæ manum integrani facile impleret. Similiter in testudine terrestri, cæterisque quadrupedibus oviparis, album hoc camentum abundat; forasque ejectum, evaporatione tenuioris partis, citò vel in crustam friabilem, aut in pollinem ovi testæ pulveratæ simillimum, concrescit.

Inter avium tam diversa genera (quæ ad Insulam dictam generandi caussâ advolant) tamque varios nidorum modos, in quibus ova incubant; una milii monstratur avis, quæ ovinum duntaxat singulare, sive unicum parit, idemque super cuiusdam lapidis acuti fastigium collocat, (nullo nido, aut conquistâ strue suppositâ) idque tam firmiter, ut mater abire, & redire, salvâ ovo, possit. Hoc autem si quis loco dimoveat, nullâ arte potestea stabiliri potest; quin indè devolutum, præceps in mare ruat. Locus nempe (ut dixi) camento albo incrustatur; ovumque cum nascitur, lenta & viscosa madet humiditate, quâ citò concrescente, tanquam ferrum quodam, substrato saxo agglutinatur.

Tam subitæ concretionis exemplum apud Statuarios videre est, qui ex alabastro calcinato, vel gypso aquâ temperato, cémentum liquidum efficiunt; quò ita applicito, defunctorum vultus, vel alterius cuiuslibet rei, etiam minutissimæ, simulacrum & imaginem excipiunt; eodemque mox indurecente, proplasmata concinnant.

Quemadmodum igitur in omnibus ferè liquoribus terreni aliiquid inest (ex gr. in vino, tartarum; in aquis, limus, aut sabuluni; in lixivio, sal; qui, humido magnam partem exhalante, concrescit & subsedit) ita pariter sedimentum album avium, una cum urina, è renibus in cloacam descendere arbitrabar, ovumque ibidem eodem oblini, & incrustari; ut pavimenta à falconibus, & prædictæ Insulae totum clivum gypsari diximus: & perinde atque vase, locaque alia ubi crebrò mingitur, flavo cortice tegi solent; materiâ illâ scilicet concrescente, ex qua calculi in renibus, vesicâ, aliisque corporis partibus generantur. Credebam, inquam, (præsertim Aristoteles, & Plinii autoritate ductus) ex hujusmodi albo sedimento, quod in omnibus oviparis, (quorum ova duro cortice integuntur) copiose

copiosè adeſt, ovi gallinacei corticem fieri, & ab ambiente frigore (dum excluditur) concrescere: Eandémque meam ſententiam, alia quoque plurimæ obſervationes adeò confirmârunt; ut vix mihi temperem, quin credam, aliquam ſaltem teſtae partem inde produci.

Veruntamen (ut rectè monet *Fabricius*) ratio omnis conticeſcat oportet, ubi experientia refragatur. Vitiūmque hujus ſeculi eſt nimis familiare; phantaſniata, ex conjecturâ, levique ratiocinio (ſine ocularum teſtimoniō) nata, pro manifeſta veritate obtrudere.

Mihi enim certò compertum eſt, ovum (ſaltem apud nos) in ipſo utero existens cortice integri: licet *Aristoteles*, & *Plinius* contrarium affirment, idque *Fabricius* quoque baud pertinaciter negandum putet. Forſitan locis calidioribus, & robustioribus gallinis, ovum molle & ſine teſta ut plurimum naſcitur; apud nos verò id rariſſime contingit. Ità mihi olim, *Venetiis* cùm eſſem, *Aromatarius Medicus* clarissimus oſtendit, inter utramque fæſeoli laminam, minutum folium efformatum; cùm tamen apud nos, in ſimilibus fæſeolis, duntaxat apex parvulus naſcituri germinis appareat. Tantopere ad fœcunditatē & celeriorem prouentum, cæli, ſoli, aërisque benignus tepor, & clementia conducent.

*De reliquis Ovi partibus.*

## Exercitatio II.

Pag. 22.  
Albumen.

**U**bi autem, quando, & quomodo reliquæ Ovi partes generentur, in historia uteri pātim jam diximus; partimq[ue] poſtea, ubi de earum utilitatibus agetur, dicemus.

Albumen (inquit *Fabricius*) ovi albus liquor, *Plinio*; ovi candidum, *Celso*; ovi albor, *Palladio*; ovi album, & albamentum, *Apicio*; Græcè λευκὸν; ab Arist. ὁὐκ λεύκωμα; ab Anaxagorā, ὄρνιθ γέλα, lac avium dicitur. Eſtique ovi liquor frigidus, lentus, albus, varius crassus, (nam ad obtusam, acutamque ovi partem liquidius, in aliis partibus crassius viftur;) & copiā, (copiōſor enim eſt ad obtusam ovi partem, minūs ad acutam, & adhuc minūs in cetera ovi parte;) vitellum undique obtegens, & cingens.

Ego verò in ovo gallinaceo non modò varium albumen obſervavi, ſed etiam duplex; utrumque propriâ membranâ involutum: alterum tenuius, liquidius, & ejusdem ferme conſistentiæ cum humore illo, quem ex uteri pliſis manantem, albuminis materiam & nutrimentum

mentrum diximus. Alterum albumen est crassius, & viscosius, paucum magis ad albedinem vergens; in vetustioribus autem & requietis ovis, post aliquot dierum incubationem, sufflavescens. Ut secundum hoc albumen, vitellum undique obtegit; ita liquor ille exterior, ipsum circumambit. Bina haec albumina distincta esse, vel hinc constat: Si, ablato cortice, membranam utranque proximam penetraveris; videbis alborem liquidum & exteriorem protinus effluere; iisdemque membranis hinc inde in patinam reclinatis, interius tamen & crassius albumen, locum, & figuram suam globosam servat; utpote membranam propriam, tenuique adeo, ut visum prorsus effugiat, terminatum; hanc autem si secueris, secundum albumen illico huc illuc sparsum effluit, & figuram rotundam amittit; perinde atque est vesicula secta humor in ea servatus prorumpit; & disrupta propriam vitelli membranam, liquor croceus egreditur, & globositas pristina subsidit.

*Vitellus* ( ait Fabricius) à vita dicitur, quod eo vivat pullus; dicitur *Vitellus*. quoque à colore, ovi luteum: Græcè, χειρόν; Hippocrati, χλωσόν; Ari- <sup>Pag. 23.</sup> stoteli, ωχέον, & λέκυθον: Antiqui ( ut Suidas ex Menandro) ρετόν, i. e. pullum appellavunt; quod existimarent ex eâ ovi parte pullum nasci. Est ovi liquor mollissimus, tenuissimam membranam obducens, quam abrupta effluit, neque amplius in se constans detinetur; in medio ovi consistens; colore modo luteo, modo inter flavum & pallidum medio; perfecte rotundus; magnitudine varius, pro pennatorum magnitudinis varietate, palustria enim plus lutei, terrestria plus albi habere scribit Arist. Hoc eodem autore, <sup>Hist. an. I. 6.</sup> luteum ovorum atque albumen contrariam naturam obtinent; non solum co- <sup>c. 2.</sup> lore, sed etiam potestate. Luteum enim à frigore densatur; albumen non densatur, sed magis liquefit. Contrà ab igni spissatur albumen, luteum non spissatur, sed molle permanet, nisi peruratur. Et elixando, quam asperando, plus concrescit, atque siccatur. Et quemadmodum in mundo majore, terra in centro posita, aqua & aëre circundatur; ita pariter vitellus, ovi pars terrestrior, duobus albuminibus, crassiore, & tenuiore ambitur. Imò vero, ( telte Aristotele ) si quis vitellos atque <sup>Hist. an.</sup> albumina multa exempta, inque patinam indita commiscuerit, atque elixâ- <sup>I. 6. c. 2.</sup> rit igne molliore remissioneque; lutea tota massa in medium coit orbiculare, <sup>De gen. an.</sup> alba autem huic circumfunditur. Medici autem plurimi, albumen esse <sup>I. 3. c. 1.</sup> partem ovi frigidorem statuunt. Sed de his posthæc, plura.

*Chalaze*, i. e. grandines ( Italis galladura, Anglis the treddle ) binæ *chalaze*: singulis ovis obtigerunt; altera in obtuso, altera in acuto angulo. Plus earum in albumine reperitur; vitello tamen validius adhaerent, ejusque membranæ appenduntur. Corpora sunt longiuscula, concreta magis quam albumen, & albidiora, nodosa, luciditatis cuiusdam non expertia, ut grando; unde illis nomen: constat enim qualibet chalaza pluribus quasi grandinibus albumine ad in vicem

invicem junctis. Earum altera major est, & longius à vitello versus obtusum ovi cacumen protenditur: altera minor, à vitello inferius versus partem ovi acutam porrigitur. Major ex duobus vel tribus nodis, quasi grandinis granis, globulisve conflatur; qui modico intervallo à se invicem distant; & minor ordine majori succedit.

In omnibus omnium avium ovis reperiuntur; fœcundis pariter, & subventaneis: idque in utroque eorum cacumine. Unde apparet vulgaris muliercularum error, existimantium, grandines esse galli sperma, atque ab ipsis pullum procreari. Atque ipsem *Fabricius*, licet neget eas ex galli semine constare; multis tamen rationibus contendit, eas immediatam esse materiam, quam gallus fœcunditate imbuat, & ex qua pullus corporetur: Idque hoc levi argumento, quod in coito ovo, chalazæ in se ipsas ita contrahantur, ut conceptus, sive pulli jam efformati ac geniti similitudinem referant. Verisimile tamen non est, plura futuri fœtus rudimenta in eodem ovo requiri: nec unquam quisquam, nisi in obtuso angulo, pulli primordium reperiit. Quinetiam dictæ chalazæ in ovis per coitum fœcundis, nullâ sensibili differentiâ ab iis discrepant, quæ in ovis irritis inveniuntur. Hallucinatus itaque est vir clarissimus circa *Grandinis* usum in ovo; idque postea ex dicendis clarius constabit.

Etiam in minimarum avicularum ovis, tenue filum, aut nervulus, chalazæ vestigium exhibet. In ovorum *Struthionis*, & *Cassoware* utroque cacumine, vidi chalazas crassissimas, longissimas, & albissimas, ex pluribus globulis magnitudine invicem cedentibus contortas.

*Cavitas.* Cavitas quedam exigua in obtusiore ovi parte, intus prope putamen conspicitur; quæ interdum in ipso fastigio sita est, interdum nonnihil ad latus inclinat, subjectæ chalazæ è directo respondens. Figurâ, ut plurimum, circulari est; in anate autem & anseri exactè circulum non refert. Hanc evidenter tanquam maculam obscuram cernere licet, si posito ex adverso lumine, impositaque transversim manu, in obscuro intuitus fueris. In ovo recentissimo exigua est, oculi humani pupillæ magnitudinem referens. Quotidie increscit, prout ovum requietum magis fuerit, & ambiens aër calidior. A prima statim incubationis die valde ampliatur: tanquam, parte aliquâ exterioris & liquidioris albuminis exhalante, reliqua contraheretur, & spatium amplius relinquatur: fit enim cavitas isthæc inter testam, membranâ succingente ibi loci destitutam, & membranam exteriorem universos ovi liquores amplectentem. Omnibus ovis inest: imò verò in utero adhuc remanente ovo, quamprimum cortice obtegitur, inveni; Aliunt harum rerum curiosi, si cavitas hæc in summo fastigio fuerit, ex ejusmodi

ovo nasciturum marem; fœminam autem, si versus latus deflexerit. Hoc sanè compertum est; cavitatem minimam, significare, ovum jam recens editum; contrà verò, quietum esse, si grandiuscula fuerit. Erit autem uberior postea de hac re dicendi locus,

Circulus albus, & perexiguus, vitelli tunicæ ( tanquam cicatri- *cicatricula*, cula quædani inusta ) adnascitur: quam ideo *Fabricius Cicatriculam* nominavit; sed parvi fecit, & potius ovi affectionem, quā partem ejus aliquam existimavit. *Macula* hæc perpusilla est, lenticulæ ferè magnitudine, aviculæ pupillam referens, alba, plana, & circularis. Oninibus quoque ovis ineſt; etiam à primis eorum origine in vi- tellario. Quare fallitur *Fabricius*; dum putat, hanc maculam esse duntaxat abrupti pedunculi vestigium; quo, in ovario, ipsi racemo appendebatur. Pedunculus enim ( ut ipſe agnoscit ) cavus est, & vitello appropinquans dilatatur, ut ipſum totum ambiat, & tanquam in ſacculo contineat; non autem illi ( ut pedioli pomorum, aliorūque fructuum ) infigitur, ut ita abruptus vestigium ſuī re linquat. Quòd si aliquando in magno vitello ( ut *Fabricius* refert ) duplēcēt maculam conſpexeris: cauſa monſtri forsitan fuerit, & duplēcati ſectūs, ( ut poſtea dicetur; ) non autem duplēcēt pedun- culi indicium. Plurimū verò hallucinatur, dum *cicatriculam* hanc nulli uſui inservire credit: eſt enim præcipua totius ovi pars, cuius gratiā reliquæ omnes efformantur, & ex qua pullus originem ſuam dicit. *Parisianus* quidem perperam hanc esse galli ſemen con tendit.

*De Ovorum differentiis.*

## Exercitatio 12.

**O**vum generaliter bifariam ſumitur; vel propriè, vel impropriè. *Ovum propriè* diſtum appello, cui ovi definitio ab Aristot. tradita, compe- *Hist. an.* tit: *Ovum* eſt, ex cuius parte animal gignitur, reliquum cibus ei, quod <sup>l. I. c. 5.</sup> gignitur, eſt. *Impropriè* verò diſtum ovum appello, quod ſimiliter Arist. *De gen. an.* eodem loco defirivit, ex quo toto animal nasciūr; ut ſint ova formica- <sup>l. I. c. 2.</sup> rum, muſcarum, aranearum, quorundam papilionum, & alia id genus per- pusilla admodum ova; que Arist. ferè perpetuò veritus eſt ovi voce nun- *Pag. 19.* cupare, ſed vermiculi nomine ipſa donavit. Hæc quidem *Fabricius*: nobis autem, ( qui de ovi gallinacei generatione præcipuè agimus ) omnium ovorum differentias hic universim tradere, non eſt animus; ſed gallinaceorum duntaxat diſſimilitudines, pro- ponere.

Ovorum  
differentia  
ab astate.

ponere. Ova igitur gallinacea, alia, sunt recentia; alia, requieta; illa, quam hæc, albidiora sunt; ætate quippe offuscantur, & præsertim ab incubatione: iisdem etiam cavitas in obtuso angulo exigua est: & si valde recentia fuerint, ab adhærente polline aliquantulum scabra sunt: requieta vero, ut cortice obscuriore, ita & levigato magis constant. Recentia (modò integra fuerint) prope ignem posita sudant; &, præ cæteris, jucundo sapore prædicta sunt, plurimumque in delitiis habentur. Imo vero, ova, post duorum aut trium dierum incubationem, suavius sapiunt, quam requieta: quasi blando gallinæ tempore denuo refocillata, ad naturam atque integratatem recentium reverterentur. Quinetiani, post diem decimum quartum, (cum jam pullus plumescere incipit, mediumpque ovi possidet, & vitellus ferè integer supereft) ovum in aquâ ebulliente ad duritiem coxi, ut pulli situm exquisitius dignoscerem; cuius posituram, instar proplasmatis, albuminis cavitas expressit: ejusque vitellum grati planè saporis, similisque suavitatis cum recenti ovo itidem indurato, reperi. Vitellus vivente adhuc gallinâ, à racemo diremptus, statimque comestus, dulcius sapit crudus, quam coctus.

A. Figura

Hist. an.  
l. 6. c. 2.  
l. 10. c. 52.  
l. 9. de rust.  
c. 5.  
Scalig. in  
locum.

Ovorum etiam à figurâ discriben est: alia enim aliis longiora sunt, & acuminata magis. Ex oblongis & acutis ovis (autore Aristotele) fæmine generantur: ex iis, que mucronem obtusum habent, mares. Plinius autem contrarium statuit; Fæminam edunt, inquit, que rotundiora gignuntur, reliqua mares. Cum eo etiam est Columella Cùm quis volet, inquit, quamplurimos mares excidi, longissima queque, & acutissima ova subiciat: & rursus, eam fæminas, quam rotundissima. Aristotelis sententia hanc causam habet: quoniam calidiora sunt rotundiora: est enim calor congregare & constituere; plusque is calor potest, qui plus operatur. A validiore igitur & perfectiore principio, robustius & perfectius animal exsurget. Tale est mas, fæmina (prælertim gallus gallinæ) comparatus. Contrà autem, minora ova inter imperfecta recensentur, & minima omnino improlifica habentur. Ideoque Aristoteles ad laudabilem ovorum proventum, frequentem galli coitum laudavit. Sterilia autem, & subventanea ova, minora esse asseruit, minusque sapida; quod talia sint humida, & imperfecta. Dicta autem differentia intelligenda est, de ovis ejusdem gallinæ: nam cum gallina qualibet similia semper ova pariat; mares inde omnes, vel fæminas produceret. Aliter si intellexeris, incerta valde fuerit, ex prædictis signis, de mare, aut fæminâ conjectura. Quippe variae gallinæ, ova edunt tum magnitudine, tum figurâ dissimilia: aliae nempe oblonga, aliae rotundiora, primumque à se invicem discrepantia. Licet enim aliquando in ejusdem

dem gallinæ ovis discriminem aliquod invenerim ; est tamen hoc adeò exiguum , ut , nisi valdè exercitatis , non innoteſcat . Cùm enim in eodem utero , ( in quo cortex adnascitur ) ceu proplasmate , ſingula ejusdem gallinæ ova figuram ſuam penè eandem acquirant ; ( quemadmodum in coli cellulis excrementorum ſcybala ) neceſſe eſt , ut magna inter illa reperiatur ſimilitudo ; adeò , ut ipſem non multo negotio , in parva gallinarum catervâ , quodnam cujuslibet gallinæ ovum eſſet , facile internoscere potuerim . Idque alii promptius præliterint , poſtquam huic rei diuturnam ac ſedulam operam impenderint . Profectò admiratione longè dignius eſt , quod in venatoribus quotidie experimur . Vivariorum custodes diligentiores , qui cervorum , vel damarum complurium curam habent ; ſi fortè cornua ſingulis annis decidua , in ſylvis aut saltibus repererint ; quorumnam cervorum ea fuerint , certiſſimè dignoſcunt . Erat paſtor ſolidus planè & infrunitus , qui ovium numerofum gregem curabat ; iſ ſingulas adeò internoverat , ut , ſi quæpiam abeſſet à grege , ( licet numerare nesciret ) nominatiū indi- caret quænam eſſet , à quo empta , aut unde veniſſet . Aliquando etiam , tentandi gratiā , inter quadraginta agnos ſimul in ovili conclusos , quem Dominus vellet , particulatim feligebat , & ad matrem in grege errantem deferebat . Venatores novimus , qui , ſi cervum aliquem , aut ejus cornua , ſemel duntaxat conſpicati eſſent , aut veſtigia ejus in luto vidiffent ; eundem poſtea , per eadem cornua , aut veſtigia , ( tanquam ex ungue leonem ) à cæteris omnibus certò diſtinguerent , atque internoscerent : quinetiam ex veſtigiis jam primū viſis , de ignoti cervi magnitudine , obſitatem , & vigore judicarent ; nempe , utrū viribus validus , an cursu deſatigatus eſſet ; ſimul , utrū mas , an foemina , diſcernerent . Di- cam adhuc amplius ; ſunt , qui in venatione , ubi quadraginta cir- citer canes feram inſequuntur , omnēſque ſimul elatis vocibus per- ſtrepunt , ſingulos tamen ( etiam eminus ) internoscant , atque auditi ſolo intelligent , quis eorum primus , quis posterior fit ; quis recto trāmite incedat , quis avius aberret : num fugiat fera ; an adſtet , & cornib⁹ repugnet : utrū longè præcurrat , an recens ē cubili fuſcita fuerit . Atque hæc omnia , in medio canum , ho- minum , cornuūmque ſtrepitū , & fragore ; idque in ignota , & ob- ſcurā ſylvā . Haud magnopere itaque mirabitur , ſi diutiū exer- citati , ſingula ova , à quanam gallina edita ſint , intelligent . Ulti- nam profectò aequæ in promptu eſſet , ex filio cognoscere genui- num patrem .

Præcipua autem ovorum differentia eſt , quod alia ſint ſecunda ; <sup>a ſecundi-</sup> alia , in ſecunda ; quæ etiam dicuntur impropria , irrita , hyperen- <sup>itate.</sup> mia , ſive ſubventanea , & Zephyria . Hypenemia dicuntur , quæ fine

maris coitu edita ad pullationem inepta sunt; quasi à vento progenerata forent: quemadmodum *Varro testatur*, *equas in Lusitania vento concipere*. Est enim Zephyri aura fœcundissima, indéque illi nomen, quasi *ξανθός*, vitam ferens. Ita enim *Virgilius*:

—Zephyrique tepentibus auris

*Laxant arva sinus, superat tener omnibus humor,*

*Parturit omnis ager, &c.*

Hinc antiqui, cùm verno tempore, flante hoc vento, viderent gallinas, citra maris operam, ova parere; *Zephyrum* eorundem procreationis autorem crediderunt. Sunt etiam ova urina & cynosura (quæ fiunt incubatione derelicta) sic dicta, quod diebus canicularibus ova sæpe putrescant, quia ob æstus nimios ab incubationibus gallinæ dœseruntur; vel etiam, quia eâ anni tempestate crebrò tonat. *Aristoteles* enim asseruit, *ova perire, si gallinæ incubante tonuerit.*

*Hist. an.*

*l. 6. c. 2.*

*Plin. l. 10.* Ova illa fœcunda censemuntur, quæ, (ablatis impedimentis extraneis) fotu blando de se pullos producunt. Quod non solùm fit à gallinæ, sive matris incubatione, sed & cujusvis alterius avis, (modo justæ magnitudinis fuerit, ut operiendo foveat, & proteget) aut alio quoconque blando calore. Nihilo enim feciūs (*inquit Aristoteles*) sponte suâ in terra, quam avium incubatu perficiuntur. Quemadmodum in Ægypto defodiunt in fimo terrâ obruto. Et Syracusis prodidere potatorem quendam, ovis sub stœra buono stratis tandiu potare solitum esse, dum ova excluderentur. Livia Imperatrix quoque fertur ovum tandem in gremio fovisse, donec ex eo fœtus redderetur. Hodie que in Ægypto, alibique, in clibanis sive hypocaustis, pulli ex ovis generantur. *Ovum* itaque (ut *Fabri cius* verè asserit) non modo pulli ute-  
rus, & locus est; sed id etiam à quo tota pulli generatio pendet; quam ovum perficit, ut agens, ut materia, ut instrumentum, ut locus, & ut alia, si quæ concurrunt.

*Pag. 19.*

Certum enim est, pullum ab interno in ovo principio efformari; nihilque ovo perfecto ab incubatione accedere, præter fotum & tutelam; quemadmodum nec gallina, pullis jam exclusis quicquam amplius tribuit, præter benignum calorem, & curam, quibus à frigore, & externis injuriis eos protegit, victumque facilem suppeditat. Desideratur igitur potissimum gallinæ incubatio, ut exclusos jam pullos huc illuc deducat, victum idoneum querat, & præparet, alarumque tempore foveat. Quod aliis artibus haud facile præstiteris. Capones, & hybridæ apud nos in vivariis ex phasiano & gallinæ geniti, ova quidem incubant, & excludunt; pullos tamen commodè deducere, curamque educationis sedulam præstare nesciunt.

Lubet hic mirari (de eâdem re postea uberioris disceptaturi) quantâ sedulitate

sedulitate & patientia, aves foeminae ferè omnes, dies noctesque totas nidis suis insidente, selseque macerent, ac præ fame propemodum enecent; quantisque periculis fere exponant, ut ova tueantur; quæ si aliquando coactæ tantillum reliquerint, hem! quanto ardore, & festinatione eadem repetunt, & operiunt? Anates, & anseres, interea dum paulisper absuerint, ova stramine tegunt, & occultant. Quâ verò magnanimitate, imbelles sæpe matres ova sua protegunt? quæ tamen fortassis subventanea, aut urina fuerint, aut etiam non sua; imò verò artificialia interdum ova, ex creta aut ebore efficta, pari animi fortitudine defendunt. Stupendus profectò avium amor erga ovum iners, & vitâ privatum; quod tantæ solicitudini nihil commodi, aut voluptatis retribuat. Quis non admiretur, affectum illum, aut furorem potius, glocientis gallinæ; qui extingui nequit, nisi aquâ frigidâ obruatur? Durante hoc animi impetu, cuncta negligit; & ceu furibunda, alas dimittit, dum hispidæ surriguntur plumæ; inquieta, & querula obambulat; alias gallinas nido deturbat; ova pañim quærit, quæ incubet; nec quiescit, donec aut illa naœta fuerit, aut pullos quos deducat; quos sanè miro zelo, & ardore convocat, foveat, pacit, & tuetur. Quàm lepidè risum movet gallina, dum suppositios anatis pullos (quos, pro suis, exclusit) in aqua natantes sequitur, locumque sæpe ambiens, cum periculo vadum tentat, invocat, mirisque artibus ad se pellicere satagit?

Ova sterilia pullos non excludunt, (autore Aristotele) quia humor eorum ob incubatione non crassescit, neque aut luteum, aut candidum à pristinâ naturâ immutatur. Verum de hac re postea in universali generationis contemplatione tractabimus.

Mulieres apud nos, ut ova cynosura & irrita, à fœcundis (quæ pullos intus formatos habent) internoscant; post decimum quartum, aut decimum sextum à primo incubatu diem, ova in aquam tepentem molliter demittunt: quæ fundum petunt, irrita habentur; fœcunda, quæ innatant. Si fœtus in ovo grandior factus se alacrius moverit, ovum non modò huc volutatur, sed & saltus edit. Et si aurem proprius admoveris per aliquot dies ante exclusiōnem, pullum intus calcitrare, obstrepere, & pippire audies. Similes turbas ubi gallina incubans in nido senserit, ova revolvit, & accommodat, (ut sedulæ matres inquietos & plorantes infantes in cunis solent) donec pulli, debitam posituram naœti, quieverint.

Gallinarum ova numero præterea distinguuntur. Alique enim à Numero, gallinæ (ait Philosophus) toto anno pariunt, præter menses brumales duos. Generose quedam, ante incubationis tempus, etiam sexagena pariunt. Quanquam he minis sunt fœconde, quam plebeie. Adrianicæ gallinæ parvæ sunt: quotidie pariunt: morosæ tamen sunt; & pullos interimunt sæpe.

sæpe suos; ac sunt versicolores. E domesticis nonnullæ etiam bis die pariunt. Jam verò etiam quedam ob ingentem fecunditatem brevi intérieur.

In Anglia, aliquæ gallinæ quotidie ovum pariunt: sed fertil iores ut plurimùm biduo continuè pàriunt; primum nempe ovum matutino tempore, secundum postridie sub vesperam; tertio autem die feriantur. Nonnullis quoque gallinis, ova sua rumpere, nidóisque deserere consuetudo est. Morbo-ne id fiat, an vitio, neandum constat.

*Ab incubatione.*

Ab incubatione etiam differentiæ capi queunt: siquidem aliæ semel, aliæ bis, tèrve, aliæ multoties incubant. Florentinus autor est, in *Alexandria illa*, quæ ad Ægyptum spectat gallinas quasdam *Monostyras* dici, ex quibus pugnaces oriantur galli, quæ bis aut ter incubent, post absolutionem scilicet pullis illis subtractis, seorsumque enutratis. Ità contingit, ut una gallina quadraginta, aut etiam sexaginta, & plures unico incubatu excludat.

*ab magnitudine.*

Pag. 10.

Sunt etiam quædam ova, majora; alia, minora; aliqua, etiam minima, quæ vulgo in *Italia centenina* dicuntur, & mulieres nostræ hodie (ut & olim) à gallo edita, & *Basiliscos* productura fabulantur. *Vulgus*, (inquit Fabricius) putat exiguum hoc ovum esse ultimum gallinarum, cum jam centum ova gallina pepererit; (unde centenium vocant) quod sine vitello est; habet tamen cætera, ut chalazis, albumen, membranas, & corticem. Verisimile enim est, tunc generari, cum vitelli omnes jam in ova migrarunt, neque amplius in vitellario aliquis supereft vitellus, qui in ovum evadere posse; ex altera tamen parte, albuminis adhuc modicum supereft: ex hoc enim modico credibile est, ovulum propositum creari. Mihi autem hoc minus verisimile videtur; quia certum est, absumpto toto ovario, uterum quoque secundum (itâ ab eo dictum) pariter extenuari, & in membranam flaccescere; nec quidquam albuminis, vel humiditatis in se continere. Addit Fabricius: Ovum centeninum duplex reperitur, alterum sine vitello, (et hoc verè centeninum dicitur) quod est ultimum à gallina emissum, cum quo gallina omnino cessat eo anni tempore ab ovis pariendis. Alterum est similiter pusillum ovum, quod vitellum habet, & non est ultimum à gallina editum, sed intermedium, & post illud gallina adhuc sequitur ova parere justæ magnitudinis, sicuti ante: sed deficit in magnitudine, propter diminutam facultatem vegetalem; sicuti accidit persico, & aliis plantis; quæ modo quidem plurima justæ magnitudinis, nonnulla autem perpusilla efficiuntur. Potuissest his accessere inclemantium coeli, & soli, atque alimenti penuriam, & pravitatem. Ultima autem ova semper perpusilla esse, non libenter concesserim.

*Aldrovanus  
dus ornithol.  
l. 14.  
Pag. 260.*

Nec desunt ovis sua monstra: Augures enim (ait Aristoteles) pro ostendo habebant, quando ova tota lutea nascuntur; vel ciam, discissa gallinâ, talia ova sub septo transverso, ubi fæminis ova adhærent, inventa sunt magnitudine ovi perfecti.

Huc

Huc quoque referri possunt ova gemellifica, quæ duobus vitellis prædicta sunt; quale nuper in utero gallinæ perfectum, testaque obiectum reperi, cum vitellis, cicatriculis, atque albuminibus crassioribus, omnibus geminis; aderant etiam quatuor chalazæ; albumen autem unius unicum duntaxat prædicta omnia circumambiebat; quod item membranæ duæ communes solum investiebant; & singulari cortice intengebatur. Enimvero licet Aristoteles dicat, gallinas aliquas ejusmodi semper ova parere; istuc tamen præter naturæ institutum non contingere, vix crediderim. Et quanvis ex istiusmodi ovis gemini pulli nascantur, (ut nobis compertum est, contrà quām arbitratur Fabricius, qui ait, ex tali ovo pullum procreari cum quatuor cruribus, duobusque capitibus, aut quatuor alijs: quia de re infra aliquid dicetur) non sunt tamen vitales, sed plerunque citò pereunt; idque vel ob loci atque aeris in cortice defectum, vel quod alter alteri impedimento sit, & nocumentum adferat: neque enim fieri potest, ut uterque exclusioni æquè paratus sit, & non alter eorum abortus fiat.

Ut breviter & summatim dicam: differentiæ ovorum sunt potissimum trium generum: alia nempe fœcunda sunt, alia irrita: alia marem, alia fœminam productura: alia ex cognati generis parentibus, alia ex diversis oriuntur, & hybridas pullos pariunt; qualia à gallina, & phasiano concipiuntur; & vel priorem, vel posteriorem inveniunt, marem referunt.

Quippe, auctore Aristotele, evum quid per coitum constitutum est, *Hist. an.*  
*l. 6. c. 23*  
transit è suo genere, in genus aliud; si prius coeat (que vel subventaneum, vel semine maris diversi conceptum fert) quām luteum in candum mutetur. Atque ita & hyperemia sunt facunda, & facunda suscipiunt maris formam, qui posterior inierit. Quod si jam in album facta sit mutatio, fieri non potest, ut vel subventanea in fœcunda mutentur, vel que per coitum concepta gestantur, transeant in genus maris, qui secundus coierit. Est enim semen galli (ut facetè Scaliger) quasi testamentum, *In locum.*  
cujus ultima voluntas valet.

His forsan addere liceat, Ova quædam, præ cæteris, esse robusta, vegeta, & (si fas dicere) animosa: in ovis enim ut anima inest, ita etiam par virtus nidulatur. Quemadmodum enim in aliis animalium generibus, fœminæ quædam libidine adè turgent, venefisque plenæ sunt, ut ab omni (etiam levi) coitu, eodemque semel duntaxat & ab imbecilliore quoque mare, peracto; protinus tamen concipient, plurisque fatus ex eodem coitu producant: alia vero tam torpidæ & ignavæ sunt, ut, nisi à mare generosiore, cupidinique spiritu accenso, comprimantur, (idque répetito saepius, & continuato coitu) prorsus infœcundæ maneant. Idem quoque similiter in ovis contingit; quorum aliqua licet à coitu con-

## De generatione fœtūs ex Ovo gallinaceo.

cepta fuerint, improlifica tamen sunt, nisi à repetito & continuato coitu perficiantur. Inde fit, ut nonnulla ova celeriter mutentur, & tertio ab incubatione die fœtūs primordia exhibeant; alia verò vel corruptantur, vel tardè admodum in pullum proficiant, & ad septimum usque diem nullum futuri pulli specimen edant. Quemadmodum postea, in generatione pulli ex ovo, dicetur.

Atque hactenus de gallinæ utero, ejusque officio; de generatione ovi gallinacei, hujusque differentiis, & accidentibus, experta tradidimus: quorum exemplo, de reliquis etiam oviparis judicare liceat.

Superest, ut de generatione & formatione fœtūs ex ovo historiam prosequamur. Siquidem (ut supra monui) tota gallinacei generis contemplatio in his duobus sita est: quomodo scilicet, ex mare & fœminâ ovum procreetur; & quo pacto ex ovo, gallus & gallina proveniant; itaque circuitu, illorum genus æternitatem, Naturæ munere, consequatur.



## De generatione fœtūs ex Ovo gallinaceo.

### Exercitatio 13.

**D**E Ovi gallinacei formatione, & generatione, jami dictum est. Sequitur, ut de pulli ex ovo procreatione observationes nostras enarreremus. Opus profectò aquè arduum, ac proficuum, & jucundum. Latent enim plerunque, veluti in alta nocte, prima Natura stamina; & subtilitate suā, non minus ingenii, quam oculorum aciem eludunt.

Neque enim minore ferè negotio, intima generationis arcana, & obscura principia; quam mundi totius compagem, & creationis modum inveneris. Durat reciproco hoc generationis, & corruptionis ordine, rerum æternitas: Et quemadmodum Sol oriens, occidensque, perpetuis suis circumgyrationibus ævum complet: ita similiter caducæ res mortalium, alternis individuorum vicissitudinibus, redintegratæ semper eadem specie perennant.

Auctores, qui hac de re quicquam tractarunt, ferè omnes diversum iter ingressi sunt: quod nempe privatis opinionibus, pridem receptis, occupata mens, ad consilia extruenda dogmata inclinaret.

Aristoteles

*Aristoteles* olim, nupérque *Hieronymus Fabricius*, de generatione *Hist. an.* & formatione pulli ex ovo, accuratè adeò scripserunt, ut pauca ad- *l. 6. c. 2, 3.* modum desiderari videantur. *Ulysses Aldrovandus* tamen ovi pullu- *Ornithol.* lationem ex suis observationibus descripsit ; qua in re, ad *Aristotelis* *l. 14.* autoritatem potius, quām experientiam ipsam collinuisse videtur. Quippe eodem tempore *Volcherus Coiter Bononiae* degens, ejusdem *Ulyssis*, præceptoris sui, (ut ait) hortatu, quotidie ova incubata aperuit, plurimāque verè elucidavit, secūs quām ab *Aldrovando* fa- *Nobil. ex-* stum est ; quæ tamen hunc latèrē non poterant. *Æmilius Parisanus* quoque (*Medicus Venetus*) explosis aliorum opinionibus, no- *er. l. 6.* vani pulli ex ovo procreationem commentus est.

Quoniam tamen, ( secundūm ea quæ à nobis observata sunt ) nonnulla magni momenti aliter longè se habent, atque alii haec- nus tradiderunt ; quid quotidie in ovo agatur, & quæ partes trans- mutentur, referam : præsertim primis incubationis diebus ; quo tem- pore maximè omnia obscura, confusa, observatūque ardua sunt ; & autores potissimum pro suis observationibus digladiantur ; quas nem- pe præconceptis suis opinionibus ( de caussis generationis anima- lium materiali, & effidente ) magis, quām veritati ipsi accom- mōdant.

Quæ *Aristoteles* de procreatione pulli narrat, verissima sunt. Ni- hilominus, quasi ipsem ea non vidisset, sed ab experto quodam accepisset, temporibus quæque suis haud rectè distinguit : pluri- mūque fallitur circa locum, in quo primum ovi principium sit, quem in acuta ejus parte statuit : eoque nomine à *Fabrizio* meritò reprehenditur. Nec videtur principium pulli in ovo observāsse ; aut ibidem reperire potuisse ea, quæ in omni generatione dixerat necessaria. Materiam nimirum constitutivam ( cùm ex nihilo quic- quam naturaliter fieri, impossibile sit ) albumen esse voluit. Et quo- modo efficiens caussa ( galli semen nempe ) citra tactum agat ; aut ovum ipsum sponte suā, sine ullâ inhærente maris geniturā, fœtum efficiat, haud satis intellexit.

*Aldrovandus* ejusdem erroris cum *Aristotele* affinis, ait præterea, ( quod nulli oculi, nisi cocci, concederint ) vitellum primis statim diebus ad acutum ovi angulum assurgere : putatque grandines esse semen galli, atque ab ipsis pullum constitui ; nutriri autem tum à vitel- lo, tum ab albumine. Planè contrà *Aristotelis* sententiam, qui gran- dines nihil ad ovi fecunditatem facere arbitratur.

Veriora multò, & autopsiæ magis consona *Volcherus Coiter*. De tribus tamen globulis quæ narrat, fabulæ sunt. Nec principium, unde fœtus in ovo oriatur, rectè perspexit.

*Hieronymus Fabricius*, quidem contendit, grandines non esse galli semen ; ex ipsis tamen galli semine fœcundatis pullum ( tanquam ex mate- ria )

*Prima Ovi inspectio: sive,*

*ria corporati voluit.* Vedit etiam principium pulli in ovo; maculam nempe, sive cū ariculam vitelli tunicæ adnatam: sed eam duntaxat pedunculi abrupti vestigium esse, & ovi affectionem quan-dam, non autem partem principalem, judicavit.

*Parisianus* sententiam *Fabri* de chalazis abunde refutavit; ipse met tamen in circulis quibusdam, & partium principalium fœtus (*je-*  
*coris* nempe, & *cordis*)<sup>cū</sup> puncis, manifestè hallucinatur. Videlur etiam observasse principium fœtus; sed, quid esset, ignorâsse; cū ait, puncum album in circulorum medio galli semen esse, ex quo fit pullus.

Ita contigit, ut singuli, dum ad præconceptas dudum opiniones, formationis pulli in ovo rationes exigunt, à vero scopo aberrarent. Alii nimirum sanguinem aut semen, materiam esse censem, unde pullus constituatur: aliis semen videtur opifex, seu caussa efficiens, quæ eundem fabricet. Cū tamen accuratius rem omnem per-pendant certum sit, nullain ibidem paratam esse materiam, nec san-guinem menstruum adesse, quem semen maris, coitus tempore, co-a-gulet, (ut voluit *Aristoteles*; ) nec pullum ex semine maris, aut fœ-minæ, aut utrisque cōministis, in ovo oriundum esse.

*Prima Ovi inspectio: sive, quid primus incubationis dies in Ovo produxerit.**Exercitatio 14.*

**U**T clarius innotebeat, quid prima ab incubatu dies in ovo pro-duixerit; sciendum primò est, quænam sponte mutationes in eo contingent; quibus ovum requietum, à recenti, (citra incubationem) distinguitur; ut ita, quid ab ipso incubitu prosiciscatur, sit manifestum.

*Cavitas* igitur (ut diximus) in obtusa ovi parte, omnibus qui-dem adest; sed, quod vetustius ovum fuerit, eo major indies redditur; præsertim locis & temporibus calidioribus, (exhalante nimi-rum parte aliquâ albuminis tenuiore; ut in historia ovi dictum est;) Eadēmque, dum ampliatur, magis secundum ovi longitudinem, quam latitudinem expanditur; & figuram demum ab orbiculari de-clinantem obtinet.

*Cortex* ovi minùs jam transparens, offuscatur.

*Albumen* crassius redditur, & viscidius; ad stramineum, sive spi-creum colorem vergens.

Propria

Propria vitelli tunica laxior reddita, in rugas flaccescit. Nam & hujus liquoris aliquid tempore dissipari, verisimile est.

Grandines eodeni semper loco, positurā, & consistentiā, in utrāque ovi extremitate reperiuntur; ( idque tam in ovis recentibus, quām requietis; tam per cōtum conceptis, quām subventaneis) quarum firmā copulā vitellus cum albumine connectitur, & uterque liquor debitam invicem positionem servat. Sunt enim duo mutuō opposita stabilitamenta, sive poli & cardines hujus Microcosmi; eā arte fabrefacti, quasi albuminum essent numerosæ tunicae, forēntq; hinc indē in utroque extremo simul contortæ in chordam nodosam, quā vitello adnectuntur. Indēque fit, ut vitellus ægrè ab albumine secedat, nisi prius chalazæ, aut cultello resciſſæ, aut manu abruptæ fuerint; quo factō, protinus ab invicem separantur. Scilicet horum cardinum ope, vitellus tum in ovi centro firmatur, tum in debitā suī consistentiā conservatur. Adeò, ut præcipua pars, cicatricula nempe, eandem ovi regionem ( cœi altitudinem ) respiciat, & in mediā ab utroque cacumine distantia permaneat. Quippe macula hæc, sive cicatricula, tam in requieto ovo, quām recenti, eādēm consistentiā, magnitudine, & colore, eodemque situ exstructa cernitur. Quamprimum autem à gallinæ incubantis fotū, vel alterius cujuspiam blandi caloris accessu, ovum ad pullulationem mutari incipit; macula hæc dilatatur illico, oculique pupillæ instar explicatūr; indēque ( cœi præcipuo ovi centro) latitans plastica vis prorumpit, & germinat. Hæc tamen prima pulli origo à nemine haec tenus ( quod sciam ) observata est.

Secundo itaque incubationis die, postquam ovum horas viginti quatuor sub gallina tepuit; ut cavitas ejus in obtuso cacumine multū ampliatur & descendit, ita interior quoque ovi constitutio permūtari incipit. Vitellus nempe, qui prius in albuminis centro hærebatur, versus cacumen obtusum assurgit; ejusque pars media, cui macula infixa est, attollitur, & membranæ cavitatem ambienti se applicat; adeò, ut vitellus cavitati per cicatriculam conjungi videatur. Et prout vitellus ascendit, albuminis pars crassior tantundem in acutum, imme angulum detruditur. Unde apparet, ( ut recte Fabricius' obseruavit, ) vel errasse Aristotēlem, vel mendum in codice de his dñs esse, cūm dicitur: Effertur per id tempus ( niempe intra dies tres toti- l. 6. s. 3. démque noctes ) luteus humor ad cacumen, quā ovi principium est, atque ovum detegitur eā parte, ( scilicet ob cavitatem dilatatam. ) Appellat autem Arist. principium ovi, acutam ejus partem, que posterius exit. At Ib. l. 3. c. 2. certum est, vitellum & obtusam ovi partem assurgere, cavitatemque ibidem dilatari. Certè erravit Aldrovandus, qui ( tanquam expertus) asserit, vitellum ad acutam ovi partem efferi. Vidi aliquando, fateor, secundo & tertio die, cicatriculam dilatatam, pullique jam positus.

positum exordium, necdum tamen ascende vitello : Rarò autem id contingit ; & ab ovi imbecillitate profectum arbitrabar.

Secundo incubationis, sive primo inspectionis die, dicta macula dilatatur ad pisí, vel lentis magnitudinem ; & in circulos (ceu circino circumductos) dispergitur ; qui punctum album peregrinum habent pro centro. Hanc maculam Aldrovandum quoque observasse, verisimile est ; siquidem ait, *in medio lutei quasi subalbidum quid apparuisse, cuius Aristoteles non meminit : & Coiterum, ubi ait, secundâ die in vitelli medio pars candidior reliqua : atque etiam Parisanum, cùm ait, secundâ die album corpus mediocris grani lentis magnitudinem & figuram repræsentans conspici : estque illud (inquit) galli semen albâ & tenuissimâ tunica obducium, quod substat duabus communibus toti ovo membranis ; superstat verò proprie vitelli tunice. Crediderim tamen, neminem haec tenus cicatriculam hanc in omni ovo reperi, pullique originem esse agnovisse.*

Interea Chalazas sive grandines, hinc atque illinc ab utroque ovi cacumine, versùs latera ejus declinâsse videas : idque ob permutatum illum (quem diximus) liquorum situm. Adeò, ut altera chalaza ex obtuso angulo aliquantulum descendat, altera verò ex acuto cacumine tantundem sursum feratur : quemadmodum in obliqua sphæra, quantum alter polus suprà horizontem ascendit, tantundem alter deprimitur.

Vitellus etiam (præsertim ubi cicatricula est) paululum colligescere incipit, propriamq; suam tunicam (quam ante incubationem in ovis quietis laxiorem & rugosam diximus) in tumorem attollit ; videturque eundem colorem, consistentiam, & faporis bonitatem, quam in recenti ovo habuit, recuperâsse.

Est hic primæ diei processus ovi ad prolem, primùmque advenientis pulli vestigium. Aldrovandus addit, *albumen necdum alterari ; quod veritati consonum est. Dum autem affirms, galli semen in eodem deprehendi, manifestò fallitur. Levissimo nempe arguento innixus, putavit chalazas esse semen galli, quia scilicet ova iis destituta, infœcunda sunt. Ita sanè ; & nè ova quidem : siquidem irritis pariter ac fœcundis, grandines semper adsint. Ille verò, forsan à mulierculis deceptus, (quæ illas in Italia galladuram vocant) communem errorrem sequutus est. Nec minoris imprudentiæ Hieronymus Fabricius tenetur, qui, sculptis pluribus imaginibus, formationem pulli exhibet ; eumque ex chalazis corporari contendit : non animadvertis, grandines iis temporibus integras utrinque, & inmutatas (sed loco motas) reperi ; pullique exordium alibi, remotè à chalazis, quærendum esse.*

## Secunda Ovi inspectio.

## Exercitatio 15.

**P**Ræterito die secundo, dicti cicatriculæ circuli conspectiores atque ampliores sunt, ad magnitudinem unguis digiti anularis, & interdum medii; quibus tota macula in duas regiones, (ali quando tres) easque diversis saepe coloribus obscurè distinctas dividitur; oculi figuram planè referens, tum protuberantiâ aliquâ, qualis in cornea tunica visitur; tum magnitudine; tum etiam humore transparente & lucidissimo intus contento; cuius centrum pupillam repræsentat, sed puncto quodam albo in centro existente, tanquam aviculae alicujus ocellus suffusionem, sive cataractam (ut vocant) in medio pupillæ pateretur: ob quam similitudinem, *oculum ovi* nominavimus.

Intra hos circulos (inquam) liquor continetur clarissimè resful gens, quovis crystallino humore purior; quem si transversim ad lumen intuearis, tota jam macula potius in albumine locata, quam vitelli tunicæ (ut prius) impressa conspicitur; & (ceu portio quædam albuminis colliquefacta & clarificata) intra tunicam propriam tenuissimam conclusa appetet. Ideoque liquorem hunc, *oculum*, sive *colliquamentum candidum* appello: quasi nimirum pars albuminis à calore fusa & colliquata, separatim fulgeret, (nisi concussione turbetur) & veluti pars spirituosa, magisque cocta, à reliquo albumine tunicâ propriâ distingueretur, & inter utrumque liquorem (vitellum scilicet, & albumen) posita esset. Differt à reliquo albumine, claritate, & transparentiâ; quemadmodum aqua fontis limpidissima, à stagnante turbidiore. Tunica hunc liquorem ambiens, adeò exilis, fragilisque est; ut (nisi summa cura adhibeatur) facile dissiliat, fontemque hunc confusione liquorum turbet.

Atque hic anci psani diu hæsitabam, quid de candido hoc colliquamento statuerem; utrum nempe *calidum innatum* dicerem; an *humidum radicale*; vel materiam præparatam futuro fœtui; sive alimentum perfectè coctum, quale *Ros* censetur inter humores secundarios? Namque certum erat, (ut postea dicetur) in ipsius medio, prima fœtū rudimenta jaci, huncque illo nutriti primū, auctumque postea in eodem liquore hospitari.

Colliquamentum igitur hoc brevi (eodem nempe die) augetur; (quemadmodum in secunda *Fabricii* figurâ adumbratur) præsertim interior ejus regio; quæ, dum expanditur, exteriorem repellit, & obliterat

obliterat. Perinde atque in eorum animalium oculis cernere est, quibus latissimè pupillæ contigerunt, noctuque melius vident, quam interdiu: (cujus generis sunt bubones, feles, & hujusmodi; quorum pupilla in tenebris atque umbrâ latissimè patet, in luce verò plurimum constringitur) nam si tales oculum è luce subito in tenebras transluleris, videbis manifestè pupillam ampliari adeò, ut reliquam circumcirca regionem (iridem dictam) valde imminuat, & proprieatum aboleat.

In has regiones incidens Parisanus, egregiè hallucinatur, dum circulos suos, melinum, album, & gilvum, alijunque denuo album comminiscitur; sicutique ex albo medio puncto (quod revera haec tenus in istarum regionum centro appetet) fieri ait, semenque galli esse, fabulatur. Porro, ut nobiliore subtilitate superbiret, priusquam (inquit) rubor aliquis in factu corpore appareat, due extant in eo minimæ bullule; initio tamen, rubore earum nulla prædicta est: earumque alteram, pro corde; alteram, pro jecore obtrudit. At verò, nec bullula aliqua conspicua est, antequam rubor sanguineus appareat; nec fœtus unquam primis statim diebus rubescit; neque illa earum bulularum, nobis hepatis vestigium exhibet; sed ambae binos cordis ventriculos, & auriculas referunt; & micando, (ut postea dicemus) systole & diastole sibi invicem respondent.

*Hist. an.*  
*l. 6. c. 3.* Colliquamentum hoc Aristoteles videtur intellexisse, cum ait: Membrana etiam, fibris distincta sanguineis, jam album liquorem per id tempus (tertio scilicet die) circundat, à meatibus illis venarum oriens.

Neque enim Philosophus per album liquorem, totum albumen intelligere potuit; quoniam eo tempore, albuminis tunica necdum venis distincta est; sed sola colliquamenti hujus tunica, cum venularum ramulis huc illuc sparsis, cernitur. Et propterea dixit, membrana etiam: quasi aliam intelligeret, præter illas, quas albumen & vitellum ante incubationem ambire dixerat; cum hanc post tertium denum diem à meatibus venarum oriri affirmet. Coiterus etiam colliquamentum hoc videtur agnovisse, cum ait, Albuminis quedam pars ad candorem accedens, quedam crassior. Dictum enim colliquamentum propriâ membranâ cingitur, & à reliquo albumine separatur & distinguitur, antequam quipiam sanguinis appareat.

De summa hujus utilitate erga omnium animalium fœtus, post hæc erit dicendi locus. Quippe in eo dum natant, ab omni concussione, sive contusione, aliisque externis injuriis immunes sunt; & eodem insuper nutriuntur. Fœtum jampridem magnitudine phæoli, ex utero cervæ exemptum, omnibusque suis membris perfectum, (adeò, ut marem esse, ex genitalibus facile discerneremus) Regi nostro serenissimo, Reginaque intuendum exhibui. Gratum profectò naturæ spectaculum! Natabat politus & consummatus fœtus

fœtus iu ejusmodi candido, lucidissimo, & crystallino liquore, (tanquam in vase vitreo purissimo) qui ovum columbinum magnitudine æquabat & propriâ tunicâ pellucidâ investiebatur.

## Tertia Ovi inspectio.

## Exercitatio 16.

**V**Idimus secundum processum, sive præparationem ovi ad fœtum, quæ die tertio observanda venit. Sequitur, ut tertium ejus apparatus intueamur; qui post tres dies totidemque noctes considerandus est. De eo Aristoteles: *Generationis indicia extare incipiunt in gallinis*, post tres dies totidemque noctes. (putà, die Lunæ manè, si die Veneris præcedenti, in aurorâ, ova gallinæ incubituræ supposita fuerint) èstque tertiae figuræ, apud *Fabricium*, facies.

Quarto itaque die si inspexeris, occurret jam major *metamorphosis*, & permutatio admirabilior; quæ singulis ferè illius diei horis manifestior fit; quo tempore in ovo, de vita plantæ, ad animalis vitam fit transitus. Jam enim colliquamenti *limbus* lineâ exili sanguineâ purpurascens rutilat: ejusque in centro ferè, punctum sanguineum saliens emicat; exiguum adeò, ut in suâ diastrole, cœu minima ignis scintillula; effulgeat; & mox, in systole, visum prorsus effugiat, & disparet. Tantillum nempe est vitæ animalis exordium, quod tam inconspicuis initii molitur plástica vis Naturæ!

Observationem hanc, si sub finem tertii diei experiri libuerit; adhibitâ summâ diligentia; & clarâ, magnâque luce, vel radiis solaribus adaptatis, aut perspicilli ope, discernere poteris. Alias autem itâ tenuis est & exilis purpurissata linea, punctisque salientis adeò imperceptibilis motus, ut planè frustrâ sis. Quarti verò diei principia evidenter, & sub finem ejus evidentissimè appetet punctum sanguineum saliens, quod jam movetur (ait Arist.) ut animal in candido liquore: (quem ego colliquamentum nomino) ab eoque puncto meatus venarum specie duo sanguine pleni, flexuosi feruntur ad circulum purpurissatum, & tunicam ambientem colliquamentum. Sparsis interea per ipsius colliquamenti spatia plurimis fibrosis propaginibus, quæ omnes ab uno principio (ut arbórum virgulta ab eodem trunco) profluunt. In hujus rádicens angulo inflexo, colliquamentisque medio, punctum rubrum saliens ponitur, quod in pulsu suo rythmum & ordinem, ex systole & diastrole compofitum

compositum servat. In diastole quidem, quasi majorem sanguinis quantitatem imbiberet, ampliatum apparebat; atque emicat: in systole vero confertum subsidens, tanquam ictu illo convelleretur, & sanguinem dimitteret) delitescit.

Punctum hoc Fabricius in tertia sua figura depinxit, & (quod mireris) pro corpore factus accepit: quasi aut ipsum saliens pulsansve non observasset, aut Aristotelis locum perperam intellexisset, aut ejus omnino non meminisset. Mirandum vero magis, cum toto hoc tempore de chalazis suis nihil fuisse sollicitum, ex quibus tamen pulli exordia deducit.

Opinabo.

l. 14.

pag. 217.

*Ulysses Aldrovandus*, eodem ferè tempore Bononie scribens, ait: Apparebat in albumine exiguum, velut punctum saliens, estque illud quod Philosophus cor statuit. Ex eo vero evidenter videbam enasci venae trunci, & ab hoc duos alios ramos proficisci, qui meatus illi fuerint sanguiferi, quos ad uirgine tunicam ambientem vitellum. & album prerendi ille dixerat. Sum autem omnino ejus sententiae, ut ejusmodi vias credam esse venosas, ac pulsantes, sanguinemque in iis contineri puriorē, principalium membrorum generationi, jecoris nempe, & pulmonis, similiisque idoneum. Non sunt autem ambæ venæ, neque utraque pulsat: sed altera, arteria; altera, vena est; ut postea dicemus: tumuloque, meatus hos, feetui vasa umbilicalia fieri, docebimus.

*Volcherus Coiter* hæc habet: Punctus sive globulus sanguineus, in vitello, antea inceptus, jam in albumine potius repertus, manifeste pulsabat. Male ait, in vitello ante inventus, punctus enim in vitello inventus, albus, non saliens erat; nec secundo post incubitum die, punctus aut globulus sanguineus saliens apparuit. Sed punctus ille (quem in medio circuli, quasi centrum, diximus, & vitello adnexum) evanescit, priusquam punctus, qui ab Aristotle saliens dicitur, discerni queat; vel, in rubrum (ut opinor) conversus, pulsat. Nam uterque punctus, in centro colliquamenti, & juxta radicem venarum inde exorientium situs est: nunquam autem simul apparent, sed in albi locum succedit ruber punctus saliens.

Id quidem *Volcherus*, verissime: Punctus saliens jam in albumine potius reperiatur, quam in vitello. Quibus verbis permotus, quasi diligenter, nunquam punctus ille albus, in sanguineum punctum transmutaretur; quoniam ambo ejusdem penè magnitudinis, & eodem in loco videbantur. Et aliquando quidem inveni rutilantem & purpuratum circulum extimum, desinentem juxta horizontem, miniatum, colliquamento circundatum; in cujus centro punctus albus, non autem ruber, aut saliens reperiebatur: nunquam vero simul utrosque illos punctos conspicatus sum. Magni certe momenti est, hæc disquisitio; utrum scilicet sanguis infusus antepulsus?

pulsum? & num punctus ex venis; an vénæ, ex puncto oriundæ sint?

Quantum mihi observare licuit, videtur sanguis esse ante pulsum: cuius sententia hanc causam dicam. Die Mercurii, sub vesperam, tria ova gallinæ supposui; diéque Saturni paulò ante eandem horam reversus, inveni hæc ova frigida, utpote à gallinâ derelicta: aperto nihilominus eorum uno, pulli exordium reperi; lineam nempe rubram & sanguineam in ambitu; in centro autem, pro puncto saliente, punctum album, exsangue. Quo indicio percepi gallinam haud multò priùs incubationem deseruisse. Quare vi captam, & in cista conclusam, per integrum noctem ibidem detinui; postquam scilicet ova duo reliqua, cum aliis novis illi supposuissim. Quid sit? Postridie, summo manè, ambo ova rediviva erant: apparuitque in centro ipsum punctum micans, albo puncto multò minus; è quo, (albo nimis) scintilla, tanquam è nube prosliens, in diastole duntaxat comparuit. Adeò, ut videretur mihi, ex albo puncto, rubrum punctum emicare; utcunque in illo punctum saliens generari: idque, existente jam sanguine, aut nasci, aut saltē moveri. Imò sapissime comperi, punctum saliens, cùm (ceu planè intermortuum) ab omni motu quiesceret, à novo fôtu motum denuo & pulsationem recuperasse. Quare in ordine generationis, punctum & sanguinem primum existere arbitor; pulsationem verò non nisi postea accedere.

Hoc certò constat, futuri fœtus nihil omnino hoc die apparere, præter sanguineas lineas, & punctum saliens, venisque illas, quæ omnes ab uno trunco (quemadmodum iste à puncto saliente) propagantur, & per totum colliquamentum plurimis fibrarum ramificationibus sparguntur; quæ postmodum vasa umbilicalia constituant: quibus longè latèque disseminatis, fœtus denum (prout augetur) ex albumine & vitello, sibi alimentum haurit. Harum venarum, earumque propaginum vivum exemplar videas in arborum foliis, quorum fibræ omnes à pedunculo oriuntur, & ab uno trunco per totum folium diffunduntur.

Totum hoc colliquamentum, sanguineis fibris distinctum, ambarum papilionis alarum magnitudinem & formam refert. Estque *Lobocita-* illa Aristotelis membrana, que fibras sanguineas habens, eo tempore *re* album liquorem continet, à meatus illis venarum oriens. *to.*

Sub finem quarti diei, & initium quinti, punctum sanguinetum jam adactum, in vesiculam exiguum, & tenuissimam, sanguinem in se continentem, transiisse cernitur; quem singulis contractionibus propellit, factaque diastole recipit denuo.

Hactenus nullum vasorum discriminem deprehendere potui: neque enim arteriæ à venis, vel tunica, vel pulsu distinguuntur. Ideoque vasa omnia indiscriminatim vena nominanda censeo; vel, *Ibid.* cum Aristotele, *meatus venales.*

Punctum hoc (c. ait Arist.) moveat jam sese, ut animal. Quippe, animal à non animali, motu distinguitur, & sensu. Cùm itaque punctum hoc jam primum sese moveat, meritò animas naturam induisse dicimus; & ovum animâ vegetativâ pridem imbutum, jam motivâ, & sensitivâ potentiam insuper donari; & à planta in animal transire; eodénique tempore animam pulli ingredi, quæ ex ovo pullum format; eumque postea informat. Quippe ex operatio-  
nibus, inesse facultates; & ex his, vita caussam & principium  
(animam scilicet) idque actu (cùm operationes actu sint) Philosophus demonstrativè concludit.

Ego verò pluribus experimentis certus sum, non motum solummodo puncto salienti inesse, (quod nemo negaverit) sed sensum etiam. Nam ad quemlibet vel minimum tactum, videbis punctum hoc variè commoveri, & quasi irritari; (perinde omnino ac sensitiva corpora, sensus sui indicia propriis motibus exhibere soent) & ad iteratam sàpe injuriam extimulari, atque in pulsuum rhythmo, & ordine conturbari. Ità nempe in herba, sensili dicta, & Zoophytis, sensum inesse concludimus; quia, cùm tanguntur, sese contrahunt, quasi ægræ ferant.

Vidi, inquam, sàpiissime; aliisque, qui unà mecum aderant, ab acùs, styli, aut digitii contactu, imò verò à calore aut frigore vehementiore admoto, aut cuiuslibet rei molestantis occursu, punctum hoc varia sensus indicia, pulsuum nempe varias permutaciones, idque validiores, ac frequentiores edidisse. Ut dubitandum non sit, quin punctum hoc (animalis instar) vivat, moveatur, & sentiat.

Ovo insuper aëri frigidiori diutius exposito, punctum saliens rariùs pulsat, & languidiùs agitatur: admoto autem digito calente, aut alio blando. fotu, vires statim vigorémque recuperat. Quinetiam postquam punctum hoc sensim elanguit, & sanguine plenum à motu omni cessans, nullumque vita specimen exhibens, morti penitus succubuisse visum est: imposito digito meo, tepente, spatio viginti arteriæ meæ pulsuum, ecce corculum denuo reviviscit, erigitur; & tanquam postliminio ab Orco redux, pristinam eboream redintegravit. Idque alio quolibet leni calore, ignis nempe, aut aquæ tepidæ, iterum iterumque à me, atque aliis factitatum est; ut, pro libito, misellam animam vel morti tradere, vel in lucem revocare, in nostra potestate fuerit.

Quæ diximus, quarto à prima incubatione die, sive tertia inspectione, plerunque eveniunt. Plerunque, inquam; non est enim hoc perpetuum, cùm magna sit in ovorum maturitate diversitas, aliisque aliis citius perficiantur. Quemadmodum in arboris circunscriptis fructibus usu venit, quorum alii præcoces, & decidui sunt,

sunt, dum alii erudi & immaturores ramis tenaciter adhærent. Adeò, ut quædam ova quinto die minùs proiecta sint, quæm alia tertio ut plurimùm solent. Idque, (ut certi aliquid & explorati haberem) in plurimis ovis, per idem tempus incubatis, eodemque die apertis, comperi. Ut neque sexum sequiorem, nec aëris inclemenciam, neque incubandi negligentiam, aut aliud quippiam caussari possem, præter insitam ovi imbecillitatem, calidive innati pauperiem.

Ova hypenemia, sive infœcunda, hoc ipso tempore, (quasi die critico) mutari incipiunt, atque indolem suam ostendere. Nam ut ova fœcunda in colliquamentum (quod postea in sanguinem transit) ab insita vi plasticâ mutantur; ita subventanea ova eodem tempore corrumpuntur, & putredinem induunt. Observavi tamen aliquando maculam, sive cicatriculam, in ovis etiam infœcundis latius explicari; nunquam tamen ad cacumen assurgere, nec circulis ordine dispositis circumscribi. Vidi quoque interdum vitellum alicubi clarescere, & liquefieri, sed inæqualiter; partesque coagulatione quasi temerariæ concretas, instar nubium parsim volitantium, innatare. Et licet ova haec nondum rancida, putrida, & fœtida dicantur; sunt tamen ad putredinem propria, & ad eam tandem continuato incubantis calore pertingunt: idque eodem illo loco ductâ corruptionis origine, quo ova prolificâ generationem auspicantur.

Perfectiora itaque ova, jam sub finem quarti diei, duplarem, vel bipartitam habent vesiculam pulsantem, duplice ictu alteram alteri vicissimi respondentem; eo nempe modo, atque ordine, ut unâ sese contrahente, altera sanguine distenta, & rutilans appareat; quæ mox pariter contracta, sanguinem liquidò exprimit; momentoque interjecto, prior denuo resurgit, pulsuumque repetit. Clarèque videoas, actionem harum vesicularum, esse contractionem; à qua sanguis impellitur, & in vasa protruditur.

Quartâ die (inquit Aldrovandus) bina videbantur puncta, & quodlibet eorum sese movebat: quæ haud dubio cor, & jecur fuerint; quæ viscera in ovis triduo incubatis Aristoteles dixit.

*De gen. l. 3: c. 4.*

Philosophus verò id nuspia dixit: neque ea viscera (ut plurimùm) ante decimum diem conspicua sunt. Mirorque Aldrovandum pulsantium punctorum alterum, jecur existimasse: quasi verò hoc unquam ad eum modum agitaretur.

Satiūs fuerit credere, punctorum salientium alterum (adacto factu) in auriculas, alterum in ventriculos cordis abire. Enimvero, in adultis, ventriculi cordis ad eum modum ab auriculis implentur, factaque contractione deplentur denuo; quemadmodum

dum in tractatu nostro de motu cordis & sanguinis observavimus.

In proiectioribus quoque ovis, aliquando sub finem quarti diei, nescio quid turbidi vesiculas pulsantes adumbrabat, visumque ( offusa nubeculae instar ) impeditiebat, quo minus clarè puncta salientia intueri potuerim. Clariori tamen luce, perspicillisque exhibitis, collatisque una subsequentium dierum observationibus ; constitit esse corporis rudimentum, cœu nebulam ex colliquamenti parte concoctam, vel circa venarum principium concrescens effluvium : ut mox amplius de die quinto dicetur.

*Aldrovandus* quoque videtur id observasse : Quinta die ( inquit ) non amplius punctum illud, quod cor esse diximus, extrâ videbatur moveri ; sed obtegi, ac cooperiri ; & duo illi meatus venosi evidenter conspiciebantur, alter verò major altero. Fallitur autem vir doctissimus : multò enim post tempore, ( ubi domicilium ferè perfectè fabricatum fuerit ) lar iste familiaris, ædes ingreditur, selseque in intima earum penetralia abscondit. Erratque etiam, ubi ait, venarum insitâ vi, reliquam albuminis portionem quasi in palearem colorem immutari. Reperitur enim iste color in albumine crassiore cuiuscunque ovi requieti, indiesque magis intenditur, ( prout nempe ovum vetustius fuerit, ut pridem diximus ; ) idque sine ulla venarum operâ, portione solùm tenuiore exhalante.

Crescente autem foetu, ( ut infra dicemus ) surculisque meatuum venalium longè latèque in vitellum & albumina sparsis, colliquantur utriusque liquoris portiones, non quidem ( ut *Aldrovandus* voluit ) ab insita venarum vi, sed à sanguinis inibi hospitantis calore. In quamcunque enim utriuslibet liquoris partem, dictæ venæ porrigitur ; subito, locis conterminis colliquatio apparet ; ideoq; vitellus eodem tempore quasi duplex conspicitur : quod nempe superior ejus pars, ( quæ suprà, ad obtusum cacumen, cavitati jungitur ) liquidior jam reddita, ad reliquum vitelli ; instar ceræ flavæ liquefactæ, ad eandem frigidam & densam comparata, apparet. Eoque nomine ( ut fusa omnia solent ) laxiore spatio continetur. Quinetiam pars ista superior, tempore genitali liquefacta, à reliquis liquoribus ( sed præsertim albumine ) propriâ tunicâ tenuissimâ distinguitur. Quò fit, ut, ruptâ hac tenui, fragili, atque invisibili membranâ, confessim accidat albuminis & vitelli confusio, quâ omnia perturbantur. Estque hæc sepe caussa frustratæ generationis ( cum liquores isti diversæ, imò contrariae naturæ sint ) secundum illud *Aristotelis*, loco saepius citato, Depravantur ova, & flunt, quæ urina appellantur, tempore portis calido ; idque ratione. Ut enim vina temporibus calidis coacescent, fæce subversâ, ( hoc enim caussæ est, ut depraventur ) sic ova pereunt vitello corrupto : id enim in utrisque terrena portio est. Quamobrem & vinum obturbatur fæce permistâ, & ovum vitello

*De gen. an.*

b. 3. c. 2.

*vitello diffuso.* Atque huc etiam non immerito retuleris illud ejusdem : *Cælo tonante que foventur ova, corrumpuntur.* Siquidem membrana Hist. an. L. 6. c. 2. tenuissima à tanto fragore levi negotio disrumpitur. Ideoq; fortassis *ova confusa & putrida, Cynosura dicuntur, quod nimimum (ut diximus) diebus canicularibus crebrius tonet.* *Quapropter Colu-* L. 8. c. 5. *mella quoque recte monuit, plerosque ab aestivo solsticio non putare bonam pullationem.*

Hoc certò constat, ova facilè quassari, concuti, & disperdi ; si quis avibus incubantibus molestus fuerit, quo tempore dicti liquores colliquantur, & turgent, membranæque eos ambientes dilatantur, & tenerascunt.

*Quarta Ovi inspectio.**Exercitatio 17.*

**Q**uinto demum ab incubatione die, discernitur primùm (inquit Hist. an. L. 6. c. 3. Arist.) corpus pulli valde exiguum, & candidum ; capite conspicuo, & in eo oculis maximè turgidis, qui diu sic permanent. Serò enim tandem parvi fiunt, ac confidunt. In parte autem corporis inferiore, nullum extat membrum per initia, quod respondeat superioribus. Meatus autem illi qui à corde prodeunt, alter ad circundantem membranam tendit, alter ad luteum, officio umbilici. Pulli igitur origo ex albumine est ; alius enim luteo per umbilicum.

Quibus verbis, Aristoteles videtur totam pulli generationem, in tres classes five ordines distribuere : nempe à primo incubationis die, ad quintum usque : indè ad diem decimum, vel decimum quartum : atque hinc, ad vicesimum. Quasi ea duntaxat, quæ his tribus temporibus percepit, in historiam retulisset. Contingunt sanè his temporibus maximæ in ovo permutationes : quasi diebus hisce decretoris, ceu. tribus gradibus, processus ab ovo perfecto ad pulli exclusionem distingueretur. *Quarto enim die prima foetus particula, punctum saliens nempe, & sanguis apparent ; posteaque fetus corporatur.* *Septimo, pullus membris distinguitur, & fese movet.* *Decimo, pluiescit.* *Circa vicesimum, respirat, pipit, atque exitum querit.* Vita, quæ illi circà quartum diem inest, plantarum æmula videtur, atque anima vegetativa duntaxat censenda est. Indè verò ad decimum, animalis instar, sensitivæ atque motivæ animæ fruitur, quæ adolescit : posteaque sensim perficitur ; ornatur plumis ; & rostro, unguibus, reliquisque instructus, ad exitum jam properat, ut tandem emancipatus sui juris fiat.

Quæ itaque post quartum diem eveniunt, Aristoteles tria potissimum enumerat; nempe corporis fabricam: venarum ductus, qui jam umbilici officium & naturam subeunt: materiamque, unde fœtus primùm oritur, constituitur, & nutritur.

De corporis fabricâ, quatuor recenset: scilicet, quæ sit ejus magnitudo; quis color; quæ partes maximè conspicuæ sint; (caput nimirum, & oculi) & quænam sit membrorum distinctio.

Est revera corpus valde exiguum, formâque galbam vulgarem referens, ex quâ musca oritur; colore etiam candido præditum est, perinde ac muscæ vermiculus, quem in carne putrescente fovendum atque enutriendum deponit. Eleganter etiam addidit, *conspicuum maximè esse capite, & oculis.* Quod enim primò apparet, similare est, & indistinctum; tanquam concretum & congelatum quid ipsius colliquamenti foret; (qualis gelatina apparet, quæ ex cornu cervini cocturâ efficitur.) nempe transparens nubecula, & vix conspicua, nisi in duas quasi partes divisa distingueretur. Quarum altera congregata, longè alterâ major est; capitis scilicet rudimentum, quod die quinto primùm conspicitur: in cōquæ mox oculi manifestè distinguuntur; qui per initia statim maximi, valdeque inflati prominent, & à reliquo capite, atque etiam corpore, circumfusa quadam nigredine discriminantur. Horum quilibet, reliquo toto capite major est; quemadmodum & caput ipsum, corpus reliquin magnitudine excedit. Durat aliquandiu hic corporis candor, & ocalorum intumescentia; (qui, perinde ac cerebrum, aquâ intus limpidissimâ implentur, foris autem nigricant) ad decimum nempe diem, atque etiam amplius: serò enim (inquit) decrescunt oculi, & sese ad ratam contrahunt proportionem. Imò verò, me observatore, oculi avium nunquam sese ad ratam illam proportionem contrahunt, quæ est inter oculum & caput animalis vivipari. Gallinæ enim, aliisque avibus, si cutem oculos integentem detraxeris, horum quilibet totam cerebri molem facile æquaverit: in beccagine autem, & similibus, alteruter oculus toto reliquo capite (si rostrum demperis) major est. Omnibus verò avibus id commune est, ut orbita sive cavitas, quæ oculum amplectitur, cerebrum ipsum exsuperet, ut in ipsarum craniis videre est. Fit autem ut eorum oculus minor videatur, quia totus præter pupillam, cute & plumis obtegitur; neque orbiculari figurâ prædictus est, (quâ prominat) sed depresso; ut piscibus contingit.

*In parte corporis inferiore (inquit Philosophus) nullum extat membrum per initia quod respondeat superioribus.* Ità profectò se res habet: corpus ab initio ut vix, nisi capite & oculis, conspicuum est; ità, quoad inferiora, nec membro aliquo, alis scilicet, pedibus, sterno, uropygio, nec viscere ullo distinguitur; imò verò neque formam quidem

quidem corporis ullam obtinet: sed, quantum nobis videre licuit, est exiguum quid venulae adjacens, tanquam carina naviculae circumflexa, & quasi galba, vel termes, absque ullo costarum, pedum, alarumve vestigio; cui corpusculum conglobatum, multoque conspicuus appenditur, scil. capitum rudimentum, in tres veluti bullas divisum, (ab alterutra scil. parte intuenti;) revera tamen in quatuor dispescitur; quarum duæ amplissimæ, & nigricantes, oculorum primordia sunt; reliquarum altera cerebrum, altera cerebellum constituit. Omnes aquâ limpidissimâ plenæ reperiuntur: in medio verò oculorum nigredinis, (tanquam in centro) pupilla cernitur, instar scintillæ transparentis, aut crystalli, effulgens. Hinc factum arbitror, ut tres solum conspicuae bulle, malè rem observantibus imposuerint. Cùm enim ex veteri Scholarum disciplinâ, triplicem in corpore animalis dominatum didicissent, partesque tres principales, (cerebrum nempe, cor, & jecur) præcipuis muneribus fungi crederent; facile, tres dictas bullas, partium harum fundamenta atque initia esse, sibi persuaserunt. Coiterus autem, ut peritum dissectorem decuit, multò verius affirmat; se, die ab incubatione septimo, rostrum atque oculos vidisse; nullum verò ex visceribus potuisse discernere.

Philosophum porro audiamus: *Meatus illi, qui à corde prodeunt, alter ad ambientem membranam tendit, alter ad luteum, officio umbilici. Nimirum corporato statim foetu, venæ istæ umbilici officium præstant; earumque alterius rami seu propagines in tunicam extimam albumen ambientem disseminantur; alterius verò rami, vitelli tunicam adeunt, & per hujus liquorem sparguntur.* Unde clare constat, utrumque pariter liquorem nutriendo pullo dicatum esse. Et licet Arist. dicat, *Originem pulli ex albumine esse, atque ali luteo per umbilicum: non ait tamen, pullum ex albumine fieri.* Quippe ex candido illo liquore, quem nos *colliquamenium* nominavimus, fit fœtus: & totum illud, quod nos *oculum ovi nuncupavimus*, in albumine continetur. Neque ait, victum pullo solum ex luteo per umbilicum accedere: sed verba ejus (ex observationibus meis) hoc sensu interpretor; licet pullus in albumine originem suam habeat, non tamen inde solum alitur, sed etiam ex luteo, (ad quem meatuum umbilicalium alter pertingit) sibi victum querit; immo verò ex hoc potissimum; est enim albumen (ex sententia Aristotelis) concoctus magis & purior ovi liquor; vitellus autem terrestrior, & solidior, idéoque robustior jam facto pullo nutriendo idoneus: ac propterea (ut infrà dicetur) vicem lactis supplet, ultimoque absimitur; quippe pars ejus residua, (postquam jam natus est pullus, & cum matre obambulat,) in ventre ipsius continetur.

Quæ dixi, à quarto die ad decimum usque eveniunt. Quando autem singula, quomodo, & quo ordine fiant, jam experdiām.

Proximâ inspectione, quæ die quinto instituitur, circa venam brevem ab angulo ductam ( ubi duo puncta alternatim micantia sita sunt ) crassius aliquid & albidius, nubeculæ instar, ( transparēns tamen ) apparet : per quod prædicta vena obscurè, cœu per nebulam, conspicitur. Idem aliquando, in ovis proiectioribus, quarto die sum conspicatus. Et autem corporis rudimentum ; quod jani singulis horis concretum magis compactumque cernitur ; venamque prædictam & amplectitur simul, & illi, globuli alicujus instar, appenditur. Rudimentum id globosum, verniculi hujus ( ut sic dicam ) carinam magnitudine longè superat : estque figuræ triquetræ, in tres nempe partes ( protuberantis arboris gemmulæ more ) obscurè divisum. Earum una orbicularis est, & reliquis duabus major ; ductisque mox à circumferentia versus centrum tenuissimis filamentis, nigricat ; sepique ciliaris exordium apparet, indéque particulam hanc in oculum mutatum iri indicat. In hujus medio, pupilla admodum exigua, & puncti lucidissimi instar ( ut diximus ) conspicua est : eoque potissimum indicio conjecturam feci, integrum hunc globulum futuri capitatis rudimentum esse ; circulumque illum nigrum, ex oculis alterum futurum, cui ex adversa parte alter opponitur : quippe ita siti sunt, ut ambos simul intueri nequeas, cum superior inferiore obtegat, & occultet.

Primum hoc futuri corporis rudimentum, quod circa venam crescere diximus, figuram solum oblongam, & aliquantulum ( Carinæ instar ) inflexam obtinet : estque consistētia ejus mucosa, instar sitū candidi, qui rebus humidis arcteque conclusis innasci solet. Venula autem, cui mucorem illum accrescere jam dixi, est cava descendens per spinam dorſi ; uti subsequitæ observationes fidem fecerunt. Duarum quoque vesicularum pulsantium ordinem si diligenter intuitus fueris, quæ posteriùs ē contrahit, eam sanguinem in hujus venæ principium impellere, eamque distendere conspicies.

Ita duarum vesicularum sese moventium atque invicem pulsantium, duæ manifestæ contractiones, duæque similiter dilatationes cernuntur ; priorque unius contractio, alterius dilatationem efficit : sanguis enim ex cavitate prioris vesiculae coarctata, elitus in secundam ; hanc implet, distendit, pulsūque edit : quæ mox etiam se constringens, sanguinem ( quem jani à priore vesiculâ accepert ) in prædictæ venæ principium protrudit, eamque simul dilatat. Venam autem adhuc appello, quam ex pulsu aortam esse censeo : arteriæ enim à venis, tunicarum crassitie, nondum distinguuntur.

Hæc cùm sèpius in plurimis ovis diligenter accurateque contemplatus essem, aliquandiu pendebam animi, quamnam sententiam amplecterer. Utinam scilicet concrementum hoc, globulisque appenditus, ex colliquamento ( in quo natabant ) tanquam ex materia compacta & coagulata proveniant ; quemadmodum ex vaporibus ( dum sursum meant, imperceptibilibus ) in aëre superiore condensatis nubes fiunt : An potius ab effluvio quodam è sanguineo iuto meatu exhalante, vel per diapedesin transudante, exoriantur ; mutuatòque inde nutrimento augeantur ; Sunt enim maximumrum quoque rerum initia perpusilla ; &, præ exiguitate suâ, obscura admiodum.

Hoc sanè exploratum me habere arbitror, puncta salientia, & meatus venales, ipsamque venam cavam primùm existere, eique postea corpulentiam dictam accrescere. Certusque sum, sanguinem è punto saliente in venam hanc impelli ; ex eaque corpusculum illud nutritri, & crescere. Nempe primus ille situs & mucor, ex effluvio venæ, ( cui adnascit ) primùm oritur, indéque postea nutritur, atque augetur ; quemadmodum situs alibi solet, in locis humidis, inter opaca domùs, quæ diu non repurgatur ; & ut camphora super tabulas cedri ; & muscus super saxa, & arborum cortices ; aut denique, qualiter erucis quibusdam tenuis lanugo inascitur.

Eadem quoque occasione dubitabam, numnam, facta colliquamenti coagulatione, una cum sanguine & punto saliente, hoc etiam corporis capitisque rudimentum statim existeret ; sed tenue adeò & pellucidum, ut visum prorsus effugeret ; donec in situ ac mucorem crassescens, albedinem spissiorem induat, quæ percipiatur : dum interea sanguis crassior & rutilans in colliquamento tam dia-phano facile conspicitur. Verum enim verò cùm pressus rem ipsam cogito, in eâ sententiâ sum ; sanguinem dari, antequam quicquam corporis reliqui existat ; esseque eum, præ cæteris omnibus factus partibus, primogenitum : & ab ipso, tum materiam, ex qua corporatur factus ; tum nutrientum, quo augetur, procedere : esse denique ( si modò ulla fuerit ) primam particulam genitali. Id autem ut credam, quibus argumentis adducar, postea suscitus dicetur ; ubi de parte genitali primâ, de calido innato, & humido radicali disceptabimus ; & simul etiam, quid de anima sentiendum sit, pluribus collatis observationibus, determinabimus.

Circa hoc tempus, singulis penè horis omnia majora, manifestiora, magisque distincta & explicata apparent ; sitque in ovo ve-lox mutatio, plurimaque confertim alia aliis superveniunt. Cavitas ovi jam multò auctior, totamque ejus partem superiorem vacuam relinquit ; tanquam quinta pars ovi absimpta foret.

Venarum ramuli longius protelantur, plurisque numero non solum in colliquamentum, (ut antea) sed hinc in albumina, illius in luteum distribuuntur; amboque adeo liquores passim fibris sanguineis scatent. Vitelli pars superior plurimum colliquescit & funditur, ut ab inferiore planè diversa appareat, jämque duo quasi vitelli videantur; dum superior, cerae liquefactæ instar, (ut diximus) inflatus & pellucidus emicat; inferior autem & densior, unâ cum albuminis parte crassiore, ad acutum ovi angulum subfudit. Estque adeo tenuis vitelli superioris tunica propria, ut à minimâ concusione facile rumpatur: unde liquorum commixtio, ut diximus, & generationis frustratio.

Jani primùm fœtis rudimentum sese conspiciendum exhibet, (quemadmodum in Fabricii figurâ quintâ & sextâ videre est) eoque in aquam limpidam immisso, quid corporis factum sit, quid etiamnum desideretur, cognitu facile fuerit. Apparet nempe forma vermiculi, five galbae; sicut in frondibus arborum, corticum pulstulis, fructibus, floribus, alibique vermium & erucarum primordia conspicimus; præsertim vero in gallis quercinis, quarum in centro, intra crustulam rotundam (ceu nucleus) liquor limpidus continetur, qui sensim crassescens & coagulatus, subtilissimis linementis distinguitur, galbaque formam induit: manet autem aliquantis per immobilis, posteaque motu & sensu præditus, fit animal, tandemque musca avolat.

*Hist. an.* Similem generationem eorum, quæ sponte nascuntur, Aristoteles  
*b. 5. c. 19.* descripsit: Quædam è rore gignuntur, qui super folia deciderit. Parte quoque post, fiunt papiliones ex erucis. Hec autem ex follis virentibus; potissimum raphani illius, quam brassicam vocant aliqui. Primum milio minor est, deinde minuti vermes: tum crescentes intra triduum eruce pufille: posthac autem à motu cessant, & formam mutant, vocanturque chrysalides, crustaque durâ continentur; atque si attingantur, motum edunt. Crusta multo post tempore abrumpitur tandem, unde aleta animalia evolant, quos nominant papiliones.

Nos vero quorumlibet animalium generationem eodem modo fieri infra docebimus: omnia nimirum animalia, etiam perfecta, similiter ex vermiculo gigni.

*Degen. an.* Quod etiam Aristoteles videtur annuisse, ubi ait: In omnibus autem vel iis que perfectum pariunt ovum, conceptus primus indiscretus adhuc recipit incrementum: qualis natura etiam vermis est. Hoc nempe inter vermis, aliorumque animalium generationem interest; quod ille prius augeatur, quam figuretur, aut in partes distinguatur;  
*b. 5. c. 9.* secundum illud Philosophi: E verme ita fit animal. ut non ex ejus parte, sicut ex ovo, sed totus crescat & dearticulatum animal evadat: scilicet, augmento discreta.

Est equidem quod miremur, animalium omnium, præsertim sanguineorum (puta canis, equi, cervi, bovis, gallinæ, serpentis, hominis denique ipsius) primordia, tam planè galbae figuram & consitentiam referre, ut oculis internoscere nequeas.

Sub finem quinti diei, vel initio sexti, caput in tres vesiculas distinguitur: quarum prima, maxima, rotunda, & nigricans, est oculi; in cuius centro pupilla, veluti punctum crystallinum, conspicitur. Sub hac minor vesicula (quæ cerebrum refert) ex parte delitescens cernitur: cui tertia, tanquam apposita crista, sive apex rotundus, supereninet; ex qua tandem cerebellum effingitur. In omnibus verò, præter aquam limpidissimam, nihil reperias.

Jam rudimentum corporis, (carinam diximus) spinam dorsum luctuientiis refert, cui latera exstructa assurgere incipiunt: alæ nimirum & pedes è galba aliquantulum protuberant. Venarum meas nunc planè umbilicum referunt.

*Quinta Ovi inspectio.*

## Exercitatio 18.

**D**le sexto, capitis tres bullæ evidenter apparent, oculorumque tunicae jam distinctæ sunt: simul etiam pedes, atque alæ expullulant: quemadmodum, sub finem Junii, gyrinis (Italis ranabottoli dicuntur, Anglis tadpoles) pedes adnasci solent, cum jam aquas deserunt, caudam amittunt, & ranulæ formam induunt.

Pullo autem non alia adhuc uropygii forma adest, quam quæ in cæteris omnibus animalibus, ipsisque serpentibus, conspicitur; cauda nempe teres, & exigua. Parenchyma cordis pulsanti vesicula obnascitur: pauloque post jecoris, & pulmonum cernuntur rudimenta; rostrumque simile appareat: albissima omnia, præsertim rostrum. Circa hoc tempus etiam viscera omnia, & intestina conspicua sunt. Cor verò ante reliqua se videndum exhibit: pulmones etiam ante jecur, aut cerebrum. Omnimodum tamen primi oculi videntur, propter amplitudinem ipsorum, & nigredinem.

Jam quoque foetus sese movet, & leniter contorquet, caputque exporrigit: licet nihil etiamnum cerebri, præter aquam limpidam vesiculæ inclusam, compariatur. Est denique perfecta galba; hoc solum ab erucis discrepans, quod hi vermes emancipati cum sint

sint, *huc illuc serpent*, *victumque sibi aliunde querant*: ille *verò vermiculus loco stabilis*, *proprioque pabulo innatans*, *cibum per vasa umbilicalia mutuetur*.

*Exstructis* *jam visceribus*, *atque intestinis*, *fœtūque motum exercente*; *pars tamen corporis anterior*, *thorace & abdomine privata*, *planè aperta cernitur*; *cörque ipsum*, *jecur*, *& intestina foris pendula conspicuntur*.

Sub finem hujus diei, & principium septimi, *digiti pedum distinguuntur*; *fœtūisque jam pulli effigiem induit*, *rostrum aperit*, & *calcitrat*: *omnes denique partes adumbrantur*, *præ cæteris verò oculi*. *Viscera adeò obscurè patent*, ut *Coiterus* *verè affirmet*, *se oculos quidem & rostrum percepisse*, *nullum verò viscus potuisse discernere vel absconditum, vel confusum*.

Quæ sequuntur ab initio sexti, ad septimi diei finem, ut plurimū in aliis ovis citius, in aliis paulò tardius contingunt. *Oculorum tunicae* *jam videntur*, licet humoreni solūm liquidum & limpidum in se contineant. *Ipsi oculi extra orbitas suas prominuli sunt*; *eorumque singuli non minus cerebrum amplitudine excedunt*, quām caput, cui innascuntur, totum reliquum corpus mole exsuperat.

*Bullula* *quædam*, *instar cristæ*, *extra cerebri ambitum expansa*, *cerebelli vicem supplet*; *ipsaque similiter aquâ limpidâ referata est*.

*Cerebrum* *obscure bifidum* *apparet*; *minusque*, *quām cerebellum*, *fulget*; *magis tamen candicat*. *Et quemadmodum cor foris extra pectoris penetralia conspicitur*, *itâ pariter cerebellum extra cerebri fines protuberat*.

*Absciso capite*, *apparuit* (*perspicillis utenti*) *in cervice*, *venæ ad cerebrum ascendentis* *quasi punctum sanguineum*. *Spinæ quoque vestigium* *jam primū à reliqua pulpâ discernitur*, *colore quidam lacteo*, *sed consistentia firmiore*. *Itâ similiter*, *quasi tenues aranearum telæ*, *exiles lineaæ laetæ* *per corpusculi pulpam vagantes*, *costarum*, *aliorumque ossium specimen exhibit*: *idemque luctu* *ntiùs in majorum animalium viviparorum formatione apparet*. *Cor*, *pulmones*, *jecur*, & *intestinorum loco tenuissima filamenta*, *omnia alba*. *Jecoris parenchyma* *venæ umbilicali*, *quâ parte ingreditur*, *super exilia stamina fibrosa adnascitur*: *simili prorsus modo*, *quo rudimentum corporis*, *venæ à corde descendenti*, *vel vesiculae pulsanti accrescere diximus*. *Quemadmodum enim uvæ*, *racemo*; *germina*, *virgultis*; *incipiensque spica*, *gramini accrescant*: *itâ quoque hepar*, *venæ umbilicali adhæret*, *indéque oritur*, *ut fungi ex arboribus*, & *supercrescens in ulceribus caro*, *vel sarcoles morbosæ arteriarum ramulis conterminæ*, *è quibus*

è quibus nutrientur , & in maximam interdum molem excrescent.

Ad hoc arteriarum officium , sive sanguinis circulationem respiciens , ingentes aliquando hernias carnosas , præter omnem spem , perfectè curavi ; id solùm agens , ut præcisâ vel ligatâ arteriolâ , nihil nutrimenti , spiritusve ad partem laborantem accederet ; quo factum , ut tumor morticinus facile poslea vel ferro , vel igne extirparetur. Habuit quidam præ cæteris (idque complurimum fide dignorum testimonio confirmare possum ) sarcin in scroto , sive herniam carnosam humano capite majorem , genuum tenus deorsum pendulam : indéque sursum carnosâ moles , ad carpi magnitudinem , ( ceu funis nauticus ) abdomen ingrediebatur ; adeoque malum increvit , ut nemo ferro , vel aliter , curam aggredi auderet. Hanc tamen ingentem excrescentiam , scrotum tantopere distendentem , testiculūmque in medio ejus obvolventem , quo dixi modo planè abstuli , & curatione perfectè defunctus sum ; reliquo interea testi vase suo præparente , & deferente ; reliquisque in scroto , per vaginalē tunicām descendantibus , salvis & intactis. Verùm hujusmodi , aliásque curationes , præter vulgi sententiam & methodum feliciter peractas , in observationibus nostris medicinalibus ( si Deus nobis vitam largitus fuerit ) copiosè enarrabimus.

Hæc eo fine potissimum à nobis dicta sunt , ut luculenter constet , hepar vasis accrescere ; & aliquandiu post natum sanguinem demum generari ; ejusque parenchyma ex arteriis , ( unde materia affunditur ) procreari ; & aliquantis per sanguine privatum albescere ; quod & reliquis nostrī corporis partibus commune est. Quemadmodum enim pullum ex ovo nasci diximus , eodem omnino modo , atque ordine , hominis , aliorūmque animalium generatio contingit.

Unde constat , absonam prorsus esse eorum sententiam ( quamquam olim hodiéque passim obtinuit ) qui jecur sanguinis officinam , & autorem esse adstruunt ; eoque nomine ipsum inter præcipuas , primoque genitas corporis partes recensent. Quintam tanto viscus hoc honore dignati sunt , ut statim ab initio , unā cum corde , è matris semine oriundum dicarent ; fabulānque de tribus capellis , vesiculis nempe fictitiis , acriter nimis defendèrent. E quorum numero *Parisanus* nuper , magno quidem , sed imprudenti animo , veterem cantilenam occinit. Non animadverterunt scilicet hi boni viri , vesiculos in ovo moveri . micare , sanguinemque jam perfectè coctum adesse , antequam hepatis vola aut vestigium conspiciatur. Profectò sanguis potius ipsius hepatis efficiens , ( quam hoc illius autor ) censendus est. Nam post

post sanguinem, & ab ipso, hepar generatur, vasique sanguineis adnascitur.

Sed neque Aristotelis assentiri ausim, cor sanguinis autorem reputantibus. Nam substantia ejus, sive parenchyma, aliquantò post sanguinem nascitur, & vesiculis pulsantibus superadditur. Plurimum autem ambigō, utrūm vesicula, sive punctum saliens; an sanguis ipse sit antiquior: num scilicet liquor contentus, an vasa continentia. Videtur autem, quod continet, contenti gratiā fabrefactum esse; ideoque posterius efformari. Id quidem oculorum fidelium testimonio certum est, prima corporis stamina, primūmque ejus fundamentum conspicuum, venas esse; quibus reliquæ omnes partes superadditæ, & postgenitæ sunt. Verùm hac de re postea ampliūs.

Interea ridere libet fictam illam partium divisionem, in sanguineas, & sanguineas: quasi verò aliquæ ex semine immediate natæ sint, & non omnes ab eadem origine proficiuntur.

Ad propositum revertor. Colliquamenti ambitus jam supra dimidium ovi occupat. Cor foris pendulum, à corpore nonnihil remotum est. Et, si attentè inspiceris, vasa quædam umbilicalia pulsare videoas.

### Inspectio sexta.

#### Exercitatio 19.

**D**le septimo omnia manifestiora sunt, visunturque singularum partium primordia: nempe alæ, pedes, genitalia, pedum dorsi divisi, femora, clunes, &c. Jam se movet fœtus, & calcitrat, perfectisque pullus conspicitur; cui nihil postea superadditur, sed partes tenellæ duntaxat incrementum sumunt: quæ quantò, magis augentur, tanto quoque magis albumen absuntur; membranæque exteriōres unitæ, secundinæ naturam referunt; quemadmodum & venæ, umbilici effigiem magis indies repræsentant. Quapropter à die septimo ad decimum transiliendum censeo; cùm interea temporis nihil observatu dignum occurrat, quod non passim apud autores alios, præsertim Aristotelem, reperias.

Fit tamen, ut plura simul ova insipienti, quædam præcoccia, & provectione, omnique explicata magis habentia: alia tardiora, membrisque minus distincta apparent. Quanquam aliæ non parùm ad hanc rem faciunt, anni tempus, locus, externa fomenta, diligens

diligens incubatio, & siqua sunt alia hujusmodi. Memini, me aliquando die septimo in ovo ignaviore vidisse cavitatem quidem in obtuso cacumine dilatatam, colliquamentum venis conspersum, in ejus medio vermiculum, oculi etiam rudimentum, cæteraque quæ in aliis ovis quarto aut quinto die fieri solent: vesiculæ tamen pulsantes non aderant; nec venarum truncum, aut radicem (ex qua ipsas oriri diximus) reperire licuit. Quapropter meritò ovum imbecillius judicabam, & quasi à tergo relictum, facultaté generativâ effectâ præditum, jámque internacioni proximum. Præsertim, cùm ejus colliquamentum minus solito pellucidum & fulgens, venasque parvum rutilantes cernerem. Evascente nempe spiritu vitali, pars, quæ in generatione prima efficitur, & sub obtutum cadit, in corruptione quoque prior deficit, & evanescit.

*Inspectio post diem decimum.*

## Exercitatio 20.

**Q**Uæ decimo die conspicienda veniunt, tam accurate ab Aristotle enarrantur, ut vix quicquam superfit, quod à nobis addi possit. Sententia autem ejus, me paraphraste, est hujusmodi: *Decimo jam die pullus totus conspicuus est; atque etiam pellucidus, & de his. an. albus, præter oculos, & venarum ramos. Caput etiam toto reli- l. 6. c. 3. quo corpore majus est; & oculi capite grandiores herent, seu potius adhærent, & quasi appenduntur, nullâ adhuc pupillâ prædicti; (scilicet perfectè formatâ: tunicas tamen jam discretas deprehendere, non est arduum) Quippe tunc si eximas, invenias fabis grandiores, & nigros. A quibus detracitâ cute humor exit candidus, ac frigidus, vehementer ad lucem refulgens, præterea verò nihil, (in toto capite nempe) præter dictam aquam limpidam continetur. Ità nimirum se res habet à die septimo ad decimum usque, ut supra diximus.*

Eodem tempore, inquit, viscera quoque jam apparent, & quæ ad ventris intestinorumque pertinent naturam: cordis nempe parenchyma, pulmones, jecur, &c. omnia verò alba, mucilaginosa, & flaccida, nihilque firmitudinis in se habentia. Venæque etiam quæ à corde tendunt, jam umbilico applicantur. Ab umbilico autem tenditur vena una ad membranam quæ vitellus continetur: qui eo tempore liquidior jam & fusior est, quam qui naturâ suâ constare solet. Altera autem ad membranam, quæ & tota membrana (nempe colliquamenti tunica) fœtum

tum anbiens & vitellum, interjacentis humor continetur. Crescente enim paulatim pullo, vitelli pars suprà, pars infrà est; albumen autem in medio liquidum. Sed & sub inferiore vitelli parte illà, albumen item est; quemadmodum & antea suberat. Hactenus Aristoteles.

Venas autem jam perspicnè videre est arterias comitari; tam has, quæ ad albumina tendunt; quam illas, quæ ad vitellum. Vitellus etiam hoc tempore liquefit, & fusior est; non totus quidem, sed is qui supernat; (ut pridem diximus) neque etiam venarum rami in totum vitellum excurrunt; sed in partem illam duntaxat, quam liquatæ ceræ instar fusam diximus. Similiter venæ, quæ ad albumen tendunt, arterias sibi comites habent. Ipsaque albuminis major pars, in humorem candidum (colliquamentum scilicet) abit, qui pullum innatantem amplectitur; interjacetque utramque vitelli portionem, superiorem nempe, & inferiorem; cui in initio (angulo nempe acuto) pars albuminis crassior & viscidior subjacet. Vitelli pars superior, liquidior jam & fusior apparet, quam inferior; quocunque enim venarum fibrae diffunduntur, partes illæ subito intumescent & liquidiores fiunt.

*Decimo verò die, inquit, albumen subedit, exiguum jam, viscidum, crassum, & subluteum. Quod nimirum in colliquamentum non abiicit.*

Jam maxima albuminis pars in colliquamentum, indéque in foetus absumpta est; totum nempe albumen tenuius; crassiorique pars major. Vitellus autem amplior, quam initio erat, conspicitur. Unde manifestè constat, vitellum nondum nutritioni inferire, sed postea hunc officio dicatum esse. Et quantum ex venarum ductu ac distributione conjecturâ consequi potui, foetus ab initio statim ex colliquamento nutritur; quippe in ipsum duntaxat venæ primùm disseminantur; deinde in tenuioris albuminis membranam; posteaque in crassius albumen, & vitellum. Similiter & crassius mox albumen, pro nutricatu est; ultimoque tandem vitellus.

Ità nempe tenerrimus foetus, dum adhuc vermiculus est, tenuissimo, optimèque coto vietu alitur; colliquamento, inquam, & albumine tenuiore. Postquam autem adolevit, cibo utitur ætati, viribusque suis consentaneo.

Proximis verbis Aristoteles singulorum in ovo situum describit: *Primâ postremaque parte membrana ovi sub cortice, non cortieis membrana, sed sub ea: atque in hac liquor inest candidus: (colliquamentum scilicet) Deinde pullus; & eum continens membrana, atque ita separans, ut nè in liquore illo sit foetus ipse.*

Ubi mendum in textu esse suspicor. Nam ut res ipsa indicat, ità potius dicendum foret: Deinde pullus membranâ obvolutus, in eo candido liquore manet, sive natat: quæ quidem membrana, non est exterior illa totam testam immediatè succingens, sed altera.

altera huic subjecta ; quæ absunto jam primo albumine exteriore, reliquoque albumine crasso in acutum angulum depresso ; ex duabus membranis, ( nimirum albuminis tenuioris, & colliquamenti propriâ ) una tunica fit, quæ tanquam secundina, chorion dicta, jam apparere incipit. Aptéque ait Aristoteles, *liquor in ea candidus inest*; quibus verbis, albumen non intelligit, sed factum ex albumine colliquamentum, in quo fœtus natat ; albumen enim quod supereft, in acutum angulum subsidit.

---

*Inspectio post diem decimum quartum.*

## Exercitatio 21.

**A** Die septimo ad quartum & decimum, omnia aucta magis ( ut diximus ) & conspectiora fiunt. Cor, aliisque viscera omnia, intra pulli ventres jam abscondita latent ; & quæ nuda priùs, torisque prominentia cernebantur, nunc nisi aperto thorace, atque abdomine, neutiquam conspicuntur. Pullus nunc primùm plumis vestitur ; quarum radices, cœu puncta nigra, visuntur. Oculi pupilla jam distinguitur ; palpebræ apparent ; atque etiam membrana nictatoria, in majore oculi cantho, sese conspiciendam dat ; quæ avibus omnibus est peculiaris, quâ oculos suos detergere solent. Cerebri gyri quoque distinguuntur, & cerebellum calvaria occcluditur ; cauda etiam uropygii figuram adipiscitur.

Post diem decimum quartum, viscera ( prius alba ) carneum sive rubicundum colorem paulatim induunt. Cor jam thoracis lateras ingressum, sternaque opertum, ædificium propriâ operâ exstructum inhabitat. Cerebrum & cerebellum intra cranii fornicem solidescit. Intestina autem, & ventriculus nondum abdomine concluduntur, sed interioribus annexa, foris propendent.

Duarum venarum juxta anum è ventre in umbilicum derivatarum ; altera est arteria, ( ut pulsus indicat, ) ab arteria magnâ oriunda ; altera, vena, à vitello per intestinorum latera in venam Portam, simâ hepatis parte, deducta : alter enim vasorum umbilicalium truncus, ramulis ex albumine collectis, transit jecoris gibbam, & in venam cavam juxta cordis basin perforatur.

Hæc ut indies luculentius apparent, itâ major quoque albuminis portio quotidie absunitur ; quod vitello non contingit, qui penè integer etiamnum permanet, eadémque mole, quâ primo die conspiciebatur.

Diebus sequentibus, quinque vasa umbilicalia videre est; quorum unum, est vena maxima, è cava supra jecur oriunda, ramisque in albumen dispartiens: aliae duæ venæ à Porta proficentes (eiusdem ambæ originis) in binas vitelli partes (quas modò descripsimus) distribuuntur; & utranque hanc arteriolæ, ex lumbaribus natæ, comitantur.

Jam pullus majorem ovi partem occupat, quam reliqua omnia quæ in eo continentur; plumisque vestiri incipit: quantoque plus fœtūs, tanto minus albuminis reperitur. Notatu quoque dignum est, membranam colliquamenti (quam diximus cum exteriore tunica conjungi, & secundinam sive chorion constituere, jam vitellum totum unâ comprehendere, & contractiorem redditam, vitellum simul cum intestinis ad fœtum adducere, eique conjungere, & seu sacculo constricto claudere. Quæque antè subtilis & transparens fuerat, prout jam magis magisque contrahitur, ita pariter crassescit magis, & carnosior evadit: posteaque, ad similitudinem herniæ intestinalis, in scroto dilatato intestina simul cum vitello recondit, & sustinet; tandemque quotidiana contractione adductior, abdomen pulli constituit. Vitellum hoc modo, circa diem decimum octavum, intra intestina laxiore alvo collocatum reperias; non tamen ita firmiter positum, quin intestina levi momento (ut in hernia intestinali fit) vel intra ventrem repulsa, vel foras in scrotum dlapſa, unâ cum vitello huc illuc pellantur. Vidi aliquando columbae, æstivo tempore feltinantibus exclusæ, vitellum ad hunc modum ex alvo prolapsum.

Sub hoc tempore, pullus ventricosus cernitur, quasi herniam (ut dixi) pateretur. Jamque colliquamentum paulatim turbatur, immutatur, & absuntur, (cujus pridem magna copia erat) fœtusq; supra vitellum decunbit. Iisdem diebus, antequam hepar colore sanguineum nanciscitur, secundamque (ut ajunt) concoctionem instituit; fel (quod in eadem, utpote excrementum, virtute jecoris separari vulgo credunt) virescens jam intra hepatis lobos inventias. In ventriculi cavitate liquor limpidus reperitur, ejusdem planè consistentia, coloris, & saporis cum colliquamento, in quo fœtus natabat; qui per intestina dilabens, colore sensim mutat, & in chylum vertitur; tandemque in intestinis inferioribus simile excrementum occurrit, quale eademi in pullis jam exclusis continent. Ubi proiectiores fuerint pulli, in eorum ventriculo liquorem hunc coctum videoas, & coagulatum: quemadmodum in iis qui lacte vescuntur, schiston fit, in serum nempe & colostron permutatum.

Absumpto ferè albumine, & exigua jam colliquamenti relicta quantitate, per aliquot ante exclusionem dies, pullus non amplius natat,

natat, sed (ut dixi) supra vitellum decumbit; totusque conglobatus, capite ut plurimiū inter femur dextrum & alami posito, rostro etiam, unguibus, & plumis, caterisque omnibus instructus conspicitur. Modò dormit, modò vigilat; movensque sese, respirat, & pipit. Si ovum auri admovearis, tumultuant in intus factum, calcitrantem, respicientem etiam autore Aristotele, atque pipientem manifeste audi-s. Idem, si in aquam calidam pedetentim dimiseris, innatabit, pullusque intus à calore ambiente exergefactus, saltus edet, cùmque (ut diximus) huc illuc volutabit. Quo experimento mulieres ova fœcunda distinguunt à subventaneis, quæ aquæ imposita subsidunt.

Albumine jam penitus confecto, paulò ante exclusionem, umbilicus alter (quem in albumina derivatum diximus) obliteratur; sive, ut Aristoteles ait, *umbilicus is*, qui ad secundinas exteriores tendit, *Hist. an. solvit ab animali*, & cadit. Qui verò ad hunc fertur, cum pulli tenui l. 6. c. 3. intestino connectitur.

Excrementa, quæ primùm in intestinis reperiuntur, alba sunt, & coenosa, testæ ovi emollita similia. Quinetiam ejusmodi extra factum intra secundinas reperire est. Adstipulatur Philosophus: *Eodem tempore etiam mulum emitit excrementum ad extremam membranam. Quin album quoque excrementum tam intra alvum, quam extra habet.*

Tempore verò procedente, paulò ante factus exclusionem, *fæces* subvirides cernuntur, quales exclusos pullos ejicere, modò diximus. Visitur etiam in ingluvie portio quædam colliquamenti deglutita; & in ventriculo schiston, sive coagulum.

Nec haec tenus quidem jecoris color purpureus, aut sanguineus est, sed ab albo in flavedinem vergens: qualia piscium jecora cernuntur. Pulmones tamen sanguinolenti rubescunt.

Vitellus nunc in abdomen inter intestina concluditur: idque non solum dum factus in ovo fuerit, sed post exclusionem etiam, cùm obambalat, matremque inseguens vietum queritat. Ut verum videatur, quod Aristoteles multoties affirmit; *vitellum nempe, pullum pro cibo contigisse*: codem enim intus contento, pullus primis ab exclusione diebus (donec rostrum firmitudinem acquisiverit, quo cibaria frangat, & preparat; ac ventriculus robur, quo eadem conficiat) pro nutrimento utitur; estque adeò lacti analogos. Aristoteles huic sententiæ calculum suuni adjicit, loco à nobis sèpius citato: *Jam & pullum ipsum multum humoris lutei subit: qui demum Hist. an. decrevit, procedentique tempore totum absimitur in ipsum pullum, cuius in l. 6. c. 3. corpore comprehenditur; ita ut decimo pèst die, quam exclusus est pullus, si dissecetur, etiamnum ad intestinum paulum vitelli reliquum inveniatur. Quinetiam post tricesimum diem, vitelli reliquias ibidem deprehendi. Et, si valet argumentum à ductu venarum umbilicalium,*

(quas ad jecoris portam uno aut altero trunco terminari diximus) pullus jam eodem prorsus modo nutritur, alimento ex vitello per vasā umbilicalia attracto; quo postea chylo ex intellectinis per venas mesentericas traducto alitur. Vasa enim utrobique ad jecoris portam terminantur, ad quam nutrimentum pariter attractum deferunt. Ut ad *venas laeves* in mesenterio (quæ in *pennatis* nullibi reperiuntur) confugere non sit opus.

Lubet hic annextere, quod sèpe expertus sum. Ut fœtūs, & liquorum posituram apertius discernerem, post diem decimum quartum ad exclusionem usque, (albuminis majore parte jam absump-tâ, & diviso vitello) ovum integrum ad duritiem decoxi; rup-tóque cortice, ac pulli collocatione perspectâ; inveni tum albumini reliquum, tum ambas vitelli partes (quas factâ per lenem calorem colliquatione divisas diximus) eâdem consistentiâ, colore, sapore, aliisque accidentibus, quibus ova requieta & similiter cocta dotari solent. Plurimum itaque mecum ipse reputavi, quî fieret, ut ova improlifica gallinæ supposita, ab eodem calore extraneo corrumpantur, putrescant, & fœtida evadant; ovis autem fœcundis idem non contingat. Sed in his liquores ambo (licet fœtus unâ cum excrementi pauxillo adsit) fani, salubres, & immunitati permaneant; adeò, ut si quis coctos eos in tenebris comedat, nequeat à requieto ovo similiter cocto distinguere.

## De pulli exclusione; sive partu ex Ovo.

## Exercitatio 22.

**E**st Ovum (ut diximus) quasi *uterus expositus*, & locus in quo fœtus formatur: niatricis enim munus obit, pullumque ad debitum nascendi tempus amplectitur; qui perfectus jam inde partur. *Ovipara* itaque non discriminantur à *viviparis*; quod hæc fœtus suos vivos pariant, illa non item; (pullus enim intra ovum non solum vivit, & movetur; sed respirat etiam, ac vocem edit, vitâque jam natus perfectiore fruitur, quam reliquorum animalium fœtus,) sed differunt potissimum generationis modo; quod nempe in *viviparis*, uterus sive locus in quo fœtus formatur, sit intra animal, cuius calore foveatur, & perficitur: in *oviparis* verò ovum, ceu uterus, extra animal exponitur; quod tamen illud non minùs incubando foveat, quam si intra corpus suum amplectetur.

Nam licet mater interdum varias ob caussas ova sua tantisper deserat;

deserat; eadem tamen usque amat, brevíque rediens sinu suo complectitur, foveat, ac diligentur tuetur.

Cùm verò pullus aërem jam liberiorem quærit, rupto cortice prodit in lucem, circa diem vicesimum primum, aut vicesimum secundum.

De hac pulli exclusione, sive nativitate, non est prætereundus Fabricii, aliorūque ferè omnium vulgaris error. Audiamus *Fab.* Pag. 59.  
bricium ipsum: *Citius*, inquit, indiget externo aëre, quam cibo, cùm alimenti adhuc aliquid intus supersit: in quo casu jam pullus, qui durum corticem, præ rostro mollitie, & corticem à rostro distantiā, eoque intra alam adstricto, rumpere non valet; jam signum matri dat rumpendi necessitatē: id quod per vocem efficit emissam. Etenim pullus tunc ita robustus est, & cavitas tam ampla facta, & aër ita copiosus contentus, ut jam adauclā impensis respiratiōne, exsufflationem quoque & vocem emittat, naturalem quidem pulli, fortèque quidam petentis significatricem: que etiam exterius audiri facile à quolibet potest: præterquam quod Plinius & Aristoteles id L. 10. c. 53. ipsum affirmant: Quā pulli voce protinus auditā, quasi necessitatē rumpendi de bis. an. corticem cognoscens, ut nimirum pullus externo fruatur aëre pro suā conservatione, aut si mavis, dicas, pulli dilectique filii conspiciendi desiderio fœtans affecta, jam rostro corticem rumpit: qui non difficulter abrumptur, cùm ibi loci propter cavitatem jam diu humoribus destitutam, & à contento aëre, & calore exsiccatam fragilior, friabiliorque evaserit. Vox igitur pulli primum & maximum signum est ejusdem exitum querentis, externaque aëre indigenis: quam ita exadi gallina percipit, ut si fortè fortunā fœtans pulli vocem internam, infernāque esse dignoscat, tum sursum pedibus ovum revolverat; ut eā duntaxat parte quā vox venit, sine ulla pulli noxā corticem abrumpat. Addit & alterum signum Hippocrates pulli ex ovo exire pententis; videlicet quod pullus, ubi alimento destitutus, fortiter moveatur, pueri. uberioris alimentum querens; & pellicule circū disrumpuntur; & ubi mater sentit pullum vobementer motum, putamen exscalpens ipsum excluit.

Hac à Fabricio festivè quidem & concinnè dicta sunt; solidis tamen argumentis haud innituntur. Experientiā enim compertum habeo, pullum ipsum (non autem matrem) corticem frangere: idque rationi etiam quam maximè est consentaneum. Quomodo enim alias ova in finetis, furnisque calidis (ut in Ægypto, aliisque fit) rumpantur? ubi mater nulla adest, quæ vocem suppli- cantis pulli, opémque implorantis audire queat. Testudinum marinarum & terrestrium, piscium quoque, bombycum, serpentum, & struthionum ova, quomodo frangantur? cùm foetibus illis vel vox desit, quā exitum petant, vel sub terra sepulti exaudiri nequeant. Sponte igitur nascuntur pulli, atque ex ovis suis proprio molimine profiliunt. Idque ita fieri, certissimis argumentis liquet.

**L**iquet. Quippe in primâ ovi perforatione, hiatus iste multò minor est, quām ut matris rostro conveniat: sed pulli rostro directè respondet; circa quod (in modum coronæ) corticem æquali semper à cacumine distantia ruptum videas, partēsque confractas (præsertim primis ictibus) foras semper prominere. Quemadmodum autem ruptis vitreis fenestrīs, facilè quis judicaverit, intusne ictus an foris advenerit; si modò frustorum adhærentium apices, quò tendant, diligenter intuitus fuerit: Ità pariter rupto ovo, ex fragmentorum per totum coronæ ductum eminentiâ, ab internâ causâ id proficiisci manifestum est. Quin egomet, aliisque mecum complures, simul ac pullum audivimus corticem unguibus scalpere, vidimus quoque illico eundem rostro pertundere, rupturamque in circulum, coronæ instar, deducere. Quinetiam vidi fœtum capite suo corticis cacumen attollere, & amovere.

Pluribus quidem hæc deduximus, quod haud spernendæ utilitatis sit speculatio: ut inferius constabit. Fabricii verò argumentis responsu facile est. Fateor enim, pullum intra ovum vocem edere, & fortassis aliquid petentis significatricem: Non indè tamen sequitur, corticem à matre frangi. Neque pulli rostrum adeò molle, aut à cortice remotum est, ut hunc perforare non possit; præsertim cortice jam (ob cauſas ab eo allatas) valde friabili reddito. Nec semper caput intra alam reconditum tenet, ut ideò corticem rostro frangere nequeat, sed solummodo cum dormit, aut vitâ defungitur. Interdum enim (ipsomet quoque fatente) vigilat, calcitat, scalpit, radit, distringit corticem, luctatur, membranas involentes rumpit, vocem edit, (eandemque, opem implorantis esse, non invitū concessero:) hæcque omnia à quolibet facilè audiri possunt. Quare gallina sedulò auscultans, quamprimum vocem ab ima parte attolli percipit, ovum quidem non rumpit, sed pedibus suis sursum revolvit, commodiorēque situm pullo intus inclusō præbet. Non constat autem, pullum voce suâ rumpendi corticis necessitatem matri indicare, aut exitum ab ea petere. Nam sæpe per biduum ante exclusionem, pullum in ovo pipientem audiās. Nec mater, dum ova revolvit, rumpendi ea locum querit; sed, ut infans, cum in cunis se malè habet, inquietatur, plorat, ejulat; matérque illius amans, huc illuc sedulò ab uno latere in aliud removet, agitatque, donec ille placatus fuerit: ità similiter gallina, ubi pullum tumultuantem, pipientēque in ovo senserit, vel jam ex ovo exclusum in nido sese inordinatè commoventem; protinus se attollit, cavētque, nè corporis sui pondere, vel calore nimo eum lædat, rostrōque pedibūsque ultrò citrōque volvit, donec fœtui quietem, atque indolentiam comparaverit.

## De Ovis gemellificis.

## Exercitatio 23.

**G**Emellifica ova sunt, è quibus gemelli prodeunt pulli; eaque (aīt Arist.) binis vitellis prædicta sunt; qui in aliquibus tenui al- De bif. an. buminis dissepiamento separantur, quo minus inter se confusi sint: in aliis l. 6. c. 3. nullum est, sed se mutuo contingant.

Vidi sāpe ova gemellifica, quorum singulos vitellos binā albumina ambiebant, cum membranis communibus, propriisque singulatim obvolventibus. Alia quoque ova vidimus cum binis vitellis quasi connascentibus, quibus utrisque unicum albumen commune circumfundebatur.

Gallinæ nonnullæ sunt (inquit Arist.) quæ omnia gemellifera parit. Ibid: uni; in quibus, quod evenire vitello diximus, perspectum est. Quædam enim duodevigineti cum peperisset, exclusit geminos; nisi quæ irrita fuerunt. Verum ita sit, ut ex gemellis, alter major sit, alter minor; postremus autem etiam monstrosus.

Apud nos interdum gemellifica ova nascuntur, & gemelli quoq; aliquando (licet rariissimè) excluduntur. Ipsemet autem ambos ejusmodi fœtus vivos nunquam vidi; quòd vel in ovo ipso, vel in exclusione alter pereat. Idque etiam mihi ex Arist. verbis fit verisimile, dum alterum majorem, alterum minorem ait: illum nempe robustiorem, & ætate proiectiorem; hunc autem imbecilliorēm, magisque ad exitum imparatum; siquidem (ut opinor) bini isti vitelli, disparis ortūs, & maturitatis sunt. Fieri itaque vix potest, quin robustior, & exclusioni jam parator, si ovum aperiat, ipsique prodeat in lucem, alteri abortum afferat. Si autem ille ovum non ruperit, præsens ipsi periculum (ob defectum aëris) imminet. Adeò alterutri saltem, in exclusione, si non utrique, certa mors impendet.

Fabričius ista Aristotelis verba vel non videns, vel negligens, aīt: Pag. 13. Quod si interdum ovum duos obtinens vitellos, intra se pullum cum quatuor cruribus, vel alis, duobusque capitis, & id genus monstra pariat; nunquam tamen duo invicem separati (ut duo dici possint) pulli sunt: sed unus duntaxat corporis truncus est, qui duo capita, quatuor crura, aliquaque hujusmodi annexa habet.

Unde constat, euni nunquam vidisse, aut ab expertis audivisse, ejusmodi ova binos pullos parere: ac proinde unā mecum credere,

talia ova raro contingere ; neque unquam excludere binos foetus vitales.

Miror autem, { visâ hac Aristotelis autoritate } eum dicere, duos invicem distinctos pullos ex ovis ejusmodi nunquam provenire : sed monstrum semper produci. Præsertim cum ipsemet credat, foetus è chalazis, tanquam è materia, fabricari ; & in gemellifico ovo quatuor chalazas non videre non potuerit.

Crediderim potius, cum in ovo gemellifico duo vitelli eodem albuminè concludantur, invicemque adeò conjuncti sunt, ut eorum cicatriculæ, dum simul aperiuntur, unum oculum (colliquamentum à nobis dictum) constituant ; monstrum foetus procreari posse, cum quatuor pedibus, duobus capitibus &c. quippe nihil video, quod impedit : talèmque ex ovo *Fabricii* prognatum arbitror.

Veruntamen ubi duo vitelli distincti fuerint, duabus tunicis propriis dissepti, & grandinibus suis, albuminibus, cæterisque ad foetus generationem necessariis instruti : cum Aristotele concludendum censoro, tale ovum, ut partes omnes (præter corticem) duorum ovorum habet, ita & potentias quoque obtinere ; ac, nisi infœcundum aut urinum fuerit, duos plerunque foetus productarum, raro autem monstrum singulare.

*Porismata*



*Porismata quædam ex prædicta Ovi  
historiâ desumpta.*

*Exercitatio 24.*

**H**istoria quidem ovi gallinacei ita se habet. In qua, quomodo ipsum generetur, & actione suâ (propagatione nempe) pullum efformet, enarravimus. Prolixè forsitan nimis, eorum arbitratu, quibus quorsum tanta molitio, tamque accurata observatio spectet, nondum constat. Quare, quem fructum diligentiae nostræ consequuti simus, hic adjungere consentaneum arbitror: atque (ut doctissimi Verulamii nostri verbis utar) *vindemiatio secunda insituenda est.* Theoremiata itaque nonnulla, ex enarrata historiâ colligenda veniunt; quorum aliqua, certissima sunt; nonnulla, aincipitis fidei, & ulterius ventilanda: quædam, paradoxa, & popularibus placitis contraria: horum quoque alia, ad gallum, sive marem pertinent; alia, ad foeminam; quædam, ad ovum ipsum; quædam denique, ad pulli formationem. Quibus aliquando accurate perspectis, de reliquorum quoque omnium animalium generazione facilius, certiusque judicabimus.

*Quid sit Ovum.*

*Exercitatio 25.*

**T**heoremta, quæ circa ovi contemplationem versantur, alia, quid ovum sit, docent; alia, generationem ejus; alia, partes constituentes perpendunt.

Constat primò, unius pulli unicum esse ovum. Et quanvis sit <sup>unius</sup> veluti uterus quidam foris expositus, rarissimè tamen plures gignit pulli, unis factus; sed singularem pullum, ut plurimum, producit. Et licet <sup>cum ovum</sup> binos interdum gignat, ovum tamen ejusmodi haud simplex censem

sendum est, sed duplex; utpote naturam duorum, partésque obtinens.

**Ovum est.** Est enim ovum, conceptus aliquis à mare & fœminâ proficiens. cens, utriusque pariter virtute praeditus, ex quo uno unum fit animal.

**Principiū sicut & fructus.** Néque est principium duntaxat, sed fructus quoque, & finis: principium scilicet prolis generandæ; fructus autem utriusque parentis, putà galli, & gallinæ opus, (ceu finis quem in generatione sibi proponunt) & origo factus futuri: Semen autem & fructus (autore Arist.) inter se differunt prioris posteriorisque ratione; fructus enim, quod ex alio est: semen, ex quo aliud. Nam alias ambo idem sunt.

**Deg. an. l. i. c. 18.** **Est etiam medium quid.** Videtur etiam ovum medium quid esse; non modò quatenus principium, & finis est; sed tanquam opus utriusque sexus commune, & ex utroque compositum: quod materiam, & facultatem opificem in se continens, utriusque virtutem habet, quâ alterutri similem factum producit. Est quoque medium inter animatum & inanimatum; neque enim vitâ profusus donatum est, neque eâdem omnino privatur. Inter parentes, & liberos; inter eos qui fuerunt, & qui futuri sunt; media via, sive transitus est: cardóque, & centrum; circa quod generatio totius gallinacei generis vertitur.

Terminus est, ex quo omnes galli & gallinæ oriuntur; & ad quem, ceu finem à naturâ sibi propositum, totâ vitâ nituntur. Ita fit, ut individua quæque, duni speciei gratiâ sui similia procreant, in ænum perdurent. Est, inquam, ovum hujus æternitatis periodus: nam haud facile dixeris, utrum ovum pulli, ex eo nati gratiâ; an hic illius causâ factus fuerit. Quid autem horum prius sive tempore, sive naturâ sit, ovum nempe, an gallina? postea, cum de animalium quorumlibet generatione universim dicemus; uberioris tractabimus.

**atque ex-**  
**spermatozoo.** **Ovum præterea** (quod præcipue notandum) proportione respondet feminibus plantarum, easdémque omnes cum illis conditiones obtinet: ut non immerito gallinarum semen, sive sperma censem sit, (quemadmodum & semina plantarum, ova dici jure possunt) non solum ex quo, cœu materia; sed & à quo, tanquam efficiente, pullus oritur. In quod etiam nulla pars futuræ prolis actu est, omnes vero insunt potentia.

**Spermatis & genitu-**  
**re diffi-**  
**cacia.** Differt autem semen propriè dictum, à genitura: quippe (defini- tore Aristotele) genitura id vocatur, quod à generante proveniens causa est, que prima obtineat principium generationis; nempe in iis quæ coire natura voluit. Semen autem est, quod ex ambobus illis cœuntibus originem trahit; quale semen plantarum omnium est; & animalium nonnullorum, in quibus sexus distinctus non est: velut id quod ex mare & fœminâ primum miscetur, quasi conceptus quidam promiscuus, aut animal: hæc enim jam habent quod ex ambobus requiritur.

Ovum

Ovum itaque est corpus naturale, virtute animali præditum; principio nempe motū, transmutationis, quietis, & conservationis: Et denique ejusmodi, ut, ablato omni impedimento, in formam animalis abiturum sit: nec magis naturaliter gravia omnia, remotis obstaculis, deorsum tendunt; aut levia sursum moventur; quam semen, & ovum, in plantani, aut animal, insitā à naturā propensione feruntur. Estque semen (atque etiam ovum) ejusdem fructus & finis, cuius est principium, atque efficiens.

Unius pulli unum est ovum: ita Aristoteles, Ex uno semine unum Gen. an. gignitur corpus; verbi gratiā, ex uno tritici grano, unum fundum; ex uno l. 1. c. 20: ovo, unum animal; geminum enim ovum duo est ova.

Verè Fabricius: Ovum non modo uterus expositus est, & locus generationis; sed id etiam à quo tota pulli generatio pendet; quam ovum perficit ut agens, ut materia, ut instrumentum, ut locus, & ut alia, si qua concurrunt ad generationem necessaria. Organum quidem esse pro- pag. 47. bat, quèd ex multis partibus constet; idque ex sententia Galeni, qui de ratione organi esse voluit, ut ex pluribus componatur particulis, que ad unam actionem omnes conspirent, diversa tamen ratione, & utilitate. Nam aliæ præcipuum instrumentum actionis sunt: aliæ ponuntur, tanquam sine quibus actio fieri non potest: aliæ, ut melius actio fiat: aliæ denique ad horum omnium tutelam, & conservationem creatæ sunt. Agens quoque esse docet, cum ex Arist. & Galeno duas ovi actiones proponit; pulli nempe generationem, ejusdēmque augmentum, & nutritiōnem. Denique præclarè loquitur, cum ait: In naturæ operibus conjuncta simul, & unum sunt, artifex, instrumentum, & materia: sic jecur, & opifex, & instrumentum gignendi sanguinis est: sic quæque corporis pars; ut rectè proin Arist. dixerit; invenientes ab instrumentalibus band facile distingui. De gen. an. In artefaciis vero. artifex, & instrumentum sunt separata; ut faber, & l. 2. c. 4. malleus; pictor, & penicillus. Ratibique affertur à Galeno; quia in arte- L. de form. faciis, opifex forinsecus attingit; in naturalibus, opifex causa instrumentis sit. indita est, & per organa tota permeavit. Quibus addo perspicua Ari- Phys. L. 1. stotelis verba: Eorum que sunt, alia naturā constant, alia per alias caus- 6. 1. sse. Naturā quidem constant & animalia, & corum partes, & plantæ, & corpora simplicia, ut terra, & ignis, & aér, & aqua. Hæc enim & ejusmodi alia dicimus naturā constare. Hæc autem que dicta sunt, omnia differre videntur ab iis que naturā non constant. Nam quæcumque naturā constant, videntur in seipsis habere principium motū & quietis; alia secundum locum, alia secundum accretionem & diminutionem, alia secundum alterationem. Læsica vero, & vestimentum, & si quod aliud ejusmodi genus est, secundum quod singulis his appellationibus significantur, & quantum ab arte sunt, nullum mutationis impetum inserviunt habent. Quatenus vero iis accedit, ut sint lapidea, vel terrea, vel ex his mixta; eatenus id habent. Tanquam natura sit principium quoddam & causa cur id moveatur

et quiescat, in quo inest primum; per se, non ex accidenti. Dico autem, non ex accidenti; quia fieri potest ut aliquis sibi ipsi sit causa sanitatis, etiam sit medicus: verumtamen, non quatenus sanatur, medicinam habet; sed accedit eundem esse medicum, & sanari. Idcirco haec aliquando a se invicem separantur. Similiter vero se habet unumquodque aliorum, que fiunt: nullum enim eorum habet in se principium effectionis; sed quedam in aliis & extra habent, ut domus, & unumquodque aliorum que manu efficiuntur: quedam in se ipsis quidem habent, non tamen per se; nimisrum quaecunque ex accidenti sibi ipsis causa fieri possunt. Natura igitur est, quod dictum fuit. Naturam vero habent, quaecunque habent ejusmodi principium. Atque haec omnia sunt substantia. Natura namque semper est subiectum quoddam, & in subiecto.

**Generati-  
onis op-  
eris in ovo.**

Hæc quidem propterea fusus, & disertis autorum verbis a nobis recitata sunt; ut inde constet, quæ ovo tribuinus, oninia illi inesse; nempe materiam, organum, efficientem caussam, locum, & siqua alia ad generationem pulli requiruntur. Maximè autem, ut difficillimarum questionum veritas hinc eluceat: nimurum, quidnam, & quale sit principium illud, unde motus, & generatio? Quæ virtute semen agat, secundum Aristotelem? Quid denique semen ipsum secundum reddat? (Vult enim Philosophus, naturam in omnibus corporibus naturalibus esse principium motus & quietis innatum, non autem secundum accidens.) Utrum id, quod in ovo est causa, opifex, & principium generationis, omniumque operationum vegetativarum & vitalium, (nimurum conservationis, nutritionis, & accretionis) sit innatum, an inditum? Et an primò insit, ac per se, ut natura quedam; an secundum accidens, ut Medicus in sanatione? Num insitum, an acquisitum sit, quod ovum in pullum transformat; aut jam in ovario cæptum nutrit, auget, perficit: quodque ovum requietum conservat?

Præterea, quod facit, ut ovum secundum sit, utrum appellandum sit anima? an pars animæ? aut quid animæ? aut aliquid habens animam? aut intellectus? aut denique numen? quia in finem agit, omniamque ordinat cum providentia, & arte inimitabili, modoque incomprehensibili; semperque procurat quod melius est, tum ad esse, tum ad bene esse; ad tutelam etiam, atque ornatum. Idque non solum in ovo perfecto, quod fecundat; sed etiam in subvertaneo, quod nutrit, auget, & conservat. Imò vero quod non modò vitellum in vitellario, sed & minimam papulam (unde is nascitur) ad seminis milii vel sinapios duntaxat magnitudinem, nutrit, auget; albumine demum, chalazis, membranis, & cortice investit. Quippe probabile est, ovum etiam improlificum sive sterile, ab interno & innato sibi principio, (licet intra gallinam contineatur, eique adhæreat) semet ipsum nutrire, conservare, augere,

augere, & alterare, ( haud aliter quam ova piscium, & ranarum foris exposita crescunt, & perficiuntur ) de papula in vitellum transformare, ex ovario in uterum transferre, ( quamvis nullam cum utero connexionem habeat ) albumina ibidem induere ; denique membranis, chalazis, & cortice perfici.

Quicquid autem id fuerit, quod in ovo subventaneo pariter accedit, eodem modo, ab iisdemque caussis seu principiis eisdem effectus producit ; utrum eadem anima, sive pars animae eadem, aut aliud quippiam, utravis insit, inquisitione dignum videtur. Quandocidem, eadem ab iisdem caussis provenire, verisimile est.

Quanquam ovum, dum fit, intra gallinam ( ut dixi ) continetur ; & in vitellario matri per pedunculum adnascitur, atque ex sit pars ejusdem venis nutritur ; non est tamen dicendum pars matris, neque hujus anima vivere, aut vegetari ; sed propriam suam virtutem, ac principio interno : quemadmodum ex arboribus fungi, viscus querens, & muscorum genera nascuntur, quae ( licet plantae adhaerent, & ex iisdem succis, cum illius germinibus, & foliis alantur ) tamen partes arborum non sunt, neque appellantur. Aristoteles, De gen. an. ut difficultatibus hisce occurrat, concedit animam vegetativam in l. 3. c. 7. ovo, etiam subventaneo, inesse : dum ait, Vegetalem anime virtutem obtinent & fæmine, & omnia que vivunt, ut sepius dictum est : quam obrem hoc ovum ( de subventaneo loquitur ) ut plantæ conceptus, perfectus est ; ut animalis, imperfectus. Alibiisque idem docet, dum quærit : Quoniam modo ovi subventanea dicuntur vivere ? Nec enim ita ut l. 2. c. 4. ova facunda possunt : sic enim actu animalium ex iis efficeretur. Neque ita se habent ista, ut lignum, aut lapis ; quippe que corruptione aliquam perent, ut que vitam quodammodo ante participarent. Constat igitur, hec aliquam habere potentiam animam : sed quam ? istam ultimam prorsus habent animam necesse est, que vegetabilis est : haec enim equum in omnibus tam animalibus quam plantis inest.

Non eadem tamen anima in subventaneis ovis, atque in secundis reperitur. Alias enim pullus ex utrisque pariter efficeretur. Quomodo autem eorum animæ, & quibus discrepant ; haud sat explicat Aristoteles, dum inquirit, cur omnes partes ovi stant in subventaneo, nec tamen animal ex eodem generetur ? Quia ( inquit ) sensitivam animam habere oportet. Quali in ovis secundis, praeter animam vegetativam, etiam sensitiva inest. Nisi intelligas, in ovo secundo animam vegetativam actu inesse, quæ potentiam in se continent sensitivam ; unde animal, partesque animalis sensitivæ postmodum producantur. Sed neque haec nodum sat solvunt, animaque difficultatum laqueis irretitum expediunt. Videtur enim ovum esse verum sperma animalium : secundum illud Philosophi : De gen. an. In quibus vita preeditis sexus maris ac fæmine distinctus non est, in iis l. 1. c. 20. semet.

semen veluti conceptus jam est. Conceptum appello ( qui scilicet est analogus semini ) primam ex mare & fœminâ misturam. Quamobrem ex uno semine unum gignitur corpus ; verbi gratiâ, ex uno ovo unum animal.

**Quæ sit  
ovi ani-  
ma?**

Videtur igitur unius ovi una esse anima. Num autem eadem est, quæ matris ? an patris ? an utriusque mixta ? Dubitatio enim maximè oritur de iis ovis, quæ ex diversis animalium generibus procreantur : ut putâ ex gallina, & phasiano. Estne, inquam, in tali ovo, anima gallinæ ? an phasiani ? an ex utrâque composita ? Quomodo autem animæ misceantur ? si ( secundum Aristotelem ) anima, ( utpote forma ) sit actus, & substantia. Nemo enim negaverit, quicquid demum id fuerit, quod in ovo secundo est principium & causa effectuum quos conspicantur, esse illud substantiam diversarum potentiarum, virium, sive facultatum susceptivam : atq; etiam conditionum, virtutum, vitiorum, sanitatis, aut ægritudinis. Quædam enim ova longioris ævi, quædam brieferoris dicuntur : alia, pullos parentum virtutibus, corporisque salubritate præditos ; alia, morbis obnoxios procreant. Nec dicendum, id materiæ vitio contingere : cum maris etiam , sive patris morbi in pullos transferantur ; à quo tamen nihil materiæ ovo accessit. Quippe à mare procedit duntaxat vis procreativa, sive plastica , quæ ovum secundum reddit ; nullam verò ejus parten constituit. Nam genitura, quæ à mare in coitu emittitur, matricem ( in qua ovum perficitur ) nequaquam ingreditur ; nec sanè ( ut pridem diximus, nobisq[ue] Fabricius suffragatur ) in ista penetralia ullo pacto subire potest : multoque minus ad ovarium, juxta corporis præcincturam, ascendiit ; ut plurimis ibidem ovorum primordiis, præter virtutem suam, materiæ quoque partem impertiat. Certâ enim experientia compertum est, ab uno eodemque coitu plura simul ova fecundari ; nec ea solùn, quæ in utero, atque ovario reperiuntur ; sed illa etiam , quæ nondum inchoata sunt : ut inferius dicemus, & jampridem in historia enarravimus.

**Ovum  
non vivit  
animâ ma-  
tris.**

Si itaque ovum à propria animâ secundum redditur, sive proprio principio fecundante insito prædictum est ; unde aut pullus gallinaeus, aut hybrida ex gallina & phasiano natus oritur ; isque aut mas, aut fœmina ; patri, aut matre similis ; sanus, aut morbosus : certe concludendum est, ovum ( etiam in ovario dum est ) matris animâ non vivere ; sed esse instar filii emancipati , à primâ statim origine : sicut arborum glandes, & semina à plantis ablata, haud ulterius earrundeni partes æstimanda sunt ; sed sui juris facta ; quæ propriâ insitâque potentia vegetativa, jam vitam degant.

**Quòd si ovo secundo animam inesse dixerimus, subibit dubita-  
tio ; utrum eadem anima ovo jam, & mox futuro pullo insit, an verò diver-**

diversa. Necesse enim est fateamur, inesse principium aliquod, quod ovum constituit, & auxit; quodque etiam pullum jam gignit, & auget. Queritur itaque, num ovi, & pulli principium, sive anima, una eadēmque sit; an plures, & diversæ? Nam si plures animæ fuerint, ( alia nempe ovi, alia pulli; ) queritur porrò, unde, & quo tempore, pulli anima ipsi accesserit? & quidnam sit in ovo, quod ante animæ adventum cicatriculam dilatat; vitellum attollit sursum; oculum ( à nobis dictum ) & colliquamentum efficit; liquorum constitutionem permutat; omniāque ad futuri pulli fabricam præordinat, cùm nē hiluni quidem pulli adhuc existat? Aut unde dicemus alimentum pullo accedere idoneum, quo nutriatur, & crescat; cùm pullus nondum sit? Videntur enim hæc opera vegetativæ pulli animæ esse, quæ pullum respicit, ejusque nutritioni, atque augmento consulit. At verè, inchoato jam, aut semifacto pullo; quid fœtum cum liquoribus unum, continuum, & connatcentem reddit? Quid pullum nutrit, auget; ac liquores ei alendo idoneos, à putredine vindicat, præparat, colliquat, & concoquit?

Cùm anima sit actus corporis organici vitam babentis in potentia, incredibile est eam pullo inesse, antequam quicquam corporis ejus organisatum fuerit. Nec magis credibile, eandem esse ovi, pullisque animam: siquidem anima est conservativa ejus duntaxat, cuius est: pullus autem, & ovum, sunt res diversæ; variisque operationes vitiales edunt, imò verò contrarias; adeò ut alterum ex alterius corruptione nasci videatur. An fortè dicendum? idem esse principium, & caussam vitæ in utroque; nempe in pullo semifacto, & reliquo ovo; tanquam ejusdem corporis unus simplicesque actus foret; aut quasi ex partibus unum corpus naturale producentibus, una quoque anima prosliret, quæ tota in toto esset, ( ut vulgo dicitur ) & tota in una qualibet parte. Quemadmodum in arboris trunco, foliis, aut fructibus videre est: ubi separatione sive divisione facta, ( quoctunque deinceps id feceris loco ) dicimus, idem esse hujus, & totius principium, sive caussam primam: est hujus ramen qualis forma & finis, illius verò ut principium. Ità etiam in linea, quoctunque in puncto divisio facta fuerit; erit illud anterioris partis finis, sive terminus; posterioris autem principium, sive exordium. Idemque videatur contingere in qualitate, & motu; nimirum in transmutatione qualibet, ac generatione.

Et hæc quidem haec tenus: postea verò susīus & accuratius de his agemus, cùm de natura animæ factus quorumlibet animalium, universim disceptabimus; & quid ea sit? unde, & quando adveniat? cui parti primū insideat? & quomodo tota in toto, & tota in qualibet parte, eadem alia, atque alia sit? ex plurimis observationibus determinabimus.

Ovum non esse opus uteri, sed animæ.

### Exercitatio. 26.

**Pag. 8.** **S**icut dicimus ( inquit Fabricius ) ventriculi actionem, esse chylificatiōnem ; & testium actionem, seminis generationem ; quia in ventriculo chylus, in testibus semen comperitur, sic ovorum generationem esse pennariorum uteri actionem, omnino asseveramus, quod ovum intibi inveniatur. Itaque instrumentum & locus generationis ovorum nobis omnino cognita sunt & perspecta. Præterea vero, cum duo sint uteri in pennato, superior, & inferior, ilque inter se admodum dissimiles, idisque dissimilem inier se actiones habentes ; similiter clarum est, quænam sit utriue peculiaris actio concreta. Etenim superior ad vitelli, inferior ad albuminis, & reliquarum partium, seu totius ovi generationem substituitur, ut sensu patet : In superiore enim nil aliud, quam vitellorum multiudo, in inferno vero totum perfectum ovum continetur. Sed non est bac sola uterorum functio, ut patet ; sed ea quoque adnotatur, & enumeratur, nimirum ovi augmentum, quod ovo statim genito succedit, quicunque perfectum efficiatur, & justam magnitudinem adipiscatur. Etenim gallina non prius naturaliter ovum parit, quam perfectum factum, & congruam magnitudinem adeptum. Igitur uterorum actiones, tum ovi generatio, tum augmentum est ; augmentum autem nutritionem supponit, & includit, ut patet. Sed cum generatio omnis a duobus perficiatur, videlicet opifice, & materia ; agens in ovorum procreatione nil aliud est, quam instrumenta, seu organa propria, nimirum duplex uterus : materia vero nulla alia, quam sanguis.

Nos autem quanquam fatemur, uteri actionem aliquo modo esse, ut ovum generet ; hoc tamen ab eo nutriti, & augeri, nullo pacto concedimus. Idque, tum ob rationes nuper a nobis allatas, cum de ovi anima, quæ ipsum nutrit, ageremus ; tum etiam, quod ab agente externo ( qualis uterus est respectu ovi ) omnia ovi interiora, & secundum omnes dimensiones, nutriti, augeri, ac formari, minus probabile sit ; imò vero, ex Aristotelis sententiâ, impossibile. **L. 2. c. 1.** Nam quod extrinsecum est, quomodo ( precor ) per interiora moveat aliunde adveniens alimentum, & in locum deperditum secundum omnes dimensiones restituat ? aut quomodo aliquid ab eo, quod ipsum non tangit, afficiatur, aut moveatur ? Quare proculdubio in ovi generatione idem uero venit, quod in omnium viventium exordio ; ut nempe ab externo, & præexistente constituantur ; mox autem temetipsa ( quamprimum vita donantur ) nutriant, atque adauge-

adaugeant; idque propriis initisque viribus à principio jam innato, & implantato.

Quæ de anima nuper diximus, videntur clarè evincere, ovum neque uteri opus esse, nec ab eodem gubernari: manifestum enim est, animam vegetativam ovo etiam subventaneo inesse; quoniam ejusmodi ovum nutriti, conservari, augeri, & vegetari cernimus; quæ dictæ animæ certissima indicia sunt. A matre autem, vel matrice, ea proficiunt nequeunt, cum qua ovum nullam cohærentiam, sive unionem habet; sed liberum & sejunctum (tanquam *filius emancipatus*) in cavitate ejus volutatur, & perficitur, ut plantarum semina in terræ gremio; ab interno nempe principio vegetante: quod nihil aliud esse potest, quam anima vegetativa.

Multò verò magis constabit, animam ei inesse; consideranti, quo pasto, quóve motore, vitellus rotundus, & amplius, à vitellarii racenio abruptus, per infundibulum ( exiguum nempe tubulum tenuissimā membranā contextum, nullisque fibris motoriis instrutum) descendat, viāmque sibi aperiendo, uterum per tantas angustias adeat; ibidemque sese nutriat, augeat, albumine cingat. Cùm interea nullum organum motorium in vitellario reperiatur, quod expellat; aut in infundibulo, quod transmittat; aut in utero, quod attrahat: neque ovum utero per venas jungatur, ut in ovario; nec per umbilicum ab eo dependeat; ut *Fabri* verè asserruit, & clarè ad oculum liquet. Quid supereft igitur tam ingentia opera cernentibus, nisi ut cum Poëta dicamus,

*Spiritus intus alit, totāmque infusa per artus  
Mens agitat molem.*

6. Aeneid.

Et licet ovorum primordia ( quæ papulas esse diximus, & semen milii referre ) vitellario per venas, & arterias cohærent; ( quemadmodum plantis sua semina adhæscuntur ) ideoque partes gallinæ esse videantur; &, reliquarum partium more, vivere, & nutriti: manifestum tamen est, ut semina à plantis separata non amplius earum partes censemuntur, ità nec ova ad maturitatem jam perducta, secunda reddit, & à vitellario abrupta, gallinæ partes haud ultriū aestimanda esse; sed, instar *filiī emancipati* suique juris facti, propriā animā gubernari, & vegetari.

Verūm hac de re postea uberiorū dicetur, cùm de anima embryonis generatim disputabimus; & de vegetativæ animæ præstantiâ, & numero, ex admirandis ipsius ( non sine providentiâ, arte, & intellectu divino ) operibus agemus: quæ profecto intellectum nostrum non minūs, quam dii homines, superant; adeoque ( omnium consensu ) admirabiles sunt, ut obscura mentis nostræ acies, lumen tam

impermeabile nullo modo penetrare queat.

Quid dicemus de animalculis in corpore nostro natis, quæ propriâ animâ gubernari, & vegetari nemo dubitat? Hujus generis sunt lumbrici, ascarides, pediculi, lentes, syrtones, acari &c. Aut quid statuemus de vermiculis, qui è plantis, earumque fructibus oriuntur? quales in gallis nucibus,occo baphico, cynorrhodo, plurimiisque aliis reperias. (Quippe in omnibus ferè vel siccis humescentibus, l. 5. c. 32. vel humidis siccescentibus, creari animal potest.) Certè fieri non potest, ut animâ quercùs vivant animalia quæ in gallis nascuntur, licet quercui affixa vivant, & ex illius succo sibi alimentum petant. Similiter credibile est, ovorum primordia in vitellarii racemo propriâ animâ vivere, non autem matris; licet huic per venas & arterias cohæreant, & subministrato ab eadem alimento nutrientur: quoniam (ut in historiâ narravimus) papulae non omnes simul crescunt, (quemadmodum uva in racemo, & grana in spicis) quasi ab eadem facultate, sive causâ communâ concrestante, ac formante agerentur; sed alia post aliam (tanquam propriâ energiâ) augentur; quæque primum sese à reliquis separat, colorem mutat, & consistentiam, ac de papula albâ sit vitellus; certoque ordine priorem posterior fuit: Quodque in columbis, aliisque nonnullis avibus est admirabilius, binæ duntaxat simul è racemo ex crescunt in unum partum; earumque, ut plurinum, altera in marem, altera in foeminam evadit. Dum interim in ovario aliquæ papulae eodem tenore permanent, donec binæ aliæ in novum partum succrescant; ut pote quæ à coitu maris repetito sœcunditatem acceperint, ambæque simul animâ præditæ fuerint. Quâ semel acceptâ, augent jam sese, & gubernant; suoque (non matris) jure vivunt. Enimvero quodnam aliud disponens, feligens, evocans, & perficiens has (non autem illas) papulas, reperias, præter animam propriam? Ac licet à matre nutrimentum sibi hauriant; non aliter tamen id agunt, quam plantæ è terrâ, aut factus ex albumine, & vitello, alimentum præliuant.

Denique, quoniam papula in ovario existens, à coitu sœcunditatem accipit, eamque talem, ut mox in formam coëuntis maris (sive is gallus, sive phalianus tuerit) abitura sit; tantaque contingat papulis differentia, quanta maribus diversorum generum: quid dicemus papulis ipsis inesse, cuius virtute à se invicem, & à matre diuinuantur? Certè anima fuerit, quâ & inter se, & à matre discriminantur.

Ad hunc pariter modum vivunt fungi arborum, & plantæ supercrecentes. Quinetiam experimur sèpius in corporibus nostris carcinos, sarcofes, melicerides, aliisque id genus tumores, quasi propriâ animâ vegetativâ nutriti, & crescere: dum interea genuinæ partes exte-

extenuantur, & marcescunt. Idque ideo, quia tumores isti nutrimentum omne ad se arripiunt, reliquumque corpus nutritio succo (ceu genio suo) defraudant. Unde phagedænis, lupusque inditum nomen. Et fortassis Hippocrates per τὸ θῆτα, intellexit, morbos eos, qui ex veneno aut contagio oriuntur; quasi illis vita quedam infit, principiumque divinum, quo sese adaugeant, aliosque sibi similes morbos, etiam in alieno corpore, per contagium generent. Adeò (ait Arist.) anime plena sunt omnia. Alibique, etiam flatibus vitam De gen. ani-  
guardam, atque ortum, & interitum inesse, arbitratur. Vitellus au- l. 3. c. 11.  
tem cum jam abrumptur, omnique cum gallina connexu privatur;  
haud dubium est, quin, (ut fabæ, aliaque leguminæ humorem è ter-  
ra suâ sponte sanguin, absorbent, & digerunt) ille per infundibulum  
transiens, & in uteri cavo existens, lentam (ut diximus) humidita-  
tem attrahat, in se recipiat, & ademque sese nutriat, augeat, albumine  
cingat, membranis & coitice muniat, tandemque perficiat. Qui-  
bus ricè pensatis, propriam illi inesse animam, concludimus.

Ibid. l. 4.  
c. 10.

*Ovum non fieri absque Gallina.**Exercitatio 27.*

**R**EPLICATIS autem, quæ dubia sunt; & disceptationibus ad univer-  
salem de hac re contemplationem dilatis; ad certiora nunc, ma-  
gisque obvia accingimur.

Et primò quidem, ovum fecundum fieri non posse citra galli &  
gallinæ operam, manifestum est. Nempe absque gallina, non fit o-  
vum; nec secundum evadit, sine gallo. Quod opinioni illi adver-  
satur, quæ primum animalium ortum è limo terræ deducit. E-  
nimvero, cum partes plurimæ genitales (testiculi scil. & vasæ de-  
frentia in gallo) tam inligni arte atque industria, tantaque cum ra-  
tione fabrefactæ sint; & similiter in gallina ovarium, & uterus;  
iisque inservientes venæ, atque arteriæ, tam affabre concinnata; &  
in singulii eorum, situs, figura, & temperies miro ordine constituta  
reperiantur; eaque omnia ad ovi generationem ac fecunditatem ali-  
quo modo requirantur: certum est (siquidem natura nihil frustra  
agit; nec per ambages operatur, quoties compendio uti licuerit)  
ovum, sive naturæ sponte, sive alio aliquo modo, quam quo nunc  
fit, (à gallo nempe, & gallinâ) produci non posse: nec pariter  
gallum aut gallinam, aliter, quam ab ovo, procreari unquam po-  
tuisse. Atque ita gallus & gallinâ ovi gratiâ sunt; ovumque simi-  
liter.

liter eorum causâ est; dubitêsque meritò, cum Plutarcho, quodnam eorum sit prius, ovumne, an gallina? Quippe hæc naturâ priore existit, illud autem tempore. Quicquid enim præstantius est, id quoque naturâ prius est; unde verò aliud producitur, id tempore prius reputandum est. Vel dicamus; illud ovum, hac gallinâ (quæ scil. ex eo gignitur) antiquius esse: & vicissim, illam gallinam hoc ovo (quod illa peperit) tempore præexistere. Facit namque hic circuitus gallinaceum genus sempiternum; dum modò pullus, modò ovum, continuatâ perpetuâ serie, ex individuis caducis & pereuntibus immortalem speciem producunt. Atque ad huic similem modum multa inferiora superiorum perpetuitatem æmulari cernimus.

Et sive animam ovo inesse dicimus, sive non dicimus; ex hoc tamen circuitu clarè patet, aliquod principium esse istius revolutionis à gallina ad ovum, & ab ovo denuo ad gallinam, quod sempiternum. *De gen. an. l. 2. c. 3.* tatem iis impertiat. Estque id ipsum (autore Aristotele) analogum elemento stellarum; facitque ut parentes generent, eorumque semina, sive ova fœcunda sint: idemque, *Prœtei* instar, tam parentibus, quam ovis, sub diversis formis, semper inest. Quemadmodum enim mens, sive spiritus, qui ingentem hanc molem continuâ agitat, eundem solem orientem atque occidentem per diversas terrarum plagas perpetuâ circumagit; ita pariter in genere gallinaceo, *vis enthea*, sive principium divinum, modò virtus plastica, modò nutritiva, modò auctiva dicitur; conservativa autem, & vegetativa semper habetur; modò etiam gallinæ, modò ovi formam refert: permanet tamen eadem illa virtus in ævum. Et quanquam alia animalia, sponte oriuntur, sive (ut vulgo dicitur) ex putredine: alia, solum à femina producuntur: (Ità *Plinius*: *in quadam genere omnino non sunt matres*; sicut in erythrinis, & chanis: *omnes ei im ovis gravidæ capiuntur*.) Quæcunque tamen ex ovo perfecto nascuntur, non nisi à mare simul & feminâ proveniunt. Ideoque Aristoteles ait: *Generationis principia potissimum quis statuerit mare & feminam*. Duo itaq; prima ovi principia sunt, gallus, & gallina; quorum amborum fructus, sive conceptus communis, est ovum; parentis utriusque virtutem referens. Ut non magis absque maris & feminæ operâ ovum efficiatur, quam fructus absque arbore. Videnturque individua singularia, tam mares, quam feminæ, ovorum cūdendorum gratiâ existere, ut species eadem, pereuntibus licet actoribus, perennet. Ideoq; palam est, parentes haud diutius adolescere, ornari, perfici, latamq; vitam agere; nisi quandiu ova vel generare, vel fœcundare queunt; siue similes, eorum interventu, parere. Quod naturæ munus ubi primùm expleverint, quasi summam jam virtutis ænarr adepti fuerint, finemque ultimum, ob quem nati erant, attigerint; protinus

tinus effœti, vietique marcescunt; &, ceu à natura atque numine derelicti & abdicati forent, consenescunt illico, vitæque pertæsi ad interitum properant. Contrà autem mares, cùm sese ad coitum accingunt, libidinéque turgentes, æstro venereo stimulantur; mirum dictu, quanto illos spiritu inflatos intus regnans *Cupido* efferat; quām ornamenti illustres, & gloriabundi sese ostentent; quantis viribus polleant, animisque in pugnam proclives sint. Finito autem semel hoc vitæ officio, huius quām subito collapsis viribus, sedatōque primitivo fervore, tumida vela contrahunt, animūmque nuper ferocientem despondent? Quinetiam durante etiamnum jucundo hoc *Veneris choragi*, mares statim à coitu tristantur, submissique, & pusillanimes cernuntur; quasi memores, dum aliis vitam largiuntur, sese properè ad interitum ruere. Solus gallus noster, semine spirituque plenus, se contrà erigit alacrior; alarūmque plausu, & voce triumphans, ipsenit propriis nuptiis canit *Hymeneum*. Hic tamen etiam diuturniore veneris usu languidus, ceu miles emeritus, fatiscit: & gallinæ quoque, plantarum initia, effœtæ sunt, tandemque exhauiuntur.

Quomodo ovum perfectum, & fæcundum fiat à mare  
& fæminâ secundum Aristotelem?

Exercitatio 28.

**D**iximus modò, ovum, præfertim fecundum, haud sponte nasci; neque aliunde quām à gallina procedere: nec hanc quidem, ovum, sine gallo, fæcundum reddere. Secundum illud Aristotelis: *De gen. an. l. 1. c. 2.* Generationis principia potissimum quis statuerit, marem & fæminam: marem, quod motus & generationis originem teneat; fæminam, quod materia.

Nobis autem, ovum fæcundum est verè sperma, & semen genitale, plantarum semini analogon, conceptusque primus, ex ambo-bus parentibus oriundus, & utriusque fructus promiscuus. Nam ut ovum non sit, sine gallina: ita nec fæcundum sit, sine gallo.

Superest igitur disquiramus, quomodo à gallina fiat ovum, idemque à gallo fæcundetur; Videmus enim ova subventanea, eaq; animata, à gallina gigni; non tamen, absque galli coitu, prolificare. Ideoque tun mas, tun fæmina, ovo secundo via symbola conferunt. Non eo tamen modo (ut arbitror) quo Aristoteles voluit: nempe *Ibid.* ut miss solùm motus & generationis originem teneat; fæmina autem materialam.

teriam duntaxat prebeat. Quippe contrarium in ovis subventaneis liquet. Et quoniam verum est, quod ait: *Mas & fœmina inter se ratione differunt, quæd facultas utriusque diversa est: sensu autem partibus quibusdam discrepant.* Rationis discrimen ita exultat, ut mas sit, quod in altero generare potest; fœmina, quod in se ipso, & ex quo fit quod generatur, contentum in eo quod generat. Sed, cum facultate & munere quodam hæc distinguantur; ad omnem autem officii functionem instrumento quod sit; & instrumentaque facultatibus partes corporis accommodentur; ad procreationem quoque & cœcum partes aliquas esse accommodatis necesse est; easque inter se diversas, quibus mas à fœmina differat.

Non inde tamen sequitur, quod videtur voluisse inde deducere; ubi ait: *Mas est efficiens, & motu sue genitur & creat quod instituitur, ex materia contentâ in fœmina: fœminâque semper materiam præbet: mas, vim creandi, idque est, quo alterum mas, alterum fœmina sit.* Itaque corpus & magnitudinem præberi à fœmina necesse est: à mare nihil tale necessariò desideratur. Nec enim instrumenta in iis quæ efficiuntur, inesse: neque ipsum efficiens, necesse est. *Corpus igitur ex fœmina, anima ex mare.* Substantia enim corporis alius anima est. Quippe ovum, idque animalium, à gallina absque galli ope, gignitur. Unde apparet, gallinam quoque, sive fœminam, efficientem caussam esse; nec omnem creandi vim, sive animam, à mare solo profici sci. Videlicetque hoc ipsum exemplo ab Arist. adducto comprobari. Ait enim. *Que non unigena cœunt (quod ea faciunt, quorum tempus pas, & utri gestatio proxima, & corporis magnitudo non multo discrepans) hæc primos partus similes sibi edunt communis generis utriusque specie: quales ex vulpe & cane generantur, aut ex perdice & gallinaceo; sed tempore procedente diversi ex diversis provenientes, demum formâ fœminæ instituti evadunt, quoniam semina peregrina ad postremam pro terræ naturâ redduntur.* Hec enim materiam corporisque seminibus præstat.

Quibus apparet, in perdicis & gallinæ generatione, non marem solum, sed & fœminam quoque efficientem esse: quoniam non maris solius, sed communis species atque forma producitur; corpore pariter, atque animâ, tam fœminæ, quam mari consimilis. Est autem anima, forma & species animalis.

Quinetiam fœmina potiore jure efficiens videatur: siquidem ait; tempore procedente, diversi ex diversis provenientes, demum formâ fœminæ instituti evadunt. Quasi semen sive virtus maris imbecillior foret; speciemque à se impressam tempore amitteret; tanquam à potentiore efficiente expelleretur. Idque etiam exemplum à terra deductum, magis confirmat: peregrina enim semina ad postremum pro terræ naturâ redduntur. Unde videretur probabile, fœminam plu in

*De gen. an. l. i. c. 2,* generatione efficere, quam marem: nam in universo quoque, tantum in terra, quasi fœminam matremque statuunt; cælum autem & solem, & reliqua

reliqua generis ejusdem, nomine genitoris patrisque appellant. Atque etiam terra suâ sponte plurima generat sine semine: & inter animalia, fœminæ nonnullæ solæ sine mare procreant; (itâ gallina ovum subventaneum generat) mares verò absque fœmina nunquam quicquam signunt.

Imò verò iisdem argumentis, quibus mas generationis principium & efficiens primarium arguitur; videtur etiam fœminæ è vîgynia, sive efficientia confirmari posse. Nempe, id primum efficiens censendum est, in quo foetus ratio, operisque forma eluet; & cuius manifesta similitudo in foetu deprehenditur, quodque priùs existens movet. Cùm itaque forma, ratio, & similitudo, fœminæ non minùs (imò magis) quam mari insit; atque illa priùs existat, ut movens primarium; concludemus certè, fœminam à quæ efficientem esse generationis, ac marem.

Et licet Aristoteles verè dicat, *conceptum, aut ovum, nullam corporis Gen. an.*  
*sui partem à mare accipere, sed solummodo formam, speciem, atque ani-* l. 2. c. 4.  
*mam: & à fœmina corpus duntaxat, & magnitudinem præberi: Non*  
*satis tamen constat, quin fœmina (præter materiam) formam*  
*quoque, speciem, atque animam aliquo modo tribuat. Ut in gal-*  
*linâ videre est, quæ ova sine mare gignit (quemadmodum arbo-*  
*res suos fructus, & herbæ semina, absque sexûs discriminâ). Ipséque*  
*Aristoteles fatetur, ovo, etiam subventaneo, animam inesse. Erit Ibid.*  
*itaque fœmina caussa ovi efficiens.*

Quanquam antem ovo subventaneo anima quædam inest, talis tamen non est prolifica; ac proinde fatendum est, gallinam perfecti ovi efficientem propriè non esse; sed talem fieri, autoritate (ut sic dicam) sive potestate à gallo demandatâ. Ovum enim, nisi prolificum fuerit, perfectum meritò dici non potest. Hujusmodi autem à mare tantummodo producitur; vel potius à fœmina, tanquam ex præcepto maris; quasi ab hujus coitu, fœmina artem, rationem, formam, ac legem futuri foetus acciperet. Itâ sanè fœmina (ceu arbor fertilis) facta post coitum fecunda, fit ovipara, ovâque perfecta & prolifica procreat. Nam quanvis gallina in vi tellario nulla ovorum primordia jam parata habeat, tamen post coitum fecunda reddita, paulò post, ova tum in ovario generat, tum in lucem profert; eaque etiam prolifica. Huc facit experimentum muliercularum, quæ gallinam domi gallo destitutam habentes, eam Fabr. p. 37. per unum atque alterum diem alibi gallo committunt: ex hoc enim exiguo tempore, succedit ovorum omnium fecunditas, per totum illud anni tempus. Scilicet, non modò illorum ovorum, quæ adhuc vitelli duntaxat sunt, & albumine carent; aut quæ minima jam primordia in ovario existunt: sed ea quoque ova ab eadem virtute fecunda redunduntur, quæ nondum inchoata, diu postea concipienda sunt.

## Disquisitionis hujus, de fœcunditate, utilitas.

## Exercitatio 29.

**S**ubtilis pariter ac difficilis, maximæque utilitatis est disquisitio; quid nempe sit in ovo, quod ipsum reddat fœcundum? quidve in conceptu, quid in semine, & quid in gallina sit, quod iis fœcunditatem præstet? quid etiam in gallo, quo à sterili differat? Estne eadem illa cauſa, quam in foetu *animam* diximus? an pars aliqua animalium vegetativæ? Quippe ad perfectam generationis scientiam plurimum conducit, ut cauſa prima intelligatur: scientia enim ex causis cognitis, præsertim primis, oritur. Nec minus ad naturam animalium intelligendam, facit hæc indagatio. Quinimo veritate hac rite perspectâ, non modò *Aristotelis* de generationis cauſis sententia refellitur, aut castigatur; sed, & quæ à Medicis contra eum scripta sunt, facile solvuntur.

Quærimus itaque, utrūm in ovo, vitello, papulâ, gallo, gallinâ, ejusve utero, idem sit, quod fœcunditatem præstat, an diversum? Similiter, quâ ratione convenient, aut discrepent? Tum etiam, an substantia sit, unde hæc virtus profluit? susceptivum enim videtur potentiarum, facultatum, atque accidentium. An corporeum quoque sit? mistum enim videtur, quod mistum generat; similitudinem nempe, mari & feminæ communem; qualis anceps species ex phasiano & gallinâ producitur. Id etiam corporeum videtur, quod aliunde patitur; adeò, ut non modò fatus imbecilles procreet, sed deformes etiam, ac morbosos, parentumque virtutibus, aut viis obnoxios.

Præterea de singulis dubitare licet; num id, quod fœcundum facit, ingeneretur, an aliunde accedat? nempe utrūm ab ovo, in pulium traductum sit; à gallina, in ovum; à gallo, in gallinam? Videtur enim aliquid esse ex traduce; quod à gallo scil. traducatur in gallinam; ab hac, in ovum, uterum, & ovarium: de semine in plantam, & è planta rursus in semen, quod fœcunditatem impertit. Quippe omnibus, quæ generatione perpetuantur, hoc commune est, ut ex semine ortum suum ducant. Semen autem, conceptus, atque ovum, ejusdem generis sunt; & quod fœcundum facit, in iis omnibus idem, aut consimilis naturæ est; idque divinum, analogon cœlo, arti, intellectui, ac providentiæ. Quod ex admirandis eorum operibus, artificio, & consilio facile videre est; ubi nihil

hil frustrà, temere, aut fortuitò ; sed alicujus boni, finisque gratiâ omnia instituuntur. De universali quidem hujus rei speculatione, ac scientiâ, posthac suo loco fusiùs agemus : quatenus autem de ea obiter differendi occasio, ex ovo gallinaceo, oblata est, jam diximus. Nempe, quot rebus insit, quod fœcunditatē apportat ? & quomodo insit ? an tanquam accidens, ut affectus, habitus, potentia, aut facultas ? an ut forma, & substantia ? an ut contenantum ? an tanquam in parte ? quoniam certò constat, ovum subventaneum differentiis omnibus sensibilibus perfectum esse, & tamen infœcundum. Uterum similiter, & gallinam perfectam esse ; ut & gallum ; sterilem tamen ; utpote eo carentem, quod fœcundatatem affert. Quæ omnia nobis enarranda veniunt ; postquam, quid, & quomodo, duo principia, mas & fœmina, ovo, ac generationi conferant ; & quo pacto ambo efficientes cauſæ, ovique parentes dicantur, exposuerimus.

---

*Ovum non eo modo à Gallo & Gallina provenire,  
quo voluit Aristoteles.*

### Exercitatio 30.

Certum est, ut diximus, ovum fœcundum non nisi à gallo & gallina fieri : non tamen eo modo, quo Arist. arbitratus est ; ut gallus nempe solus efficiens primum sit, & gallina materiam duntaxat præbeat. Neque enim cum eo sentio, ubi ait : *Cum semen Degen, in de mare accessit in fœminæ uterum, partem purissimam excrementi constituit. l. 2. c. 4.* Paulóque pôst : *Cum autem excrementum fœminæ in utero confiterit, à maris geniturâ fit tanquam lacris coagulum : coagulum enim lac est continens calorem vitalem, qui partes similes ducit eodem, & unit, atque constituit : & genitura ita se habet ad menstruorum naturam. Eadem enim natura lactis, & menstruorum est. Itaque coacris jam partibus, corpulentus humor excernitur, obducunturque circum parte resiccescente terrenâ membranæ ; tum necessariò, tum etiam alicujus gratiâ. Hæcque pari modo in omnibus tam oviparis, quam viviparis habentur.*

Res autem in generatione ovi, longè aliter se habet : neque enim semen, ( aut genitura potius ) à mare in coitu proveniens, ullo modo uterum ingreditur : nec gallina, postquam concepit, in uteri sui cavitate, excrementum sive purissimam ejus particulam, aut quicquam sanguinis habet, quod à maris geniturâ perficiatur. Neque

ovi partes, ( membranæ scil. & liquores ) coagulatione aliquâ efficiuntur ; nec quicquam simile lactis coagulo ibidem reperitur ; uti ex jampridem dictis clarè constat. Indéque sequitur, nec conceptum ( unde animal tanquam è semine fœcundo oritur ) eo modo se habere, quo Aristoteles est arbitratus ; cùm hic pari modo in viviparis contingat, quo ovum in oviparis efformatur : uti ipsemet fatetur, posteaque observationibus aliquot nostris palam fiet. Quippe certum est, ovum tam prolificum, quàm improlificum, à gallina solum fieri & formari ; fœcunditatem verò duntaxat ei à gallo accedere. Gallus, inquam, nec materiam, nec formam ovo affert ; sed id solum, quo ovum fœcundum fit , gignendoque pullo idoneum. Facultatémque hanc gallus genitù suā per coitum emissā , non modò ovo inchoato, aut jam factō ; sed utero etiam , & ovario, gallinæque ipsi impertit : idque adeò , ut ova quoque postmedium inchoanda, ( quorum nulla adhuc extat in ovario, aliave corporis parte materia ) fœcunda indè generentur.

---

*Neque eo modo, quo Medici arbitrantur.*

### Exercitatio 31.

**C**Onceptus, ex Medicorum sententiâ, hoc modo perficitur : In coitu, mas simul & foemina voluptate solvuntur ; geniturāque suam, seu semen, in uteri cavitatem effundunt ; ibidemque , quod uterque confert, miscetur ; habens pariter ab utroque & vim efficiendi , & materiæ potentiam. Contingit autem , secundum hujus vel illius geniturae prædominium, ut conceptus, mas, vel foemina evadat. Putantque, protinus à coitu , ( activis & passivis pariter invicem cooperantibus) aliquid conceptus in utero inchoatum esse. Quin contra Aristotelicos afferunt, marem non magis efficientem generationis caussam esse, quàm foeminam ; sed aliquid ex ambobus mixtum : nec sanguinem menstruum , aut partem ejus purissimam, esse primam conceptus materiam ; sed sperma : indéque partes primas , sive prima earum rudimenta, spermatica appellant ; quæ sanguine postea nutriantur, & crescant.

Manifestum verò est , neque hoc pacto ovum à gallo & gallina procedere. Quippe gallina nullum semen in coitu emittit, ex quo ovum fiat : Imò verò nunquam quicquam seminis ejus uspiam observatum est : siquidem partibus generando semini necessariis destituitur ;

tur ; testiculis nempe , & vasis spermaticis. Licet autem gallina vim efficiendi unà cum gallo habeat ( ut ex predictis liquet ) & quodammodo mixtum sit , quod ovum foecundum reddit ; hoc tamen non contingit secundum geniturarum prædominium, aut eaurundem mixturæ modum : nam certum est ( & Fabricius fatetur ) semen galli cavitatem uteri non ingredi : Nec aliquid ovi protinus à coitu in utero factum cernitur ; quanvis Aristoteles id ipsum ( aliquid nempe conceptus protinus fieri ) passim affirmet. Quinetiam inferiori demonstrabo, neque hanc seminum mixturam in ullo animali contingere ; nec protinus à coitu ( eoque foecundante ) quicquam vel semiinis, vel sanguinis, vel conceptus inchoati in utero omnino inesse, aut reperiri. Nihil profectò in conceptu, aut ovo invenias , quod semen maris ibidem contentum, aut permixtum arguat. Vulgus quidem falso arbitratur, chalazas esse galli semen : mirorque, cum binæ sint ( utrolibet scil. ovi extremo altera ) neminem hanc galli , illam gallinæ semen esse , afferuisse. Error autem iste popularis facile diluitur ; siquidem chalazæ in quolibet ovo, tam subventaneo, quam foecundo, eodem modo reperiuntur.

---

*Marem, & fæminam, pariter efficientes esse  
Generationis.**Exercitatio 32.*

**R**estè Medici contra Aristotelicos afferunt, utrumque sexum efficiendi potestatem habere ; quoniam quod generatur ex utroque mixtum est : mixta nempe figurâ & similitudine corporis , mixtâque specie, ut putâ inter perdicen & gallinam. Quippe rationi congruum videtur, ea putare conceptus efficientia, quorum mixturam refert, quod ex utrisque producitur.

Ad hanc menteni Aristoteles : *In quibusdam, inquit, manifestum est, quod generans tale est, quale quod generatur : non tamen idem, nec unum numero, sed unum specie, ut in naturalibus. Homo namque hominem generat, nisi quid præter naturam fiat ; ut equus, mulum : & hæc quoque similiter. Quod enim est commune equo, & asino, non est nominatum propinquissimum genus : fuerint autem ambo fortassis, uti mulus. Ibidemque ait : Generans sufficiens est, ut faciat, & caussa sit speciei esse in materia : tota vero jam talis species in his carnibus, & ossibus, Callias est, & Socrates.*

Quare cum talis forma tota, scil. muli, sit mixta ex ambobus, equo nempe & asinâ; non sufficit equus, ut hanc muli formam in materia producat; nisi, prout forma tota mixta est, itâ ab asina causa alia efficiens conferatur, eique adjungatur. - Quod itaque mulum efficit ex ambobus mixtum, adæquatum sit oportet, & mixtum, si modò univocum. Ex. gr. vir iste, & hæc foemina, hunc generant Socratem; non quatenus ambo homines sunt, & specie unum ac idem; sed quatenus is vir, & hæc foemina, in his ossibus & carnis bus formâ humana constant; quorum amborum cùm Socrates mixtura quædam sit, & ex utroque mixtus; illud à quo fit, ex ambobus quasi compositum univocum mixtum esse oportet; nempe efficiens mixtum effecti mixti. Ideoque mas & foemina separatim non sunt generativi, sed uniti in coitu, & quasi unum animal facti; unde ab utroque, tanquam uno, fit & educitur, quod verè causa efficiens proxima conceptus erit.

Medici etiam, dum ad ea solùm attenti quæ humano generi contingunt, de generatione universim pronunciant; & verilimile iis videtur, genituram à parentibus in coitu profluentem, esse verum sperma sive semen, plantarum semini analogum; non sine ratione mixtum illud proximum futuræ prolixi efficiens, ex utriusque seminis mixtura constituunt: atque adeò mixtura ejusmodi protinus à coitu in utero contineri, conceptumque primum esse, afferunt. Rem autem in ovo ( quod verè conceptus est ) longè aliter se habere, ex praecedente nostrâ historiâ constituit.

*De Ovi materia, contra Medicos & Aristotelicos.*

## Exercitatio 33.

**Q**uod Medici contra *Aristotelicos* negant, sanguinem esse primam conceptus materiam, id quidem ex ovi generatione luculenter constat. Neque enim vel in coitu, vel ante, aut post ipsum, quicquam sanguinis in gallinæ utero continetur; neque ovi primordia sanguinea, sed alba sunt. Multaque animalia concipiunt, quibus nè gutta quidem sanguinis in genitalibus ( si subito dissecueris ) apparet.

Sed dum contendunt, sanguinem maternum esse fœtus in utero alimentum, præsertim partium ejus sanguinearum ( ut appellant; ) fœtumque ab initio ceu partem matris esse, illius sanguine nutriti, & crescere, spiritumque ejus vegetari: adeò ut nec cor pulset, nec jecur sangu-

sanguisficit, nec pars ulla fœtūs publicum aliquod munus exequatur, sed omnes ab opere suo ferentur; eos quidem falsi autopisia redarguit. Pullus enim in ovo, proprio suo sanguine, ex liquoribus intra ovum contentis nato, gaudet; cōrque ipsius statim ab initio pulsare cernitur: non autem faciendis partibus sanguineis, aut plumis, quicquam sanguinis aut spiritū à gallina mutuatur; ut rem probè animadvententibus clarè liquet. Imò verò ex observationibus pòst dicendis, abunde me demonstratum arbitror, Viviparorum quoque fœtūm, dum adhuc in utero continetur, non matris sanguine nutritri, spiritū ejus vegetari; sed animā, viribūsque suis frui, (ut pullus in ovo solet,) propriōque sanguine gaudere.

Ad fœtūs autem materiam à mare & foeminā, quod attinet, & generationis modum in scholis vulgò decantatum (nempe conceptum fieri prolificiū à geniturarum missione, earūmque mutuā actione & paſſione;) ad foeminarum quoque semen quod spectat, & partes spermaticas dictas, ac sanguineas; plurimæ, eadēmque præclaræ obſervationes, postea recensendæ, me, in contrariam ab iis sententiam ut irem, compulerunt. Id nunc solum dicam, mirari me plurimū, cur Medici (præserim in anatomicis versati) duobus argumentis, ceu validissimis, opinionem suam treuantur; cum eadem tamen, ritè intellecta, contrarium potius evincant.

Nempe, ex concuſſione illâ, & ſolutione, humorisque profuſione (quæ mulieribus ſæpe in coitu cum voluptate accidit) arguunt, foeminas omnes in coitu ſemen profundere, idēmque ad generationem necessarium eſſe.

Ut verò jam præteream, non omnes quorumlibet animalium foeminas, nec mulieres quidem omnes, talem humorem emittere; nec citra ejusmodi emissionem conceptum necessariò frustrari; (novi enim plurimas, quæ citra talem ejectionem fœcundæ ſatis eſſent; & nonnullas eriam, quæ, poꝝ quam emissionem ejusmodi expertæ ſunt, majore quidem voluptate in coitu delectarentur, ſed de fœcunditate ſolitâ plurimū amitterent. Infinita etiam exempla ſunt fœminaram, quæ, licet in coitu voluptatem ſentiant, nihil tamen emitunt, & nihilominus concipiunt.) Miror maximè, eos, qui emiſſionem hanc ad generationem necessariam putant, non animadverteſſe, humorem illum foras ejici, & circa clitoridem vulvæque oriſſium ut plurimū profundi; raro intra vulvam, nunquam verò intra uterum, ut cum maris ſpermate miſceatur; eſſeque coniſtentia ſerofum ſive ichorofum, ad modum urinæ; non autem, genitūræ instar, lentum atque unctuosum; ut tactu facile innotescit. Quorsum autem foras ejiciatur, cuius uſus necessariò intus requiritur? Debuitne humor ille, ceu utero valedicturus, ad limen vulvæ amandari; ut majore cum gratiâ ab utero retraheretur denuo?

Aliud

Aliud argumentum ducunt à partibus mulierum genitalibus, testiculis nempe, & vasis spermaticis præparantibus & deferentibus, quæ generationi spermatis inservire arbitrantur. Ego verò miror plurimum, credere eos, à partibus tam imperfectis & obscuris, semen adeò elaboratum, concoctum, & vitale provenire posse; ut (cùm ad certamen de prædominio ventum fuerit; utrum scil. maris an foeminae semen in imperio potiturum sit, & quodnam eorum futurum sit vel efficiens & agens, vel materia & patientis) viribus, spiritu, & generativâ potentiatâ, maris semen exsiperet; ipsimque tam vegeto calore coctum, tot vasis elaboratum, tantisque spiritu exsiliens, materiæ vicem aliquando subire cogat, suoque dominio subjiciat. Verum de his in posterum plura.

Interea certum est, gallinæ ovum ex hujusmodi in coitu profusione non nasci: quanvis illa mox à coitu (ceu blandâ dulcedine delibuta) præ latitia sese excutiat; & tanquam accepto jam summo munere, festucâ semet lustret; quasi multiplicandi benedictioni à Jove summo satore donatae gratularetur. Columba (præsertim ea, quæ ad nos ex Africa advehitur) gaudium à coitu mirum in modum exprimit: saltat, caudam distendit, caque imani verrit humum, rostro se pectit, & ornat; quasi fecunditatis donum summam in gloriam duceret.

Diximus, materiam primam ovi non constare ex sanguine, ut Arist. voluit; neque (ut Medici censem) à seminum maris & foeminae permisitione proficiunt. Unde autem eam statuamus fieri, partim in historia jam dictum est; partim post uberiori dicemus, cùm universim de materia, ex qua omnis conceptus primus oriatur, tractabimus.

*Quatenus*

Quatenus Gallina sit efficiens in generatione ovi, ex sententia Aristotelis? & cur maris auxilio opus sit?

Exercitatio 34.

Allum & gallinam duo generationis ovi principia esse, jam dictum est; licet de modo, quo id eveniat, seorsum ab Aristotle & Medicis sentiam. Quippe ex ovi generatione palam fecimus, tam fœminam, quam marem, efficientem esse; & habere in se principium, unde motus, & facultatem constituendi: quamvis in coitu, nec mas ovo materiam conferat; nec fœmina semen profundat, unde ovum oriatur. Manifestum itaque est, naturam (in quibusdam saltem animalibus) non propterea marem & fœminam instituisse; ut alter (tanquam agens) formam; altera (ceu patiens) materiam conferat; veluti Aristoteli visum est: neque ut in coitu semen ab utroque proveniat; quòd ex utriusque mixtura conceptus, aut ovum fiat; quemadmodum Medicis placet.

Cumque in his dualibus opinionibus contineatur, quicquid de generationis causis ac principiis ab omni antiquitate traditum fuit: videtur haec tenus omnes ratio latuisse, tum cur fœmina per se non generet (plantæ instar,) sed sociatam maris operam requirat; tum etiam quomodo conceptus, aut ovum à mare simul & fœminâ procreetur; aut quid utervis ad eam rem conferat; & quem in finem coitus instituatur.

Aristoteles, contra universalem suam hypothesin (quod *mas*, ut agens; fœmina, duntaxat ut materia sit;) quia ovum à fœmina sine maris auxilio procreari videt, fateri cogitur, fœminam quoque efficientem esse: & similiter ovum, etiam foras exclusum, sese conservare, nutritre, augere, factumque ex se producere (ut piscium ovis contingit) non ignoravit: ac propterea ovo, etiam subventaneo, animam inesse voluit. Quatenus vero fœmina efficiens sit, & ovum subventaneum anima donetur, conatur exponere, ubi ait: *Subventanea recipiunt generationem, quoad fieri potest; perfici namq; De gen. an. ad animalis usque fœcunditatem, impossibile est; sensibus enim opus est. l. 3. c. 7.* At vegetalem anime virtutem obtinent & fœmine, & omnia que vivunt,

Q

ut

ut s<sup>e</sup>pius dictum est. Quamobrem hoc ovum, ut plantæ conceptus, perfectus est; ut animalis, imperfectus. Quibus videtur innuere, animam vegetativam ovo quoque subventaneo inesse; quod hæc cunctis ventibus insit; ovum autem vivat. Gallinæ pariter vim creandi, vegetalēmque animam inferendi tribuit: quippe talem virtutem omnes fœminæ obtinent: ideoque ovum subventaneum, quatenus vivit, ut plantæ, conceptus perfectus; quatenus ut animal, imperfectus dicitur. Quasi mas non requiratur, ut fiat conceptus, aut ovum, idque perfectum; sed, ut ex eodem ovo fiat animal. Non, inquam, ut ovum producatur omnibus modis perfectum, (qualis est plantarum conceptus;) sed ut animali principio imbuatur. Fit itaque à gallina ovum, à mare verò redditur prolificum.

Addit ibidem: *In omni avium genere, alterum m.s., alterum fœmina est.* Itaque fit, ut quæ planta est, perficiat; quod nondum mutetur à coitu: quæ non planta, non perficiat; nec aliud quicquam proveniat ex eo, quod genuit. Neque enim ut plantæ simpliciter, neque ut animalis per coitum provenitus est. Loquitur de ovo subventaneo; dicisque porrò: *Quæ autem ova coitu concepta, discreta jam sunt in albuminis portionem; hec pro eo mare, qui primum cōverit, evadunt; jam enim utrumque principium obtinent.*

Quibus videtur fateri, fœminam quoque in generatione esse efficiēntem, sive vim habere generandi; quia in omni fœmina inest anima vegetativa, cuius facultas est generare. Et proinde ubi discrimen inter marem & fœminam proposuit, utrumque tamen generativum agnovit: ait enim, *Marem id animal dicimus, quod in alio gignit; fœminam, quod in se ipso.* Itaq; ex ejus sententiâ, & generat uterque, & in utroque, ut pariter inest anima vegetativa, ita & facultas ejus generandi. Quomodo autem differant, suprà ex ovi historiâ innotuit. Gallina nempe per se, citra galli operam, generat ovum subventaneum, (quemadmodum planta ex se fructum fert;) non gignit tamen ovum fœcundum, sine coitu maris vel antecedente, vel subsequente. Generat scil. fœmina, sed aliquatenus; & maris coitus requiritur, ut facultas istæ generandi in fœmina perficiatur: nempe, ut non modò ovum procreet, sed ejusmodi etiam, unde pullus nasci possit. Ob hunc enim fœminæ in generando defecit, mas videtur à natura institui (ut in inferiori clare constabit;) ut quod fœmina per se efficere nequit (semen nempe, sive ovum fœcundum) id mas suo coitu suppleat, & perficiat; virtutem illam gallinæ, aut ovo impertiendo.

Ovum Gallinaceum perfectum, est bicolor.

Exercitatio 35.

**N**on omnia igitur ova perfecta sunt; sed quædam imperfecta censentur, quia nondum justam magnitudinem adepta sunt, quam deinde foris accipiunt: alia, quia adhuc improlifica sunt, & postea fœcundandi vim forinsecus mutuantur; qualia sunt ova pīcium. Alia, quia unius tantum coloris sunt, imperfecta ab Aristotele cestimantur; perfecta autem, quæ bicolora, luteo nempe & albumine constant: tanquam magis distincta, melius concocta, & majore calore prædicta. Ideoque ova, quæ centenaria appellantur, & quæ Fabricius ex reliquis solūm albuminis generari voluit, unius coloris sunt; & ob defectum caloris, imbecillitatēisque, imperfecta habentur. Inter omnia verò ova, nullum gallinaceo perfectius est, quod liquoribus & munitientis necessariis instructum, justaque magnitudinis, fœcundum paritur.

Cur autem aliqua ova bicolora, alia unius tantum coloris sunt, Aristoteles hanc causam attulit, Quoniam calidioribus animalibus seorsum ista habentur distincta, ex quo principium ortus, & ex quo alimentum: atque alterum candidum, alterum luteum est. Quasi pullus ex albumine ortum duceret, & à vitello solūm aleretur. Ibidemque ait: Pars ejus quæ calida est, propria ad formam in membris instituendis accedit: que autem terrestris magis est, corporis institutionem præbet, & remotior est. Quoniam in bicoloribus ovis animal initium sue generationis à candido sumit. Initium enim animale in candido est, cibum à luteo caput. Purtatque ideo dictos hos liquores distinctos esse, & ova nasci bicolora.

Quæ partim vera, partim falsa sunt. Non est enim verum, pullum ex albumine constitui, & nutriti vitello. Enimvero ex historia fabricationis pulli, ductuque venarum umbilicalium, & propaginum illarum distributione, quæ proculdubio alimento hauriendo inserviunt, manifestè constat, materiam constitutivam & alimentum, à prima statim origine, tam à vitello, quam ab albumine nutriendo pullo suppeditari: & colliquamentum à nobis dictum, videtur non minus è vitello, quam albumine conflari; utriusque enim humoris aliquid colliquescit. Quinetiam macula, ex qua primùm dilatata fit colliquamentum, quæque oculus à nobis dicitur, vitelli tunicæ impressa cernitur.

*Ovum Gallinaceum perfectum, est bicolor.*

Videtur tamen distinctio illa in luteum, & albumen, necessaria : quod liquores isti, cum sint proculdubio diversæ naturæ, diverso quoque usui inservire videantur. Idcōque in ovo perfecto distincti sunt ; estque eorum alterum, alimentum propinquius ; alterum, remotius : illo fœtus statim ab initio nutritur ; hoc, posterius. Certum enim est (ut *Fabricius* verè asserit, & nos postea docebimus) utrumque esse alimentum ; tam albumen scil. quam vitellum ; & albumen prius vitello absumi. Quare cum *Aristotele* sentio (contra *Medicos*) albumen esse partem ovi sinceram, magisque concoctam, & elaboratam ; ac propterea, cum ovum in utero perficitur, tanquam pars calidior, in ambitum circunsfunditur, dum vitellus seu pars terrestrier, in centrum subsidit. Videtur etiam albumen calorem animalem uberiorem in se continere, & proinde alimentum esse propinquius. Similiter, ob eandem caussam, albumen exterius interiore sincerius, magisque concoctum esse, verisimile est.

Quod *Medici* affirmant, vitellum esse partem ovi calidiorem, & magis nutritiam ; id intelligendum centeo, quatenus nobis cibus est ; non, quod pullo in ovo alimentum magis idoneum suppeditet. Idque constat ex historia fabricationis pulli : à quo, tenue albumen prius, quam crassum, absimitur. Quasi proprius alimentum sit, & transmutatu facilis in substantiam futuri fœtus. Idcōque vitellus videtur esse alimentum remotius, & posterius, quam albumen : quippe totum albumen prius absimitur, quam vitelli notabilis portio defecerit. Imò verò vitellus in pulli abdomine reperitur, postquam hic exclusus fuerit ; tanquam novello pullo pro lacte, quo nutriatur, inserviat.

Sunt itaque ova bicolora magis perfecta, utpote distincta magis, & à majore calore elaborate. Quoniam enim in ovo non modo pulli materiam, sed primum quoque alimentum contineri oportuit ; quod perfecto animali perfectum & elaboratum maximè esse debuit ; quale illud est quod partes distinctas obtinet, quarum *falia* (ut diximus) prior & sincerior, adeoque facilioris digestionis est ; alia posterior sive remotior, ac propterea in pulli substantiam transmutatu difficultior ; (vitellus autem & albumina tali discrimine inter se differunt) ideo ova perfecta sunt bicolora, ex vitello nempe & albumine composita ; utpote quæ, pro diversa fœtus atate, ac robore, diversos hos liquores, facilioris & difficilis magis concoctionis fontes, in se contineant.

*Quomodo*

*Quomodo Ovum albumine augeatur.*

Exercitatio 36.

**E**X historia constitit, ovorum in ovario primordia per exigua admodum esse instar papularum, & milii feminine minorâ, albâ atque aquâ humiditate reserta: mox papulas istas in vitellos evadere; & hos denique albumine circuncingi.

Aristoteles videtur opinari, albumen generari ex vitello per modum separationis. Lubet ejus verba appingere: *Sexus*, inquit, non est causa duplicitis coloris, ut candidum à mare, luteum à femina sit; *l. 3. c. 1.* De gen. an. sed ambo à femina proficiuntur. *Veram* alterum frigidum, alterum calidum est. In quibus multum calor is est, distinguuntur; in quibus parum, distingui non possunt. Et ob eam rem conceptus eorum sunt unicolores, ut dictum est. Semen autem maris constituit tantum: ideo primum exiguus, albusque conceptus avium cernitur; mox tempore procedente, luteus totus, cùm jam plus sanguinis admiscetur: postremò, secedente calore, pars candida circum insit, quasi humore æquè fervente quoquo versus. Candida enim pars ovi sua naturâ humida est, calorēmque animalem intra se continet: quamobrem circum ipsa discernit, lutea & terrena intus manet.

Fabricius autem putat, albumen duntaxat per juxta positionem vitello *Pag. 12.* adhæscere. Dum enim (inquit) vitellus per secundum uterum devolvit, ac sensim voluntatur, sensim quoque subinde suscipit albuminis portionem ibi genitam paratamque ut circa vitellum apponatur; donec medius spiras vitellus prætergressus, & ad ultimam devolutus una cum ovi albumine circundato, etiam membranis obvolvitur, & coricem assunit. Vult itaq; ovum duplice modo incrementum sumere; partim vero, per venas, ut in vitello; & partim oppositivo augmento, ut in albumine. Ejusque opinionis, hoc illi forte inter alia argumentum fuit; quod albumen ad duritiem coctum, facile in laminas sese invicem ambientes vindicatur. Verum istuc idem quoque vitello in ovario etiam numeri harenti, & ad duritiem cocto contingit.

Quapropter experientiâ edoctus, accedo potius in sententiam Aristotelis: nam albumen non solum (ut Fabricius voluit) adjunctum cernitur, sed formatum etiam, & chalazis, ac membranis distinctum, inque duplice liquorem candidum divisum: idque ab eadem animâ vegetativâ, à qua ovum in binos liquores (albumen scil. & vitellum) distinguitur. Nempe à qua facultate ovum integrum, ab eadem quoque singulæ ejus partes formantur. Nec sanè

verum est, vitellum prius fieri, & albumen ei adjungi postea. Quod enim in ovario conspicitur, non est ovi vitellus, sed aliquid potius compositum, quod ambos liquores permixtos in se contineat. Colore quidem vitellum refert, sed consistentia suâ proprius ad albumen accedit: coctum enim ad duritatem, non (ut vitellus) friabile est; sed, albuminis instar, concretum, glutinosum, & tenuibus lamellis constructum cernitur. - Habetque albam quasi papulam in medio sùi.

Ib: d.

*Aristoteles* videtur separationem hujusmodi à diversa vitelli & albuminis naturâ deducere. Ait enim, *Si plura ova conjecta in patinam, aut tale aliquod vas, igne coquas, ita ut nè motus caloris citior sit, quam ovorum distinctio; idem in universis ovis, quod in singulis evenit, ut lutea cuncta in medio constituantur; candida circiter ambiant.*

Rem ipsam frequenti experientiâ compertam habeo; & cuilibet experiri licet, modò vitellos unâ cum albuminibus simul conquisatos, in clibano, vel inter duas patinas super focum, addito butyro, leniter coxerit in placentam; videbit enim albumina vitellos immo positos supernè amplecti.

*Quid Gallus & Gallina generando Ovo conferant.*

## Exercitatio 37.

**U**terque, tam gallus, quam gallina, pulli parens dicendus est: sunt enim ambo principia ovi necessaria; & utrumque pariter efficientem ejus probavimus. Gallina nempe ovum facit; gallus, ut fœcundum sit, efficit. Sunt itaque ambo plasticæ virtutis instrumenta, quibus ista species perpetuatur.

Cum autem in nonnullis animalium speciebus ( quasi mare nihil esset opus, sed foemina sola ad speciei perennitatem sufficeret) nulli mares reperiantur, sed omnes sint foeminæ, quæ intra se primordia ovorum fœcunda continent: in nonnullis vero, mares duntaxat, nullæque foeminæ appareant; quia omnes aliquid extra se in limum, terram, aut aquam emitendo, progenerant, speciemque sui conservant: videtur natura in his talibus uno sexu contenta esse, quo (ceu instrumento) utatur ad procreationem idoneo.

Aliquis etiam, sine ullo sexus discriminine, quasi fortuitò, semen contingit; quorum nempe principium est spontaneum. Quemadmodum enim quædam ab arte fiunt, & eadem quoque casu, ut sanitas: l. i. c. i. ita pariter animalium semen aliquod, non sit simpliciter ab unicovo,

voco, (ut ex homine, homo;) sed quodammodo solum univoco (quorum scil. primordium & materia casu facta, à se ipso moveri eo motu potest, quo semen) quæ non per coitum, sed sponte orta, ex tali origine consistunt, quali insecta, quæ vermem generant. Nani ut *De gen. an.* artifices quædam suis manibus operantur, quædam autem non nisi *l. 3. c. 9.* si ope aliorum instrumentorum; artésque præstantiores, variæ formæ & magnitudinis instrumentis utuntur, ad diversas, & curiosas præsertim, subtilésque operationes peragendas: (præstantiora quippe, & laboriosa magis opera, pluribus plerunque fiunt motibus, plurésque subordinatos fines requirunt: eaque in re, ut & aliis omnibus, ars naturam imitatur) ita similiter natura, ad perfectiora & præstantiora animalia procreanda, pluribus, & diversarum facultatum viriūmque instrumentis necessariò utitur. Solum enim, aut cœlum, (aut quicquid aliud genitoris, communisque patris nomine in animalium generatione intelligitur) quædam per se, casu, &, quasi absque instrumento, æquivocè procreat: quædam autem non nisi univocè generat; quæ nempe ab aliquo ejusdem generis producuntur, quod & materiam & formam genito tribuat. Atque hoc modo, in perfectissimorum animalium generatione, ubi principia istæc distinguuntur, & hæc animalium semina divisa sunt; non nisi ex mare & foemina, tanquam duobus instrumentis requisitis, procreantur. Et similiter ovum nostrum gallinaceum necessariò à gallo & gallinâ producitur. Gallina infœta generat, idéoque conceptui locum, & materiam, nutrimentum ac fomentum confert: gallus autem fecunditatem tribuit. *Mas. De gen. an.* enim (inquit Aristoteles) semper perficit generationem, facitque ut *sen. l. 2. c. 3.* sitiva anima insit, & ex ovo animal dignatur.

Idéoque tam gallo, quam gallinæ, organa utriusque facultati idonea concessa sunt. Nempe in gallina partes omnes genitales ad recipiendum, & continendum accommodæ; ut in gallo ad dandum, sive immittendum, vel ad præparationem illius, quod fecunditatem in foemina transferat, (tanquam in alio generaret) idoneæ reperiuntur.

Perspectis itaque, per dissectionem anatomicam, partibus generationi dicatis; quid utervis, mas scil. & foemina, ad eam conferrat, facile dignoscimus. Instrumentorum quippe notitia, ad eorundem actiones, & usus, rectâ semitâ deducit.

*De Gallo quædam notatu digna.*

## Exercitatio 38.

**G**allus est (ut diximus) primarium efficiens ovi gallinacei perfecti seu fecandi, & præcipua generationis causa. Absque mare enim fuerit, nunquam ex ovo nasceretur pullus; & in multis oviparis, nè ovoidum quidem. De galli itaque actione, & utilitatibus, nempe quid ovo, & pullo, tam in coitu, quam aliis officiis conferat, penitus introspicendum est.

Gallum in coitu (licet pene, ut arbitror, careat) genituram, vulgo semen dictum, emittere, ex partibus ejus genitalibus constat; quippe testiculi eadem scatent, & in vasis deferentibus longis, amplissime plurimum ejus reperitur. Num verò subsultimi, víque spiritus spumosum, & repetitis ictibus (ut in calidioribus animalibus viviparis) prodeat, necne; mihi profectò haud compertum est. Quia autem vesiculos genituram continentes non reperio, è quibus fermentata, spirituque in spumam elata prosiliat foras; nec penem invenio, per cuius tubulum angustiorem protrusa cum saltu ejiciatur, gallinæque interiora verberet; præsertim cum coitus inter eos celeriter adeò peragatur; crediderim, levem solum esse humoris seminalis illitum, qualis per pudendorum osculum duntaxat affigitur, seménque citra saltum subito emanare: ut, quod alia animalia uno eodemque initu iteratis ictibus ejaculantur, id aves (quæ complexui venereo non immorantur) repetitis sæpe coitionibus expediant. Rariùs enim coitum repetunt, quæ diutius in complexu venereo hærent: quales in avium numero sunt cygnus, & struthio. Quoniam gallus igitur diu in venerea copula hærente nequit; quod ab aliis, pluribus impulsibus fit, id ipse repetitis vicibus præstat: ac licet nec penem, neque glandem habeat, vasorum tamen deferentium extremitas spiritu (dum coit) inflata, glandis more turgescit; quâ uteri gallinæ orificium aperto podice retecum comprimit, humoréque suo genitali oblitus, adeoque pene ad genituræ immissionem non indiget.

Diximus autem, galli semen tantæ virtutis esse, ut non uterum modò, sed & ovoidum in utero, in ovario papulam, totam denique gallinam ipsam, papulas & ovarum primordia partim jam habentem, partim mox producaturam, fecundam ac prolificam reddat.

Ideoque à Fabricio recte observatum, gallo genituræ copiam in testi-

testiculis, & vasis deferentibus abundare; non quòd gallina plurimum ejus singulis suis ovis fœcundandis requirat; sed ut gallus pluribus gallinis, crebróque repetitis congressibus sufficiat.

Facit etiam ad celeriorem semenis egressum, vasorum spermatorum in gallo brevitas & restringitudo: quod enim per longos & reflexos mæandros permeat, tardius elabitur, & copioso spiritu impulsore opus habet.

Inter mares, nemo gallo est alacrior, nec superbior, aut erectior incedens, cibóque concoquendo potentior, cuius magna pars in genituram abit; ac proinde pluribus eum frui uxoribus oportet, nempe decem, vel duodecim. Sunt enim animalium quedam species, quarum mas singularis plurimis fœminis sufficiat, ut in cervis, damis, & pecorum generibus videre est: sunt etiam, quarum fœminæ libidine pruriētes vix pluribus maribus contentæ sint; ut canis, & lupa; unde etiam Meretrices *lupæ* dicuntur, quæ corpora sua vulgant; & *lupanaria*, in quibus prostant. Sunt etiam nonnulla animalia quasi casta magis, & conjugalem vitam degunt; ita ut mas unus uni maritetur fœminæ, ambōque proli enutriendæ socias operas præstent. Cùm enim à natura requiratur, ut mas, in prolis generatione, fœminæ defectum supplet; atque hæc sola fœtum nutrire, sovere, ac defendere nequeat; mas ipsi conjux additur; qui partem oneris in generanda & educandâ prole suscipiat. Sic perdices vitæ conjugali gaudent, quia earum fœminæ tot simul ova incubare nequeunt (ideoque binos nidos extruere dicuntur) nec prognatos indè pullos tollere. Columba quoque mas incubandi vices, nidum componendi, pullósque nutriendi supplet. Similiter alia complura conjugalis vitæ exempla inter animalia reperias: de quibus plura in dicendis.

Qui autem mares, (ut gallus) plurimis fœminis inserviunt, eorum testiculi copioso humiore seminali scatent, vasaque deferentia longa & ampla obtinent. Et quo tempore, quâve ætate, pœpularum racemi in gallinis maturantur, & fœcunditatem exposcent, ut in ova perficiantur; maribus semen abundat, & testiculi turgescent, eodemque loco (circa præcordia scilicet) conspicuntur, in quem fœcunditatem transferunt. Patet id in piscibus, avibus, reliquisq; oviparis omnibus; quorum mares semine replentur eodem tempore, ac loco, quo fœminæ ova concipiunt.

Quæcumque itaque gallinæ partes à natura generationi destinantur, ovarium nempe, infundibulum, uteri processus, uterūisque ipse, & pudenda; eorumque situs, fabrica, quantitas, & temperies, quæque hanc consequuntur; ea omnia, inquam, vel ovo procreando, & augendo inserviunt, vel ad coitum, & fœcunditatem à mare recipiendam, aut partus gratiâ efformantur: ad quam rem ea vel

R

neces-

necessariò, & principaliter ; vel tanquam caussa sine qua non ; vel ad melius esse quodammodo conducunt. Nihil enim frustrà aut temere in naturæ operibus instituitur. Similiter , partes omnes genitales in gallo, genituræ præparandæ, & concoquendæ, atque in gallinam transmittendæ gratiâ fabrefactæ sunt.

Quibus autem maribus is vigor est, ut plurimis fœminis sufficiant ; hi corporis magnitudine, & ornatu, animique robore & armis, fœminas suas longius superant , quam illi, qui conjugales sunt. Neque enim tantopere perdix mas, corvus, aut columba, à consortibus suis distinguuntur ; quantum gallus, à gallina; vel cervus , à suis fœminis discrepat.

Gallus itaque ut armis, plumisque ornatiōnē, superbus , gloriosus, magnanimus, & bellator insignis incedit ; ita pariter semine abundat, & frequentissimè coitum peragit, adeoque libidine ferox æstuat, ut ( nisi complures gallinæ ipsi suppetant ) fœminas suas saepius invitando & cogendo fatiget, & ( uti in phasiano, gallo Indico, aliisque observavimus ) intempestivè supersiliendo, dorsumque pedibus atterendo ( etiam cum in nidis ova incubant ) eas male mulctet. Vidimus aliquando gallinas à ferocientis galli injuriā adeo laceras & detritas , ut dorsum totum implume , & ad ossa ipsa perquam miseris modis nudum habentes, brevi exspiraverint.

### De Gallina.

#### Exercitatio 39.

**D**uo generationis instrumenta, duæque primæ caussæ sunt ; mas, & fœmina. Gallina enim videtur autor *ovi*, ut gallus *fæcunditatis*. Horum igitur coitu, à mare in fœminam traducitur, vel in gallina per coitum ingeneratur, id, quod ovum reddit fœcundum. Quid autem illud sit, non minus cognitiū difficile est, quam cui id ipsum communicetur : scilicet, utrum toti gallinæ, an ejus utero solum, aut ovo facto, vel etiam ovis omnibus in ovario jam inchoatis, & postmodum inchoandis? Verisimile enim est ex suprà dictis, & Fabricii quoque experimento, pauculas coitiones, & gallinæ per dies aliquot cum gallo consortium, sufficienter eam, aut ejus saltem uterum, per annum integrum fœcundare. Idque egomet etiam, experientiâ edoctus , ex parte affirmare possum : nempe vicesimum ovum à gallina (post hujus à gallo divor- tium) proveniens , fuisse fœcundum & prolificum. Ut quemadmodum

modum à piscium masculorum genituru in aquam sparsa, magnam ovorum congeriem fœcundari certum est; & in canibus, porcis, aliisque animalibus, coitiones aliquot pluribus fœtibus procreandis sufficient: (adè ut aliqui compertum sibi existiment; si canis fœmina sapis quā ter quatérve ineat, id fœcunditatē ejus obesse, plurēque fœminas quā mares indē procudi) ita quoque gallus aliquot suis compressionibus, non modò ovum in utero, sed totum etiam ovarium, gallināmque ipsam (ut sāpe dictum est) prolificam reddat. Imò verò, quod amplius est, & in primis mirabile, *Terre Persicē parte quadam* (iuquit Aristoteles) mure fœminā resciſsā, *Hist. an.* *L. 6. c. 37.* fœtus fœminei prægnantes videntur: nempe matres fiunt, antequam nascantur: quasi mas non solū fœminam fœcundam, sed & conceptos quoque in eā fœtus prægnantes redderet; quemadmodum gallus noster non solū gallinam, sed ova etiam ab illa procreanda fœcundat.

Id autem Medici confidenter negant, qui ex semine utriusque sexū misto, conceptum in animalibus produci afferunt. Ac proinde *Fabričius*, licet galli semen in coitu projectum, nunquam uteri cum (ubi ovum sit, vel augetur) ingredi, aut ingredi posse affirmet; & manifeste videat, ova primū in ovario inchoata, non minū iis, quae in utero existunt, ab eodem coitu fœcundari; quorum nulla pars à galli semine oriri potuit; hoc tamen (quasi necessariò adesse, & permanere debeat) per integrum annum in bursa gallinæ prolificæ contineri, cæcōque foramine reservari voluit. Quam sententiam nos antea rejecimus, tum quia cavitas illa perinde in mare, ac in fœmina reperitur; tum etiam, quia nec in illa, nec alibi uspiam in gallina genituram galli stagnantem invenire potuimus; sed quamprimum hæc munus suum compleverit, virtutēmque fœminæ prolificam impresserit, vel foras elabitur, vel dissolvitur, & in spiritum versa evanescit. Et quanquam *Galenus*, ac cum eo *Medici* *De gen. an.* *L. 2. c. 3.* omnes, hanc genituræ dissolutionem pluribus oppugnant; perspe- *Ibid.* Etā tamen ex anatomica administratione partium genitalium fabrica, simūlque pensitatis aliis firmissimis argumentis, fateantur necesse est, Semen maris prout à testibus per vasa deferentia derivatur, & in vesiculis spermaticis continetur, prolificum non esse; nisi coitūs, vel cupidinis cestu spiritale reddatur, & in naturam spumosam effervescat. Neque enim (teste Aristotele) quod semen fœcundum reddit, est ejus corpulentia, aut ignis, aut talis facultas aliqua, sed spiritus qui in semine spumosaque corpore continetur, & natura quæ in eo spiritu est, proportione respondens elemento stellarum. Quare, licet *Fabricio* concedemus, semen in bursa illa reservari; postquam tamen prolificā effervescentia, sive spiritus illi deferuerint, inutile prorsus foret & infœcundum. Unde Medici quoque intelligent, maris genituram non

non ideo esse prolis opificem, quia primus conceptus ex illa corporatur, sed quia spiritosa est, & effervescens, tanquam secundo spiritu, & numine turgescens. Alias enim *Averrhois* fabula, de mulieris conceptione in balneo, veritatis speciem præ se ferret. Verum de his suo loco plura.

Quemadmodum itaque à gallina fit ovum, ita verisimile est, ab aliis quoque fœminis (ut postea docebitur) primos conceptus tum materiam, tum formam recipere: idque aliquandiu postquam marium genitura immissa fuit, & evanuit. Neque enim gallus per simplicem genituræ emissionem, fœcunditatem aliquam gallinæ aut ovis ejus adfert; sed quatenus genitura istæc prolifica est, & vi plasticâ imbuta; spiritosa nempe, effectiva, & analoga elemento stellarum. Mas itaque non magis censendus est primum principium, à quo conceptus & fœtus oriuntur, quod semen suum concoquere & excernere possit, quam fœmina, quæ ovum sine mare procreat. Sed eo potius nomine, prærogativani meretur, quod genitaram suam spiritu, divinique opificis virtute imbutum inferat: qualis puncto temporis officium suum exequitur, & fœcunditatem apportat. Sicut enim scintillæ è silice excusa, aut fulgere è nube aliquâ emicante, res subito accendi, & siderari cernimus; ita pariter genitura maris, fœminam, quam tetigerit, contagio protinus afficit, eidēnq; vim prolificam transfert; quâ non modò ova, sed uterum etiam, & gallinam ipsam, momento temporis fœcunda reddit. Haud citius enim inflammabile quid à contactu ignis accenditur, quam gallina à galli coitu prægnans efficitur. Quid autem ab hoc in illam transseratur, postea erit dicendi locus, cum de hac re generatim & perspicue magis determinabimus.

Observandum interea est, si ab anima id profiscatur (quicquid enim fœcundum est, id idem quoque animatum esse verisimile est: & jam suprà diximus, ovum ex sententia Aristotelis animâ vegetativâ præditum esse, ut & semen omne plantarum) oportere necessariò animam illam (saltem vegetativam) ex traduce esse, & à mare, in fœminam; de fœmina, in ovum; ab ovo, in fœtum transserri; vel singulis eorum successivè, per coitū contagium, ingenerari.

Videtur nihilominus ambiguitatis plena disquisitio: ideoque, licet Aristoteles fateatur, genitaram maris tantæ virtutis esse, ut semel emissâ plurimis simul ovis fœcundandis sufficiat; tamen nè repetita sæpius coitio frustâ videatur, In avium genere inquit, nè ea quidem ova, quæ per coitum oriuntur, possunt magna ex parte augeri, nisi coitus avis continuetur. Cujus rei causa est, quod ut in mulieribus coitu maris detrahitur mensum excrementum (trahit enim bamorem uterus teſefacit, & meatus aperiuntur) sic in avibus evenit, dum paulatim menstruum excrementum accedit, quod foras decadere non potest, quoniam parvum est, & superne

superne ad cinctum continetur, sed in uterum ipsum collabitur. Hoc enim ovum augetur, sicut fetus viviparorum, eò quod per umbilicum affuit. Nam cùm semel aves coierunt, omnia ferè ova semper habere perseverant, sed parva admodum. Eatenus autem forsitan vera fuerit Aristotelis sententia; plura nempe & majora ova à repetitis sàepe coitionibus contingere; quod scilicet uberior materia ad uterum (coitus calore tepefactum) affuat. Non tamen propterea crebro coitu necessariò opus esse ut ova fiant prolifica. Nam & experientia (ut diximus) contrarium docet, & ratio, quam affert, non videtur suffragari: quippe ovorum primordia non sunt in utero ex sanguine menstruo, (qui in gallina neutiquam reperitur) sed in ovario (ubi nullus sanguis præexistit) ova tam citra galli coitum, quam cum illo progenerantur.

Gallina (ut & aliæ foeminae omnes) conceptui materiam, nutrimentum, & locum suppeditat. Materia, unde cuncta ovorum primordia in ovario nascuntur, & crescunt, videtur eadem illa, ex qua reliquæ gallinæ partes, carnosæ nempe, nervosæ, & ossæ; caput item, ac cætera membra nutriuntur & augentur. Quippe singulis papulis & vitellis in ovario hærentibus (eodem prorsus modo, quo reliquis gallinæ partibus) alimentum per vascula accedit. Locus autem in quo ovum membranis distinguitur, grandinibus & cortice perficitur, est uterus.

At verò gallinam nec semen in coitu emittere, nec sanguinem in uteri cavitatem eo tempore effundere: neque ovum eo modo fieri, quo Aristoteles conceptum fieri voluit; neque (ut Medici arbitrantur) ex commixtione seminum; nec semen galli in uteri cavum penetrare, aut attrahi; unâ hac observatione manifestissimè liquet; nempe quod in utero nihilo plus post coitum, quam ante ipsum reperiatur. Quæ res ubi postea liquidò constiterit, & demonstraverimus eam veram quoque esse de omni animalium genere, quæ utero concipiunt; clare simul apparebit, quæ hactenus ab omni antiquitate, circa animalium generationem, nobis tradita fuerunt, erronea esse; factumque, nec ex spermate maris, aut foeminae; nec ex utrisque simul missis; neque ex sanguine menstruo constitui: sed in omnibus, tum in conceptu prolifico, tum post ipsum, eodem modo se rem habere, quo fit in generatione pulli ex ovo, & perinde ac plantæ ex sui generis seminibus oriuntur. Neque enim constat, matrem requiri, ut tanquam agens, opifex, & efficiens per se sit; nec foemina, tanquam materiam suppeditet: sed uterque, tam mas, quam foemina, opifex quodammodo, & parens dicendus est; factisque, tanquam ex utrisque missis, mixta similitudo & species procreatur. Nec verum est, quod Aristoteles saepius affirmit, Medicique etiam pro confessu habent; nempe, statim à coitu, in utero reperiri aliquid vel fœtus, (ut putat cor, aut tres bullas, aut aliam quandam partem principalem) vel conceptus; vel

*Quomodo Gallina dicatur efficiens primum, &c.*

aliquid saltem in uteri cavo, ut coagulum, aut spermaticum quid milium, aut aliud hujusmodi. Sed è contra, diu post coitum contingit primum, & ova, & conceptum in pluribus & perfectioribus animalibus enasci; si modò fœmina fœcunda & prægnans evaserit. Et fœminam quidem prolificam esse, antequam quicquam conceptus in utero continetur, multa sunt quæ indicium faciunt, ut postea in viviparorum historia dicetur: nempe crescunt ubera, uterus turgescit, aliisque symptomatibus totius corporis mutatio dignoscitur.

Gallina verò, quamquam, ante coitum, ovorum in se primordia ut plurimum habet, quæ postea à coitu fœcunda redduntur, idèoque illi statim à coitu aliquid inest; tamen cum & ipsa, reliquorum animalium more, nihil adhuc eorum in ovario paratum habuerit, aut quæ habuit jam excluderit; ex coitu postea, (aliquo etiam temporis interjecto spatio) tanquam utrunque principium, sive utriusque sexus virtutem possideat, plantarum more per se ova generat, eaque (loquor expertus) non subventanea, sed prolificata.

Enimvero si desubitus gallinæ semel fœcundâ redditâ, ovisque incubante (postquam jam omnia sua ova peperit, & nullum in ovario superest) omnia illa ova abstuleris; plura denuo pariet, eaque genitiva, sive prolificata, & utrunque principium in se habentia.

*Quomodo Gallina dicatur efficiens primum:  
dique ejus partu.**Exercitatio 40.*

**G**allinam esse caussam generationis efficientem, sive naturæ in hoc opere instrumentum; (non quidem absolutè, & per se; sed ex mandato, ac vi maris prolificam redditam) jam dictum est. Quemadmodum autem mas, suo merito, primum generationis principium ab Aristotele habetur, quod primum ad generationem motus ab eo proveniat; ita quoque gallina aliquo modo prima generationis caussa statui potest: quatenus nimis umbras, præsente fœminâ, seu furiis exstimulatus, ad venerem accenditur. Fœmina pisces, inquit Plinius, coitus tempore marem sequetur, ventrem ejus rostro pulsans: sub partum mares fœminam similiter. Vidi ipsem et aliquando pisces mares fœmellam jam parituram (canum more) turmatim sextari, ut ova recens polita lacte suo, sive semine asspergerent. Id verò perspicuum maximè in petulcis ac lascivis fœminis, quæ sopitos & ignavos

ignavos cupidinis igniculos suscitant, amorēmque tacitum inspirant, Indeque fit, ut gallus gallinaceus, quamprimum gallinam suam diutulè absentem, vel aliam aliquam advenam, conspicatus fuerit, æstro statim amoris percitus eam comprimat. Quinetiam in prælio victor, quanquam à pugna Iesus & Iassus, vieti tamen conjuges omnes sub-agitare continuò gestit. Et ut flammulam hanc amoris in præcordiis semel accensam usque foveat, variis gesticulationibus, irritamenti, ac blanditiis, (dum sa pius canit, gallinas advocat, easque aggressus circumambulat, atque alas pedibus vibrissat) foeminas ad coitum, ceu fascino quodam, pellicit. Sunt illæ quidem maris artes: sed et foeminæ interdum morositas coitum in speciem recusantis, non parùm ad maris furorem, & languentem cupidinem excitandam facit; ut citius, & copiose spiritu eandem impleteat. De hujusmodi autem blandimenti, quatenus conceptui promovendo inserviunt, inferius plura dicentur. Naturæ enim opera, si diligenter perpendieris, nihil in iis frustra factum esse, sed cuncta in finem & boni alicujus gratiâ ordinata reperies.

Foeminæ ferè omnes cum voluptate quidem coœunt & implentur, sed in partu pleraque dolent. Gallinæ autem contrarium evenit, quæ in coitu querula perstrepit, & renititur; in partu vero, licet ovum pro corporis & uterini orificii proportione prægrande adsit, quod- quenihil adjumenti (ut foetus viviparorum solent) ad exitum conferat, citra dolorem tamen facile parit, & à partu continuò exultat, sublatóque cachinno, gallum quasi in partem latitizæ advocat.

Quanquam autem in gallinæ vitellario multa ovorum primordia reperiuntur, variæ magnitudinis, & ordinis, ita ut aliud alio prius augeatur, & masuretur; omnia tamen videntur à galli congressu simul pariterque fœcundari, seu virtutem prolificam accipere. Et licet plusculum temporis (triginta nempe aut amplius dierum) excurrat, priusquam gallina, aut perdix ova omnia, quæ concepit, pariat; tamen ubi primum mater iis incubare coepit, stato tempore (viginti scil. aut duorum & viginti dierum curriculo) omnes foetus una ferè excluduntur; si que non minus perfecti, quam si simul (ut in canibus, catulis) ab ejusdem temporis coitu initium habuissent.

Atque hic dum sumus, cogitanti mihi, quam exigua sint prolificæ ovorum primordia, papulæ nempe, & sudamina milii semine minora, considerantique galli inde nati amplitudinem, magnanimitatem, atque ornatum; mirari subit, tantas vires à natura rerum in tantillis exordiis reponi, & Creatorem omnipotentem apparere voluisse maximum è minimis initiis. Oritur nempe ex minima & vix perceptibili papulâ, gallina, aut gallus animal superbum & magnificentum. Nascitur ex parvula glande, arbor ingens. Imò vero ex minima glandis

glandis gemmulâ sive apice, quâm lata tandem brachia expandit an-  
 nosa quercus? quâm alta ad cœlum tollit fastigia? quâm profundas  
 Lib. 17 cap. 10. demittit radices? *Ingens profecto naturæ miraculum.* (inquit Plinius)  
 tam exiguis principiis respuente secures materiam nasci, indomita ponde-  
 ribus immensis prela, arbores velis, turribus murisque impellendis arietes.  
*Hec est naturæ vis, hec potentia.* Inest autem omnibus plantarum se-  
 minibus talis gemmula, cuius si summa duntaxat, puncti instar,  
 abrasa fuerit, tollitur illico spes generationis; quasi in tantillo pun-  
 ctu virtus omnis plastica futuræ arboris hospitaretur. Idéoque pro-  
 vida formica, particulam hanc prærodens, frumenti grana & semina  
 in horreo suo subterraneo tutò recondit, eorumque progeneratio-  
 nem ingeniosè præcavet. *Cupressus* (adjungit ibidem Plinius) fert se-  
 men formicis mirè expetitum; ampliato etiam miraculo, tantuli animalis  
 cibo absumi natalem tantarum arborum. sed de his quoque generatim  
 plura dicemus, cum multa animalia, præsertim infecta, ab inconspi-  
 cuis præ exiguitate principiis & seminibus (quasi atomis in aëre voli-  
 tantibus) à ventis huc illuc sparsis ac disseminatis, oriri ac progig-  
 ni docebimus; quæ tamen sponte, sive ex putredine orta judicantur,  
 quia eorum semina nuspian comparent. Est autem hæc speculatio  
 non inutilis ad illam philosophiam, quæ omnia ex nihilo producta  
 docet; siquidem inter primordium, & à nūm cujuslibet animantis,  
 vix ulla est commensurabilis proportio.

Nec tantopere admirari oportet, quid in gallo existat, quod ani-  
 mal tam perfectum & eximium conservet, & gubernet, ejusque exi-  
 stentia prima caussa sit, quam animam dicimus; sed multò magis,  
 quid sit in ovo, imò in papula tantæ virtutis, ut tale animal pro-  
 ducat, & in excelsum adeò gloriæ fastigium attollat. Nec solùm  
 mirari convenit quantus artifex tanto operi assistat & tangat; sed po-  
 tissimum coitùs tam momentanei contagium. Quid nenipè è mare  
 in seminam proveniat; è semina, in ovum; ab ovo, in pullum?  
 Quid sit hoc traducis, quod nec manens, nec tangens, nec conten-  
 tum sensibile inveniatur; operetur tamen summo cum intellectu, &  
 providentiâ, supra omnem artem: quódque etiam postquam abiit,  
 & evanuit, non quia jam tangit, sed quia olim tetigit, ovum prolifi-  
 cum reddit: nec solùm ovum perfectum & absolutum, sed imperfectum  
 etiam & inchoatum, cum papula duntaxat fuerit: imò verò galli-  
 nam ipsam fecundam facit, antequam adhuc papulas produxit;  
 idque tam subitò, quasi ab omnipotente dicatur, fiat progenies, & fa-  
 età sit.

Desinant itaque mirari, quod non sine stupore experiuntur, quo-  
 modo scil. morbi epidemici, contagiosi, & pestilentiales, seminaria  
 sua eminus per aërem, aut fomitem aliquem spargant, ac propagent;  
 morbo que sui similes in alienis corporibus producant, atque abscon-  
 dito

dito modo per generationem quandam se tacitè multiplicent; adeoque interdum ingravescant, ut (divino sic volente numine) per homines & pecora latè stragem edant: quoniam majora longè in animalium generatione quotidie invenerint. Plura enim & efficaciora fabricando animali, eidēmque conservando requiruntur, quād ad ejus perniciem: quippe ægrè, longoq[ue] tempore crescunt; quæ facilè, citoque corraunt. Eleganter Seneca, ut solet: *Quād Nat. qu. longo tempore opus est, ut concepius ad puerperium perducatur? infans l. 3. c. 27.* quantis laboribus tenerè educatur? quād diligenter alimento ebnoxiūm novissimè corpus adolescit? at quād nullo negotio dissolvitur? urbes constituit etas, hora dissolvit. Magnā tutelā stant & vigent omnia, ciō & repente dissiliunt. Diu que crescendo fit sylva, ciō minimōque momento & scintillā, fit cinis. Imò verò nē scintillā quidem; quippe radiis solariis per exiguum vitrum transmissis, & in conum unitis, igne confestim excitato, maximarum rerum fit conflagratio. Adeò naturæ majestati nihil est arduum, quæ ad originem rerum viribus suis parcè uitit, & cum providentia cautè dispensat, incrementis fallentibus: subitò autem ad ruinam, plenōque impetu properat. Cernitur in generatione rerum, optimus, æternus, & omnipotens Deus, seu naturæ numen suspiciendum; mille autem modis mortalia cuncta ad perniciem suā sponte ruunt.

## Quomodo fiat generatio Pulli ex Ovo.

## Exercitatio 41.

**O**VUM haec tenus, ceu fructum, & finem consideravimus. Superest, ut de eo, tanquam semine, & principio, agamus. *Jam (in pag. 28. quid Fabricius) quomodo ex ovo pulli generatio sequatur, inquirendum est; ab eo Aristotelis & Galeni principio, quod etiam ab omnibus conceditur, exordientes; videlicet, quod omnia, que in hac vitâ fiunt, ab his tribus fieri conspiciantur, artificibus, instrumentis, & materiâ. Quoniam verò in naturalibus, opifex forinsecus non est, sed vel materiae, vel instrumentis inditus; concludit, de agente tantum & materia considerandum esse.*

Cùm autem modus, quo pullus ex ovo fiat, hic docendus sit; non inutile fore arbitror, si quot modis aliquid ex alio fieri dicatur, præmonstravero. Ita enim clarius, & distinctè magis constabit, quād multifariam generatio ex ovo procedat, & quid de materia, instrumentis, atque efficiente statuendum sit.

Degen. ani. l. I.c. 18. Aristoteles quatuor modis, aliud ex alio fieri docuit: primò, cum ex die noctem fieri dicimus, aut ex puerō virū; quoniam hoc post hoc: alio, cum ex ære statuam, aut ex ligno leđum, aut quæcunque ex materia fieri dicimus, ut ex aliquo, quod insit & formetur, totum sit. Tertio, cum ex musico immusicum, aut ex musico immusicum, aut ex sano ægrum, & omnino contrarium ex contrario. Quarto, ut Epicharmus facit suam exaggerationem, ex calumniis maledicīa, ex maledicīis pugna. Quæ omnia eō referuntur, unde principium motū, pars enim quedam totius discordiæ calumnia est. Cum itaque tot modis aliud ex alio fiat, semen in altero de duobus his esse apertum est. Aut enim ex eo, ut materia; aut ut ex primo quod moverit, est quod gignitur. Non enim ut hoc post hoc, quomodo ex Panathenæis navigatio; neque ut ex contrario contrario: gignitur enim contrario ex contrario quod corruptitur: & aliud quippiam subjici oportet, ex quo primo immanente sit.

Quibus Aristoteles rectè infert, Semen à mare proveniens, esse fœtūs caussam efficientem, vel instrumentalem; quandoquidem nulla pars est geniti, nec primo modo, nec tertio (nempe, aut ut hoc post hoc, aut ut ex contrario;) neque ut materia subjicitur.

At verò (ut ibidem ait) id quod à mare in coitu provenit, non verè & propriè semen dicitur, sed genitura potius, & à semine proprie dicto discrepat. Genitura enim id vocatur, quod à generante proveniens, caussa est que prima obtineat principium generationis; videlicet in iis quæ coire natura voluit: semen autem est, quod ex ambobus cœuntibus illis (nempe mare, & foeminā) originem trahit, quale semen plantarum omnium est, & animalium nonnullorum in quibus sexus distinctus non est: velut id, quod ex mare ac foeminā primū miscetur, quasi conceptus promiscuus quidam; & quale ovum esse, suprà in historia declaravimus, quod tum fructus, tum semen dicitur. Semen enim & fructus inter se differunt, prioris posteriorisque ratione: nam fructus, quod ex alio est; semen, ex quo aliud: alias ambo idem sunt.

Supereft igitur inquiranus, quot modis prædictis, non quidem à genitura maris, sed ex vero semine, sive ex ovo, aut conceptu (quæ verè animalium semina sunt) fœtus oriatur.

Quot.

*Quot modis pullus ex Ovo fieri dicatur.*

Exercitatio 42.

PRO confesso itaque est, fœtum fieri ex ovo prolifico, tanquam ex materia, & quasi ab opifice; idemque ovum utranque pulli caussam existere. Prout enim originem à gallina trahit, & fructus habetur, materia est; quatenus verò prolificam plasticamque facultatem à mare infusam per totum suum continet, efficiens pulli dicitur. Quinetiam non solum (ut Fabricius voluit) in uno eodemque ovo hæc inseparabiliter conjuncta sunt, nempe opifex, & instrumentum, sed etiam necesse est, ut eodem loco alimentum quoque adsit, quo augeatur. Imò verò in ovo prolifico hæc quatuor simul reperiuntur, opifex scilicet, instrumentum, materia, & alimentum; uti in historia palam fecimus.

Quare ex ovo prolifico, omnibus modis prædictis pullum fieri dicimus: nimis tanquam ex materia, efficiente, & instrumento; ac præterea ut ex puerō sit vir, atque ex parte totum; & tanquam ex alimento; & quasi è contrario contrarium.

Quamprimum enim ab incubatu, (à principio motivo interno) quipiam clarescens colliquatur, (nos illud *ovi oculum* appellavimus) id ipsum tanquam ex contrario fieri dicimus: quemadmodum chylum, per concoctionem, ex contrariis (crudis nempe edulis) fieri credimus: eodemque sensu, quo nos ex contrariis nutriti dicimur. Similiter, ex albumine fit, & augetur id, quod nos *oculum* & *colliquamentum candidum* nominavimus: ac pariter ex candido illo liquore sanguis, & vesicula pulsans, (primæ pulli particulæ) fiunt, nutrituntur, atque augentur: nutrimento, inquam, à facultate insiti in natum caloris (tanquam ex contrario) per concoctionem assimilato. Crudum enim & incoctum, cocto & assimilato contraria sunt; ut immiscitus, mixto; & æger, fano.

Cùmque ex candido colliquamento, fit sanguis; vel ex albumine, aut vitello, candidus liquor generatur; hujus generatio dicitur, illius corruptio: facta scil. è termino contrario in contrarium transmutatione, manente interea eadem subjecta materiâ. Corrupta nempe priore albuminis formâ, fit colliquamentum: & ab hujus (colliquamenti scil.) formæ privatione, succedit forma sanguinis: non aliter, quam cùm alimentum in substantiam aliti convertitur.

Hoc itaque modo, pullus ex ovo, tanquam ex contrario, fieri dicitur.

citur. Enutrito enim pullo in ovo, atque adaucto, albumen pariter ac vitellus corrumpuntur & absimuntur, totaque deinceps ovi substantia. Manifestum est igitur, ex ovo, tanquam è contrario, videlicet alimento ; & tanquam ex privatione, & non ente, pullum fieri. Constat enī prima pulli particula (nempe sanguis, aut punctum saliens) ex non sanguine, & omnino ex contrario ; durante semper cādem suppositā materiā.

Fit etiam pullus ex ovo, sicut vir ex puerō. Quemadmodum enim ex plantis semina oriuntur, ex seminibus gemmæ, germina, virgulta, flores, & fructus : ita quoque ex ovo (gallinarum semine) fit maculæ dilatatio, colliquamentum, sanguis, & cor, seu primæ factus (vel fructus) particula. Idque tanquam ex nocte, dies ; ex vere, æstas ; ex puerō, vir ; hoc, post hoc. Ut quemadmodum fructus post flores, in eodem stenitate oriuntur ; ita pariter post ovum, colliquamentum ; post hoc, tanquam ex humore primigenio, sanguis ; post sanguinem, & ex illo, pullus fiat ; veluti totum, ex parte. Sicut, per Epicharmi exaggerationem, ex columnia sunt maledicta, ex maledictis pugna. Sanguis enim una cum puncto saliente primū existit ; simulque & pars pulli videtur, & efficiens quoddam, sive instrumentum generationis ejus, ab opifice (ut Fabricius existimat) inseparabile. Quomodo autem ovum, efficiens atque instrumentum generationis dicatur, partim jam antea dictum est, partim etiam uberioris ex dicendis constabit.

Ex historia id certum est, punctum pulsans, atque sanguinem, (dum augentur) sibi reliquum corporis, aliisque omnia pulli membra asciscere : quemadmodum vitellus in utero, ex ovario provolutus, albumine se cingit ; idque non sine concoctione, ac nutritione. Cunctarum vero operationum vegetabilium instrumentum commune, calor internus, aut calidum innatum, vel spiritus per totum diffusus, & in eo spiritu anima, sive animæ facultas, ab omnibus censetur. Habet igitur ovum, procul omni dubio, animam suam opificem, quæ tota in toto, & tota in unaqualibet parte insit ; spiritumque seu calorem animalem in se continet, immediatum illius animæ instrumentum.

Interroganti itaque, *Quomodo ex ovo fit pullus ?* respondemus, omnibus modis, & ab Aristotele recitatis, & ab aliis excogitatīs, quibus aliud ex alio fieri contingit.

*Fallitur*

Fallitur Fabricius, circa materiam generationis Pulli  
in Ovo.

Exercitatio 43.

Quod mihi ab initio proposui, Fabricium præmonstratorem se- Pag. 28.  
quar; & de tribus illis, quæ in generatione pulli indaganda  
ait, cum illo considerabimus; agente nempe, materiâ, & alimento  
pulli. Quæ omnia in ovo esse oportet; de quibus dubia aliqua  
proponit, opinionesque gravissimorum autorum diversa sentienti-  
uni. Prima difficultas ad pulli materiam, & alimentum spectat.  
Hippocrates quidem, Anaxagoris, Alcmeon, Menander, & prisci Philo- Lib. de nat.  
sophi omnes, pullum ex vitello generari, ex albumine verò nutritiri, existi- pueri.  
mârunt. Contra hanc opinionem, Aristoteles, & cum eo Plinius, Hist. an.  
pullum ex albumine corporari, ex luteo nutritiri, crediderunt. Ipse autem L. 6. c. 3.  
Fabricius, nec vitellum, nec albumen, materiani pulli esse voluit; & de gen.  
prædictâsque ambas opiniones conatur refellere, & decere, albumen an. l. 3 c. 1.  
pariter ac vitellum alendo pullo duintaxat inservire. Idquæ, præter & 3.  
alia argumenta (quibus minùs acquiescendum puto) hoc uno sic fa- L. 10. c. 53.  
tis firmo: quòd scil. propagines vasorum umbilicalium (per quas  
pullus, sine dubio, nutrimentum haurit) in albumen pariter ac in  
vitellum diffusinrentur, ambòque isti liquores (prout pullus auge-  
tur, & majorem alimenti copiam postulat) absumentur. Ac pro-  
pterea Fabricius in sententiæ suæ confirmationem, ait: Ex corporibus Pag. 34.  
ovum confluentibus, & pulli generationi idoneis, solum tria sunt, albú-  
men, vitellus, & chalaze: albumen, & vitellus nutrimentum pulli sunt;  
ergò sola chalaze materia erunt, ex qua fit pullus. Errare tamen excell-  
entissimum Fabricium, suprà in historiâ demonstravimus. Postquam  
enim pullus jam propè consummatus est, caputque & oculi disinctè  
conficiantur, chalazas in ovo longè à foetu distantes, integrâsque à  
cacuminibus ad latera remotas reperire est: præstantque (ut ipse  
quoque fatetur) usum ligamentorum, quibus vitellus intra albu-  
men in debita suâ positione retineatur. Nec verum est, quod Fa-  
bričius in opinionis suæ stabilimentum, addidit; chalazas nempe  
obtuse ovi parti, è directo suppositas esse. Nam post primæ diei incu-  
bationem, mutatur liquorum situs; vitellus attollitur, & grandines  
utrinque de cacuminibus removentur; ut jam pridem diximus.

Fallitur etiam præterea, cum chalazas ovi partes esse statuit.  
Ovum enim revera ex albo & luteo humoribus solum constat:

chalazæ autem, ut & membranæ, albuminis quædam appendiculæ sunt, & membranarum duntaxat extremitates colligatae & contortæ (sicut filamenta in funem complicari solent) ut liquores, firmiore nexo, in debito suo loco conserventur.

Malè igitur ratiocinatur, dum ait: *Chalazæ in ovo ibi reperiuntur, ubi pullus generatur; ergo hic ex illis constituitur.* Nam nè secundum ipsum quidem Fabricium, id fieri ullo modo potest; qui fatetur, chalazas in utroque ovi extremo pariter reperiri; & tamen negat, pullum alibi quam in obtusa ejus parte procreari: in qua profecto, sub primum generationis exordium, nulla omnino chalaza deprehenditur. Quinetiam, si in ovo recenti periculum feceris, videbis chalazam superiorem haud directè sub obtuso cacumine, aut cavitate ejus collocatam, sed ad latus nonnihil declinare; nec illò versum, quod cavitas tendit, sed potius in latus oppositum. Præterea, ex suprà-dictis innotuit, liquorum posituram statim ab incubatione permutari: quia *oculus* à colliquamento adactus, ad cavitatem in parte obtusâ attollitur, unde liquores, & grandines utrinque ad latus renoverentur. Macula enim, quæ ante incubationem medio loco inter ambo cacumina collocabatur, jam in *oculum* aucta, cavitate in obtuso angulo adjungitur; grandinimque altera ab obtuso cacumine deprimitur, altera vero tantundem ab acuto angulo asurgit; (qualis nempe polorum mundi, in obliquo hemisphærio, situs est) simûlque albuminis, præsertim crassioris, pars maxima in acutum cacumen subsidit.

Nec verum est, chalazas primam pulli formationem longitudine & figurâ imitari; partimque principalium numerum, totidem suis nodulis referre: ut jndè à consistentiæ similitudine, de pulli materiâ argumentum probabile adduceret. Neque corpus rubrum (quod etiam pro jecore habuit) in grandinibus, vel prope eas cernitur; sed in medio colliquamento candido reperitur; estq; cor dis solus principium. Nec etiani ranabottolorum exempluni, ab eo adductum, quadrat; quorum, inquit, non est conspicere nisi caput & caudam, hoc est caput & spinam, omnino sine cruribus & brachiis. Additique, qui chalazam viderit, & hujusmodi conceptum, quod ad corpus attinet, se vidisse credat. Ego vero sèpissime illorum anatomen instudi, vidique alvum satis ampliæ, & in eâdem intestina, jecur, & cor pulsans; caput etiam, atque oculos deprehendi. Quod Fabricius autem pro capite habet, est figura ranabottoli rotunda, eoque nomine gyrinus dicitur; quod nempe forma ejus in gyrum vertatur. Caudam habet, quâ natat, sed cruribus caret. Circa solstitium autem, caudam amittit, quo tempore crura & brachia primùm pullulare incipiunt. At nihil huic simile, in prima pulli in caput ac spinam divisione, accedit; quod, ad gyri modum, pullum ex chalazis fieri persuadeat.

Ulte-

Ulterius autem hæc refellere, *Fabricii*, (viri Anatomes peritissimi) dignitas non finit. Nec sanè opus est, cùm res ipsa ex *historia* luceanter pateat.

Tandem concludit, hanc suam sententiam perantiquam esse, & *Aristotelis* quoque temporibus celebratam. Ego verò potius sententiam *Ulyssis Aldrovandi* antiquam crediderim; quā exultimat, *chalazas esse sperma galli*, ex quo & à quo pariter pullus oriatur.

Neutra tamen sententia vera est, sed popularis omnium temporum error: quippe grandines (*galladuram Itali* vocant, nostrates *the tred-dle*) à gallo provenire, ejusque sperma esse; olim, hodiéque mulierculæ crediderunt.

*Grandines* (inquit *Aldrovandus*) sunt sperma galli, quia nullum ovum fœcundum illis caret. At enim, nec infœcundum ullum iis destituitur, quod ille aut nescivit, aut dissimulavit. Id *Fabricius* quidem fatetur; sed dum negat, galli sperma in uterum penetrare, aut uspiam in ovo reperiri; chalazas tamen solas, præ reliquis omnibus ovi partibus, masculi feminis virtute fœcundari, vimque prolificam suscipere contendit: licet in ovis fœcundis: ac infœcundis, chalazarum discriminem nullum animadvertere potuerit. Cūmque concesserit, ipsa ovorum in vitellario primordia, perinde ac ova albumine circundata, à galli coitu fœcundari; erroris in tanto Viro caußam, hanc esse arbitror: Fuit haec tenus (ut jam sæpe diximus) Philosopherum, & Medicorum omnium vulgata opinio, materiam fœtūs in generatione animalium, esse aut maris, aut fœminæ, aut utriusque simul genituram; ex qua (post coitum) in utero superstite, animalia (finiliter ac plantæ, ex seminiibus in terram projectis) generantur. Nec *Aristoteles* quidem ab eadem sententiâ multum absfuit, cùm sanguinem menstruum fœminæ semen esse voluit, quod maris genitura coagulet, conceptumque inde constituat.

Supposito itaque jampridem ab omnibus (ceu certo fundamento) errore, quem diximus; haud mirum sanè, si postea (pro varia cujusq; conjecturâ) plurimæ falsæ opiniones subsequitæ fuerint. Errant enim toto cœlo, (ut dici solet) qui existimant, post coitum necessariò remanere materiam aliquam in utero paratam & idoneam, ex qua aut fœtus fiat, aut conceptus primus constituatur, aut aliud quid protinus in cavitate uteri fabricetur, quod plantarum semini in terræ gremium injecto respondeat. Quippe certum est, in gallinæ utero (idque etiam postea de omnibus fœminis constabit) statim à coitu, nihilo plus confaci, quām ante ipsum coitum reperiebatur.

Errasse itaque *Fabricium*, liquet, cùm ait: *Sicuti viviparum animal* Pag. 35.  
*ex paucâ seminali materiâ corporatar; quod verò ad alimentum & nutri-*  
*tionem suggestur, copiosissimum est: sic pro pulli generatione exigua cha-*  
*laza sufficiet; cetera autem in ovo contenta, alimento duntaxat pullo erunt.*

*Quibus*

*Hist. an.  
L. 3. c. 8.  
Degen. an.  
l. 2. c. 1.* Quibus apertum est, eum talem aliquam materiam in ovo paratam quæsivisse, unde pullus corporetur: idque, nè quid contra definitionem ovi, ab Aristotele traditam, videatur statuere: nempe, *Ovum* est, cuius ex parte animal gignitur: reliquum, cibus ei, quod gignitur, est. Validum igitur hoc Fabričio videtur argumentum: Cùm tres solām partes sint in ovo, scil. albumen, vitellus, & chalazæ; & priores due nutrimentum duntacat pullo suppeditent; necesse est ut sole chalazæ materia sint, ex qua pullus constituitur.

Ità factum, ut peritissimus Anatomicus (dum materiam aliquam creando pullo idoneam, & à cæteris distinctam, in ovo querit) errore populari occæcatus, cespitaverit. Idémique similiter aliis contingit, dum lucem illam deserunt, quam frequens corporum disseccatio, & familiaris cum natura ipsâ conversatio exhibent; atque ex conjecturâ, suppositisque probabilibus argumentis, aut Scriptorum autoritatibus, rem eam intelligere sperant; quam spectare ipsi, & sensu percipere debuissent. Quare haud mirum est, plurimos errores, ab ultima antiquitate unanimi consensu traditos, ad nostra usque tempora descendisse: virōsque, aliás ingeniosos, egregiè hallucinatos esse; dum sibi abunde satisfactum arbitrantur, si ex aliorum libris sapiant, & doctorum virorum sententias in memoria habeant. Evidēm, qui hoc pacto, veluti ex traduce (ut sic dicam) philosophantur; haud melius sapiunt, quām eorum libri quos penè servant.

In ovo igitur (ut diximus) nulla pars distincta, aut materia preparata adest, ex qua fœtus efformetur: sed quemadmodum in planitarum seminibus, apex aut gemmula protruditur; ità pariter in ovo, cicatricula, sive macula inest, quæ vi plasticâ imbuta, in oculum & colliquamentum crescit; ex quo, & in quo pulli primordia, (sanguinis scil. & punctum saliens) generantur, nutritiuntur, & augentur in pullum perfectum. Neque Aristotelis definitio ovi vera est; ut sit, ex cuius parte pullus oritur, & à reliquo nutritur: nisi Philosophus hoc modo intelligendus sit; *Ovum* esse, ex cuius parte pullus oritur, non tanquam ex materia, sed ut vir, ex puer: vel, ovum esse conceptum perfectum, ex quo pullus partim constitui dicitur, partim nutritiri: vel denique, ovum esse, cuius liquores pro partium tum materiâ, tum nutrimento inseruntur. Eoque sensu Aristoteles docet, materiam fœtū in fœminis esse sanguinem menstruum, quo (dum per venas in uterum funditur) natura abutitur; scilicet generationis causâ, ut quale erat futurum, tale alterum oriatur; jam enim tale potentia est, quale est corpus, cuius secrecio est; nempe, matris.

Quænam

*Quænam sit Pulli materia, & quomodo fiat in Ovo.*

Exercitatio 44.

**Q**uoniam itaque ex aliorum placitis, ( sive nudâ autoritate, sive probabilitibus etiam argumentis ea confirmata fuerint ) veritatem obtineri non posse arbitramur, nisi diligens quoque experientia accesserit ; ex naturæ libro, & perspicuis observationibus, quænam sit factus materia, & quomodo is indè oriatur, declarabimus.

Duplici modo aliquid ex aliquo ( tanquam ex materiâ ) fieri, idq; tam arte, quâni naturâ, ac præcipue in generatione animalium, observavimus. Alter est, cùm ab aliquo præexistente fit ; veluti ex ligno, lectus ; ex lapide, statua : cùm nempe tota futuri opificii materia jam extiterit, antequam in formam producatur, aut operis aliquid inchoëtur. Alter autem modus est, cùm materia simul & formatur, & fit. Quemadmodum igitur opera duplice modo ab arte perficiuntur ; altero nempe, cùm materiam jam paratam artifex secat, dividit, & detrahendo quod superfluum est, imaginem relinquit, ut statuarius facere solet : altero autem, cùm figurulus eandem imaginem ex luto, addendo, sive augendo, & figurando format ; simulque materiam parat, præparat, aptat, & applicat ( atque hoc pacto imago potius facta, quâni ficta dicitur : ) itâ pariter in generatione animalium ; quædam ex materia prius coctâ & auctâ formantur, & transfigurantur ; omnésque partes simul per metamorphosin oriuntur, ac distinguuntur, perfectumque animal enascitur : quædam vero, factâ parte unâ præ altera, ex eadem materiâ postea simul nutritur, augmentur, & formantur : habent scil. partes alias aliis priores ac posteriores, eodemque tempore & augmentur, & formantur. Horum fabrica à parte aliquâ, tanquam ab origine, incipit ; ejusque ope reliqua membra adsciscuntur : atque hæc per epigenesin fieri dicimus ; sensim nempe, partem post partem ; estque istæc, præ altera, propriè dicta generatio.

Priori modo fit insectorum generatio, ubi vermis per metamorphosin ex ovo nascitur ; vel ex materia putrescente ( humido siccesciente, vel sicco humescente ) primordia procreantur, è quibus ( tanquam ex eruca ad perfectam magnitudinem auctâ, vel ex aurelia ) per metamorphosin papilio vel musca oritur justâ magnitudine , nec à primo ortu quicquam auctior fit. Perfectiora autem animalia sanguinea

nea, per *epigenesin*, sive partium superadditionem fiunt; ac postquam nata sunt, adolescunt, & ad *inximicu* pertingunt. In illis, casus seu fortuna videtur maximè generationem promovere; in quibus forma eritur ex potentia materiae præexistentis, causâque prima generationis est materia potius, quam efficiens externum; unde etiam animalia hæc imperfectiora sunt, & genus suum minùs servantia, minùs perpetua, quam sanguinea terrestria, vel aquatilia, quæ ab univoco principio (nempe ab eadem specie) aternitatem consequuntur: hujusque rei causam primam naturæ, & virtuti vegetativæ assignamus.

*Metaph.*  
1. 7. c. 9.  
Quædam igitur animalia suâ sponte nascuntur, ex materia sponte, vel casu concoctâ; ut *Aristoteles* videtur asserere. Quorum scilicet materia potest à se ipsâ moveri, eo motu à casu, quo semen movet in generatione aliorum animalium. Idemque in animalium generatione contingit, quod in arte: quædam enim ab arte fiunt, atque eadem à casu, ut sanitas: quædam nunquam sine arte, ut domus.

Apes, crabrones, papilioes, & quæcunque ex eruca per *metamorphosin* generantur, casu orta, ideoque genus suum haud servantia dicuntur: leo verò, aut gallus, nunquam casu, aut sponte; sed tanquam à natura, sive opifice facultate diviniore existunt; & potius, quod specie sibi simile generet, quam quod materiam suppeditet idoneam, requirunt.

In generatione per *metamorphosin*, quasi sigillo impresso, vel proplasmate concinnata finguntur; materiâ scilicet totâ transformatâ. Animal autem, quod per *epigenesin* procreatur, materiam simul attrahit, parat, concoquit, & eadem utitur: formatur simul, & augetur. In illis, plastica vis eandem similarem materiam secat, sectamque disponit, & in membra redigit; facitque ex similari materiâ, dissimilarem; sive ex subjecta materiâ similari, organa dissimilaria. In his verò, dum partes alias, aliterque dispositas ordine procreat; aliam quoque, atque aliter dispositam materiam requirit, ac facit; his nempe, vel illis partibus generandis magis idoneam. Cujus rei gratiâ, ovum gallinaceum perfectum ex variis partibus constitutum credimus.

Liquidò itaque ex historia nostra constat, pulli generationem ex ovo, fieri potius per *epigenesin*, quam per *metamorphosin*; neq; omnes ejus partes simul fabricari, sed successivè, atque ordine emergere; eundemque simul, dum augetur, formari; & augeri, dum formatur; partésque alias aliis prioribus supergenerari, & distingui; principiūque, augmentum & perfectionem procedere per modum crescendi, tandemque exoriri factum. Facultas enim pulli formatrix, materiam potius sibi acquirit, & parat; quam paratam invenit: videturque pullus haud ab alio fieri, vel augeri, quam à se ipso. Et quem-

quemadmodum omnia, ex quo fiunt, ab eodem augentur: ità similiter, à quo pullus conservatur, & augetur ab initio ( sive id anima, sive facultas animæ fuerit ) ab eodem quoque ( ut suprà diximus ) eum fieri credibile est. Idem enim reperitur tum in ovo, tum in pullo, efficiens, ac conservans ; & ex qua materia primam pulli particulam constituit, ex eadem nutrit, auget, & superaddit reliquas omnes. Denique, in generatione per metamorphosin, totum in partes distribuitur & discernitur ; per epigenesin verò, totum ex partibus certo ordine componitur, ac constituitur.

Quare *Fabricius*, materiam pulli, ( ceu distinctam ovi partem, ex qua corporetur ) perperam quæsivit: tanquam pulli generatio per metamorphosin, sive materiae congestæ transfigurationem, fieret ; & partes omnes corporis, vel saltem principales, ex eadem materia simul orientur, & ( ut ipse loquitur ) corporarentur : non autem per epigenesin, in qua ordo observatur secundum partium dignitatem, & usum ; ubi primò exiguum quasi jacit fundatum, quod simul dum augetur, distinguitur quoque, & formatur ; partésque deinceps, ordine quasque suo, supergenitas & adnascentes obtinet.

Quemadmodum nempe apex ex glande protuberans, sumpto incremento, in radicem, lignum, medullam, corticem, virgultam, turiones, frondes, flores, ac fructus distinguitur, & formatur, tandemque arbor evadit : ità pariter se habet pulli in ovo procreatio ; cicatricula, sive parva macula, futuri ædificii fundatum, augetur in oculum, similiisque distinguitur in colligamentum, in cuius centro punctum sanguineum pulsans enascitur, unde cum venarum ramificatione ; his mox superioritur nebula, ac primum futuri corporis concrementum ; quod etiam, prout augetur, dividitur sensim & distinguitur in partes, non simul omnes, sed alias post alias natas, & ordine quasque suo emergentes.

Ut concludamus igitur : In eorum animalium generatione, quæ per epigenesin procreantur, & partitè formantur ( qualiter pullus in ovo ) non quærenda est materia alia, ex qua fœtus corporetur ; & alia, unde primum nutritur, atque augeatur : nam eadem materia, ex qua fit, nutritur etiam ac augetur ; & vice versa, quæ nutritur primum & augetur, ex eadem quoque pullus in ovo constituitur. Idemque est potentia animal, quod alibile, & augmentativum, ( ut post docebimus ) differuntque duntaxat ( ut Aristot. ait ) ipso esse ; cætera verò idem sunt. Quatenus enim hoc aliquid est, & in substantiam convertibile, nutritum est ; quatenus quantum, est augmentativum : quatenus in substantia deperditæ locum substituitur, nutrimentum appellatur ; quatenus non deperditæ additur, incrementum dicitur. Idemque tum generatione, tum nutritione,

tum augmentatione; pulli materia, alimentum, & incrementum existimandum est. Generari vero impliciter dicitur, cuius nondum est aliquid praexistens; nutriti autem, & crescere, quod prius extitit. Factus quod primum fit, gigni, aut nasci; quod substituitur, vel superadditur, adnasci, aut adgenerari dicitur. In omnibus ab eodem in idem, eadem transmutatio, & generatio: secundum partem quidem, nutritione & augmento; secundum totum autem, generatione simplici: alias idem utroque contingit. Quippe unde materia primum existens fit, inde quoque nutrimentum illi, atque incrementum accedit.

Quinetiam ex dicendis constabit, omnes corporis partes, ab eodem communi succo alibili, - aliter aliterque cambiato, nutriti. Nam ut plantæ omnes ex eodem communi nutrimento (sive rore, seu terræ humore) diversimodè alterato, costoque oriuntur, nutritiuntur, atque augentur; ita pariter ex iisdem ovi liquoribus (albuminibus nempe, & vitello) totus pullus, singulæque ejus partes procreantur, & crescunt.

Explicabimus etiam, quorum animalium fit per *metamorphosin* generatio: qualisque insectorum, ex verme, vel erucâ oriundorum, fit praexistens materia; ex qua, per solam transmutationem, omnes partes simul constituantur, corporentur, & perfectum demum enascatur animal: tum etiam, quibus animalibus aliquis generationis ordo insit, partesque eorum aliæ post alias nascantur; qualia sunt, quæ imperfecta primum nascuntur, postea vero adolescunt, & perficiuntur; ut omnia ex ovo prognata. Hæc ut simul fiunt, & augentur; crescunt, & transformantur; ordinéque observato, in partes distinguuntur: ita nulla iis immediata materia praexistens adest, (qualis statui solet semen maris & feminæ mixtio, vel sanguis menstruus, vel aliqua ovi portiuncula) ex qua factus corporetur: sed simul ac fit & paratur materia, augetur etiam, & formatur aliquid; quamprimum nutrimentum adest, adest quoque id quod eo alatur. Fitque hujusmodi generatio potius per *epigenesin*, (tanquam ex puer, vir) nempe ex punto saliente, cuu fundamento, corporis ædificium; quemadmodum ex carina fit navis: & potius, ut figulus statuam, absque praexistenti materia; quam ex materia aliquâ, ut faber ex ligno scamnum, aut statuarius è marmore statuam efformant. Nam ex qua materia pars prima pulli, sive minima ejus portiuncula oritur; ex eadem quoque totus pullus nascitur: unde prima sanguinis guttula, inde etiam tota ejus massa per generationem in ovo provenit: à quo membra sive organa corporis consistunt & fiunt, ab eodem etiam partes eorum omnes similares, nempe cutis, caro, vena, membrana, nervus, cartilago, & os, originem trahunt. Pars enim, quæ prius erat mollis.

mollis & carnosa, postea, dum augetur, ab eodem alimento fit nervus, ligamentum, tendo; quæ membrana erat, fit tunica; & quæ cartilago fuerat, postea spina, vel os evadit: ex eadem nempe materiâ similari diversimodè alterata. Neque enim corpus similare mistum (quod ex elementis constare vulgo crediur) ex elementis seorsum primò existentibus, dein compositis, unitis, & alteratis gignitur; nec compositum, ex componentibus; sed ex hoc mixto transmutato, aliud mistum gignitur, & efformatur. Nimirum ex colliquamento, fit sanguis; ex sanguine, corporis moles exsurgit; quæ similaris ab initio, & tanquam gluten spermaticum cernitur: inde autem partes per divisionem obscuram delineantur primò, posteaque organa fiunt, & distinguuntur.

Partes, inquam, istæ similares, non sunt ab elementis dissimilribus, atque heterogeneis, invicem unitis; sed ex similari materiâ per generationem oriuntur, & discriminantur, dissimilaresque fabricantur. Perinde ac si divini opificis iussu, seu effato quodam, totus pullus crearetur: scilicet, fiat massa similaris alba, ac dividatur in partes, & augeatur; atque interim dum augetur, fiat partium secretio, & delineatio; siatque hæc pars durior, & simul crassior, atque albidior; illa mollior, & simul coloratior; atque ita factum est. Sic nempe quotidie pulli fabrica in ovo procedit; ex eadem materiâ, fiunt, nutriuntur, & augmentur omnia. E spina primùm oriuntur latera, ossaque minutis lineis albissimis à carne distinguuntur: in capite tres bullæ visuntur, aquâ crystallinâ plenæ; quæ cerebrum, cerebellum, & oculum alterum offusâ nigredine conspicuum referunt: substantia, quæ initio coagulum lacteum apparet, postea sensim cartilaginea, spinosa, ac denum ossea evadit; quæ mucosa primùm, & alba erat; tandem in carnem rubicundiori, & parenchyma abit; quæ prius erat limpida, & purissima aqua; mox in cerebrum, cerebellum, & oculos mutatur. Majus enim, & divinius inest in generatione animalium mysterium, quam simplex congregatio, alteratio, & totius ex partibus compositio: quippe totum, suis partibus prius constituitur, & decernitur; missum prius, quam elementa. Verum de hac re plura alibi; ubi etiam causæ ejus, & principia assignanda veniunt.

## De causa efficiente generationis Pulli, &amp; fœtūs.

## Exercitatio 45.

**H**Ac tenus de materia, ex qua pullus in ovo nascitur, dictum est. Supereft, ut de efficiente pulli causâ, aliquid cum Fabricio diligiram. Quoniam autem plurimis hæc res difficultatibus obnoxia est; nec autores in alia magis acriter & verbosè disputant; ipseque Aristoteles in ea explicanda mirè intricatus, ac perplexus certinatur; plurima etiam dubia, nec spernenda, sese offerunt; operæ pretium me facturum arbitror, si ( quod in materiæ disquisitione à nobis factum est ) primo loco statuam, quot modis aliquid efficiens, vel effectivum dicatur; ut inde certius & distinctè magis constet, tum quid efficientis nomine querendum sit; tum etiam quid de autorum circa hanc rem sententiis statuendum veniat; simûlque ex nostris observationibus appareat, quid verè ac propriè efficiens dicendum sit.

*Metaph.* Aristoteles efficientem caussam definit, *Vnde principium mutationis primum, aut quietis: ut consultor; pater; & simpliciter, faciens, ejus,*  
*L. 5. c. 2. & Phys. quod factum est; transmutativum, transmutati.* Quare in generatione  
*L. 2. t. 28. animalium, multa & varia caussarum genera afferuntur, unde motus:* aliquando accidens, sive qualitas assignatur; atque ita calor animalis, & formatrix facultas, efficiens dicuntur. Aliquando, substantia externa prius existens, cui vis plastica seu formatrix facultas inest; ut pater, vel ejus semen, cuius efficaciam pullus ex ovo procreat. Aliquando interna quedam substantia per se existens; ut spiritus, sive calidum innatum. Aliquando substantia quedam alia, ut forma, vel natura, vel anima, vel pars quedam animæ vegetativa, pro efficiente habetur: quale principium ovo inesse, jam dudum diximus.

Præterea, quoniam aliud alio prius, & remotius, unde motus; aliquando media inter primum efficiens, & ultimò factum; & instrumenta, tanquam efficientia estimantur: subordinati quoque fines, ceu subsequentia principia, inter caussas efficientes recensentur; ac proinde ipsæ partes quedam, genitales dicuntur; veluti cor, unde reliquas partes ortum ducere, Aristoteles affirmat, & ex historia nostra liquet. Cor, inquam, aut saltem ejus primordium, vesicula nempe & punctum saliens, reliquum corpus, tanquam futurum sibi domicilium, fabricat; jānque exstructum ingreditur, in eo se recondit,

dit, vivificat illud, & gubernat, superpositisque costis ac sterno, ceu munimento, circumvallat: éisque veluti *lar quidam familiaris*, prima animæ fedes, calidi innati primum receptaculum, focus anima- lis perennis; facultatum omnium fons & origo, unicūque in adversis solatium.

Porrò, quoniam *efficiens* in relatione ad *effectum* dicitur; cùm per epigenesin partes aliæ aliis ordine posteriores sint, & à prioribus di- versæ; ut effecta, ita & efficientia quoque variari, verisimile est; quæ diversa opera producant, à quibus motus etiam diverti proveniant. Ità Medici, in physiologicis, quædam organa chylificationis, alia sanguificationis, generationis alia astruunt: & Anatomici quidam, ossificam, carnificam, nervificam facultates nominant; quas offa, car- nem, & nervos efficere statuunt.

In pulli autem generatione, ex pluribus actionibus non parùm in- ter se differentibus, causas quoque efficientes discrepare certum est: quæ licet per accidens efficientes generationis videantur, necessariò tamen requiruntur; cùm, nisi sociatâ eorum operâ, nihil efficiatur. Nempe, dum externa impedimenta prohibent, vel conceptum fovent, aut excitant, & de potentia in actum deducunt, efficientia meritò censemur. Atque hoc nomine ovorum incubatio, aëris locique tepor, verna tempestas, solisque per Zodiacum accessus; similiter causæ præparantes, quæ faciunt ut vitellus ascendat, macula dilatetur, humorésque in ovo colliquentur, pro efficientibus ha- beaduntur.

Deinde caussis efficientibus annumerandæ sunt generativæ & ar- chitectonicæ potentiarum partes à *Fabrio* recensitæ, nimirum facultas immutatrix, concoctrix, formatrix, & auctrix: accidentium quoque quorundam effectrices caussæ; nempe, unde pullus sit mas, aut femina; patris, aut matris similitudine; idque ad prioris, aut po- sterioris maris coëuntis formam; unde etiam proles sit animal; atq; integrum, non mutilum; robustum, & sanum, non morbosum; longioris quoque ævi; speciemque retinens, aut degenerans; mon- strum, aut misti generis evadit.

Denique, cùm circa efficientem fœtus caussam versantes, animo perpendiculari insignem ejus fabricam, atque omnium partium, mem- brorumque actiones, functiones, usus, & utilitates; quantaque pro- videntia, arte, & intellectu; quæm divino numine afflata omnia con- cinnentur, affabréque componantur in usum vitæ: non solùm, quis sit efficiens, architectus, & consultor, ambigere non licet; verùm etiam omnipotentem adeò tanti operis ( quod *microcosmi* titulo in- signiri meretur ) fabricatorem, & præservatorem jure suspicimus, & veneramur. Quærimus etiam, unde veniat; & quando; atque ubi subsistat in ovo divinum illud, elemento stellarum analogon,

arti & intellectui proportione respondens, Creatoris omnipotenti vicarium?

Ex dictis igitur apparet, quā sit arduum, caussas omnes pulli efficientes enumerare; & necesse esse, pleniorē hujus rei disquisitionem ad universalem trutinam referri; neque enim posse ex pulli solius generatione (sine clariore luce per experientiam ab aliis animalibus allatā) commodè plenēque ea tractari, quæ generatiōm om-

(a) *Metap.* nibus convenientiū. Eōque magis, quod ipsem̄ *Aristoteles* principia  
 1.2. & 4. animalium efficientia tam varia recensuerit: ab eo enim aliquando  
 1. statuitur causa efficiens principalis, utpote in quo ratio  
 (b) *Metap.* facti pulli sit; secundū illud, (b) fieri omnia ab eodem univoco: in  
 7. 15.  
 (c) *De par.* terdum, (c) maris semen; aut (d) natura maris semen emittentis: non  
 an. 1.1. nunquam, (e) id quod in semine inest, quod facit ut fœnū sint semina,  
 (d) *Degen.* spiritus nempt, & natura in eo spirito proportione respondens elemento stellā-  
 an. 1. 20. rum: alibi (f) calor; (g) moderatus calor; (h) certus & proportionatus  
 (e) *Ib. l.2.* caloris gradus; (i) calor in sanguine; alicubi calor aëris ambientis; item  
 c. 3.  
 (f) *Lib. 5.* (k) venti; sol; cœlum; Jupiter; anima; & universim, Natura princi-  
 pium motū & quietis, abeo dicitur. Eādēnique licentia, Stoicorum  
 (g) *Lib. 4.* aliquis, qui animam esse ignem arbitratur, hunc caussam animalium  
 c. 2. efficientem statuat; quod ignis seipsum nutriat, augeat, propriāque  
 (h) *Ib. l. 4.* potestate quodammodo vivere videatur: non ille quidem noster cu-  
 c. 4.  
 (i) *De par.* linaris, & destrūctivus, sed naturalis, cœlestis, vegetativus, genera-  
 an. 2. 2. tivus, & salutaris; quem, Jovis nomine, Ethnici colebant, rerūque,  
 (k) *Degen.* hominimque Patrem nuncupabant; non, inquam, claudus ejus frater  
 an. 4. 2. Vulcanus (cujus tamē operā ac beneficio quotidie multisfariam ma-  
 De gen. & gno nostro commodo utimur) sed spiritus animalis, divinus, ani-  
 cor. l. 2. maliumque opifex.  
 t. 30.

*De gen. an.* Idcirco *Aristoteles* quæstionem hanc de causa efficiente, valdē du-  
 l. 2. c. 1. biam esse ait; utiū scil. sit extrinsecum quid, an in genitura aut semine  
 insitum: & num sit pars aliqua animæ, aut anima, aut habens ani-  
 mum?

Quare ut in hac efficientis pulli disquisitione, à multiplicium  
 caussarum Labyrintho tutò nos expedianus; opus est Ariadnæ fi-  
 lo, ex omnium ferè animalium observationibus ritè contexto: ac  
 propterea res hæc ad universalem magis indaginem differenda est.  
 Interea temporis, quæ circa privatam pulli ex ovo generationem,  
 vel manifestè apparent, vel à communī sententiā aliena sunt, vel  
 ulteriore inquisitionem postulant, recensem̄us.

Efficiens

## Efficiens caussa Pulli, quomodo operetur, secundum Aristotelem.

## Exercitatio 46.

**M**arem esse caussam efficientem primariam in generatione, omnes confitentur; utpote in quo species, sive forma resideat: assuntque porro, genituram ejus coitu emissam facere, ut & ovum sit, & fiat foecundum. Quomodo autem galli semen pullum ex ovo producat, Philosophi atque Medici omnes olim hodiéque haud satis explicarunt: nec questionem ab Aristotele propositam solverunt. Imò nec ipse quidem Aristoteles, ubi ait; *marem non conferre De gen. an. ad quantitatem, sed ad qualitatem; esseque principium motus; fæminam l. 1. c. 20.* verò materiam præstare. Pauloque pòst: *Non omnis mas semen emittit, & qui emittunt, nulla pars fætus hoc est: sicut nec à fabro quicquam secedit ad lignorum materiam; neque pars illa artis fabrilis in eo, quod efficitur, est; sed forma & species ab illo per motum in materia existit. Atque anima, in qua forma & scientia est, movet manus, aut aliud membrum, motu certæ qualitatis; vel diverso, à quibus efficitur diversum; vel eodem, à quibus idem. Manus autem, instrumentaque materiam movent. Ita natura etiam maris semen emittentis, utitur eo semine, quasi instrumento, & aëli habente motum: ut in operibus artium instrumenta moventur, in illis enim quodammodo motio artis est.*

Quibus videtur innuere, generationem fieri motu certæ qualitatis. Quemadmodum in arte, licet prima caussa (nempe ratio operis) sit in anima artificis; postea tamen opus efficitur motu manuum, vel aliorum instrumentorum; & licet prima caussa remota sit, (ut in automatis) quodammodo tamen movere dicitur quod jam non tangit, sed olim tetigit, dummodo motus in instrumentis perseveret.

Idem libro sequenti sic ait: *Semen maris cum accessit in fæmine uterum, partem purissimam excrementi (nempe menstrui sanguinis in utero existentis) constituit, & coagulat, materiamque in utero paratam tali motu transmutat, donec pulli aliquid fiat: quod postea, licet semen peracto motu evanescat, pars quedam existit fætus, eademque animata, (quale cor) que se ipsam jam auget, & gubernat, perinde ac filius à patre emancipatus, seorsimque collocatus. Itaque principium haberi operatur, à quo postea ordo membrorum describatur, & quecumque ad absolvendum*

dum animal pertinent, disponantur; & ex quo incrementum, & motus ceteris partibus contingat; omninemque similarium ac dissimilarium partium principium, & ultimi earum alimenti autor sit. Quod enim jam animal est, augetur: alimentum autem ultimum animalis, sanguis est, aut quod sanguini proportione respondet; cuius vasa & conceptacula venæ sunt. Quamobrem venarum quoque principium Cor est. Vene autem, quasi radices, pertingunt ad uterum, per quis alimentum haurit fatus. Cor etiam totius naturæ principium, & finis continens, primam fieri debet, tanquam pars suâ naturæ genitalis; que prior sit oportet, quasi principium reliquum, rotundisque animalis, & sensus: cuius calore (quia partes omnes potentia in materia insunt) cum principium motionis affuit, perinde ut in spontinis illis miraculis, quod subinde sequitur, excitatur; & partes moventur, non mutantes locum, sed alterascentes mollescit, duritie, calore, & reliquis partium similarium differentiis, facte jam aëni, que ante erant potentia.

Hæc totidem ferè verbis Aristotelis sententia est, quâ factum ex semine per motum constitui censet; licet jam non maneat tangens, sed antea solum tetigerit. Subtilis prolectò & accuratè contexta opinio; atque ex iis, quæ in ordine generationis partium conspiciuntur, non improbabilis. Cor enim, cum venarum ductu, primò cernitur; tanquam principium animatum, in quo & motus, & sensus; & tanquam filius emancipatus, parsque genitalis, unde membrorum ordo describitur, & quæcumque ad absolvendum animal pertinent, disponuntur; & cui reliqua convenient ab Aristotele attributa.

At verò cor in ovo à semine maris fieri, impossibile videtur; cum nec semen illud in ovo insit, nec ovum tangat, aut unquam tetigerit; quia neque uterum ingreditur, (in quo ovum sit) ut Fabricius fatetur, nec ab eo illo modo atrahitur; immo nec maternus quidem sanguis in ovo est, aut materia aliqua præparata, unde semen maris primam hanc partem genitalem, ceterarum autorem, efficiat. Neque etiam protinus à coitu, (dum semen adhuc intus manet, & tangens est) quicquam pulli in ovo existit, sed post multos demum dies, cum incubatur. Quinetiam in piscibus, ubi maris genitura ova solum foris tangit, ea verò non ingreditur, haud probabile est quicquam amplius ab illa præstari, (cum externum sit agens) quam sit à semine galli in gallinarum ovis jani efformatis.

Præterea, cum statim à coitu nullum adhuc ovi vestigium extet, sed postea à gallina per se generetur, idque prolificum, postquam jam semen galli abiit, atque evanuit; verisimile non est, factum ab eo semine in illo ovo, per motum, aut motus successivos, fieri.

Neque sanè ova prolificabimur ab improlificis & subventaeis differunt, quod illa maris semen contineant, ut voluit Aldrovandus; nec quicquam à semine maris factum, & coagulatum in ovo cernitur; vel ullo

ullo modo sensibiliter transmutatum reperitur : (quippe ovum fœcundum à subventaneo nullà sensibili differentiâ discriminatur ) & tamen ovum prolificum, quod diu post coitum concipitur, habet in se utriusque sexūs virtutem, atque ipsum posse fieri, & posse facere pullum ; tanquam ex ambobus coëntibus, & in unum conspirantibus, originem traxisset, ut Aristoteles voluit ; eaque necessitate co-  
actus, ( ut suprà de generatione ovi diximus ) animam in ovo con-  
stituit. Quæ si insit, proculdubio eorum omnium, quæ naturaliter  
in ovo reperiuntur, principium & efficiens erit. Certum enim est,  
quicquid denum fuerit, quod pullum ex ovo procreat, ( in cuius fa-  
bricā, tantâ arte, tam divino intellectu , ac providentiâ opus est ;  
nempe dum oculos, visioni ; rostrum, sumendo cibo ; pedes, ambu-  
lationi ; alas, volatui ; & reliqua similiter in finem aliquem insti-  
tuit ) esse id, vel animam, vel partem animæ , vel quid habens ani-  
mam, vel aliquid prius & præstantius animâ, cum intellectu & pro-  
videntiâ operans.

Ex generatione quoque pulli manifestum est , quodcunque illi  
fuerit principium vitez, seu prima causa vegetativa ; hanc ipsam pri-  
us in corde fuisse. Quare si ea sit anima pulli, ipsam prius in pun-  
cto saliente, & sanguine fuisse pariter constat ; utpote in quo mo-  
tum, sensimque deprehendimus : movetur enim , & salit, ut ani-  
mal. Quòd si in puncto saliente existat anima, quæ reliquum cor-  
poris ( ut in *historia docuimus* ) fibi fabricet, nutritat, & augeat ; è  
corde certè, cu[m] fonte, in universum corpus promanat.

Similiter, si ovum ideo prolificum est, quia ei anima inest , sive De gen. an.  
( ut Arist. voluit ) pars animæ vegetativa ; clarè constat , punctum l. 2. c. 4.  
saliens , partemve genitalem animatam, ab ovi animâ proficisci ;  
( nihil enim su[m] ipsius autor est ) animamque ab ovo, in punctum  
saliens ; mox, in cor ; & deinde, in pullum traductam esse.

Adhac, si ovum vim prolificam, animamque vegetativam habe-  
at, quibus pullum extrahat ; easdemque (ut manifestum est, & omnes  
fatentur ) galli semini acceptas referat ; certum est, semen hoc eti-  
am animatum esse : ita nempe Aristoteles : Habetne semen animam, ib. l. 2. c. 1,  
necne ; ratio èadem atque de partibus reddenda est . Nec enim anima ullá  
esse potest , nisi in eo, cuius est ; neque pars ullá esse potest , quæ particeps  
anime non sit ; nisi èquivocè , ut mortui oculus . Semen igitur & habere  
animam, & esse potentiam palam est.

Sequitur igitur ex præmissis, marem esse efficientem primarium,  
in quo ratio, & forma; qui semen, sive genitaram potius prolificam  
gignit, eamque vegetativâ animâ imbutam ( quâ & reliqua ejus par-  
tes prædictæ sunt ) fœminæ immittit. Genitura hæc intromissa,  
materiam in gallina movet, ut ovum fiat animatum ; inde etiam pri-  
ma pulli particula animatur, & deinceps totus pullus. Adeoque, ad  
mentem

mentem Aristotelis, de gallo, in genitaram ejus; de genitura, in fœminæ materiam; deinde, in ovum; de ovo, in pullum, vel anima eadem traducitur per metempsychosin quandam; vel à priore, in subsequentibus suscitatur: nempe à mare, in semine proprio; à semine, in ovo; ab ovo denum, in pullo; tanquam lumen de lumine.

Efficiens itaque quod in ovo quæritur, unde pullus nascatur, est anima; ideoque anima ovi: nam, secundum Aristotelem, anima non est, nisi in eo, cuius est.

At enim manifestum est, semen maris non esse pulli efficiens, neque ut instrumentum, cuius motu pullus formetur, (ut Arist. voluit;) neque ut animatum, ut illius sit anima. Nam in ovo nullum semen inest, aut tangens ovum, aut quod illud unquam tetigerit; ibid. ( fieri autem non potest, ut moveat, quod non tangit; aut quicquam ab eo, quod non moveat, afficiatur) nec anima seminis igitur dici debet ei inesse. Et ut anima in ovo efficiens sit, non videtur tamen à gallo, aut ejus semine magis provenire, quam à gallina.

Nec sanè à gallo, & illius semine, traducitur per metempsychosin, sive translationem quandam animæ in ovum, indéque in pullum. Quomodo enim in ova futura, & post coitum concipienda? Nisi vel semen animatum alicubi in gallina interea permanferit; vel anima sola absque semine traducta fuerit, ut ovo postmodum nascituro indatur. Utrumque autem falsum. Quippe semen nullibi in gallina reperitur: nec possibile est, ut gallina, post coitum, duplice animâ prædicta sit; siâ nempe, & futurorum ovorum, ac pullorum; siquidem anima nullibi esse dicunt, nisi in eo, cuius est: multò minus eadem, plurēsve animæ in gallina latere possunt, ut futuris postea ovis, pullisque ordine subsequentibus inserviant.

Hæc quidem ex Aristotele attulimus, ut indè innotesceret, quomodo, secundum ejus sententiam, galli semen ex ovo pullum efficiat, arduèque huic contemplationi lux saltem aliqua affulgeret. Ea verò cùm rei hujus modum non explicit; nec dubia ab ipsomet proposita solvant; patet, nos in eodem luto hærere, iisdemque difficultatibus (circa caussam efficientem factū, in generatione animalium) irretiri: imò verò tantuni abest, ut disquisitio hæc ex iis (quæ ab Aristotele prôferuntur) reddatur perspicua, ut pluribus indè potius & majoribus dubiis involvatur. Quare mirum non est, præstantissimum Philosophum, hac de re ambegisse, tamque varias generationis animalium efficientes caussas introduxisse; ac modò ad exempla automatū, coaguli, artis, instrumentorum, & mortuū, subterfugisse; modò ad animam in ovo, & in semine maris (quò rem illustraret) divertisse. Imò verò, ubi certò statuere, & determinare videtur, quid sit in quolibet semine (sive plantarum, sive animalium) quod ipsum secundum reddat; calorem, & ignem, tanquam

tanquam opifices inidoneos, repudiat; nec facultatem aliquam consimilem agnoscit; nec quicquam in semine reperit, quod ei muneri conveniat; sed incorporeum quid, & extrinsecus adveniens admittere cogitur: quod (ut ars, vel mens) cum intellectu, & providentiâ fœtum formet, omniâque illâ in finem, & ad melius esse insti- tuat, atque ordinat. Confugit, inquam, ad obscurum, nobisque incognitum; nempe, *ad spiritum in semine & spumo corpore contentum;* atque *ad naturam in eo spiritu proportione respondentem elemento stellarum.* Illud autem quid sit, nuspiciam nos docuit.

---

Sententia Fabricii, de causa Pulli efficiente, refellitur.

Exercitatio 47.

Quoniam duces mihi, præ ceteris, proposui Aristotelem, inter Antiquos Philosophorum præstantissimum; & Hieronymum Fabricium ab Aquapendente, inter Neotericos Anatomicum eximum; à quibus potissimum de generatione animalium lucem mutuarer: cùunque ab Aristotele eam mihi prælatam non videam; Fabricium adire statui, ut quid ille de causa efficiente sentiat, intelligam.

Is autem tribus circa eam rem dubiis conatur satisfacere. Nempe 1<sup>o</sup>. Quid sit pulli efficiens? Idq; ait, esse semen maris. 2<sup>o</sup> Quomodo, hoc itâ esse, appareat in ovo; & quo pacto semen galli ovum fœcundet? ultimò, quonam ordine pulli partes procreentur?

Primum quod attinet; ex observationibus nostris constat, gallum, ejusque semen, esse quidem generationis causam efficientem, non autem adæquatam; sed gallinam quoque in hunc censem venire. Hoc itaque loco id præcipue inquirendum, quomodo nempe galli semen ovum, aliâs subventaneum & improlificum, fœcundet, & ex eo pullum procreet?

Verum audiamus Fabricium. Differunt, inquit, que ex ovo, ab iis <sup>Pag. 38.</sup> que ex semine sunt; ex eo, quod ovipara materiam, ex qua corporatur pullus, distinctionem & separatam habent ab agente; vivipara autem simul & causam efficientem & materialem habent adjunctam, & concorporatam. Agens enim in oviparis, semen galli est in pennato, quod in ovo neque est, neque esse potest: materia verò est chalaza, ex qua corporatur fœtus. Ambo hæc invicem distant per multum spatiū: nam chalaza vitello jam formata, & in secundum uterum cadentis accedit, & ovo interno adjungitur; contrà, galli semen prope podicem consistit, & per longissimum spatiū à chalaza distat, suâ tamen facultate irradiante, & uterum, & totum ovum fœcundat.

## Sententia Fabricii, de causa Pulli efficiente, refellitur.

cundat. At semen in viviparo, & materia est, & agens, & in uno corpore utrumque simul consistit.

Differentiam hanc inter ovipara, & vivipara, videtur introduxisse; ut Medicorum, de generatione hominis, tueretur sententiam; vel saltem eandem nè labefactaret; quâ existimat, utriusque sexus semina, simul in coitu projecta, misceri; & prout alterum alteri præpolluerit, fieri, ut hoc efficiens sit, illud autem materiæ vicem supplet; ex iisdemque in unum conspirantibus, conceptum in viviparis conflari.

Verum, cum in ovo observet, nihil seminis, aut sanguinis, in uterum gallinæ à coitu attrahi, ibidemque contineri; nec credit, fieri posse ut quicquam à mare, dum coit, emittatur, quod uteri cavitatem subeat; neq; quicquam in ovo reperiatur, quod semini maris adjungatur: dubitare coactus est, quomodo semen (quod nuspian adeat, nec miscetur cum genitura fœminæ, neque adjungitur, neque tangit) pullum constitutat, aut ovum fecundet? Præsertim postquam tradidisset, à præmissis aliquot coitionibus, omnia ova eodem anno nascitura, prolificare redi. Quidni enim impossibile videatur, ex galli semine, verno tempore accepto (jam autem absente, deperdito, seu absunto) ova post genita, (estate nempe, vel autumno) fecunda fieri, & pullos excludere?

Huic tantæ difficultati ut obviām iret, differentiam prædictam cudit; & sententia sua confirmandæ gratiâ, tria porrò adstruit. Primum, licet semen galli, nec in ovo sit, nec unquam in utero fuerit, nec materiali caussæ adjungatur, (ut in viviparis;) idem tamen in gallina per annum integrum permanere voluit. Deinde, ad seminis hujus conservationem, cæcum foramen invenit, prope uteri ingressum, in quod gallus semen suum deponat, & in quo (tanquam in bursa) idem reservetur; ut inde ova omnia futura fecundentur. Denique, quanquam semen in bursa illa, nec uterum, nec ovum, nec ovarium tangit, ut illo pacto vel ovum fecundet, vel pullum inde efficiat; ait tamen, illud spiritali substanciali & irradiatione quadam, in ovum usque penetrare, ejusque chalazas fecundare, atque inde pulluni effingere. Quâ nihilominus affirmatione videtur Aristotelis sententiam (fœminam scil. materian generationi conferre, marem autem vim efficiendi) asserere; contrâ Medicorum placitum de seminum misturâ; cuius tamen rei causâ, visus est dictum jam discri- men, inter ovipara & vivipara, posuisse. Et quò verisimilior hæc ejus sententia videatur, quas in animalibus mutationes, semen nondum emissum, sed in testibus, & vesiculis seminariis reservatum, præstet, commeniorat.

Sed, præterquam quod hæc mindis faciant ad propositum, (neque enim præcipue queritur, quomodo semen galli ovum fecundum reddat;

reddat; sed potius, quomodo idem ex ovo pullum effingat, & fabricet? ) videntur ferè omnia, quæ in sententiæ suæ tutelam attulit, falsa, aut suspecta; uti ex observationibus in *historia relatis*, constat. Nam neque *cæcilla* cavitas in radice uropygii (quam *bursam* vocat) galli semini reservando destinatur; nec semen unquam (ut diximus) in illa reperitur; sed vacua in gallo pariter, & galinâ cernitur.

Quid autem per spiritalem substantiam, & irradiationem, velit, non explicit: nec magis, quāmnam substantiam intelligat, quam ovum virtute sui vivificare affirmat: utrū scil. substantiam corporream, an formalem, quæ à seminis (in bursa nidulantis) irradiatione proveniat, & (quod potissimum requiritur) ex ovo pullum fabricet.

Denique, nihilo plus agit, niā quidem sententiâ, quām si dicere; *Facit pullum, quia irradiat ovum; & format, quia vivificat*: atque omnino obscurum formationis modum, per obscuriore declarare satagit. Quippe idem dubium manet integrum: quomodo nempe galli semen, non tangens, & externum efficiens, locoque sejunctum, in *bursa* existens, interiora fœtūs in ovo (nimirum cor, jecur, pulmones, intestina &c.) ex chalazis per irradiationem efficiat? Nisi effato quodam, sedens in folio, creatoris instar, solo hoc verbo, fiant: (nempe ossa, ad sustentaculum; musculi, ad motum; organa, ad sensum; membra, ad actionem; viscera, ad concoctionem; & simil.) radiis suis omnia in finem aliquem, cum providentia, intellectu, & arte instituere, atque ordinare velit. Neque enim *Fabricius* modum exponit; aut semen tantæ virtutis esse demonstrat, ut (etiam non tangens) possit hæc omnia præstare; præsertim, dum ovum ab alterius ovis incubatu, aut alio aliquo fomento (ut diximus) in fimo, storeâ, aut furno, longissimè à fœtantis gallinæ *bursâ* disposito, excitetur, fœtūmque producit.

Remanet itaque eadem difficultas, quomodo scil. semen galli sit pulli efficiens? nec tollitur, ab irradiatione spiritalis substantiæ. Nam quamvis concederemus, semen in bursa servari, idque ex chalazis per *metamorphosin*, & irradiationem, pullum corporare: non minus tamen aqua nobis hæreret, quomodo nempe interiora omnia pulli effingantur. Verum hæc à nobis jampridem refutata sunt.

Quapropter, cùm pulli efficientem causam investigamus, oportet eam in ovo, non autem in bursa latitantem querere, talēmque, quæ, licet ovum quietum foris à gallina per aliquot forsan mililiaria absit, & sub aliena gallina (utpote *Indicâ*, aut *Africanâ*) incubandum reponatur; vel (ut in *Ægyptu*) subter pulverem, firmumve calentem, aut in furno, ad eam rem idoneo, foveatur; semper tamen.

men pullum efformet, ejusdem speciei cum generante, & patri similium; aut, ( si alterius generis gallus fuerit) prolem mistæ speciei, & similitudinis procreet.

Supereft igitur adhuc nodus expediendus, quem neque Aristoteles, nec Fabricius solverunt: nempe, quomodo semen maris, sive galli, ex ovo pullum faciat, sive pulli efficiens dicendum sit; præsertim, cum nec præsens, nec tangens, nec adjunctum ovo sit? Et licet omnes ferè afferant, mare, ejusque semen, caussam fœtūs efficientem esse; à nemine tamen hactenus, quomodo id fiat, satis explicatum est: præsertim in ovo nostro gallinaceo.

*Causa Pulli efficiens, inquisitu ardua.*

## Exercitatio 48.

**D**ificilis est admodum ( ut diximus ) caussæ efficientis disquisitio; eoque magis, quod tam varia illi nomina attribuantur. Unde Aristoteles, caussas animalium efficientes complures recensuit; multæque ortæ sunt apud Autores controverxiæ: præcipuè inter Medicos & Aristotelicos, reperti sunt, qui animosè super hac re digradientur; variisque sententiis, tum efficientem caussam, tum modum efficiendi exponere satagant.

Neque sanè uspiam alibi, quam in animalis fabricâ, omnipotens Creator in operibus suis aut manifestius conspicitur, aut præsentius ejus numen adest. Et quamvis notum sit, omnésque fateantur, problem à mare & foeminâ ortum suum ducere, & proinde ovum à gallo & gallinâ procreari, & ex ovo pullum: Modum tamen, quo gallus, aut ejus semen, ex ovo pullum cudit; nec Medicorum schola nos docuit, neque Aristotelis sagax ingenium aperuit. Nam ex iis ( quæ de oviparorum aliorumque animalium generatione diximus) satis constat; nec sententiam Medicorum, generationem ex seminum utriusque sexus mixtione deducentium; neque Aristotelis, semen maris pro efficiente, & sanguinem menstruum pro caussa materiali habentis, amplectendam esse: quia neque in coitu, nec protinus à coitu, aliquid de foemina in uteri cavitatem delabitur; ex quo, ceu matrìa, subito aliquid fœtūs constituatur: neque etiam genitura, à mare in coitu proveniens, ( sive ea animata sit, sive instrumentum inanimatum ) uterum ingreditur, aut in eum attrahitur, vel uspiam intra foemina reservatur; sed vel evanescit, vel elabitur; nec quippiam, statim post coitum, in utero reperitur; quod aut à mare, aut à foemina

mina, vel ab utrisque proficiens; futuri foetus materia, aut principium existimari possit. Neque galli semen, in bursâ *Fabritii*, aliibive in gallina superstes est; ut inde, vel spiritalis substantia irradiatione, vel contactu ovum fiat, aut ex ovo pullus constituatur. Nec gallina ullum aliud semen confert, praeter papulas, vitellum, & ovum. Quare difficultior multò, ab his nostris observationibus, redditur generationis contemplatio; quandoquidem suppositiones omnes, quibus utraque opinio innititur, ab iisdem funditus revertuntur. Maximè vero, ubi postea demonstraverimus, cuncta pariter animalia ex ovo procreari; & in coitu ( sive viviparorum quadrupedum, sive hominis ) nihil spermatis, aut sanguinis, à mare aut foemina proveniens, in uteri cayum intromitti, aut ab eo attrahi: nec quicquam vel ante coitum, vel in ipso coitu, aut statim post coitum, in utero reperiri; quod futuri foetus materia, aut efficiens, aut principium haberi possit.

Nuper *Daniel Sennertus*, vir doctus, & diligens naturæ indagator, pensatatis prius multorum rationibus, rem tandem determinare aggressus est; nempe, animam esse in semine, eandemque prorsus cum ea, quæ futuræ proli inest. Adeò, ut animam hominis rationalem in semine ejus præsentem esse, non vereatur afferere: ac propterea ovum habere animam pulli; animamque cum semine in uterum foemina transvehi; atque ex isto utriusque semine (ut flamma flammæ) coniuncto (non mixto; mixtio enim, inquit, est rerum diversarum specierum) animaque prædicto, perfectum animal emergere. Ideoque, ait, semen ex utroque parente requiritur, tum ad foetum, tum etiam ad ovum constituendum. Et hoc pacto (velut superatis omnibus difficultatibus) putat se certam, perspicuamq; veritatem tradidisse.

Verum, ut concedamus, in ovo inesse animam, eamque ex parentum animis unitam; & à parentibus interdum diversorum generum proficiisci; velut ab equa & asino, à gallina & phasiano; nec tamen mistam esse, sed unitam duntaxat; fierique pullum (ad exemplum seminum plantarum) ab eadem efficiente anima, à qua postea per totam vitam conservatur: adeò, ut absurdum sit dicere, foetum ab alia anima extra uterum, sive ovum; atque ab alia intra uterum, aut ovum, augeri: Hęc, inquam, omnia ut concedānus (licet invalida sint, & sublestæ fidei) totius tamen doctrinæ ejus fundamentum (cui innititur) historia nostra de generatione ex ovo, penitus subvertit, & falli redarguit. Nimisrum, ovum fieri, ex semine galli, & gallinæ: aut, semen ab utrisque intra uterum transmitti: aut, ex semine in uterum admisso, vel immisso, foetum, ejusve partem aliquam constitui: vel, semen galli (ceu cauſati efficiens, & opificem) uspiam in gallina reservari, quod materialm (ut putat)

putat) & nutrimentum ab ea in uterum trahat, unde foetus, quem fecerit, augeatur. Deerunt quippe conditiones, quas ipse, secundum Aristotelis sententiam, putat necessariās: scil. ut foetus fiat ab eo, quod actu est, & præexistit; pullusque ab eo, quod præsens est, & ibi loci existens, ubi pullus præsumit sit, & augetur: præterea, ut ab eo fiat, quod immediate & conjunctim operatur; idemque sit, quo pullus per totam vitam conservatur, & crescit. Quippe semen galli (sive animatum, sive inanimatum fuerit, nihil retinet) non est omnino in ovo, neque in utero, præsens & conjunctum; neque in materia, ex qua sit pullus; ut neque in ipso pullo inchoato, ut eum vel efficiat, vel perficiat.

*De gen. an. l. 2. c. 1.* Hallucinatur etiam, cum, ab exemplo seminum plantarum & glandium, sententiani stram de scime animato illustratum sit: quia differentiam ab Aristotele allatam, inter genituram in coitu provenientem, & conceptum primum ex utrisque factum, non agnoscit; neque ovum prius (citra ullam genitaram à mare aut feminā in uterum translatam) in vitellarii racemo conceptum observavit. Neque intellexit, uterum esse, aliquandiu etiam post coitum, ab omni materia vacuum; sive ea à parentibus transmissa, sive à coitu facta, sive aliquo modo transmutata credatur. Nec denique legit, aut saltem animadvertis experimentum Fabricii; nempe, ab aliquo galli coitionibus, gallinam fecundari adeo, ut deinde per annum integrum omnia ova prolificat: licet interea temporis, galli semen singulis ovis fecundandis non acceperit; neque acceptum olim, tardius retinuerit.

Id quidem, nemine refragante, certum est; animalia, quæcumque à mare & feminā oriuntur, utriusque sexū coitu generari; adeoq; velut per contagium aliquod procreari. Quemadmodum Medici observant, mōrbos contagiosos (utpote lepram, luem venereum, pestem, phthisin) serpere in strageni mortalium; affectusque sibi similes in alienis corporibus, solo extrinseco contactu, excitare: imò verò interdum solo afflati, & per μιασμα; idque eminus, & per medium inanimatum, nihilque sensibiliter alteratum. Nimirum, quod primum tetigit, generat sibi simile univocum, non tangens, neque actu existens, nec præsens, aut conjunctum; sed duntaxat quia olim tetigit. Tantæ virtutis atque efficaciam contagium reperiatur. Idemque forsitan in generatione animalium contingit. Ova enim piscium, quæ foris incrementum suā sponte, absque ullo maris semine, acquirunt, (ideoque procul omni dubio sine illo vivunt) lacte maris prolifico alpersa, & forinsecus solū taeta, pescicilos generant. Non intromittitur, inquam, maris semen, quod in singulis ovis, opificis munus præstet, aut corpora fabricet, aut animam inserat; sed contagio duntaxat quodam fecundantur. Unde Aristoteles,

stoteles, lac maris, seménve genitale in aquam effusum, modò liquorem genitalem, & fœtificantem vocat; modò, virus vitale. Ait Hist. an. enim: *Piscis mus, semen ovis aspergit genitale;* & que ova vitale id virus l. 6. c. 13. contigerit, ex iis pesciculi enascuntur.

Posito itaque, cetero certo fundamento, factum fieri per contagium; maxima hinc oritur difficultas: Quomodo nempe contagium tanti operis autor sit? & quo pacto per illud, parentes sibi similes generent; aut semen maris simile univocam ei, à quo effluxit, producat? cum post tactum abierit; nec ulterius actu sit, aut tangens, aut præsens; sed corruptum, & non ens. Quomodo, inquam, non ens agat? aut non tangens, fabricet sibi simile? aut mortuum quod est, vitam alteri impertiat? idque solum, quia olim tetigit.

Falsa enim videtur, Aristotelis argumentatio, vel saltem manica, Degen. & ubi contendit, Generationem, sine agente & paciente, fieri non posse; cor. l. i. c. 6. nec agere & pati ea posse, que se mutuo tangere nequeunt: ea vero se mutuo tangere, que cum discretas magnitudines sitimque habeant, extrema simul habent.

Cum autem luculenter constet, contagium (à non tangentibus, neque extrema simul habentibus) perniciem animalibus afferre; quidni pariter ad animalium vitam, sive generationem, tantundem præstet? Efficiens sanè in ovo, virtute plasticâ (quia mas tetigit solum, licet jam nec tangat, nec extrema simul habeat) fœtum ad speciem & similitudinem sui effingit & fabricat. Et per tot media, sive instrumenta, potestas hæc, fecunditatis opifex, transmittitur, aut demandatur; ut nec motu instrumentorum, (velut in artis operibus) neque exemplo automatūm Aristotelis, sive nostrorum horologiorum; aut regni, in quo Regis mandatum ubique valet; nec introducendo animam in semen, aut genitaram; præfatam doctrinam tueri queas.

Atque hinc narræ plurimæ controversiæ, & problemata, de attractione magnetis, & succini: de sympathia, & antipathia: de venenis, & morborum pestilentium contagio: de alexipharmacis, & medicamentis ab occulta (vel ignotâ potius) proprietate juvantibus, aut nocentibus: que omnia videntur citra tactum operari. Et potissimum, quid sit in generatione, quod tactu momenitaneo (imo non tangens quidem, nisi per plurima media) partes pulli in ovo, certo ordine per epigenesin efficiat, univocimque, ac sibi simile producat? idque solum, quia olim tetigit. Quomodo, inquam, id, quod non adest, & extrinsecus duntaxat tetigit, omnia pulli membra, in ovo foris exposito, longeque interdum sejuncto, constituant, ordinéque disponant, ac fabricet? aut vitam, sive animam, speciemque ex utrisque generantibus mistam attribuat? Siquidem nihil videtur se ipsum, ad alterius similitudinem, generare posse.

*Quæ sit animalium cauſſa efficiens; ejusque conditiones.*

### Exercitatio 49.

**U**T igitur aliquatenus ( quantum nempe ad præsentem contemnptionem attinet) in *cauſſe efficiens* notitiam penetremus; observandum prius, quænam instrumenta, sive media, ad cauſſam efficiēntem sive formaticem pertineant: In hunc autem censem veniunt, mas & fœmina, genitura etiam, atque ovum, ejusque primordium. Sunt enim mares aliqui, ( pariter ac fœminæ ) steriles, aut minùs fœcundi. Maris quoque genitura aliquando magis, aliquando minùs fœcunda est: quippe semen virile, ut in vesiculis seminariis continetur ( nisi in spumam à spiritibus turget, & cum impetu profiliat ) infœcundum habetur. Imò nè hoc quidem forsitan semper fœcundum fuerit. Neque etiam papulæ, aut vitelli in ovarii racemo nati, vel ova in utero, statim omnia fœcunda sunt.

*Fœcundum* autem appello, quod ( nisi alicunde impediatur ) à vi efficiente insitâ ad destinatum finem pertinget; idque, cuius gratiâ instituitur, assequetur. Ità *gallus* fœcundus dicitur, qui sèpius certiusque gallinas suas prægnantes, earumque ova genitiva reddit.

*Gallina* similiter fœcunda habetur, quæ gignendis ovis, aut vi proficæ à gallo concipiendæ, diutiùsque retinendæ idonea est. Papularum racemos, & ovarium ipsum fœcunda æstimantur, cùm pluribus primordiis, iisque maturis, scatent. *Ovum* similiter fœcundum est, quod à subventaneo sive irrito longius abest, & quocunque in loco vel incubatum, vel aliter fotum, in producendo pullo minùs deficit.

Tale itaque pulli efficiens requiritur, quod singulis his virtutem eam impertiatur, propter quam illa fœcunda sint, & potentiam efficiendi obtineant. Quippe idem, vel saltem analogon, omnibus inest, ob quod fœcunda evadunt. Eadèmque inquisitio est, quid sit in ovo, quod illud fœcundum reddit, & à subventaneo discriminat; quid, in papula, & ovario; quid in fœmina; quid denique, in semine, & gallo ipso: & Quid sit in sanguine, punctoque saliente, sive primâ pulli particulâ genitali, unde postea reliquarum partium ortus, fabrica, & ordo promanent;. Quid in pullo ipso, unde robustior, & agilior fiat, citius adolescat, & tatem salubriter degat, vitamque diurniorem protrahat.

Neque

Neque absimilis inquisitio est, quid uterque, mas scilicet & fœmina ( seu gallus & gallina ) ovo fœcundo conferat ; quidve ad pulli perfectionem, aut similitudinem, ab utroque proveniat ; Nimirum, utrum à fœmina ovum, conceptus, materia, & nutrimentum : à mare autem virtus opifex ; An potius, contagium aliquod protinus à coitu immisum, aut ab eo factum, vel receptum sit ; quod in gallina, vel ovis permanens, materiam ovorum moveat ; aut ad illorum incrementum, pullique tandem productionem, nutrimentum à fœmina attrahat, concoquat, & distribuat ; An denique à mare procedat, quodcumque ad formam, animam, & fœcunditatem spectat : à fœmina autem quicquid ad materiam, constitutionem, locum, & nutrimentum attinet ? Animalibus enim ( quibus sexus distinctus obtigit ) ita comparatum est, ut cum fœmina sola foetum generare, nutritre, & protegere nequeat ; illi mas ( tanquam progenitor superior, & excellentior ) à natura in operis consortium adjungatur, ejusq; defectum suppleat ; adeoque contagione suâ ovorum subventaneorum infirmitatem corrigat, & fœcunda reddat. Nam ut pullus ex ovo prognatus, corpus suum, & animam, partenque principalem, seu genitalem, ovo accepta refert : ita pariter ovum, quicquid in eo est, à fœmina accipit ; & fœmina similiter fœcunditatem suam à mare in coitu mutuatur.

Utrum autem mas sit prima, & principalis caussa gignendæ proliis ; an verò mas, una cum fœmina, sint caussæ mediæ & instrumentales ipsius Naturæ, sive primi & supremi Genitoris ; hic datur inquirendi occasio : estque pulchra admodum, & necessaria disquisitio ; quia scientia quælibet perfecta, ex caussarum omnium cognitione dependet : ideoque ad absolutam generationis comprehensionem, ab ultimo efficiente ad primum & supremum ascendere, eaque omnia perspecta habere oportet.

Quodnam verò sit primum illud ac supremum pulli efficiens, postea ( ubi de reliquorum omnium animalium efficiente agetur ) definiemus. Quale autem id sit, nunc videbimus.

Prima igitur efficientis propriè dicti & primarii conditio, (ut diximus) est, ut sit fœcundans primum & principale, unde media omnia fœcunditatem traducem accipient. Ex. gr. Pullus traducitur ex puncto saliente in ovo, non modo secundum corpus, sed etiam ( & quidem potissimum ) quoad animam : punctum saliens, sive cor, ab ovo traducitur : ovum ; à fœmina : fœminæ autem fœcunditas à mare derivatur.

Altera efficientis primarii conditio ; ex opere facto dignoscitur ; nempe ex pullo. Quippe illud efficiens primum est, in quo effecti ratio potissimum elucet. Quoniam autem efficiens omne generativum, sibi simile gignit ; prolesque misæ naturæ est : efficiens primum quoque misum quid esse, oportet.

Prolem verò esse mistæ naturæ assero, quod in ea utriusque parentis mistura appareat, tam in figurâ & lineamentis corporis, singulärūmque ejus partium; quā in colorib⁹, n̄avis, morbis, alijsque corporis accidentibus. Quinetiam in anima quoque, ejusque actionibus, & functionibus (ut moribus, docilitate, incessu, ac voce) talis quædam temperatura cernitur. Quemadmodum enim mixtum similare ex elementis factum dicimus, quia horum virtutes, calor scil. frigus, humiditas, & siccitas, in uno aliquo similari corpore compositæ reperiuntur: ita similiter paterna, maternaque opera, in pulli tum corpore, tum animâ, tum cæteris (quæ temperienti sequuntur, aut eidem accidunt) discernuntur. Nimur in mulo, utriusque parentis (equæ nempe, & asini) anima, corpus, mores, & vox miscentur. Idem etiani in pullis, ex gallina & phasiano progenatis, videtur est; atque in lycifca, quæ ex lupo & cane coeuntibus gignitur.

Cum itaque pullus similitudine sui utrumque parentem referat, mixtumque sit effectum; causa quoque generans primaria (cui ipse similis est) mixta sit oportet. Quare quod in ovo pullum efficit, mixta naturæ, (tanquam aliquid ex ambobus vel unitum, vel compositum) & utriusque parentis opus est. Et si contagium aliquod protinus à coitu (in quo miscentur, & quasi unum animal fiant) in fœmina aliquibi vel maneat, vel oriatur; id etiam mixta naturæ, aut potentia erit, unde postea ovum fœcundum fiat, habeatque plasticam vim, mixta naturæ opificem, vel instrumentum efficiens mixtum, à quo pullus etiam mixta naturæ producatur.

*Contagium*, dixi: quia, quod Aristoteles censuit, experientia omnino retragatur: nempe, partem aliquam fœtus protinus à coitu fieri. Nec verum est, quod Neoterici quidam asserunt, in ovo inesse pulli futuri animam: non est enim anima pulli, quæ in parte aliquâ corporis ejus non insit. Neque anima, statim à coitu vel relicta, vel orta dici potest: aliter enim in prægnante fœminâ duas simul inessent animæ. Quare, donec determinatum fuerit, quódnani sit efficiens ovi, quod mixta naturæ protinus à coitu manere debeat; liceat id nobis *contagium* appellare.

Ubinam autem contagium hoc in fœmina, post coitum, lateat; & quomodo idem ovo communicetur, ac traducatur; diligentiorum omnino disquisitionem requirit: & de ea re posthac agemus, ubi de fœminarum conceptione generatim disceptabimus. Sufficerit, interea annotasse, efficientis primi (cui ratio futuræ prolis inest) eam legem esse, ut, cum proles mixta appareat, id ipsum quoque mixta naturæ sit; &, vel ab utroque parente pariter proveniat; vel ab alio aliquo, quod utrisque (ceu instrumentis animatis, simul operantibus, mixtis, coituque in unum coalitis) utitur.

Estque

Eſt que hæc tercia efficientis primaria conditio, ut instrumentis omnibus intermediis ſuccellivè aut motum impertiat, aut aliter iis utatur, ipsum verò nulli inſerviat. Unde ſuboritur dubitatio, utrū gallus, in generatione pulli, ſit cauſa efficiens primaria; an verò aliam priorem, & ſuperiorem habeat. Videtur enim rerum omnium generatio cœlitus originem ducere, atque Solis, lunæque motum ſequi. Verùm certius aliiquid de hac re conſtabit; ubi prius quid, & quotuplex instrumentum, ſive cauſa efficiens instrumentalis ſit, expoſuerimus.

Efficientia itaque instrumentalia ſunt diverſorum generum: alia enim (autore Aristotele) ſunt factiva, alia verò activa: alia non agunt, niſi cum priore efficiente coniuncta, ut manus, pes, partesque corporis genitales; alia, operantur, etiam ſeparata, ut genitura, & ovum: quorundam instrumentorum nullus eſt motus, aut actio, niſi quæ iis à primo efficiente tribuitur; alia verò propria in ſe habent agendi principia interna, quibus natura quidem in generatione motum nullum tribuit, eorum tamen facultatibus utitur, iisdemque operandi normam præſcribit: non aliter, quam coquus, igne; & Medicus herbarum, ac medicaminum potestatibus utitur, ad ſanitatem.

Sennertus, ut conceptam opinionem, de anima in ſemine, & formatrice pulli faciliate in ovo, tueatur; non ovum modò, ſed & galli ſemen, futuri pulli anima præditum eſſe aſſerit: nec eſſe agens instrumentale, ſed principale, profitetur. Quinetiani planè negat, efficiens ullum ſeparatum, eſſe instrumentale: ſed id ſolidum instrumentum dici oportere, ait, quod efficienti primo coniungitur; idque ſolummodo efficiens instrumentale, quod nullum alium motum, aut actionem habet, quam quæ ab efficiente primo immittitur, aut continuè & ſuccessivè recipitur, cuius virtute agat. Eoque argumento rejicit exemplum projectorum, quæ vi à projiciente acceptâ, & ab eo ſeparata, nihilominus agunt. Quasi verò enīs, & hasta, instrumenta bellica dicenda eſſent; miſſiles autem ſagittæ, & glandes, non item: Rejicit quoque exemplum à Republica desumptum; negatque, magistratum, consiliarium, aut ministrum, eſſe regni instrumenta. Cùm tamen Aristoteles consularem pro efficiente habeat, miniſtrūmque, diſerti verbis, instrumentum nominet. Automatūm ſimiliter exempla respuit: pluraque alia ait, negat, quibus ſemen (aut ovum) animatum eſſe, agensque non instrumentale, ſed principale eſſe, conſirmet. Idem tamen (ceu veritate coactus) conditions agentis principalis eas proponit, quæ ſententiæ modò commemoratae planè contrarium ſuadeant: nempe, *Quicquid opus, ſive effectum ſe ipſo nobilius efficit; aut effectum ſibi diſſimile producit; non eſt cauſa efficiens principalis, ſed instrumentalis.* Quibus confeſſis, quis non inde colligat.

Polit. l. I.  
c. 4.

ligat, Semen, & ovm, esse instrumenta? cùm pullus sit effectum ovo nobilius; idemque huic, aut spermati nequaquam similis sit. Quapropter ubi Vir doctissimus negat, semen, aut ovm, esse organum; quia separata sunt ab agente primario, falso innititur fundamento. Quippe, cùm generans primum per varia media proleni procreet; sive medium aliquod illi coniunctum sit, ut manus, opifici; sive ab eo separetur, ut sagitta, ab arcu emissa; utrumque tamen instrumentum dicitur.

Ex dictis his caussæ instrumentalis conditionibus, videatur sequi; efficiens primum in generatione pulli, esse gallum, vel saltem gallum cum gallina: quippe pullus iis est similis; nec efficientibus suis primis, sive genitoribus, nobilior censer potest. Ego itaque aliam etiamnum primi efficientis conditionem annexam, unde fortasse constet, marem non esse primam, sed instrumentalē duntaxat caussam. Nempe, ut primum efficiens in pulli fabricā artificio utatur, & providentiā, sapientiā item, bonitate, & intellectu, rationalis animæ nostræ captum longè superantibus. Utpote, in quo sit futuri operis ratio, quodque in destinatum finem agat, disponat, & perficiat omnia; partisque pulli, etiam minimas, alicujus usus & actionis gratiā efformet; & non modò operis fabricæ, sed etiam saluti, ornati, ac defensioni ejus propiciat. Mas verò, aut illius semen, in coitu, vel post eum, ejusmodi non est, ut illi ars, intellectus, ac providentia attribui possint.

Quibus ritè perpenſis, mas videtur efficiens instrumentale, æquè ac ipsius semen; & foemina, non minus quam ovm ab ea genitum. Quare ad priorem, superiorē, ac præstantiorem caussam configendum est; cui meritò attribuantur providentia, intellectus, ars, & bonitas; quæque effecto, operé suo tantò excellentior sit, quantò architectus operi suo præstat; quantoque Rex, ministris; aut opifex, suis manibus præcellit.

Erit igitur uterque, mas & foemina, efficiens duntaxat instrumentale, rerum omnium Creatori, sive progenitori summo subseriens. Eoque sensu rectè dicitur, Sol & homo generant hominem: quia solem accendentem, & recendentem, si quuntur ver & autumnus; quibus plerunque temporibus, animalium generatio, & corruptio contingunt. Ita quidem summus Philosophus: *Prima latio ortus ac interitus caussa non est, sed obliqui circuli latio: ea namque & continua est, & duobus motibus fit; nam si generatio, corruptiove futura sit semper continua, semper quippiam quidem moveri necesse est; ut nè mutationes istæ deficiant, sed duobus, ut nè altera duntaxat eveniat. Continuitatis igitur caussa est, latio universi: accessus vero & recessus, ipsa declivitatis. Accedit enim, ut interdum procul, interdum propè existat (nempe Sol.) Atque cùm intervallum sit inæquale, motus erit inæqualis.* Quare, si ex eo generat, quia accedi

*D'egen.  
cor. l. 2.  
e. 10.*

accedit & propè est; & quia abſcedit & procul exiſtit, hoc idem corrumpt. Aique, ſi, quia ſe penumero accedit, generat; & quia plerunque recedit, corrumpt. Contrariorum enim cauſſe ſunt contrarie.

Ideoque Vere vigeant, vernantque omnia; ( appropinquante ſcīl. Sole, qui communis pater eſt, & genitor; vel ſaltem ſummi Crea- toris in generatione immediatum & universale instrumentum ) non ſolū plantæ, ſed etiam animalia: nec minùs illa, quæ iponte pro- vieniant, quam quæ maris foeminaeque muſuā operā progenerantur. Tanquam adveniente nobili hoc aſtro, de cœlo delaberetur *alma Venus, Cupidinis Charitamque choro ſtipata*; cunctaque viventia, blando amoris centro ad perennitatem ſuī exſtimularet. Vel, (ut eſt in fa- bulis) quaſi eo tempore *Saturni* genitalia in mare projecta, ſpumam excitarent, indéque naſceretur *Aphrodite*. Nempe, in generatione animalium, ſuperat (ut Poëta ait) tener omnibus humor, ſpumant, tur- gēntque ſémine genitalia.

Gallus igitur & gallina, Vere potiſſimū fœcundi fiunt: tanquam Sol, vel cœlum, vel natura, vel anima mundi, vel Deus omnipotens (nam eōdem hæc redeunt) iis cauſſa ſuperior ac divinior in genera- tione foret. Ita Sol, & homo (id eſt, Sol per hominem, ceu instru- meatum) hominem generant. Eodēmque modo, Sator omnium, & gallus, ovum generant, & ex ovo pullum: accessu nempe, & recessu Solis perpetuo; qui ex divini Numinis voluntate, vel fato, gignendis rebus omnibus inservit.

Concludimus igitur, marem (licet ſit efficiens prius & præstan- tius, quam foemina) eſſe ſolū efficiens instrumentale: eundēmque, non minùs quam foeminam, fœcunditatem ſuam, ſive generandi vir- tutem, appropinquanti Soli acceptam referre: proindéque artificium, & providentiam (quam in operibus ejus cernimus) non ab ipſo, ſed à Deo procedere. Quippe mas, in generando, nec conſilio, nec intellectu utitur: neque homo parte animæ ſuæ rati mali, ſed facul- tate vegetativâ generat; quæ non primaria & divinior animæ huma- nae facultas, ſed infima cenſetur.

Quoniam igitur in pulli fabricâ, ars & providentia non minùs eluſeſcunt, quam in hominis ac totius mundi creatione; necesse eſt fateamur, in generatione hominis, cauſam efficientem ipſo homine ſuperiorem & præstantiorem dari: vel facultatem vegetativam, ſive eam animæ partem, quæ hominem fabricat, & conſervat, mul- tò excellentiorem, & divinorem eſſe, magisque ſimilitudinem Dei referre, quam partem ejus rationalem; cuius tamen excellentiam miris laudibus ſupra omnes omnium animalium facultates extolli- mus; tanquam quæ ius & imperium in illas obtineat, cuīque cunſta crea- ta famulentur. Vel ſaltem fatendum eſt, in naturæ operibus, nec prudentiam, nec artificium, neque intellectum in eſſe: ſed ita

ſolū videri conceptui noſtro, qui ſecundūm artes noſtras & facul-  
tates (ceu exemplaria à nobis met ipsiſ mutuata) de rebus naturæ  
divinis judicamus: quaſi principia natuſ actiua, effectus ſuos  
eo modo producrent, quo noſ opera noſtra artificialia ſolemniſ,  
confilio nempe, & disciplinā ab intellectu ſive mente acquiſitā.

At verò Natura, principium motū & quietis in omnibus, in qui-  
bus eſt; & anima vegetativa, priua cuiuſlibet generationis cauſa  
efficiens; movent, nullā facultate acquiſitā, (ſicut noſ) quam vel  
artis, vel prudentiæ nomine indigitemus; ſed tanquam fato, ſeu  
mandato quodam ſecundūm leges operante: ſimili nempe impetu,  
modōque, quo levia, ſurſum; gravia, deorū feruntur. Scilicet,  
facultas parentum vegetativa eodem modo generat, ſemēnque tan-  
dem ad formam ſeſtūs pertingit; quo aranea, retia ſua neclit; avi-  
culæ, niſos exſtruunt, ovis incubant, eaque tueruntur; apes, &  
formicæ habitacula parant, & alinoniam in futuros uſus recondunt.  
Naturaliter nempe, & connato ingenio; non autem providentiā,  
disciplinā, aut confilio, quicquam agunt. Nam quod in nobis  
operationum artificialium principium eſt, diciturque ars, intellectus,  
aut providentia; id in naturalibus illis operibus, eſt *Natura*:  
(quaꝝ auroſidax est, & à nemine edocta) quodque illis conna-  
tum & iſtitum, id nobis acquiſitum. Ideoque, ad artificialia qui  
reſpiciunt, haud æqui rerum naturalium ætimatores habendi ſunt:  
ſiquidem potiūs, vice vereā, ſumpto à natura exemplari, de rebus ar-  
te-factis judicandum eſt. Artes enim omnes imitatione quadam na-  
turæ comparatae ſunt; noſtrāque ratio, ſive intellectus, ab intellectu  
divino, in operibus ſuis agente, profluxit. Qui, cùm habitu per-  
fecto in nobis exiſtit, quaſi altera anima adventitia & acquiſita, ſum-  
mi ac divinissimi agentis imaginem uſcipiens, operationes, ſive ef-  
fectus ſimiles prodiuit.

Quapropter, rem recte piéque (meā quidem ſententia) reputave-  
rit, qui rerum omnium generationes, ab eodem illo æterno atque  
omnipotente *Numine* deduxerit, à cuius nutu rerum ipsarum univer-  
ſitas dependet. Nec magnopere litigandum ceneo, quo nomine  
primum hoc *Agens* compellandum, aut venerandum veniat, (cui  
nomen omne venerabile debetur) ſive *Deus*, ſive *natura naturans*,  
ſive *anima mundi* appelletur. Id enim omnes intelligunt, quod cun-  
ctarum rerum principium ſit, & finis; quod æternum, & omnipot-  
tens exiſtat; omniumque auctoſ & creator, per varias generationes  
viciſſitudines, caducas res mortalium conſervet, ac perpetuet: quod  
ubique præſens, ſingulis rerum naturalium operibus non minùs ad-  
ſit, quam toti universo; quod numine ſuo, ſive providentiā, arte,  
æ mente divina, cuncta animalia procreet. Quorum quādam ſpon-  
te nascuntur, ſine aliquo efficiente univoco; quādam, maris ſe-  
minæque

minæque simul sociatis operis; quædam, ab alterutro duntaxat se-xu: quædam, per alia instrumenta intermedia; eaque interdum plura, interdum pauciora: quædam, instrumentis univocis; quædam, æquivocis & ex accidente, generantur. Omnia verò corpora naturalia, sumui ejus Numinis & opera sunt, & instrumenta: sūntque hæc vel naturalia solum, ut calor, spiritus, aëris putredinisve tempor &c. vel simul etiam animata: quippe animalium quoque vel motu, vel facultate, vel anima, aliquo modo utitur ad perfectionem universi, & animalium procreationem.

Ex dictis itaque aliquatenus constat, quodnam à mare in generatione afferatur symbolum. Nempe, gallus idem ovo confert, ut ex subventaneo prolificum evadat; quod vegetabilium fructibus tribuitur ab æstivo Solis fervore, ut maturitatem consequantur, & semina eorum fœcunda fiant: idemque, quod sponte nascentibus fœcunditatem affert; & ex vermis, erucas; ex his, aurelias; ex reliis, papiliones, muscas, apes &c. progenerat.

Ad hunc modum Sol, accessu suo, & principium motus ac transmutationis, in proventu fructuum est; & finis etiam, dum seminibus eorum fœcunditatis autor existit. Utque is Vere novo, foliorum, florum, & fructuum efficiens primum est; ita, adulta jani æstate, maturitatis & fertilitatis seminum, est ultimum perficiens. Cui rei confirmandæ, inter alias observationes plurimas, hanc unam annexam: Arantiorum arbores quidam apud nos multâ solicitudine, & mangonio colunt; earumque mala, quæ primo anno ad pollicis magnitudinem excrevere, sequenti æstate ad maturitatem pertingunt, ceteraque perficiuntur, præterquam quod seminibus ca-reant.

Hanc rem accuratiū pensanti mihi, videbatur oblatum ovi subventanei specimen, quod à gallina, citra maris operam, gignitur; & sensibilia omnia in se complectitur, quæ in ovo prolifico deprehendas; semine autem fœcundo destituitur. Tanquam idem à gallo conferatur, quo subventaneum ovum, fœcundum fiat; quod à calidarum regionum Sole provenit, quo illarum arborum poma cum seminibus nascantur. Et quasi ætas *Anglicana*, procreando solum fructui, ut gallina, ovo) sufficeret; essetque, instar foeminae, impotens generatrix; in locis autem beneficio Solis uberiori gaudentibus, mas evaderet, & generationem perficeret.

Verum de his haec tenus à nobis obiter agum est, ut ab ovi exemplo constet, quænam prini efficientis in generatione animalium conditiones requirantur. Quippe certum est, inesse in ovo opificem (& similiter in omni conceptu, ac primordio) qui non modò ei à matre inditur, sed prius etiam à patre in coitu per genitaram communicatur; omniumque primò à cœlo, & Sole, sive Creatore

summo, eidem tribuitur. Manifestum pariter est, opificem hunc in ovo, & semine quovis existentem, parentum virtute adeò imbutum esse, ut pullum ad illorum, non autem ad similitudinem suū, fabricet; eāmque mistam etiam, tanquam ab utrisque, in coitu unitis, provenientem: cūmque omnia summā providentiā & intellectu peragantur, divini numinis præsentiam clarè comprobari.

Alibi autem uberioris de hac re agetur; ubi conabimur docere, quid statim à coitu in fœmina remaneat, & ubinam supersit; similq; explicabimus ( quoniam nihil protinus post coitum in cavitate uteri reperitur ) quidnam sit contagium illud prolificum, aut conceptus primus? num corporeum q. id, alicubi in fœmina reservatum; an incorporeum? Et num uteri conceptio, similis sit conceptioni cerebri; adeoque fecunditas eo modo acquiratur, quo scientia? ( quemadmodum non desunt argumenta, quæ id persuadeant ) &, veluti motus, atque operationes animalcs, à cerebri conceptione ( quam appetitum dicimus ) originem ducunt; ità pariter motus naturales, facultatisque vegetativæ operationes ( ac præsertim generatio ) ab uteri conceptione dependeant? Porro, quomodo contagium hoc prolificum mistæ naturæ sit; & à mare, in fœminam; indéque, in ovum traducatur? Ac denique, morborum, affectuunque omnium præternaturalium contagium quomodo serpat, & insensibiliter propagetur?

### *De Generationis ordine: & primum, de particula genitali primâ.*

#### *Exercitatio 50.*

**Q**uid igitur immediate à coitu prolifico in fœmina fiat, aut maneat, quod adhuc sub *contagii* nomine intelligimus, quo ( tanquam infectu) fœmina à mare fecunda reddit, fœtum postea suā sponte generat; inferius suo loco dicetur, ubi eā de re pleniore examine, & disquisitione accuratiore tractabimus. Interea temporis, quæ circa partium generandarum ordinem manifestè apparent, observatūque digna sunt, indicabimus.

Et primò quidem, quoniam per *epigenesin*, sive partium superexorientium additamentum, pullum fabricari certum est; quænam pars ante alias omnes exiūratur, & quid de illa, ejusque generandi modo observandum veniat, dispiciemus.

Ratum

Ratum sanè est, & in ovo manifestè appetet, quod Aristoteles de De gen. an. perfectorum animalium generatione enuntiat : nimirum, non omnes partes simul fieri, sed ordine aliam post aliam ; primùmque existere particulam genitalem, cuius virtute postea ( tanquam ex principio quodam ) reliquæ omnes partes proiliant. Qualem, in plantarum ieminiibus, ( fabis putà, aut glandibus, ) gemmam, sive apicem protuberantem cernimus, toti futuræ arboris principium. Estque hæc particula, velut filius emancipatus, seorsimque collocatus, & principium per se vivens ; unde postea membrorum ordo describitur ; & quecumque ad absolendum animal pertinent, disponuntur. Quoniam ib. c. 4. enim nulla pars se ipsam generat ; sed, postquam generata est, se ipsam jam auget, ideo eam primùm oriri necesse est, que principium augendi contineat, ( sive ènìm planta, sive animal est, æquè omnibus inest quod vim habeat vegetandi, sive nutriendi ) simùlque reliquas omnes partes suo quamque ordine distinguat, & formet : proindeque in eadem pri-mogenitâ particula, anima primariò inest, sensùs, motùsque, & totius vitæ autor, & principium.

Ea igitur principalis particula est, unde spiritus vitalis, calórque nativus cæteris omnibus advenit ; in qua Medicorum calidum innatum, sive implantatum, primò emicat ; & lar familiaris, seu focus perennis hospitatur ; unde perpetuò in universum corpùs, singulásque ejus partes, vita promanat ; nutritio, incrementum, auxilium, & solamen proveniunt : denique, ubi vita nascentibus primùm incipit, & morientibus ultimò terminatur.

Hæc certè omnia de parte primâ genitali vera sunt, & in genera-tione pulli manifestè apparent. Ideoque, ut Medicorum quorundam mglè philosophantium opinionem ( quæ tres partes principales, ac primogenitas, cerebrum, cor, & jecur, ex tribus vesiculis, sive bullis, simul exoriri astruit ) plurimis observationibus motus, rejiciendam arbitror ; ita neque Aristoteli ipsi assentiri possum, qui Cor esse particulam hanc primam genitalem & animatam statuit. Nam reverâ sanguini soli privilegium hoc deberi existimo : is enim est, qui primus in generatione conspicitur. Ideque non solum in ovo, sed in omni factu, animaliumque conceptu primo contingere, mox palam fiet.

Apparet, inquam, ab initio, punctum rubrum saliens, vesicula pulsans, fibræque inde deductæ, sanguinem in se complectentes. Et, quantum ex accurata inspectione discernere licuit, fit sanguis, antequam punctum saliens efformatur ; idemque calore vitali præ-ditus est, priusquam per pulsum cietur : atque ut in illo, & ab illo pulsatio incipit ; ita tandem, in ultimo mortis articulo, in eodem definit. Quippe plurimis experimentis, tum in ovo, tum alibi factis, compertum habeo ; sanguinem id esse, in quo ( quandiu calor

calor vitalis non prorsus evanuit) potentia redeundi in vitam continuatur.

Et quoniam vesicula pulsans, indéque productæ fibræ sanguineæ, ante alia conspicuntur; crediderim rationi consentaneum, ut sanguis suis receptaculis prior sit; contentum nempe, suo continente; siquidem hoc factum est, ut ejus usui inserviat. Ideoque fibras, & venas, posteáque vesiculam, & demum cor, utpote organa recipiendo ac retinendo sanguini destinata, hujus solius transmittendi, & distribuendi gratiâ exstructa esse, verilimile est; sanguinemque esse particulam corporis principalem.

Idque ex multis observationibus liquet; præsertim, cum quædam animalia (cæque sanguinea) diu absque pulsu vivant; & nonnulla totam hyemem lateant, & tamen in vivis supersint, licet interea eorum corda ab omni motu cessent, & pulmones à respiratione fercentur; eorum instar, qui in syncope, lipothymiâ, aut affectibus hystericis, semimortui jacent cum asphyxia.

Factus itaque certior ex iis quæ in ovo, & vivâ animalium dissektione observavi; statuo, (contra Aristotelem) sanguinem esse primam particulam genitalem: & cor esse ipsum organum, circumlationi ejus destinatum. Quippe functio cordis, est sanguinis propulsatio; ut in animalibus omnibus sanguineis luculenter patet: idémque (in generatione pulli) est officium pulsantis vesiculæ, quam in primis animalium conceptibus (non minùs, quam in ovo) fæpenumero videndam exhibui scintillâ minorem, micantem, & in actione sui sese constringentem, sanguinemque in ea contentum unâ experimentem, eundemque relaxatione sui recipientem denuo.

Hinc quoque apparet sanguinis principalitas, quod pulsus ex eo ortum ducat. Cum enim duæ sint pulsationis partes; (distentio nempe, & contractio, sive diastole, & systole) horumque motuum, distentior prior sit; manifestum est, actionem illam sanguini competere: constrictiōnem verò, à vesicula pulsante in ovo, (ut à corde, in pullo) propriis fibris institui; tanquam ab instrumento ei usui destinato. Certumque est, vesiculam dictam, ut & cordis auriculam postea, (unde pulsatio primùm incipit) à distendente sanguine, ad constrictiōnis motum irriteri. Fit, inquam, diastole, à sanguine ab interno quasi spiritu intumescente: adeoque Aristotelis sententia, de pulsatione cordis (fieri eam scil. ad modum ebullitionis) aliquatenus vera est. Quod enim in lacte ab igne calefacto, & cervisia nostræ fermentatione quotidie cernimus; idem etiam in pulsu cordis usu venit; in quo sanguis, quasi fermentatione aliquâ turgescens, dilatatur, & subsidit: quodque in illis per accidens, ab agente externo (calore scil. alicunde adventitio) contingit; id in sanguine, ab interno calore, sive spiritu innato, efficitur; idque etiam

etiam secundum naturam ab anima regulatur, & in salutem viventiam continuatur.

Pulsus itaque à duplice agente peragitur : nempe à sanguine fit distentio, seu dilatatio ; à velicula verò membranâ in ovo, (in natu-  
to autem fœtu, à cordis auriculis, & ventriculis) fit contractio,  
sive systole : atque hac mutuâ operis societate alternatim institutâ,  
sanguis per totum corpus impellitur, vitâque inde animalibus per-  
petuatur.

Nec sanguis solùm pars primigenia & principalis dicendus est,  
quod in eo, & ab eo motûs, pulsusque principium oriatur ; sed eti-  
am, quia in eo primum calor animalis innascitur, spiritus vitalis  
ingeneratur, & anima ipsa consistit. Ubicunque enim primò im-  
mediatum & principale vegetativæ facultatis instrumentum reperi-  
tur ; ibi quoque animam primò inesse, indeque originem sumere,  
verumile est : quoniam illa à spiritu, & calido innato separari  
nequit.

Utcunque enim in artificialibus (ut recte Fabricius monuit) arti-  
fex & instrumentum, sunt separata ; in naturæ tamen operibus, conjuncta  
simil, & unum sunt. Sic ventriculus, opifex & instrumentum chyleos  
est. Pari quoque modo, anima cum spiritu (instrumento suo)  
immediatè conjungitur. Ideoque, in quacunque corporis parte,  
calor, motusque initium sumunt ; in eadem quoque vita primùm  
oritur, ultimoque extinguitur : ibidemque intimos Penates, atque  
animam ipsam, sedem suam posuisse, nemo dubitaverit.

Vita igitur in sanguine consistit, (uti etiam in sacris nostris legi-  
mus) quippe in ipso vita atque anima primò elucet, ultimoque deficit. Crebrâ enim (ut dixi) vivorum dissipatione expertus sum,  
moriente jam animali, nec amplius spirante, cor tamen aliquan-  
diu pulsare, vitamque in se retinere. Quiescente autem corde,  
motum videoas in auriculis supersitent, ac postremò in auricula  
dextrâ ; ibique tandem cessante omni pulsatione, in ipso sanguine  
undulationem quandam, & obscuram trepidationem, sive pal-  
pitationem (extremum vitæ indicium) reperias. Et cuilibet cer-  
nere est, sanguinem ultimò calorem (pulsus vitæque autorem)  
in se retinere : quo semel prorsus extincto, ut jam non amplius  
sanguis est, sed erit ; ita nulla possuminio ad vitam revertendi  
spes reliqua. At verò, tum in ovo, (ut diximus) tum in mori-  
bundis animalibus, postquam omnis pulsatio disparuit ; si vel  
puncto salienti, vel dextræ cordis auricula levem somitem admo-  
veris ; videbis illico, motum, pulsationem, ac vitam à sanguine  
redintegrari : modò is calorem omnem innatum, spiritumque vi-  
talem haud penitus amiserit.

Quibus clarè constat, sanguinem esse partem genitalem, fontem  
vitæ,

vitæ, primùm vivens & ultimò moriens, sed èmque animæ primâriam; in quo (tanquam in fonte) calor primò, & præcipue abundant, vigetque; & à quo reliquæ omnes totius corporis partes calore influente foventur, & vitam obtinent. Quippe calor sanguinem conitatus, totum corpus irrigat, foveat, & conservat: quemadmodum jampridem, libello de motu sanguinis, demonstravimus.

Propterea sanguis ubique in corpore reperitur; nec uspiam id acu pungere, vel minimum scalpere queas, quin sanguis ocyùs profluat: tanquam, absque eo foret, nec calor partibus, nec vita supereffet. Ideoque, concentrato, fixoque leviter sanguine (*Hippocrates, ἀπὸ Αἰνείω τῶν φλεβῶν, nominavit*) veluti in lipothymia, timore, frigore externo, & febrium insultu contingit; videas illico totum corpus frigescere, torpere, & pallore livoreque perfusum langescere: evocato autem rursus sanguine, per adhibita fomenta, exercitia, aut animi passiones, (gaudium nempe, irāmve) hui! quam subito omnia calent denuo, florent, vigent, splendēntque?

Quinetiam partes rubræ & sanguineæ solæ, dicuntur calidæ, ut carnes; albæ autem & exsangues, ut nervi, ac ligamenta, frigidæ appellantur. Atque ut animalia sanguinea, exsanguibus præpollent; ita quoque in partium censu. quæ calore nativo, & anguine liberalius perfunduntur, cæteris omnibus præstantiorēs habentur. Imò verò jecur, lien, renes, pulmo, & cor ipsum (si sanguinem indè omnem expresseris, cuius præcipue gratiâ viscera dicuntur) expallescunt illico, & partibus frigidis accensenda veniunt. Cor, inquam, ipsum, per arterias coronarias, influentem unâ cum sanguine caliditatem, vitamque accipit: quas eatenus duntaxat obtinet, quatenus illo proluuitur. Nec jecur munus suum publicum exsequitur, sine influentia sanguinis & caloris per arteriam cœliacam. Quippe nullibi est caloris affluentia, citra sanguinis influxum per arterias. Ideoque in prima partium singularium conformatione, priusquam publico muneri sese accingunt, omnes exsangues, pallidæque conspiciuntur; indéque olim à Medicis & Anatomicis, *spermaticæ existimabantur*, &, in generatione, aliquot in late dies absumi, dici solitum. Ipsum jecur, pulmones, cordisque substantia, cùm primùm apparent, albissima sunt. Imò verò conus cordis, & ventriculorum ejus parietes, adhuc albi viuntur, cùm auriculæ purpureo sanguine replete colorantur, venâque coronaria rutilans discernitur. Similiter, jecoris parenchyma album est, cùm venarum ejus rami, & propagines, sanguine rubescunt: nec manus publicum exercet, priusquam sanguine influente perfunditur.

Sanguis denique totum corpus adeò circunfluit, & penetrat, omnibusque ejus partibus calorem & vitam jugiter impertit; ut anima rimò

prīmō & principaliter in ipso residens, illius gratiā, tota in toto,  
& tota in qualibet parte (ut vulgō dicitur) inesse, meritò censeatur.

Tantū verò abest (quod tamen Aristoteles, & Medici omnes affirmant) ut jecur, aut cor, sit autor & opifex sanguinis; ut contrarium planè, ex pulli fabricâ in ovo, apertè constet: nimirum, sanguinem ipsum potius esse autorem cordis, & hepatis. Quod Medici quoque inopinatò videntur confiteri, dum parenchyma jecoris, quandam sanguinis affusionem esse statuunt: quasi nūl aliud esset, quām sanguis inibi coagulatus. Existere itaque eum, antequam vel affundatur, vel coaguletur, necesse est: remque ita se habere, experientia ipsa luculentè demonstrat; cùm sanguis in ovo aliquandiu appareat, priusquam corporis, aut visceris alicuius vel vestigium extet. Ubi tamen nihil sanguinis à matre (quod in viviparis fieri, vulgō arbitrantur) ad fœtum pertingit.

Jecur piscium semper albicans cernitur, dum eorum venæ purpurascent, & nigricant. Nostræque gallinæ, quò pinguiores fuerint, è jecora minora, & pallidiora habent. Virginibus cachecticis, febrique albâ laborantibus, ut reliquo earum corpori, ità jecori etiam pallidus inhæret color; penuriæ sanguinis in corpore manifestum indicium. Quare jecur, & calorem, & colorem suum à sanguine mutuatur; non autem sanguis à jecore.

Ex dictis itaque apparet, Sanguinem esse partem primam genitalē, unde anima primariò emicat, & ex quā efformatur prima pars fœtūs animata, principium reliquarum omnium, tum similiarum, tum dissimiliarum; quæ indè calorem vitalem nanciscuntur, illique subserviunt: Cor autem in eum duntaxat finem exstructum esse, ut perpetuâ pulsatione, (venarum arteriarūque auxilio) sanguinem hunc accipiat, eundemque quoquoversum per totum corpus propellat.

Patetque hoc idem luculentius, quia nec in omnibus animalibus, neque omni tempore cor pulsans reperitur; cùm sanguis tamen, aut ejus analogon, in nullis unquam desideretur.

---

*De Sanguine, prout est pars principalis.**Exercitatio 51.*

Certum itaque est, & ad oculum liquet, sanguinem esse partem pulli primigeniam, ac proinde genitalem: eaque omnia illi competere, quæ capite præcedenti attribuimus. Nempe, ut sit cor-

poris tum autor, tum conservator, & pars principalis, in qua animæ sedes. Quippe (ut modò diximus) priusquam corporis quippiam visu discernitur, sanguis jam genitus & auctus est, palpitanteque solisque omnium humorum sparsus per totum corpus animalium est. Et semper, quandiu vita servatur, sanguis unus animatur, & fervet.

*De hist. an.* Quinimo ex vario ipsius motu, in celeritate aut tarditate, velumentia aut debilitate &c. eum & irritantis injuriam, & foventis commodum persentiscere, manifestum est. Id-óque concludimus, sanguinem per se vivere, & nutriri; nullóque modo ab aliâ aliquâ corporis parte, vel priore, vel præstantiore dependere. An verò totum corpus ab ipso dependeat, cui illud postgenitum, adjunctum, & quasi adnascendo appensum cernimus; non est hujus loci determinare. Addam solum, quod Aristoteles fatetur: Profecto, inquit, l. 2. c. 4. sanguinis natura causa est, cur permulta animalibus, tum per mores, tum etiam per sensum obveniant. Adeò, ut hinc causas perspicere liceat, non modo vitæ, in genere, (quippe nullum aliud calidum innatum, aut influens reperias, quod sit immediatum animæ instrumentum, præter sanguinem) sed longioris etiam, aut brevioris ævi; somni, vigiliarum, ingenii, roboris &c. Nanque ejus tenuitate (ait ibid. Arist.) & mundicie, animalia sapientiora sunt, sensuque mobiliorem obtinent: Similiter, vel timidiora, vel animosa; iracunda, & furiosa evadunt; prout scil. sanguis eorum vel dilutus, vel fibris multis crassisque refertus fuerit.

Nec vitæ solum sanguis autor est; sed, pro ejus vario discrimine, sanitatis etiam, morborumque causæ contingunt. Quinetiam venena, quæ forinsecus nobis adveniunt (ut icts venenati) nisi sanguinem inficerent, damnum nullum afferrent. Adeò nobis ex eodem fonte, vita & sanitas profluunt. Si sanguis nimis eliquescat (inquit Arist.) ægrotant. Nanque in cruentem serosum abit adeò, ut quidam sudorem cruentum exsudârint. Si ejus nimium effuat, obeunt. Profecto, ob sanguinis parentiam, non solum partes omnes illico torquent, sed & animal ipsum subito extinguitur. Experimenta, in sententiæ hujus confirmationem, hic addenda non censui; peculiarem enim tractatum postulant.

Circuum sanguinis admirabilem, à me jampridem inventum, video propemodum omnibus placuisse: nec ab aliquo quippiam ha-ctenus objectum esse, quod responsum magnopere mereatur: Quapropter si circuitus illius causas, & utilitates addidero; aliaque sanguinis arcana exposero; (quantopere scil. mortalium felicitatis interfit, animaque pariter ac corpori conducat, ut probâ viciis ratione sanguinem purum ac nitidum conservent) crediderim sanè, me non magis novam, quam utili, gratamque operam Philosophis Medi-

Medicisque præstiturum ; nec sententiam hanc tam improbabilem & absurdam cuiquam ( atque olim Aristoteli ) visum iri : Sangui- De anim. i nem, nempe, instar laris familiaris, esse animam ipsam in corpore ; l. i. c. 2. veluti Critias olim, aliisque arbitrabantur ; existimantes, sentire maxi- mò proprium esse animæ, atque hoc inesse propter sanguinis naturam. Alii vero id animam esse statuebant, quod suâ naturâ vim movendi obtine- ret ; ut Thales, Diogenes, Heraclitus, Alcmeon, aliique.

Utrunque autem, sensum scilicet, & motum, sanguini inesse ; plu- rimis indiceis fit conspicuum : etiam si Aristoteles id negaverit. E- De his. an. nimvero, si is veritate coactus fateatur, inesse ovo, etiam subven- I. 19. & taneo, animam : & in genitura, ac sanguine, reperiri divinum quid, de part. an. respondens elemento stellarum ; essèque omnipotentis Creatoris vicari- um : si Neoterici quidam verè dicant, animalium semen coitu emis- sum, esse animatum : quidni pari ratione affirmemus, animam esse in sanguine ; cumque hic primò generetur, nutritur, & moveatur, ex eodem quoque animam primùm excitari, & ignescere ? Certe san- guis est, in quo vegetativæ, & sensitivæ operationes primò eluent : cui calor, primarium & immediatum animæ instrumentum, innascitur : qui corporis, animæque commune vinculum est : & quo vehi- culo, anima omnibus totius corporis partibus influit.

Præterea, cum tam ardua sit ( ut nuper vidimus ) geniturae con- templatio, ( quomodo, nempe, ab illa, cum providentia, arte, & intellectu divino, corporis fabrica exstratur ? ) cur non a quo jure, sanguinis naturam eximiā suspiciamus ; idemque de eo, quod de semine, cogitemus ? præsertim, cum genitura ipsa ( ut de ovo con- stat ) ex sanguine fiat ; totumque corpus inde, ( tanquam è parte genitali ) non modo originem suam ducere, sed etiam conservari videatur.

Atque haec quidem obiter super ea re diximus ; de eadem alibi uberiori, & accuratiū disceptaturi. Neque hīc disputandum cen- seo, utrum partis definitio sanguini propriè conveniat ? quod qui- dam negant, his maximè argumentis persuasi ; quia non sentit, & quia in singulas corporis partes influit, ut alimentum iis præstet idoneum. Ego vero non pauca circa generationis modum inveni, quibus motus, iis ( quæ Philosophi & Medici vulgo vel aiunt, vel, negant ) contrarium statuam. Id nunc solum dicam : licet conce- damus, sanguinem non sentire ; inde tamen non sequitur, eum non esse corporis sensitivi partem, eamque præcipuam. Neque enim cerebrum, medulla spinalis, aut Crystallinus, vitreusque oculi humor quicquam sentiunt, eas tamen corporis partes esse, Philosophi Me- dicique omnes hodie uno ore consentur. Aristoteles autem san- guinem inter partes similares recensuit : & Hippocrates etiam, dum corpus animale ex partibus continentibus, contentis, & impetu-

facientibus, constituit; sanguinem necessariò inter contentas agnovit.

Verum hac de re pleniùs agetur, cùm de parte, quid sit, & quot modis dicatur, disceptabimus. Interea temporis, experimentum hoc admirabile ( unde cor ipsum, membrum scilicet principalissimum, insensile appareat ) non reticebimus.

Nobilissimus Adolescentes, & illustrissimi Vicecomitis de Montegomero in Hibernia filius primogenitus, cùm adhuc puer esset, ingens ex insperato lapsu naevus est infortunium; costarum nempe sinistri lateris fracturam. Abscessus suppuratus, magnam tabi quantitatem profudit; saniisque diu è cavitate amplissimâ manavit: ut ipse mihi, aliique ( qui aderant ) fide digni narrârunt. Is circa annum atatis sua decimum octavum, aut decimumnonum, per Galliam & Italiam peregrinabatur; indéque Londinium appulit. Interea verò per amplum hiatum in pectore apertum gestabat; adeò, ut pulmones ( ut creditum est ) in eo cernere, ac tangere liceret. Id cùm serenissimo Regi Carolo, ceu miraculum, nunciaretur; me statim, ut quid rei esset perspicarem, ad Adolescentem misit. Quid factum? Cùm primùm accederem, videremque juvenem vegetum, & aspectu quoque, habituque corporis laudabili praeditum; aliquid secus, atque oportuit, nunciatum arbitrabar. Præmisâ autem, ut mos est, salutatione debitâ, expositaque ex mandato Regis eum adeundi causâ; omnia illico patefecit, nudâaque lateris sinistri partem mihi aperuit; ablatâ scil. lamellâ, quam tutelâ gratiâ adversus ictus, aliisque injurias externas, gestabat. Vidi protinus ingentem pectoris cavitatem, in quam facile tres meos priores digitos, unâ cum pollice immitterem: simûlque in primo ejus ingressu partem quandam carnosam protuberantem, reciprocâque extrosum introrsumque motu agitatam deprehendi, manuque cautè tractavi. Attontus rei novitate, iterum iterumque explorò omnia: &, cùm diligenter satî investigata essent; certum erat, ulcus antiquum & per amplum ( citra Medici periti auxilium ) miraculi instar, ad sanitatem perductum esse, partequo interiore membranâ vestitum, & per marginis ambitum firmâ cute munitum. Partem autem carnosam ( quam ego primo intuitu, carnem aliquam luxuriantem credideram, aliique omnes pulmonis partem judicabant ) ex pulsu, ejusque differentiis, seu rhythmo, ( utrisque manibus carpo & cordi simul admotis ) & ex respirationis collatione planè perspexi, non pulmonis lobum aliquem, sed cordis conum esse; queni caro fungosa excrescens ( ut in sordidis ulceribus fieri solet ) exterius, muniminiis instar, obtegebat. Concumerationem istam, à subnascentibus sordibus Adolescentis famulus injectionibus tepidis quotidie liberabat, laminâaque imponebat: quo facto, herus sanus, & ad quælibet

Ilibet exercitia ac itinera promptus, tutò & jucundè vitam degebat.

Responsi vice igitur, Adolecentem ipsum ad serenissimum Regem deduxi; ut rem admirabilem & singularem, propriis ipse manibus tractaret, atque oculis intueretur: nempe, in homine vivente & vegeto, citra ullam offendam, cor sese vibrans, ventriculo que ejus pulsantes videret, ac manu tangeret. Factumque est, ut serenissimus Rex, una mecum, cor sensu tactus privatum esse agnosceret. Quippe adolescens, nos ipsum tangere (nili visu, aut cutis exterioris sensatione) neutiquam intelligebat.

Simul, cordis ipsius motum observavimus; nempe, illud in dia stole introrsum subduci, & contrahi; in systole vero, emergere de nudo, & dilatari: fierique in corde systolen, quo tempore dia stole in carpo percipiebatur: atque proprium cordis motum & functionem, esse systolen: denique, cor tunc pectus ferire, & prominulum esse; cum erigitur sursum, & in se contrahitur.

Nec de alterâ controversiâ (num sanguis scil. nutriendo solum corpori inserviat?) hic anxiè disputandi locus est. Aristoteles quidem, pluribus locis, sanguineni esse ultimum alimentum contendit; eidemque tota Medicorum schola suffragatur. Plurima tamen explicatu ardua, malèque cohærentia, hanc illorum sententiam con sequuntur. Cum enim Medici, in physiologicis suis, agunt de san guine; atque hunc solum ejus usum & finem docent, ut alimentum corpori suppeditet; eum ex quatuor succis, sive humoribus compo nunt; argumentum ejus rei à quatuor primarum qualitatum combinationibus deducentes; ac proinde asserunt, massam sanguinis, ex utraque bile, (flavâ nempe, & atrâ) pituitâ, & sanguine proprié dicto, componi. Ideoque quatuor humorum genera recensent: quorum, frigidus & humidus, pituita dicitur: frigidus & siccus, melancholia: calidus & siccus, bilis: denique, calidus & humidus, sanguis nominatur. Porro, ex singulis eorum generibus, alios nutritios, (unde totum corpus constet;) excrementios alios statuunt. Præterea, ex nutritiis illis, (ceu partibus heterogeneis) sanguinem constare aytantur. Ita tamen, ut pituita sit pars crudior, quam calor nativus validior possit in sanguinem laudabilem convertere. Bilem vero similiter in sanguinem transire posse, negant; licet, sanguinem facile in bilem; atque hanc, in melancholiam (nempe à caloris concoquentis excessu) mutari, affirment.

Quæ si vera sunt, nullusque in iis regressus conceditur; scilicet, de melancholia, in bilem; de bile, in sanguinem: oportet fateantur, dictos omnes succos esse in ordine ad melan choliam; atque hanc esse principale, & maximè concoctum nutrientum. Quinetiani duplē sanguineni agnoscant, necesse est: nempe totam simul in venis massam, ex quatuor illis humoribus compositam; & partem

ejus puriore, florentioren, magisque spiritalem, quam strictiore sensu sanguinem nominant; quāmque aliqui in arteriis separatim contineri contendunt, ac proinde aliis utibus à reliquo separatum deputant. Ideoque, ex eorum sententiā, sanguis purus non est alimentum, sed commixti succi, sive potius melancholia, ad quam tandem reliqui humores pertendent.

*De part. an. l. 2. c. 3.* Aristoteles quoque, ut sanguinem alendi gratiā institutum putavit; ita eundem etiam, veluti è partibus, compositum censuit.

*Nempe ex crassiore, & atrā, quæ in fundum pelvis, inter concref-*  
*cendum, subsidit: eaque pars illi deterior habetur: Sanguis enim,*  
*l. 3.c.19. inquit, si integer est, rubet, & dulcis saporis est; sed, si vel naturā, vel*  
*morbo sit vitiatus, atrior cernitur. Ex parte etiam fibrosā, sive fibris,*

*constare voluit: iisque demptis, (ait) sanguis neque concrescit, neque*  
*ibid. spissatur. In sanguine præterea sanies agnoscit: Sanies, inquit, san-*  
*guis incoetus est; aut quia nondum percoctus, aut quèd in seri modum dilu-*  
*tus fuerit. Atque hunc frigidiorē esse, ait; fibras autem partem san-*  
*guinis terrenam esse statuit.*

Quapropter (ex ejus sententiā) sanguis animalium variè discrepat: adeò ut quibusdam is sit serosior, tenuior, & quasi sanies, seu ichor; ut infectis, & frigidioribus atque imperfectioribus animalibus: quibusdam vero crassior, fibrosior, & terrestrior; ut apro, tauro, asino &c. nonnullis (vitiati scil. temperamenti) sanguis atrior: aliis autem mundus, sincerus, & floridus, qualis in avibus, & homine præcipue conspicitur.

Unde constat, tum *Medicos*, tum *Aristotelem*, sanguinem ex partibus & differentiis quadantenus similibus constituere. *Medici* quidem humanum duntaxat sanguinem, eundemque per phlebotomiam in pelvī effusum; & coagulatum obseruant. *Aristoteles* verò cunctorum animalium sanguinem, aut ejus analogon, contemplatur. Ego autem, seposita omni controversiā, omisissque incommodis, quæ eorum sententiam sequuntur; ea solū, quæ apud utrosque in confessō sunt, & sensu ipso evidenter dignoscuntur, atque in rem nostram luculenter faciunt, paucis expediam; prolixius de iisdem alibi tractaturus.

Quanquam sanguis (ut monui) pars corporis dicitur, eaque primogenita & principalis; tamen si secundum totam ejus massam (ut in venis se habet) consideretur; nūl vetat, quod minùs alimentum in se continere, & concoquere, partibusque omnibus apponere dicamus: eandemque rem ita sumptam tum alere, tum ali; materiam etiam corporis, & efficientem carissimam esse intelligentius: haberéque eandem naturaliter constitutionem, quam *Aristoteles* in parte primogenitā ceuluit necessariam; nempe, ut sanguis partim similaris constitutionis sit, partim dissimilaris: ait enim, Cūm propter sensum necessariò

necessario efficitur, ut siant membra similaria in animalibus; & cum vis sentiendi, vis movendi, & vis nutriendi in eodem membro contingantur; ( scil. primogenito ) sit necessario, ut membrum ( quod primum principia ejusmodi tenet ) & simplex existat, ut omnium sensibilium sit capax; & dissimilare, ut moveat & agat. Quamobrem, inquit, in sanguineo genere, cor tale habetur membrum; in exsangui autem, proportionale.

Si igitur per Cor, intelligit id, quod primum in ovo conspicitur; nempe, sanguinem, cum ejus conceptaculis, (vesiculis pulsantibus, & venis) tanquam unum idemque organum; id verissime ab eo dictum arbitror: sanguis enim, ut in ovo & vesicula cernitur, est partim similaris, & partim dissimilaris. Sin aliter intellexerit; quod in ovo visitur, eum facile redarguit: siquidem cordis substantia, absque sanguine considerata ( nimurum, conus ejus, & ventriculorum parietes) multò post gignitur; & tantisper alba manet, citra sanguinis perfusionem, donec cor in formam organi fabricatum fuerit, quo sanguis per totum corpus distribuatur. Neque eo quidem tempore, cor similaris simplicis constitutionis appareret, (qualis partem primogenitam deceret) sed fibrosum, carnosum, sive musculosum conspicitur; & quidem (ut Hippocrates voluit) planè musculus, sive instrumentum motivum est. Sanguini vero (ut primum conspicitur, & vesicula comprehensus pulsat) constitutio illa, quam Aristoteles parti principali necessariam judicavit, manifeste inept. Quippe sanguis, dum in corpore naturaliter se habet, similaris ubique constitutionis appetit. Quamprimum autem extravasatur, calorēmque nativum exiit; protinus, ( ceu dissimilare quiddam) in diversas partes abit.

At vero, si sanguis (ex naturae instituto) corpori solū nutritendo destinaretur; non nisi similaris constitutionis existeret; instar chyli, vel albuminis ovi; aut saltem ex dictis partibus, sive succis, mistum quid esset, & vere unum: quemadmodum reliqui humores, ( bilis nempe ultraque, & pituita) qui tales post obitum, etiam extra conceptacula sua, permanent; quales in vivo corpore conspiciebantur: non autem adē subito transmutaretur.

Quamobrem, quod Aristoteles parti principali attribuit, illud idem quoque sanguini proprium est. Hic enim, ut est naturale quid; heterogeneum, sive dissimilare existens, ex succis aut partibus illis componitur. Prout autem vivit, parsque animalis praecipua est, ex succis iis simul mixtis constans; est pars similaris animata, ex anima & corpore composita. Evanescente autem ( ob extinctum calorem nativum) illa sanguinis anima, substantia hujus nativa illico corruptitur, & dissolvitur in ea, ex quibus olim confluebatur: primò scil. in cruentem, postea in partes rubras, & albas; partesque rubras superiores, sunt floridiores; inferius autem sita nigricant;

nigricant. Partes porrò aliæ fibroſæ ſunt, & denſiores, ( reliqua-  
rum vinculum : ) aliæ ichorofæ, & ſerofæ, quibus coagulatus throm-  
bus innatate ſolet. Atque in hoc ſerum ſanguis tandem ferè totus  
degenerat. Partes autem iſae non iſunt vivo ſanguini, ſed à morte  
ſolum corrupto, & jam diſſoluto.

Præter jam dictas verò partes, in calidioribus & robustis animalibus,  
veluti equis, bobus, & hominibus quoque vividâ conſtitutione præ-  
ditis, alia ſanguinis pars cernitur, quæ in eo foras educto & gru-  
mefcente, ſuperiore rubrarum partium locum occupans, conden-  
ſatur ; & gelatinam ex cornu cervino, ſeu mucaginem quandam, aut  
albumen ovi crassius planè refert. Vulgus eam pituitam eſſe, exiſti-  
mat: Aristoteles autem, partem ſanguinis crudam & incoctam  
nominavit.

Observavi partem hanc, tum à reliquis diſcrepare, tum ab ipſa  
ferofa portione (cui innatate cruor in pelvi coagulatus ſolet;) tum  
etiam ab urina, quæ per renes ē ſanguine transcolatur. Neque enim  
crudior, & frigidior pars ſanguinis æſtimanda eſt, ſed magis ſpiritu-  
lis; uti arbitror, dupli ci præcipue experimento motus: Primo, quid  
floridæ & rutilanti parti ( quam ſanguinem arteriosum eſſe, vulgo  
exiſtimant) tanquam calidior, & ſpiritu plenior, ſupernatet;  
locumque supremum in ſanguinis diſgregatione obtineat.

Deinde in venæ ſectione, ſanguis hujusmodi proſiliens (qui  
plurimus abundat hominibus calidæ temperaturæ, robustis, & toro-  
ſis) longiore filo inipetuque vehementiore (tanquam ē ſiphone  
elitus) exſilit: ideóq; eum calidiorem, & ſpiritalem magis judicamus;  
quemadmodum & genitura ſœundior, ſpiritibusque plenior æſti-  
matur; quæ longè, valideque ejicitur.

Differre quoque plurimum hanc mucaginem, ab ichorofa & aquo-  
ſa illa ſanguinis parte, quæ (ceu reliquis frigidior) in iniam pelvim  
ſubſidit; dupli ci pariter argumento conſtat. Nam aquosa & ſanioſa  
pars, crudior magisque incoctus eſt, quam ut in puriore & per-  
fectiore ſanguinem tranſire poſſit. Simil etiam crassior & fibroſior  
mucago, ipſi ſanguinis grumo ſupernatans, eodem magis cocta &  
elaborata appetet. Adeóque in ſolutione five partitione ſanguinis e-  
venit, ut mucago hæc locum supremum; ſanies, infimum; grumus  
autem, partequaque rubræ, ( tam rutilantior, quam nigror) ſpatium  
medium occupent.

Quin certum eſt, non modò partem illam, ſed et universum ſanguine-  
num, imò verò carnem ipsam (ut in ijs, qui ē patibulo pendent, ob-  
ſervare licet) in ſaniem ichorofam corrumpi poſſe. Resolvuntur  
nempe in materiam, unde primo componebantur; ut ſal in lixivium,  
unde ortus eſt. Similiter in omni cachexiâ, ſanguis emissus copioſo  
fero abundant: adeò, ut interdum vix quicquam grumosi appareat,  
ſed

sed omnis sanguis una sanies videatur: sicut in leucophlegmatia ex-perimur, & animalibus ex-sanguibus naturale est.

Si etiam, paulò post sumptum cibum, ac potum; ( antequam se-cunda coctio absoluta fuerit, & serum per renes descenderit) aut sub primos febrium intermittentium insultus, sanguinem eduxeris; sa-niosum eum, incoctum, plurimoque sero scatentem reperies. Con-trà autem, si post jejenum, aut urinæ profluvium, vel sudorem copiosum, venam aperueris; sanguinem crassum ( utpote sero privatum ) totumque ferè in grumum condensatum cernes.

Et quemadmodum, crudelente sanguine, parùm admodum isti-usmodi mucaginis supernatantis reperitur; ità, si saniem illam à grumo separatam, & effusam leni foco decoxeris; eandem brevi in mucaginem hanc mutatum iri conspicias. Indicio manifesto, aquam illam, sive saniem à sanguine in pelvì separatam, urinæ forsan materiam aliquam, non autem urinam ipsam esse; licet colore & con-sistentiâ talis videatur. Quippe urina coctione non densatur in fi-brosam mucaginem, sed potius in lixivium: aquosa autem, sive sa-niosa hæc pars aliquandiu leviter cocta, in mucaginem innatantem abit: quemadmodum, vice versa, mucago istæ corruptione recru-descent, in saniem colliquatione revertitur.

Atque haec tenus quidem hanc sanguinis partem, à me observatam, in scenam produxi; de eadem post a (ut & aliis ejus partibus ad sen-sim apparentibus, Aristotelisque & Medicorum autoritate confirma-tis) uberiori dicturus.

Hic, nè à proposito longius aberrem, sanguinem (cum Aristotele) accipiendum censeo; non ut simpliciter intelligitur, & cruor dicitur; sed ut corporis animalis pars vivens est: Ità enim Philosophus: San-guis est calidus, quasi aquam ferventem nomine uno significemus; non verò l. 2. c. 3. ut subiectum calidum. - Caliditas enim in ejus ratione inest, quemadmodum albedo in albi hominis ratione. At eo, quæ sanguis per affectionem sive passionem est, non per se calidus est. Pari modo de secco & humido statu-endum est. Quapropter in ejusmodi rerum naturâ, partim calida & humili-da sunt; sed separata congelascunt, & frigida esse videntur; qualis est sanguis.

Sanguis igitur, prout est corporis pars vivens, ambiguæ naturæ est, & duobus modis considerandus venit. Adeoque materialiter, & per se, nutrimentum dicitur: formaliter verò, & quatenus calore, & spiritibus ( immediatis animæ instrumentis ) ipsaque animâ præ-ditus est; corporis lar, ac conservator, pars principalis, primogenita, & genitalis astimandus est. Et quemadmodum ovum prolifi-cum, materia, instrumentum, atque opifex pulli existit; Medicique omnes, utriusque sexus genituram protinus à coitu in utero mistam, caussam factus tum materialem, tum efficientem existimant: ità me-

liore jure quis affirmaverit, sanguinem esse corporis materiam pariter & conservatorem, non autem solum alimentum. Quippe notum est, in animalibus, fame enectis ; & hominibus quoque, qui tabidi intereunt ; plurimum sanguinis, etiam post obitum, in vasis superesse. Quinetiam adolescentes, qui augentur ; & senes, qui jam decrescunt, & minuantur ; proportionalem sanguinis quantitatem obtinent : prout nempe caro illis vel aucta, vel diminuta fuerit. Quasi sanguis pars corporis sit, non autem huic nutriendo solum destinatur. Enīnvero, si huic duntaxat usui inserviret, nemo fame periret, quandiu sanguinis quicquam in venis reliquum haberet : quemadmodum & lucernæ flammula non extinguitur, quandiu inflamabilis olei in ea vel minimum suppetit.

Dum autem afferro, animani primò ac principaliter in sanguine residere: nollem hinc perperam concludi, omnem phlebotomiam esse periculosam, aut noxiā: vel, cum vulgo, credi; quantum sanguinis detrahitur, tantundem simul vitæ decadere; quid sacrae paginæ, vitam in sanguine constituerint. Quotidianā enim experiētiā notum est, sanguinis missiōnem esse plurimorum morborum salutare auxilium, & inter remedia universalia p̄cipuum: utpote cuius vitium, vel abundantia, maximam morborum catervam constituat ; & opportuna evacuatio, à morbis periculosissimis, morteque adeò ipsā s̄pē liberet. Quantum enim sanguinis ex arte detrahitur, tantundem vitæ ac salutis additur.

Id ipsum nos Natura docuit, quam Medici sibi imitandam proponunt : hæc enim, largâ & criticâ evacuatione per nares, menstrua, aut hæmorrhoidas, affectus s̄pē gravissimos tollit. Ideoque adolescentes, qui pleniore vietu utuntur, vitamque in otio transiungunt, nisi circa decimum octavum, aut vicefimum aetatis annum (quo tempore sanguinis copia, unā cum corporis incremento accumulari solet) aut spontaneo per nares, vel loca inferiora effluvio; aut apertâ venâ, à sanguinis onere liberentur; plerunque febris, variolis, capitis doloribus, aliisque morbis & symptomatis gravioribus periculosissimè ægrotant. Quod respicientes Veterinarii, omnem ferè jumentorum medelam à venæ sectione ausplicantur.

*Quænam*

*Quænam colligenda veniant, ex ductu venarum  
umbilicalium in Ovo.*

### Exercitatio 52.

**S**Anguinem in ovo, & conceptu, ante alia factum cernimus : eodemque ferè tempore, receptacula ejus, venæ scil. & vesicula pulsans, manifestè apparent. Idéoque si punctum saliens, unâ cum sanguine & venis, tanquam unum idénique instrumentum, in primo fœtûs exordio conspicuum, pro corde accipiamus, (cuius parenchymia postmodum, in formatione fœtûs, vesiculæ superoritur) manifestum est, cor in animalibus hoc modo acceptum, (nempe organum ex parenchymate, ventriculis, auriculis, vasis, sanguinéque compositum) esse revera (ut Arist. voluit) partem corporis principalem & primogenitam : cuius tamen pars prima & præcipua sit sanguis ; idque tum naturâ, tum generationis ordine.

Partes in generatione sanguini proximæ, sunt venæ : sanguis enim necessariò in vasis continetur. Ac propterea (ut Arist. observavit) meatus duo venales statim ab initio reperiuntur ; qui postea (ut in historia docuimus) umbilicalia vasa constituunt.

Ex horum itaque situ, ductuque, quædam animadvertisca veniunt. Ac primò quidem, Venas & arterias omnes à corde ortum ducere : sunt enim quasi cordis appendices, aut partes quædam. Si igitur fœtum (humanum, aut aliud aliquem) nuperrimè natum diligenter inspexeris, dissectaque venâ cavâ inter auriculam dextram cordis & diaphragma, deorsum versus contemplatus fueris : comperies tria foramina ; quorum maximum, & posterius ad spina tendens, est venæ cavæ descendensis ; anterius, & minus, in radicem ac truncum vasorum umbilicalium fertur ; tertium, & minimum, jecur ingreditur, estque ramulorum omnium in gibbum hepatis sparsorum origo, & truncus. Unde apertè constat, venas è jecore (ut plurimi volunt) tanquam principio, nequaquam proficiunt ; sed à corde : nisi quis obstinate affirmare velit, truncum venæ ab aliquo suo ramulo, non autem ramos à trunco ortum ducere.

Porrò, cùm dicta vasa in ovo, in albumen pariter ac vitellum pargantur, (non aliter, quam plantæ radices in terram solent;) constat, utrumque hunc liquorem, pro nutrimento fœtui esse ; eundemque

*De hist. an.* démine per vasa illa ad hunc deferri : Idque contrà Aristotelem, qui  
l. 6. c. 3. passim asserit, *nullum ex luteo solum per umbilicum cibum petere, constitui*  
*De gen. an.* *verò ex albumine.* Absuntur equidem primò albumen ; & vitellus  
l. 3. c. 1. & 3. serò tandem pro cibo est, lactisque vicem in jam natis animalibus  
supplet. Nempe ut, quale alimentum Natura in viviparis anima-  
libus per ubera porrigit ; tale in oviparis per vitellum exhibeat.  
Quare accedit, ut omni albumine absunto, vitellus terè integer in  
ovo superfit, perfecto iam & consummato pullo ; diuque etiam  
post ejus exclusionem.

*Aristoteles* quidem decimo post nativitatem die, aliquid vitelli super-  
esse reperit : nos autem, etiam post sex septimanas, nonnihil ejus, in  
ventre pulli, intellectino affixum vidiimus.

Tamen ex vitello intra pulli abdomen recepto, ( qui, dum fœ-  
tus formatur & augetur, non aquæ, ac albumen, decrescit ; sed ferè  
integer permanet, absunto jani utroque albumine ) & venarum per  
ipius vitelli substantiam distributione ; quæ omnes in unum trun-  
cum collectæ, in venam Portæ perforantur ; pleniorisque in jecore  
coctionis gratiâ, partem vitelli, quam absorbent, eò deferunt : his,  
inquam, aliisque similibus argumentis ductus ; non possum, non-  
cum Aristotele fateri, vitellum pullo in cibum cedere, lactique ana-  
logen esse.

Non integer quidem vitellus post consummatum fœtum superest ;  
nam portio illius quædam in prima pulli conformatione eliquatur,  
venarumque propagines ( non minùs, quam albumen ) recipit, per-  
quas, jam præparatus, fœtui in nutrimentum cedit : certum tamen  
est, maximam illius partem absunto jam albumini superstitem  
esse ; eamque in ventrem pulli modò exclusi receptam, & à ramulis  
venæ Portæ attractam, tandem in jecur deferri.

Manifestum igitur est, pullum jam exclusum, ( dum adhuc tenel-  
lus est ) vitello nutririri. Et quemadmodum is intra ovum, partim  
ab albumine, partim ex vitello alitur ; præcipue verò ab albumini-  
bus, quæ & majore copiâ adsunt, & cito absuntur : ita similiter  
jam exclusus ( cui omne adveniens alimentum jecur pertransit, &  
ibidem ulterius præparatur ) partim vitello, partim chylo ex in-  
testinis hausto, nutritur ; præsertim autem chylo, quem plures  
venarum mesaraicarum ramuli ad se rapiunt ; cum in vitellum una  
solum Portæ propago distribuatur, & jam parva ejus copia superstet.  
Facit scilicet natura, quod nutrices solent ; quæ sensim infantes suos  
ablactatur, cibaria iis interdum exhibit ; quod lactis potea indi-  
gentiam facilius tolerent. Ita similiter pullus, ab alimento facili-  
orisi digestionis, ad id, quod concoctu magis difficile est ( nempe à  
vitello, ad chylum ) paulatim deducitur.

Quapropter summâ ratione fit, quod ex venarum ductu in ovo  
percipimus.

percipimus. Quamprimum enim pullus inchoatur, *venæ* solummodo in *colliquamentum* distribuantur: quo *sanguis* enutritus & auctus, corpus sibi educandum adjungit. Postea autem in *albumen* tenuius extenduntur; unde pullus (dum adhuc gelatinam, sive mucaginem, & *galbam* refert) incrementum sumit: deinde, in *albumen* crassius: mox etiam in *vitellum* venarum ramuli porrigitur, ut eo etiam nutritur *fœtus*; qui denique, tenellus etiamnum existens, partim *vitello* (ceu *lacte*) intra *abdomen* recondito; partim pabulo, matris operâ comparato, præparatōque alitur; donec ip̄s̄met cibum idoneum quærere, & concoquere valeat. Adeo per totam generationis seriem, nascituro *fœtui*, vario alimento, variis digestivæ facultatis viribus respondente, Natura sapientissimè consuluit. Teneriori nempe pullo, alimentum delicatus præparatur: grandiori jam factò, firmior victus conceditur: mox autem, cùm solidiori pabulo confiendo sufficit, duriora ei cibaria offeruntur. Ideoque factum arbitror, ut perfecta ova non modò bicolora, sed etiam dupli albumine instricta sint.

Quod nos per se ipsius experientiam invenimus, id etiam Aristotelis sententia congruit, ubi ait: *Pars ejus que calida est, propius ad fermentam in membris instituendis accedit; que autem terrestrier est, corporis constitutionem præbet, & remotior est.* Quamobrem in bicoloribus *ovis*, animal initium sue generationis à candido sumit, (initium enim animale in calido est) cibum à luteo caput. Calidioribus itaque animalibus seorsum ista habentur distincta. Nempe, ex quo principium ortus, & ex quo alimentum; atque alterum candidum, alterum luteum est.

Ex dictis patet, pullum, (idque postea de omni pariter conceputu demonstrabimus) ut ab insito ovi principio, sive animâ, oriatur & efformatur; ità quoque victum sibi in ovo quærere. Quare matre illi non est opus; ut plantis, terrâ. Nec magis verum est, eum materno sanguine nutriti, aut spiritibus matris vivere, & cor pulli interea feriari; quam, eundem maternis organis sentire, ac moveri; aut ejus animâ vegetari, & adolescere. Sed manifestò liquet, & ab omnibus conceditur, fortunâli per vasa umbilicalia; meatusque veniales in albumen & vitellum disseminantes; ex his nutrimentum haurire, quod *fœtui* impertiant. Constat etiam, pullo jam excluso alimentum suppeditari, partim à *vitello*, & partim à *chylo*; & utrumque per eandem venam portæ in jecur transire; licet per diversos ejus ramulos id contingat.

Apertum itaque est, (ut id nunc obiter dicam) chylum, quo cuncta animalia nutritiuntur, ex intestinis per venas mesentericas defiri; nec opus esse, ut novum iter (venas lacteas scilicet) inquiramus, aliuviae transitum in adultis comminiscamur, præter eum, quem in ovo & pullo compertum habemus. Opinionis autem hu-

ius inconveniens , alibi uberioris indicavimus.

Denique, ex constitutione vasorum umbilicalium in ovo, (quorum alia, venas ; alia, arterias esse ; in historia diximus ) colligere licet, dari motum sanguinis circularem, ( qualem jam pridem, in libello nostro, de motu sanguinis in animalibus, demonstravimus : ) idque vegetandi , nutriendi , atque augendi gratiâ : ac propterea , venas quidem umbilicales in utrunque ovi liquorē disseminari , ut inde fœtui alimoniam apportent ; arterias verò etiam ad eosdem pertendere, ut caloris iugis affluentia alimentum concoquant, collquent, & nutritioni idoneum reddant.

Atque indè evenit ; ut, quocunque venæ ( eodem nomine, arteriæ quoque hinc intelligendæ sunt ) in albumen, aut vitellum pertingerint ; partes illæ colliquatae, diversaque à reliquis facie apparent. Quamprimum enim venarum ramuli expullulant, pars albuminis superior sive exterior ( cui implantantur ) in colliquamentum abiens translucet ; pars autem inferior, crassa & compacta manens, in innum ovi angulum detruditur. Similiter vitelli quasi binæ partes ( superior, & inferior ) apparent ; nec minus ab invicem discrepant, quam cera liquata, à non liquatâ, sive eâ, quæ consistentiam pristinam servat ; nimurum, pars illa, quæ venas accepit ; ab altera, quæ nullis adhuc fruatur.

Hinc porrò de animalis exordio, primòque inhærente ovi principio, facti sumus certiores. Quippe manifestè constat, cicatriculam, sive maculam, particulam esse ovi principalem, ad quam reliquæ omnes referendæ sint ; cuíque ( si ulli, præ cæteris ) debeatur, quicquid demum id fuerit, quod ovum fœcundum reddit : pulchrique generationem ab eadem primùm inchoari. Ideoque, ( ut diximus ) statim à gallinæ incubatione, cicatricula primò omnium dilatatur, augetur, & colliquamentum constituit ; in quo protinus sanguis emicat, venæ sparguntur, caloris nativi effectus, formantisque opificis opera elucentur : quantóque altius venarum illarum ramiculi diffunduntur, tanto quoque latius vitalis facultatis indicia propagantur, animæque vegetativæ præsentia dignoscitur. Enimvero effectus omnis, efficientis sui clarum indicium est.

Verbo dicam : ex cicatricula ( in qua primuni caloris nativi vestigium cernitur ) tota generatio ; ex corde, totus pullus ; & ex vasibus umbilicalibus, membranæ omnes fœtum involventes ( quas secundinas nominamus ) dependent. Ideoque concludimus, Fœtus partes invicem subordinatas esse, vitamque primùm à corde mutuari.

De

*De ordine partium in generatione ex Ovo, secundum  
Fabricium.*

*Exercitatio 53.*

**C**onstituto jam, quænam pars prima habenda sit; sanguis scilicet, cum receptaculis suis, corde, venis, & arteriis; sequitur, de reliquis corporis partibus, quo ordine quæque generetur, jam dicamus.

*Fabricius* (cujus vestigia, in generatione pulli, sequi instituimus) priusquam partium ordinem aggreditur, actiones, quæ in ovo conspicuntur, & quarum operâ partes proveniunt, recenset; earundemque facultates ordine commemorat: quasi ex illis, de partium quoque generationis ordine clarius constet. *Tres*, inquit, *primum* Pag. 41, actiones sunt, quæ in ovo avi supposito apparent. *Prima* est, pulli generatio; *secunda*, ejusdem accretio; *tertia*, nutritio nuncupatur. *Prima*, i. e. generatio, propria est ovi actio: *secunda*, & *tertia*, (*videlicet* accretio & nutritio) majore ex parte extra ovum succedunt; tamen in ovo incoan-tur, & quoque perficiuntur. Quæ actiones, sicuti à tribus facultatibus diminant, generatrice, auctrice, & nutritoriæ; sic eas tria opera facta consequuntur. Ex generatione enim omnes pulli partes resultant; ex accretione, & nutritione, auctum & nutritum pulli corpus. De pulli generatione prius agentes, scire licet, ope generatricis facultatis, pulli partes, (quæ prius non erant) produci, atque ita ovum in pulli corpus migrare. Dum autem quævis pars in alteram commigrat, illam propriæ essentiæ commutationem subire necessarium est; (*aliquin* eadem substantia maneret;) similiisque eandem, in aptam & convenientem naturæ sue figuram, situm, & magnitudinem conformari est necesse: hisque duabus absolvitur procreatio substantiæ, commutatione, & conformatio-ne. *Immutatrix* igitur, & formatrix facultas, harum functionum cause erunt. Una, unamquamque corporis partem, qualē cernimus, ex ovi chalazâ produxit; altera, figuram illi, compaginque, & situm propriis usibus idoneum contulit. *Prima*, quæ immutatrix, sive alteratrix appellatur facultas, tota naturalis est, & sine ullâ cognitione agit; & calido, frigido, humido, & sicco assumpto, totam per totam chalazæ substantiam alterat, & alterando in pulli partes immutat; hoc est, in carnem, ossa, cartilaginem, ligamenta, venas, arterias, nervos, ceteraque in animali, aut pullo partes omnes similares, ac simplices convertit; easque ex proprio, ingenitóque calore, & spiritu galli semen.

semen ex ovo, (i. e. chalazâ) alterando, & commutando generat, creat, produc, que propriam substantiam, substantiaque proprietatem cuique impertiens. Altera, que formatrix dicitur, quæque similares partes dissimilares efficit (iis scil. ornatum ex apta figurâ, justâ magnitudine, idoneo situ, & congruo numero conferens) jam propositâ longè nobilior est, & summa sapientiâ predita, non naturaliter, sed cum electione, & cognitione, atque intellectu agit. Videtur siquidem formatrix facultas exactam habere cognitionem, & providentiam, tum futurae actionis, tum usus cujusque partis & organi. Atque hæc de prima ovi actione, quæ est pulli generatio; ad quam celebrandam, & galli semen agens, & facundans, & chalaza, tanquam materia, substituta est. Secundo loco accretio insurget, que nutritione expletur; cuius facultates sunt, attractrix, retentrix, concoctrix, & expultrix; denique, quæ apponit, agglutinat, & tandem nutrimentum assimilat.

Hanc autem actionum distributionem, nec rectam, nec utilem, neque huic loco accommodam censeo. Non rectam quidem; quia actiones illæ, quas videtur specie, ac tempore distinctas voluisse, (nempe, ut partes primò fiant similares, ab alteratrice facultate; postea formentur, & organizentur; deinde àugeantur) in generatione pulli, nusquam comparent: partes enim omnes simul generantur, distinguuntur, & augentur. Nam licet aliter fiat, in eorum animalium generatione, quæ per metamorphosin constituantur; ubi ex materia priùs existente, satisque auctâ, & præparata, partes omnes per transformationem discernuntur, & delineantur (veluti, cùm ex eruca fit papilio; ex nectaldo, bombyx:) in generatione tamen per epigenesin, res longè aliter se habet; neque idem fit, quod in nutritione; quæ diversarum partium, operis societate invicem opitulantim, diversis actionibus peragitur: ubi nempe, alimentum priùs attrahitur, & retinetur; postea concoquitur; mox distribuitur; tandemque agglutinatur. Nec similaris constitutio fit à facultate immutatrice, citra omnem providentiam (ut Fabricius censuit;) organica autem, à formatrice, quæ cognitione & providentiâ utatur. Quippe generatio, & accretio, non fiunt absque nutritione; nec nutritio, aut augmentatio, sine generatione. Nutrire enim, est substituere in locum deperditi, quantum & quale amissum est: nimirum carnem, aut nervum, in locum illius carnis, aut nervi, qui perierit. Quid autem id aliud est, quâm carnem aut nervum facere? Similiter, accretio non contingit sine generatione: corpora enim omnia naturalia, accedentibus noviter iis partibus, augentur; è quibus antea constabant: idque fit secundum omnes dimensiones; adeoque simul ac crescunt, distinguuntur unâ, & organizantur.

At verò generare pullum, nîl aliud est, quâm singulas ejus partes, membra, atque organa fabricare: quæ licet ordine producantur, aliâque aliis (organâ scil. minùs principalia, magis principalibus) postgenita

postgenita sint ; dum ipsa tamen organa distinguntur, non eo ordine generatio illorum procedit, ut partes similares primū fiant, atque organicæ postea ex iisdem componantur ; sive, ut partes componentes prius existent, quām compositum ex iis exstruatur. Quāquam enim pulli caput, & reliqua ejus corporatura (similaris primū constitutionis cū sint) mucum, sive gluten quoddam molle referunt, unde postea singulæ ordine partes efformantur : eādem tamen operā, atque ab eodem opifice, fūnt simul, & augentur ; &, prout creverit illud glutini simile, partes pariter distinguntur. Simul nempe generantur, immutantur, & formantur ; similares unā existunt, & dissimilares ; & ex parvo similari, fit organum magnum. Non alio sanè modo, atque ordine, quām ex culmo, spica, aristæ, & granula oriuntur, & distinguntur : quāmve arbores, dum gemmulas protrudunt, ex iisdem flores, frondes, fructus, ac tandem semina explicant, & producunt.

Id nos docuit diligens ovi observatio, ex rebus in eo conspicuis. Siquidem ex operibus, actiones sive operationes ipsæ dignoscuntur ; ex operationibus, facultates ; & ex his, opifex sive generans nobis innotescunt. Quare in generatione pulli, actiones sive facultates generantis, (quas *Fabri*cīus memorat ; nempe, immutatrix, & formatrix) non differunt specie, aut secundūm prius & posterius ; sed (ut Arist. loqui solet) ipso esse, & ratione solūm ; non ut, post ortum, nutritivæ facultatis actionibus contingit, (attractioni nimirum, coctioni, distributioni, & appositioni) quæ variis locis, & temporibus munia sua exequuntur. Aliás enim generatrix ipsa diversis quoque instrumentis uti, ad varias suas operationes obeundas, cogeretur.

Quare perperam *Fabri*cīus afferit, *Immutatricem* facultatem, virtutibus elementorum, calido nempe, frigido, humido, & sicco (tanquam instrumentis,) operari : *formatricem* verò sine his, ac divinore quodam modo agere ; quasi scil. cogitatione, electione, ac providentiâ pensum suum absolveret. Rem enim si penitus introspexisset ; vidisset, tam *formatricem*, quām *alteratricem* facultatem, calido, frigido, humido, & sicco, (tanquam instrumentis) uti : nec minus divini numinis, atque artificii, in *nutritione* & *immutatione* deprehendisset, quām in ipsius *formatricis* operationibus. Quippe Natura omnes istas facultates in finem aliquem instituit ; & ubique cum providentia & intellectu operatur. Quicquid est in semine plantarum, quod ipsum foecundum reddit, & plasticam vim in eo exercet ; quódque in ovo peritissimi opificis vicem gerit ; pulli partes producit, & fabricat ; calefaciendo, refrigerando, humectando, siccando, concoquendo, condensando, indurando, emolliendo, colliquando, simul fingit, & auget ; figurā, situ, constitutione, tem-

perie, numero, atque ordine distinguit; eadem istuc providentia, electione, & intelligentia (non minus immutando, quam nutriendo, augendo, & forniendo) omnia disponit, & exequitur.

Facultates, inquam, coetrix, & immutatrix; nutritrix, & auxiliatrix; (quas *Fabri*ciius, calido, frigido, humido, & sicco duntaxat, sine ulla cognitione agere voluit) non minore artificio, nec minus in destinatum finem operantur; quam formatrix facultas; quam ille future actionis, usque cujuslibet partis & organi, cognitionem & providentiam habere afferit. Quemadmodum ars medica, pistoria, & coquinaria (quæ calidis, frigidis, humidis, & siccis; similibusque naturalibus instrumentis utuntur) non minus rationis usum postulant; quam artes mechanicae, quæ vel manibus laborant, (ut fabrilis, statuaria, & singularis) vel instrumentis aliis artificialibus operantur. Quintam, ut in mundo majore, *Jovis* omnia plena nobis dicuntur; ita pariter in pulli corpusculo, singulisque ejus actionibus & operationibus, digitus Dei, sive Naturæ numen elucescit.

Quamobrem, si ex operationibus fas est de facultatibus judicium ferre; vegetativæ operationes potius videntur arte, electione, & providentiâ institui; quam animæ rationalis, mentis actiones: idque etiam in homine perfectissimo; cuius scientiæ atque intellectus summa perfectio, in eo potissimum (*Apollinis* judicio) consistit, ut noscat se ipsum.

Superior itaque, ut diximus, & divinior opifex (quam est homo) videtur hominem fabricare, & conservare: & nobilior artifex (quam gallus) pullum ex ovo producere. Nempe, agnoscimus Deum, creatorem summum atque omnipotentem, in cunctorum animalium fabricâ ubique præsentem esse; & in operibus suis quasi digito monstrari: cuius, in procreatione pulli instrumenta sunt, gallus & gallina. Constat quippe, in generatione pulli ex ovo, omnia singulari providentia, sapientia divina, artificioque admirabili, & incomprehensibili, exstructa ac efformata esse. Nec cuius sanè hæc attributa convenient, nisi omnipotenti rerum principio; quocunque demum nomine id ipsum appellare libuerit: sive, mentem divinam, cum *Aristotele*; sive, cum *Platone*, animam mundi; aut, cum aliis, naturam naturantem; vel, cum *Ethnicis*, *Saturnum*; aut *Jovem*; vel potius (ut nos decet) Creatorem, ac Patrem omnium quæ in cœlis & terris; à quo animalia, eorumque origines dependent; cujusque nutui, sive effato, sunt & generantur omnia.

Porrò (ut monui) hanc actionum sive facultatum animæ distributionem (quam *Fabri*ciius generationis partium ordini præmisit) uti haud rectam, ita neque utilem, aut negotio huic nostro convenientem arbitror. Neque enim ex actionum aut facultatum notitiâ, ad operum earum cognitionem devenimus: sed vice versa potius;

ab operibus, ad facultatum scientiam ascendimus; opera enim notiora nobis sunt, quam facultates, unde proveniunt: & partes (quas jam factas cernimus) in generatione facilius innotescunt, quam actiones, a quibus oriuntur.

Nec commode etiam, in particulari pulli ex ovo generatione, ea pensitanda aut determinanda veniunt; quae universalem cunctorum animalium generationis observationem postulant. De hac re autem postea plusculum dicetur.

Interea vero, ut ad partium generationis ordinem accedamus, supereft (ait Fabricius) contemplemur, & perpendamus, quo ordine, hoc est, <sup>Pag. 43.</sup> que prius, que posterius partes & organa in ovo gignantur. In cuius indagine, duo ponenda fundamenta sunt: alterum, a corpore; alterum, a re incorpore a desumptum: ut puta, a natura, & ab anima. Corporeum fundementum appello (inquit) quod a natura corporis dependet, & fuit: & ab arte facis facile exemplum desumitur: Sicuti enim quoscunque edificium, prius fundamenta requirit, super que universum edificium ponatur, ut sustentetur: inde parietes eriguntur, a quibus & pavimenta, & tecta sustinentur; tum vero supellex, & cetera domus ornamenta iis appenduntur, ac stabiliuntur; ita profecto natura fabricam animalis molitur. Ossa enim, tanquam fundamenta, primam constituit, ut iis omnes corporis partes adnascantur, appendantur, ac stabiliantur. Quae etiam alio nomine prius formantur, & constituuntur. Nam cum ossa ex mollissimâ & membranâ substanciali, primam suam habeant originem, & paulo post durissima fiant; ideo multam temporis ponit oportet in generatione ossis, ut os durissimum efficiatur; ideoque prius gignitur. Hinc Galenus non cuicunque artificio animalis fabricam comparat, sed maxime navigio. Inquit enim, sicuti navigii fundamentum & principium carina est, ex qua costæ hinc inde in circulum recurvatae, & instar cravis modice inter se distantes porrigitur, ut universa navigii fabrica ex carina, tanquam ex congruo supposito principio, postea consummetur; sic in animalis fabricâ, natura per spinam porrectam, & costas circunduetas, quasi carinam, & fabricæ principium congruum constitutum, totam deinde componit, & perficit molem.

Verum, haec aliter longè se habere, experientia docet; quâ constat, ossa potius ultimò tandem fieri. Quippe artuuni ossa, calvaria, & dentes, non prius nascuntur, quam cerebrum, & musculi, aliæque partes carnosæ: sed post nativitatem, tenellis, & perfectis alias fœtibus, cartilaginiæ duntaxat, aut membranæ sunt; quæ postea, temporis tractu, in ossa evadunt: uti ex infantium calvariâ appareat, & embryonum costis, ac juncturis.

Et licet veruni esset, primum corporis rudimentum, instar carinæ recurvæ, cerni; mollis tamen, mucosa, & glutinosa substantia est; nulloque modo ossis naturam, constitutionem, aut officium refert. Quemadmodum & globuli inde penduli (capitis partibus

destinati) nihil in se habent solidi; sed sunt duntaxat vesiculae aquae limpidae plenae, quae postea in cerebrum, cerebellum, & oculos efformantur; tandemque calvariam induunt: postquam scil. rostrum, atque ungues, soliditatem ac duritatem acquiverint.

Quare supina, & iniqua est hæc Fabricii contemplatio; dum non penitus, quid à natura in generationis ordine factum sit; sed potius, quid, ad mentem ipsius, à natura fieri debuerit: allatâ ad eam rem, ab ædificio arte-facto similitudine. Quasi verò natura artem imitetur, & non potius ars naturam. Cujus rei memor, ipsem postea ait: *Satius fuerit dicere, artem ab ipsa natura didicisse, & ipsam fuisse imitatum: quoniam, ut dicit ubique Galenus, natura & antiquior, & in operibus suis magis sapiens, quam ars.*

*Pag. 44.* Et quanquam ossa, totius corporis fundamenta sunt, sine quibus nec stare, nec moveri ipsum possit: sufficit tamen, si simul cum iis partibus existent, quæ ipsis innituntur. Illis enim (quæ stabilienda sunt) nondum existentibus, frustrâ parantur stabilimina. Natura autem nihil agit temerè; nec partes constituit, antequam earum usus ullus sit. Sed animalia omnia partes suas obtinent, simul ac earum actiones, & usus requiruntur. Ideoque primum hoc Fabricii fundamentum, observationibus ipsius in ovo, & Galeni similitudine innixum, planè evertitur.

*Ibid.* Videlur proprius ad veritatem collimasse, ubi ait: *Alterum fundatum partium prius & posterius generandarum, sumitur à natura, hoc est, ab anima; à qua animalis corpus regitur, ac gubernatur. Si enim duo sunt gradus animæ, vegetalis, & sensitivus; vegetalisque est tempore, & natura prior, cum ipsis plantis sit communis: omnino organa vegetali deservientia, prius generanda conformandaque sunt, quam que sensitiva & motiva facultati accommodantur; præcipue autem principalia, & que rationem obtinent gubernantis. Sunt autem hæc organa potissimum duo, jecur, & cor: jecur quidem, tanquam sedes concupisibilis, seu vegetalis, seu nutritoria: cor autem, tanquam organum, quod suo calore, & vegetalem, & quamcumque aliam facultatem vegetat, & perficit; ideoque cum vegetali societatem, & nexus validum habet. Unde si in supposito ovo, post tres dies videas eam parte, quâ pullus gignitur, cor palpitare, (ut Arist. quoque testatur;) non mireris, sed dicas, Cor ad vegetalem pertinere, & propterea primum generari. Rationi quoque consentaneum est, & jecur similiter unâ cum corde gigni, sed latere, quia non palpitat, ut cor. Nam & ipse Arist. jecur, & cor pari ratione in animali corpore constitui, asservat; ita ut, si cor est, sit & jecur. Si igitur jecur, & cor primè generantur; consonum quoque est, & cetera organa his duobus deservientia, cum his similiter generari; ut ratione cordis, pulmones; & ratione jecoris, omnia ferè membra que in infimo ventre consistunt.*

Hæc verò longè aberrant ab ordine illo, quem in ovo conspicimus.  
Neque

Neque enim verum est, jecur una cum corde gigni. Nec valet plasma, quod allinit: latèrè jecur, quia non palpitat. Nam & oculi, & vena cava, & carina, ab initio cernuntur, licet non palpitent. Quidni igitur jecur quoque, & pulmones (si tunc temporis ad sint,) citra palpitationem conspiciantur? Quinetiam ipsam, in figura quarti diei, punctioni exiguum in medio depinxit; cuius tamen palpitationem nullam indicavit; nec pro corde quidem agnovit, sed corporis rudimentum esse creditit. Quamobrem ex conjectura solum, & præconceptâ opinione, de jecoris principatu loquutus est: quemadmodum & alii (*Aldrovandus scil. & Parisanus*) qui cùm forte in bina puncta incidissent, nec utrumque simul pulsare cernerent; alterum eorum pro corde, alterum pro jecore habuerunt. Quasi verò jecur pulset unquam! nam bina ista puncta, vesiculæ pulsantes sunt; fibique invicem alternis contractionibus respondent: veluti in *historia* indicavimus.

Quare fallitur *Fabricius*, aut fallit; dum ait, *in primâ statim pulli generatione, jecur, cor, venas, arterias; pulmones, & omnia membra in infimo ventre contenta generari; item carinam, hoc est, caput cum oculis, ac totâ spinâ, & thorace conformari*. Nam cor, venæ, & arteriæ, aliquandiu ante carinam, perfectè distinguuntur; & carina, ante oculos; oculique, rostrum, & latera, ante membra in imo ventre contenta: ventriculus quoque, & intestina, prius, quam jecur, aut pulmones discernuntur: aliisque similiter in generatione, ordine eveniunt; de quibus mox dicemus.

Fallitur etiam, cùm vegetalem animæ partem, & tempore, & naturâ, priorem sensitivâ ac motivâ statuit. Quod enim naturâ prius est, id ferè in generationis ordine posteriori existit. Tempore quidem, vegetativa anima prior est: quippe sine illâ, sensitiva anima esse non potest. Nequit enim actu existere, sine organis; cùm sit actus corporis organici: sensitiva autem, & motiva organa, vegetativæ opera sunt: etsique anima sensitiva (antequam actu existit,) tanquam *trigonus in tetragono*. Natura verò, quod principale & nobilissimum est, id primario intendit: ideoque vegetativa potentia, naturæ ordine, posterior est; utpote sensitivæ ac motivæ facultatibus subserviens.

De ordine partium in generatione, ex sententiâ  
Aristotelis.

Exercitatio 54.

*De gen. an. l. 2, c. 4.* **Q**UÆ ad generationis ordinem spectare videntur, ex Aristotele quidem hæc sunt: *Cum conceptus institutus est, facit simile iis, que seruntur.* Principium enim primum semina quoque intra se continent: quod potentia primò contentum, ubi secretum mox est, germen mittit, & radicem, quâ alimentum assumitur: incrementum enim desideratur. Sic in conceptu quodammodo, cum partes corporis omnes potentia insint, principium maximè promptum habetur.

Principium hoc in ovo (plantarum germini analogon) maculam, sive cicatriculam cum Fabricio nominavimus; eamque esse particulam principalem diximus, utpote in quo partes reliquæ omnes potentia insint, & unde postea suo quæque ordine orientur. In illa nempe continetur id, (quicquid demum fuerit) quod ovum fecundum reddit: ibique facultatis formaticis operatio, & caloris vegetalis effectus primum cernitur.

Macula istæc (ut diximus) statim ab incubatione dilatatur, & in circulos dispergitur; in quorum centro punctum exiguum album (instar cicatriculæ, in pupilla oculi,) sese exerit; ubi mox punctum rubrum pulsans cernitur, cum venarum sanguiferarum capillamentis: idque illico, quamprimum colliquamentum à nobis dictum, ex ea constitutum fuerit.

*Ibid.* Quamobrem (addit Aristoteles) cor primum actu secernitur; quod non modo sensu ita fieri constat, verum etiam ratione. Cum enim quod dignitur, de ambobus abjunctione jam est; se ipsum gerere, gubernare, & dispensare debet; perinde quasi filius à patre emancipatus, seorsimque collocatus. Itaque principium, idque intrinsecum haberri oportet, à quo etiam postea ordo membrorum describatur, & quæcumque ad absolvendum animal pertinent, disponantur. Nam, si extrinsecus aliquando aderit, & post inesse incipiet; non solèm dubitaveris, & quonam tempore accedat quæsieris; sed etiam cum pars quævis distinguitur, id primam substare necesse est, ex quo & incrementum, & motus cæteris partibus contingat. Alibique asserit, principium illud primum, esse partem totius; & non abjunctionem quippam, quod *l. 2, c. 1.* seorsim ab eo contineatur. Etenim, inquit, generato jam animali, corruptiorne illud, an maneat? At nihil inesse videtur, quod non totius pars

*pars sit, aut plantæ, aut animalis. Quinetiam corrupti, postquam vel omnes, vel aliquot partes effecit, absurdum est; quid enim efficiat reliquias? Quamobrem (porro ait) qui ita, ut Democritus, dicunt exteriora primam animalis discerni, tum interiora; quasi lapideum aut ligneum animal condant, non recte dicunt: res enim talis nullum in se principium habet. At animalia omnia habent, atque intra se continent. Quapropter cor primam distinctum in omnibus inspicitur animalibus, que sanguinem habent. Id enim principium est & similarium, & dissimilarium partium. Jam enim principium id accepisse animalis, constitutique factus decet, cum alimentum desiderat.*

*Quibus clarè patet, Aristotelem, in animalium generatione, ordinem quendam statuisse, & principium; cor nempe, quod (instar filii emancipati) sit pars animalis primogenita, & animata, in ipso contenta, & permanens; unde non solum ordo membrorum describatur, sed animal ipsum conservetur, & dependeat; viximusque ac vitam continuè accipiat; indeque, quicquid perficiendo animali est necessarium, derivetur. Nam (ut ait Seneca) in semine omnis futuri Nat. qu. ratio hominis comprehensa est. Et legem barbae, & canorum, nondum natus l.3. c.29. infans habet. Totius enim corporis, & sequentis etatis, in parvo, occultaque lineamenta sunt.*

Num cor autem sit hæc pars primogenita, necne; superius à nobis determinatum est. Nimirum, si Aristotelis dictum de illa parte intelligatur, quæ (in dissectionibus animalium) præ ceteris, sensu constare percipitur; (scil. de puncto saliente, una cum venulis sanguine refertis:) nos ejus libenter amplexamur sententiam. Credimus enim, sanguinem unam cum vasis, & organis; venis nempe umbilicalibus, (quibus, ceu radibus, alimentum attrahitur,) & vesiculis pulsantibus, (quibus ad vitam, & incrementum partium distribuitur;) ante alia omnia constitui. Quippe (ut Arist. ait) D: gen. en: l.2. c.4. eadem materia est, ex qua augetur aliquid, & ex qua constituitur primum.

Plurimum verò hallucinantur, qui diversas corporis partes diversâ pariter materiâ nutriti autumant. Quasi nutritio nil aliud esset, quam alimenti idonei selectio & attractio: nulla autem requireretur in partibus singulis nutrientis concoctio, assimilatio, appositio, & transmutatio. Quæ olim erat sententia Anaxagore,

*Principium rerum qui dixit homeomeriam:  
Offa videlicet è paucillis atque minutis  
Ossibus; sic & de paucillis atque minutis  
Visceribus, viscus igni; sanguenque creari,  
Sanguinis inter se multis coeuntibus guttis.*

Lucr. l. I.

Verissime autem Aristoteles: Distinctio partium non, ut quidam opinantur, Loco circa

nantur, prepterea fit, quia simile suapte naturâ ad simile fertur : nam præter alias multas, quis ratio ista habet difficultates, accidet, ut quævis pars similaris seorsum creetur. Verbi gratiâ, ossa per se, & nervi, & carnes ; si quis eam caussam approbet. At verò, alimentum omnium partium commune est, & similare, quale in ovo albumen cernitur ; non autem heterogeneum, & ex diversis partibus compositum. Ideoque, quod diximus de materia partium, ex qua fiunt ; idem quoque de illa statuendum est, ex qua augentur : nempe, ex illa nutrimentum sumere ; in qua partes omnes potentia quidem insunt, actu verò nullæ. Quemadmodum ex eadem pluvia incrementum capiunt omnis generis plantæ : quia aqua, quæ potentia similis erat omnibus, fit jam actu similis, postquam in earum substantiam transmutata fuit. Tum verò amarescit in ruta, acrescit in sinapi, dulcescit in glycyrrhiza, & similiter in reliquis.

Explicat porrò, quænam partes præ aliis generentur : idque, ratione à secundo Fabricii fundamento non aliena. Id, inquit, cuius caussâ, & quod ejus caussâ, differunt : & alterum generatione, alterum essentiâ prius est. Nempe, finis prior est naturâ & essentiâ, quâm id quod finis gratiâ fit ; quod autem finis gratiâ fit, generatione prius fit oportet. Eoque argumento, Fabricius recte infert, Partes illas omnes prius generari, quæ vegetativæ animæ inserviunt, quâm quæ sensitivæ : quoniam illa huic subordinata est.

Postea, differentiam eorum, quæ alicujus gratiâ fieri dicuntur, subjungit ; Quædam scil. à natura finis gratiâ instituta esse, quia ea finis consequitur : quædam verò, quia instrumenta sunt, quibus finis utitur. Illa, genitalia appellat ; hæc autem, instrumentalia. Finis enim, inquit, quorundam posterior, quorundam prior iis, quæ eorum caussæ sunt. Nam & generans ipsum, & id, quo ad generationem utitur, prius existant oportet, quâm id, quod ex iis generatur. Ideoque partes, vegetativæ animæ inservientes, priores sunt partibus sensui ac motui ministris. Partes autem motui & sensibus dicatae, sensitivâ & motivâ facultatibus posteriores sunt ; utpote instrumentales, quibus facultas sensitiva & motiva utitur. Quippe ex naturæ lege est, ut nullæ partes aut instrumenta constituantur, priusquam eorum sit aliquis usus ; & facultas præsens adsit, quæ iis utatur. Ita nec oculus, nec motiva organa exstruuntur ; nisi fabricato prius cerebro, aut facultate præexistente, quæ videat, aut moveat.

Similiter, quoniam vesiculæ pulsantes (tanquam instrumenta) sanguinis motui ministrant ; simulque tota cordis constitutio & fabrica (quemadmodum in libello de motu sanguinis, diximus) instrumentalis est ; ( scil. ut sanguis per omnia corporis loca in gyrum perpetuum agatur ; ) videtur sanguis, tum generatione, tum naturâ & essentiâ, corde prius existere. Hoc enim ille utitur, ceu instrumento ;

mento; idemque insuper genuit, & per arteriam coronalem etiamnum nutrit, illique calorem, spiritum, ac vitam elargitur.

Quomodo autem, ex observationibus anatomicis, universalis hæc Aristotelis regula, de partium prioritate, vera appareat; posterius dicemus. Interea temporis, quo paxo, secundum hanc regulam, ipsenit caussas prioritatis (ut ita loquar) in generatione, sufficienter deducat, jam videbimus.

Gignuntur, inquit, post principium (nempe, post cor) interiora, prius, quam exteriora; superiora prius, quam inferiora; partium enim superiorum gratia, inferiora sunt, ut instrumenta; exemplo seminum planitarum, que prius mittunt radices, quam ramos,

Natura autem, in generatione, eo ordine non utitur; neque exemplum illud est perpetuæ veritatis. Nam in fabis, ciceribus, cæterisque leguminibus; in glandibus item, & frumento; perspicue constat, simul caulem sursum, & radices deorsum, ex eodem germine pullulascere. Et cepæ quidem, aliæque bulbosæ plantæ, sursum prius, quam deorsum, progerminant.

Porrò aliam ordinis hujus caussam adnequit: scil. Cum natura nibil supervacaneum, nihil frustrè facere soleat; constat, nec prius, neque posterius, quam usus exigat, ab ea effici quicquam. Nimirum, partes illæ prius generantur, quarum usus sive functio prius requiritur: non nullæ etiam prius inchoantur, quod longiore tempore iis perficiendis opus sit; ut ita simul cum aliis, quæ citius maturantur, ad partum paratae sint. Quæmodum nempe coquus fercula in cœnam præparatur, quæ (præ duritie suâ) coctionis sunt difficultioris, aut suavem tardamque magis ebullitionem desiderant; ea foco prius admovet: quæ autem citius, & minore calore præparantur, posterius aggreditur: illa etiam, quæ in primâ mensâ apponenda sunt, primò apparat; quæ in secunda, ultimâ. Ita similiter natura, in generatione animalium, partes humidas, molles, & carnosas (utpote quæ brevi coquantur, & formentur) serò distinguit: duras autem, & concretas, (ut ossa) quia largam evaporationem, & exsiccationem postulant, diuque earum materia incocta manet, initio statim adoritur. Nam & in cerebro, inquit, eodem evenit modo, ut primâ præhumidum, multumque sit; mox humore efflato, concoctaque, corporatur magis, subsidiisque & cerebrum, & magnitudo oculorum. Princípio igitur caput prægrande (respectu corporis reliqui, quod mole suâ longè exsuperat) propter cerebrum; oculi grandes, propter humorem in ipsis contentum, apparent. Ultimi vero perficiuntur, quoniam cerebrum quoque agrè consistit. Serò enim à frigiditate, humiditatèque vendicatur, in omnibus quidem, sed præcipue in homine. Nam & sincipit inter ossa ultimum confirmatur; jam enim, cùm partus in lucem venit, molle hoc infantis os est.

Aliam insuper rationem addit; quod partes nempe ex diversa materia effingantur. Nobilissima queque pars, inquit, & potissimi principii particeps, ex concocto, sincerissimo, primoque alimento gignitur: reliqua necessariae, ac illarum gratia instituenda, ex deteriore, & reliquiis, excrementisque. Perinde enim natura, atque paterfamilias prudens, nihil amittere solet, ex quo facere aliquid commodi possit. Dispensatur autem in cura rei familiaris ita, ut cibus optimus deitur liberis, deterior servis; vilissimus sociis animalibus. Ut igitur incremento jam addito, mens advena facit haec, (id est, ut ego quidem interpretor, quæ homo adulatus, acquisitâ mente, & prudentiâ, facit) sic in ortu ipso, natura (scil. mente, & prudentiâ innata) ex materia sincerissimâ, carnem, & ceterorum sensoriorum corpora conficit. Ex excrementis (nempe analectis, sive reliquiis, quasi fragmentis) ossa, nervos, pilos, ungues, unguis, & reliqua generis ejusdem constituit. Quamobrem hæc ultima efficiuntur, cùm jam suppetit excrementum naturæ. Ac proinde duplicum alimenti rationem statuit; alteram, nutriendi; alteram, augendi: nutricens (inquit) est, quod esse præbeat & toti, & partibus; augens, quod accessionem ad magnitudinem faciat.

Secundum id, quod in ovo reperimus; ubi albumen (tanquam alimentum sincerius) ad primari pulli nutritionem facit; vitellus, eidem augendo cibus est. Et tenuius quidem albumen (ut diximus) partibus primis & præstantioribus efformandis; albumen verò crassius, & vitellus, partibus dignioribus augendis, minorisque præstantiæ corporandis, inserviunt. Ait enim: Nervi etiam eo modo, quo ossa, instituuntur, & ex eodem, videlicet ex seminali excremente & nutritivo. Sed unguis, pili, cornua, rostra avium, calcaria, & si quid ejusmodi aliud est, ex cibo gignuntur adventio, & auctiō; quem tum à femina, tum deforis sibi acquirunt. Indeque tandem caussam reddit, cur homo (cùm cætera animalia integumentis, & armis à naturâ donata sint) nudus & inermis proveniat: nempe, quod partes ejusmodi ex exrementis sive reliquiis constent, hominis verò sincerior materia sit, minimisque in eo exrementum terrenum, sive incolum, reperiatur.

Atque hæc quidem de generationis ordine, ex Aristotele recensuimus. Quæ onus uni fundamento innixa videntur; Naturæ scilicet perfectioni: quæ in operibus suis, nihil mancum, nil superfluum admittit; sed semper, quod melius fuerit, operatur. Id quod nullæ partes in generatione, vel antecedunt, vel subsequuntur; si eas simul gigni præstiterit. Nempe, quoties liberè, & electivè agit. Interdum enim, quasi coacta, & præter institutum, secus operatur; idque si, vel materiæ defectu aut abundantia, vel instrumentorum viatio, vel ab externis injuriis impedita, fine suo frustrata fuerit. Atque hinc aliquando evenit, ut partes finales, instrumentalibus prius

prius generentur : finales appello, quæ cæteris ( ceu instrumentis ) utuntur.

Et quoniam partes aliæ genitales sunt, quibus natura ad aliarum generationem utitur ; aut ad tollenda impedimenta, quibus manentibus, generatio rectè procedere nequit ; aliæque aliam rationem obtinent : ideo accidit, ut pro materia dispositione, reliquisque requisitis, partes diversimodè aliæ aliis prius gignantur : & earum aliæ quidem, prius inchoëntur, sed posterius perficiantur ; aliæ prius & inchoëntur, & perficiantur ; aliæ vero simul inchoëntur, sed serius perficiantur. Ac propterea, in generatione quorundam animalium, non idem semper òrdo est ; sed alias, aliisque ; in quibusdam quoque, nullus ; sed omnes partes simul & incipiunt, & perficiuntur ; nempe per *metamorphosin*, ut pridem diximus.

Hinc denique accidit, ut pars primogenita sit ejusmodi, in qua tum principium insit, tum finis ; tum id cuius gratiâ omnia fiunt (nempe, *anima* ; ) tum id, quod est ejus caussâ potissimum, & genitale. Cor itaque ( sive, nostro arbitratu, sanguis ) est prima animæ sedes, fons vitæ & focus perennis, calor genitalis, ipsumque adeò calidum innatum ; primum partium suarum omnium instrumentalium efficiens, animamque pro fine sortitum, quæ illis omnibus, ceu instrumentis, utatur. Cor, inquam, est, (ex sententia *Aristotelis*) cuius causâ partes cunctæ in animalibus fabricantur ; idemque eorum omnium principium simul, & opifex existit.

---

*De ordine partium in generatione, ut ex observationibus  
constat.*

Exercitatio 55.

UT tandem sententiam nostram, de partium ordine proponamus, sicut eum ex variis nostris observationibus collegimus ; visum est, totum generationis negotium ( idque in omnibus animalibus ) in duas fabricas distingui.

Quarum prima est ovi ; conceptus nempe & semenis, vel ejus, quicquid sit, quod (in sponte nascentibus) semini proportione respondet ; sive calidi nativi cœlestis in humido primogenio, cum Fernelio ; sive, cum Aristotele, vitalis calor in humore comprehensi, nomine veniat. Conceptus enim (ut diximus) in viviparis, analogus est semini & fructui plantarum ; quemadmodum & ovum, in oviparis ; in sponte nascenti.

nascentibus, vermis; vel bulla aliqua conclusæ humiditatis calore vitali prægnantis. Quibus omnibus idem inest, unde verè semina dicantur: nempe, ex quo, & à quo ( tanquam materiâ, opifice, & organo priùs existente) omne animal primò fit, & nascitur.

Altera verò fabrica, est fœtus ex semine, seu conceptu geniti. Quippe, & materia, & caussa movens atque efficiens, instrumen-taque operationi necessaria, priùs sint oportet, quām operis quic-quam inchoatum fuerit.

Ovi fabricam jampridem vidimus: ista autem fœtus, ( quatenus ex dissectionibus observare licuit,) in animalibus præsertim perfe ctioribus & sanguineis, quatuor potissimum gradibus, sive processibus perficitur: quos, pro vario generationis tempore, in totidem or-dines redigemus; idémque, quod in ovo conspicitur, in omni pa-riter conceptu atque semine inesse demonstrabimus.

*Primus processus*, est partis primogenitæ, & genitalis; sanguinis scilicet cum suis conceptaculis, sive mavis, cordis cum suis venis.

Atque hæc pars, duobus præcipue cauissis, primò gignitur; tum quia est pars principalis, quæ cæteris omnibus, ceu instrumentis, utitur; cujusque gratiâ reliquæ partes factæ videntur: tum etiam, quia est pars præcipua genitalis, cæterarum origo, & autor. Pars, inquam, in qua tum principium unde motus, tum finis sit; idem, pater, & rex.

In hujus primæ partis generatione ( quæ quarto die in ovo per-ficitur) quanquam ordinem aliquem observare non potui; quod. omnes ejus particulae ( sanguis nempe, venæ, & vesicula pulsans ) simul apparent; crediderim tamen ( ut dixi ) sanguinem priùs in-esse, quām pulsum; & eundem propterea, ex naturæ lege, priorem esse suis conceptaculis, venis scilicet. Cordis enim substantia & fabrica, ( nempe conus, cum ventriculis, & auriculis ) ut diu pos-tea cum visceribus aliis generatur; ita quoque in eorundem classe. ( tertiâ scilicet ) recenseri debet.

In hac constructione, venæ priùs, quām arteriæ, sunt conspicuæ: saltem, quantum nobis observare licuit.

*Processus secundus*, qui post quartum diem incipit, est primi cuius-dam concreimenti, quod ego vermiculum, seu galbam dixerim; ( vitam-enim, & motum galbae obscurum præ se fert:) idque, prout in mu-cosam substantiam coalescit, in duas partes dividitur; quarum ma-jor & superior, conglobata, atque in tres vesiculos distincta conspi-citur, cerebri nempe, cerebelli, & alterutrius oculi: minor autem (ca-rinam referens) venæ cavæ superioritur, & secundum illius ductum. protenditur.

In capitib fabricâ, oculi primū discernuntur: mox. apex albus, pro-

pro rostro, eminet; &, circunsiccidente uligine, membranâ obducitur.

Reliqui quoque corporis adumbratio eodem tempore succedit. Primo, super carinam, quasi navis latera assurgere videntur; similari quidem ab initio consistentiâ, postea verò linctæ albissimæ costarum ductum indicant. Deinde, membra motoria, pedes scil. & alæ exoriuntur: tandemque, carina, atque artus ei adnascentes, in musculos, ossa, & articulos distinguuntur.

Duo ista capitis, corporisque rudimenta, simul apparent & distinguuntur; at verò postea, cum crescant, & perficiuntur, corpus citius multò augetur, & efformatur, quam caput; adeò ut hoc, quod ab initio totum reliquum corpus magnitudine superabat, eodem jam longè minus sit. Idemque pariter in foetu humano usū venit.

Similis quoque disparitas contingit inter corporis & artus. Nam in foetu humano, (ab eo tempore, quo embryo longitudinem unguis digiti auricularis non excedit; donec ad ranæ, aut muris magnitudinem auctus fuerit) brachia breviora sunt, quam ut extrema digitorum super pectus extensa, sese invicem attingere possint: & minora crura, quam ut reflexa super abdomen, ad umbilicum usque perveniant.

Quinetiam in recens-natis, proportio corporis ad artus, tantisper major est, donec stare & incedere valeant. Ideoque infantes primum pomiliores sunt, & instar quadrupedum repunt, cunctisq; artibus innixi, gressum quasi tentant; incedere autem nequeunt, donec tibiarum crurumque prolixitas reliqui corporis longitudinem excesserit. Atque hinc fit, ut, cum primum ingredi nituntur, prono corpore (tanquam animal quadrupes) gradiantur; & vix, quantum gallus gallinaceus. sese erigere possint.

Ideoque inter homines adultos quoque contingit, ut longuriones, (quibus crura, & praesertim femora longiora sunt) facilius ac diutius, quam quadrati & trostuli, stare, ambulare, currere, aut saltare queant.

In processu hoc secundo, plurimæ formaticis facultatis actiones, ordine invicem subseqüentes, observantur; (quemadmodum in automatis, sive ultroneis machinis cernimus; ubi rota rotam movet sequentem:) omnesque partes ex eadem mucosâ & similari materiâ oriuntur. Non quidem, ut nonnulli Physici exponunt, cum dicunt, si-  
*De gen. an.*  
mile ferri ad simile: veram dicendum, partes moveri, non mutantes locum, b. 2. c. 4.  
sed manentes, & alterascentes molitiae, duritiae, colore, & reliquis partium similarium differentiis; factæ jam actu, que ante erant potentiam. Nempe artus, spina, reliquumque corpus, augmentur simul, & formantur; delineantur unâ, & colorantur: membrorum item ossa, carnes, nervi, & cartilagines, quæ singulæ in ortu primo similares erant,

& uniusmodi; in progressu postea distinguuntur, junctaque inter se organa constituunt, ex quibus, continuatione mutuâ, corpus integrum fabricatur. Ita in capite, circuncrescente membranâ, ex aqua limpidissimâ, cerebrum concinnatur, atque oculi expoliuntur.

Natura nempe ex eodem illo nutrimento (non autem, ut multi volunt, ex diverso, & cuique particulæ suo simili) partes omnes alit, augeretque, ex quo constituit ab initio. Scilicet, dum candem mucaginem, sive galbam auget; instar figuli, materiam dividit primum; mox tranco, capiti, atque artibus, suas cuique partes designat: more pictoris, prius delineat, deinde colores allinit: &, tanquam naupegas, carinam primùm pro fundamento substituit; potea costas, & sternum (ceu tectum) superstruit: atque, ut ille naves; ita natura, corporis truncum fabricat, & artus appendit. In eoque opere, partes omnes similares (putâ ossa, cartilaginiæ, membranas, carnem, nervos &c.) ex eodem primitivo glutine, sive mucagine orditurn. Initio enim, crassæ fibræ efformantur; etdémque mox nervosæ, postea cartilagineæ, & spinosæ redduntur; ac tandem in ossa indurantur, & concrescunt. Similiter, membrana crassior cerebrum investiens, primùm cartilaginosa, deinde ossea evadit; dum tenuis, in tunicam, atque cutem crassescit. Eodemque ordine, caro, & nervus, ex molli mucagine, in musculos, tendines, ac ligamenta excoquuntur: cerebrum, & cerebellum, ex limpidissima aquâ in coagulum callosum densantur; quippe cerebrum infans (priusquam sincipitis ossa firmantur) molle, ac diffusus apparet; nec magis cohæret, quam laetis coagulum.

*Tertius processus*, est viscerum; quorum generatio, post corporis delineationem (nempe circa sextum, aut septimum diem) in pullo discernitur; eodemque fere tempore omnia apparent; scil. jecur, pulmones, renes, cordis conus & ventriculi, simulque intestina. Oriuntur autem initio è venis, iisque adnascentur, (quemadmodum fungi arborum corticibus;) primùmque, ut dixi, apparent alba, exsanguia, & mucilaginosa; donec muneri publico accinguntur. Intestina, cum ventriculo, primùm, ceu filaments alba & tortuosa, per longitudinem alvi porrecta reperiuntur; & una cum iis os fabrefactum cernitur; à quo ad anum usque, continuo ductu, summa imis copulantur. Genitalia quoque, circa idem tempus apparent.

Hactenus autem viscera omnia, & intestina, intra corporis cavum non reconduntur, sed foris pendula, & quasi venulis attexta, prominent: imò verò & cor ipsum. Truncus enim corporis etiamnum instar scaphæ, vel ædificii sine tecto, conspicitur: quippe necdum partibus anterioribus, (pectore nempe, & abdomen) occluditur.

Quam

Quamprimum verò sternum apponitur, cor in pectus, ceu ædificium à se exstructum sibiique præparatum, ingreditur; in eoque absconditur; &, tanquam lar familiaris, ambientis jam domūs patrocinium suscipit; eandemque, cum famulantibus sibi pulmonibus, inhabitat. Jecur postea, & ventriculus, intra hypochondria reconducuntur: tandemque, intestina alvus amplectitur. Propterea in ovo gallinaceo, post incubationis diem decimum, non amplius (citra dissectionem) cor pulsans cernitur.

Sub hæc tempora, rostri apex, & ungues albissimi emergunt: simulque, in ventriculi cavitate, materia chylosa; in intestinis, excrementum quoddam conspicitur, & hepati jam inchoato fel viride adnectitur. Quibus clare patet, aliam aliquam concoctionem, alimentique præparationem (quarum hæc sunt excrements) & nutritionem fieri, quam per venarum umbilicalium propagines: subitque meritò dubitatio, quomodo bilis (secundæ coctionis excrementum) jecoris operâ à reliquis humoribus fecerni queat; cum ipsam eodem tempore una cum jecore nascatur?

Ordine jam dicto, partes interiores universim generantur: quippe, in omnibus (quæ dissecui) animalibus, eodem modo, atque ordine procreantur; præsertim in perfectioribus, quadrupedibus, atque ipso adeò homine. In quibus, secundo, tertio, & quarto mensibus, cor, jecur, pulmones, renes, lien, & intestina, inchoata atque aucta apparent, simulque colore albo prædicta, quemadmodum & totum corpus albicat. Quapropter non immerito primi illi dicuntur *in lacte* dies: viscera enim, reliquaque partes omnes, tanquam spermatica visuntur; præter venas, præcipue umbilicales.

Arterias umbilicales, post venas cognomines oriri arbitror: quod illæ primis mensibus vix reperiantur, & è ramis ad utrumque crus descendantibus ortum ducant. Ideoque haud prius, quam pars corporis (unde oriuntur) constituta sit, existere crediderim. Venæ autem umbilicales multò antè conspicuæ sunt, quam quippiam corporis inchoatur.

Quæ jam dixi, ex plurimis, cuiuslibet ferè magnitudinis embryonum humanorum dissectionibus, rata habeo: quippe à magnitudine gyrini, ad septem vel octo digitorum transversorum longitudinem, diligentissimè observavi; indéque usque ad partum. Præcipue verò, secundo, tertio, & quarto mensibus; quo tempore mutationes plurimæ contingunt, & generationis ordo luculentius appetit.

In embryone igitur humano, ætatis duorum mensium; eadem, quæ suprà in processu secundo diximus, inchoata conspicuntur. Quippe primo mense, vix quicquam conceptus in utero exstare arbitror;

arbitror; saltem nihil unquam reperi. Labente verò eodem mense, conceptum rejectum sæpius vidi (similem ei, quem è tibicina excussum Hippocrates memorat) ovi phasiani magnitudine, aut columbini; eratque instar ovi excorticati, formâ nempe ovali: membrana autem crassior (chorion dicta) eum ambiens, foris ceu mucore albo obsita conspiciebatur, (præsertim parte obtusiore;) intus verò lubrica apparuit, aquâ limpidâ, lentâque plena: præterea nihil inerat.

Secundo mense, ovum ejusmodi (sed majus) sæpe conspexi cum abortûs indiciis rejectum, lochiis scilicet ichorofis: idemque, aliquando integrum; aliquando ruptum, thrombis sanguineis operatum. Intus laxe erat, & lubricum; sanguine foris adhærente: eademque formâ, quâ prior, comparuit. In horum rejectorum quibusdam, fœtum inveni; in aliquibus, nullum. Fœtus ille longitudo quidem unguem digiti minimi, formâ verò ranulam referebat, præterquam quod magno capite, & pedibus brevissimis esset; instar gyrrinorum, mense Junio, cum artus primùm pullulant, caudam amittunt, & ranæ imaginem induunt. Tota ejus substantia alba, adeoque mollis, & mucilaginosa apparuit; ut, nisi aquæ limpidæ inditam, manibus tractare non potuerim. Facies eadem erat, quæ aliorum animalium, canis nempe, vel felis; sine labiis, largoque oris rictu ad aures usque patente.

Pleraque mulieres, quarum conceptus (instar ovi subventanei) irritus & sine fœtu est, tertio mense abortiunt.

Eius ætatis aborsum sæpe dissecui (ad ovi anserini magnitudinem) cui inerat fœtus, omnibus suis partibus distinctus; rudi tam formâ. Apparebant quidem caput, oculi, atque artus; musculi verò indistincti erant; ossa nulla, sed eorum loco lineamenta quædam alba, & veluti cartilaginiæ molliores: cordis substantia albissima, cum duobus paris magnitudinis & crassitie ventriculis, & bicipiti cono; (parvos nucleos gemellos diceres:) jecur valde exiguum, atque idem album. Toto hoc temporis spatio (trimestri scilicet) vix quicquam placentæ, sive hepatis uterini, conspicitur,

In omnibus hujusmodi conceptibus, (quos quidem viderim) membranam ambientem ingenti aquosæ substantiæ copiâ repletam deprehendi: in qua natans embryo, tam exigua corporis mole est, ratione loci in quo degit; adeoque longo ac flexuoso umbilico gaudet; ut aquam illam, nullo modo sudorem, vel urinam, dici oportere; sed potius (instar colliquamenti, in ovo) pro nutrimento à natura constitutam esse, sit verisimile. Nullum enim indicium reperire licuit, quo conceptum illum, sive ovum, utero adhuc conneXum fuisse, crederem: solummodo parte ovi hujus obtusiore, externa

terna superficies rugosior, crassiorque apparuit; tanquam placentæ jam futuræ rudimentum.

Porrò, conceptus isti mihi videbantur, quasi ova quædam, quæ intra uterum solum soverentur, propriaque indole (instar ovi in utero gallinaceo) augerentur.

Quarto autem mense, mirum dictu quantùm fœtus accreverit! jam enim à pellicis longitudine, ad spithamæ amplitudinem auctus est: membra quoque omnia distincta apparent, & sanguine tinguntur; artuum musculi, & ossa discernuntur; unguium etiam vestigia conspicua sunt; sèque ipsum validè movere embryo incipit. Caput tamen prægrande est; facies, sine labiis, buccis, & naso; rictus oris ingens, cuius medium lingua occupat; oculi parvi, sine palpebris; membrana, frontis medium, totumque verticem operiens, nondum cartilaginea, nedum ossea evadit; occiput verò duriusculum, & quasi cartilaginosum, calvariaæ soliditatem jam inceptam indicat.

Genitalia quidem comparebant, verùm testiculi intra abdomi n (ubi cœmellis uterus) locabantur, manente scroto inani.. Muliebria imperfæta visebantur; uterusque cum suis tubulis, formam uteri agnini bicornem referebat.

Placenta nunc auctior, uteróque affixa, conceptus ferè medium comprehendebat; mihiq videbatur, quasi carnosa uteri excrescentia, seu fungus: adeò, in toto ambitu, pars ejus gibba, utero jam crassiori reddito firmiter adnascebatur. In hanc ramuli umbilicales (ceu radices in terram) spargebantur: eaque mediante, conceptus nunc primùm utero adnectebatur.

Cerebrum amplius & fluidum, coagulum referebat, venis majusculis refertum. Cordis ventriculi ambo ejusdem magnitudinis, corumque parietes æqualiter crassi. In pectoris regione intra costas, tria loca concava, nec multum inæqualia visa sunt; quorum infimum, pulmones sanguinolenti, similique cum jecore & renibus colore, possidebant: medium, cor & pericardium occupabant: superiorem verò partem glandula (quam *tymum* dicimus) prægrandis complebat.

In ventriculo, chylus reperiebatur; non absimili substantiâ, ab aqua, in qua natat. Inerat quoque coagulum album, simile strigamentis illis albis & mucosis, quæ obstetrix in recens-natis (è cutis præsertim plicis) statim à partu abluit. In superioribus intestinis, excrementi, vel chyli aliquid: in inferioribus, papaverculum. In vesica, urina reperiebatur; sicut & bilis, in vesicula ei destinata. Intestinum cœcum (perinde ac in adultis) quasi coli appendiculum vacuum erat, & superfluum; non autem, ut in aliis animalibus (nempe, porco, equo, lepore) tanquam alter ventriculus. Omentum, ceu velamentum, aut nebula tenuissima ac transparens, super intestina omnia fluitabat.

Renes eo tempore non formantur in gibbum, ut in adultis; sed ex multis quasi globulis compinguntur; (quales in vitulo conspicimus, & tuncione) tanquam singulis ureterum divaricationibus, ad earundem orificia, totidem globuli aut papillæ apponenterunt, è quibus urinam emulgerent. Supra renes glandulæ binæ reperiuntur (ab Eustachio primùm observatæ) plurimo sanguine scatentes; earumque vena, quam *adiposam* Anatomici vocant, non multò minor ipsa emulgente appetit. Jecur, & lien (secundum proportionem) uterque sanguine æquè plenus.

Notandum hic obiter, in omni fœtu humano vegeto & sano, lac perfectum passim reperiri; eodemque maximiè thymum glandulam abundare. Reperitur etiam in *pancreate*, & per totum *mesenterium*, in quibusdam quasi *venis lâcteis*, glandulisque inter divaricationes venarum mesaraicarum positis. Quinetiam ex infantium recens natorum uberibus aliquando exprimitur, immo sponte effluit: idque ad sanitatem facere, obstetrices aliquæ opinantur.

Et, ut clarè constet, aquam illam (quæ in conceptu abundat) non esse embryonis excrementum aliquod, sudorem nempe, vel urinam; eadem, minore copiâ (pro proportione) cernitur prope partum (quando fœtus est grandior, eoque nomine excrementi plus accumulat, cum alimento copiosiore utatur) quam primis prægnationis mensibus. Adde insuper, vesicam eo tempore urinâ plenam & distentam esse. Profectò transitum illum (quem *urachum* Anatomici appellant) urinam, ut putant, è vesica per umbilicum, educentem, nunquam invenire potui: sæpe verò observavi, vesicam manu compressam, urinam foras per penem, non autem per urachum profundere.

Atque hæc quidem de humano fœtu à me observata, quatenus ad ordinis partium in generatione notitiam faciunt, dicta sunt.

In quarto ultimoque processu, infimæ conditionis atque ordinis partes efformantur: nempe, quæ non simpliciter ad ipsum esse, aut conservationem animalis spectant; sed solummodo ad tutelam contra injurias externas, vel ad ornatum, vel pugnam.

Ad tutelam ejusmodi, pars extima (cutis scilicet) potissimum instituitur, omniaque quæ ex illa oriunda sunt: nempe cuticula, pili, lana, plumæ, squamæ, crusta, testa, unguis etiam, unguilæ, & si quid hujusmodi, in hunc censum veniunt. Et prudenter sanè à Natura (quæ nihil unquam frustrâ molitur) institutum est, ut partes illæ ultimè generentur, quarum usus non nisi post ortam; contra malâ forinsecus advenientia, requiritur. Ideoque pullus gallinaceus lanugine solùm, necdum plumis vestitus prodit (ut aliae aves, quæ ad volandum quamprimum paratae sunt;) quia ultrò citrōque obambulando, pedum potius, quam alarum usu victum querit.

Similiter,

Similiter, anatum atque anserum (qui natando cibantur) plumæ & alæ tardiūs perficiuntur, quàm pedes: contrà, quàm hirundinibus evenit, quæ volare priùs quàm pedibus uti nōrunt, quòd volando pabulentur.

Generatur itaque lanugo in pullo gallinaceo, post decimum-quartum diem; perfecto jam fœtu, omnibúsque partibus instructo. In plumarum autem exortu primo, quasi puncta quædani in cute cernuntur; postea verò plumulae (veluti è terra, herbæ) excrescent, tandemque explicantur, & totum corpus circumvestiunt, contráque aëris inclem tam tutantur.

Differunt plumæ à pennis, formâ, usu, & nascendi loco, atque ordine. Pulli enim priùs sunt plumigeri, quàm pennigeri: quippe pennæ in alis tantum, & uropygio reperiuntur; ac profundiūs ex imâ cutis parte, vel ex ipso periostio enascuntur, motuique inser viunt; plumæ autem è summa cute oriuntur, & ubique muni menti gratiâ adsunt.

*Ungues, pili, cornua, & similia inquit Aristoteles.)* gignuntur ex cute: *De gen. an.* quo fit, ut ipsa colorem pariter cum cute immutent: alba enim & nigra, &c. l. 2, c. 4. vario modo diversa, pro colore cutis, redduntur. Hæc autem in pullo nostro longè aliter se habent: cujuscunque enim coloris plumæ fuerint, subjecta cutis non nisi unum exhibit. Quinetiam una eadēmq; penna, variis interdum coloribus, miroque ordine tingitur, & ad pompam exornatur.

In humano fœtu similiter, cutis, partēisque om̄ies cutaneæ, ultimo loco perficiuntur. Ideoque inter initia, nec labia, nec buccæ, nec auriculæ, nec palpebræ, nec nāsus discernuntur: ultimoque omnium coalescit linea illa, quā labia superiora committuntur.

Nascitur certè homo nudus pariter, & inermis; utpote quem natura animal sociale, politicum, ac pacificum voluerit; rationeque duci maluerit, quā vi trahi. Ideoque manibus & ingenio eum dotavit, ut acquisitis necessariis, semet ipse vestiret, & defenderet. Quibus enim animalibus natura robur concessit, iis arma quoque viribus consentanea attribuit: quibus autem illud denegavit, his ingenium, solertiam, mirāque injurias evitandi dexteritatem largita est.

Ornamenta, ut apex, crista, palearia, & similia, quibus fastuosa animalia superbiunt; maribus potiùs ut plurimū tribuuntur, quàm fœminis: uti etiam arma; putà dentes, cornua, calcaria, &c. quibus ad prælia utantur. Suntque hæc in maribus eo potissimum tempore conspicua, quo fœmellarum venustas, generandique desiderium eos primū urit. Juvenculis quidem defunt; senibus autem (utpote inutilia) exolescant.

Gallus noster gallinaceus (bellator egregius) quamprimum viribus,

bus, generandique facultate pollet; calcaribus insignitur; & crisiâ, plumisque decoratur; quibus fœminas suas ad veneris obsequium pelliciat; & cum aliis maribus, non quidem inanis gloriolæ aucti-  
pio, sed pro generis sui perpetuitate deceret: nempe, ut qui se suosque defendere melius possit, idem quoque cæteris ad speciei pro-  
pagationem præferatur. Siquidem cuncta animalia, quæ armis in-  
structa, & belligera præ cæteris observamus, vel ob factus tutelam,  
aut latibula, aut victimum, sed potissimum fœminas possidendi gratiâ  
(idque generationis ergo) digladiantur: eadēmque victa ut pom-  
pam fastūmque dimitunt, ita simul de fœminarum possessione dece-  
dunt; abjectoque animo, præ mœrore torpent: vixtor autem, fœ-  
minarum prædā potitus exsultat, vixtoriæ gloria jactabundus.

Neque est adscitius, aut paucorum dierum hic ornatus; sed pe-  
rennis, & naturæ muneri debetur: quæ non modò animalibus (&  
præsertim avibus) pingendis studioſa cernitur, sed & ipsos flores her-  
bæque mirâ colorum varietate exornat.

Paradoxa quædam, & problemata, circa hanc rem.  
pensitanda.

Exercitatio 56.

**H**AETenus de generationis ordine, à nobis dictum est: unde ap-  
paruit differentia eorum, quæ per *metamorphosin*, ab iis, quæ  
per *epigenesin* procreantur: item eorum, quæ ex verme oriri dicuntur  
ab illis, quæ ex ovo. hac enim ex materiæ præparatæ parte corpo-  
rantur, nutriuntur vero & augmentur ex reliqua; illa autem corpo-  
rantur ex tota materiâ: hæc simul augmentur & formantur, ac post  
ortum quoque incrementum sumunt & adolescent; illa primùm au-  
gentur, & ex eruca creſcant in aureliam, deinde formantur & con-  
summata nascuntur animalia, ut papiliones, bombyces, & id genus  
alia. Ideoque Aristoteles (annotante Fabricio) ut duplèm quodammodo  
ovi naturam, duplèque ovum in hoc genere constituit; ita duplèm ponit  
actionem, genitamque animal duplex. Etenim (inquit) ex primis ovis, quæ  
primordia generationis sunt, vermis perpetuò gignitur: nimirum ex ovis  
muscarum, formicarum, apis, bombycum &c. in quibus quid fluidum conti-  
netur, & ex eo fluido toto vermis nascitur. ex secundis vero ovis, que ab  
ipsomet verme fabricantur, papiliones gignuntur & exent; scilicet animal  
volatile, quod in putamine, seu folliculo, seu ovo, continetur & concluditur,

ab rap-

abruptóque folliculo exit ; ut de locustarum ovis Aristoteles prodit. *De hist. an.*  
 Denique, hæc successione partium perficiuntur ; illa vero (nempe l. 5. c. 28.)  
 quæ per metamorphosin fiunt simul integra formantur. Eodemque  
 modo generantur, tam ea, quæ sponte oriri dicuntur, & materiam  
 suam primam, primâve exordia à putredine, cœno, rore, excremen-  
 tis, vel partibus stirpium, aut animalium, casu fortuitóve nancis-  
 cuntur ; quam illa, quæ ex semine animalium congenerum proveni-  
 unt. Quippe omnibus viventibus id commune est, ut ex semine,  
 ceu ovo, originem ducant : sive semen illud ex aliis ejusdem speciei  
 procedat, sive casu aliunde adveniat. Quod enim in arte aliquando  
 usu venit, id id. quoque in natura contingit : nempe, ut eadem  
 casu sive fortuitò eveniant, quæ alias ab arte efficiuntur : cuius rei  
 (apud Arist.) exemplum, est sanitas. Similiterque se habet genera-  
 tio (quatenus ex semine) quorumlibet animalium ; sive semen eo-  
 rum casu adsit, sive ab agente univoco ejusdemque generis prove-  
 niat. Quippe etiam in semine fortuito, inest principium genera-  
 tionis motivum, quod ex se & per seipsum procreet ; idemque, quod  
 in animalium congenerum semine reperitur ; potens scil. animal ef-  
 formare. Verum de his postea uberiorius.

*Metaph.*  
*l. 7. e. 9.*

Ex dictis autem, paradoxæ quedam expendenda veniunt. Cùm  
 enim in ovo macula priùs dilatetur ; colliquamentum concoquatur, &  
 præparatur ; plurimaque alia (non sine providentia) ad pulli forma-  
 tionem & incrementum instituantur ; antequam quippiam pulli, vel  
 ipsa primogenita ejus particula appareat : quidni utique credamus  
 calorem innatum, animamque pulli vegetativam, ante pullum ip-  
 sum existere ? Quid enim aliud effectus ; atque operationes vitæ  
 producat, quam illarum caussa & principium efficiens ? calor nem-  
 pe, & facultas animæ vegetativæ. Ideoque, non videtur anima esse  
 actus corporis organici vitam habentis in potentia : talem enim  
 actum, formam pulli censemus. Cui autem alii, quam ipsi pullo,  
 formam inesse putemus aut animam ? nisi formas separatas esse dica-  
 mus, aut metempychosin aliquam concedamus.

Hoc autem manifestissime appetet, ubi idem animal successione  
 formarum (ut ait Arist.) vivit : ex. gr. eruca, chrysalis, papilio.  
 Idem enim esse principium efficiens, nutriendis, & conservans, in sin-  
 gulis his (licet sub diversis formis) necessè est : nisi aliam animam  
 in puerò, in adolescente alieni, alienamque in senectute constituamus :  
 aut eandem formam erucæ & necydali, ac papilionis & bombycis,  
 affirmemus. Quâ de re Aristoteles accuratè scripsit ; & nos postea  
 pleniùs dicemus.

*Hist. an.*  
*l. 5. c. 19.*

Videtur præterea paradoxon, Sanguinem fieri & moveri, spiri-  
 túque vitali imbuī ; antequam ulla organa sanguifica, vel motiva  
 extiterint. Nec minùs novum, atque inauditum, inesse sensum ac  
*de gen.*  
*en. l. 3. c. 9.*

motum in factu, priusquam cerebrum exstructum fuerit: Movetur enim fœtus, contrahit & explicat sese, cùm pro cerebro adhuc nihil conspicuum est, præter aquam limpidadam.

Adhæc, corpus nutritur & augetur, antequam organa coctioni dicata (ventriculus nempe, & viscera) formantur. *Sanguificatio* etiam (quæ secunda coctio appellatur,) perficitur ante primam (in ventriculo,) quæ *chylificatio* dicitur. Primæ & secundæ coctionis excrements, (nempe in intestinis, atque urinæ ac fellis vesiculâ) ipsis concoquentibus organis sunt coextanea. Denique, non modò in vegetativâ animæ parte, sed & ante animam ipsam, uestit mens, providentia, & intellectus; qui cuncta statim à prima origine, ad pulli esse & bene esse, disponunt, ordinant, ac procurant; adque formam & similitudinem generantium, arte effingunt.

Ad quam prolis similitudinem quod attinet, dubitare licet, quid caussæ sit, cur aliquando fœtus similior patri, aliquando matri, aliquando etiam progenitoribus, iisque vel paternis, vel maternis reperiatur? præsertim, cùm uno initu, eodemque momento, plura ova fecundentur. Est etiam hoc admirabile, virtutes & vitia, morbos quoque, stigmata, & nævos, à genitoribus in posteros transferri; idque in aliquos duntaxat fœtus, non autem in omnes. In genere gallinaceo, quidam generosi sunt, & ad pugnam nati; qui mori malunt, quām fugiendo adversariis cedere: eorum tamen nepotes, nisi parentibus similibus geniti fuerint, virtutem illam paullatim exuunt; secundū illud: *fortes creanur fortibus*. In plerisque aliis quoque animalium speciebus (& præsertim hominibus) obser-vatur generis nobilitas; multæque iis animi & corporis dotes ex traduce adveniunt.

Illud sæpe miratus sum; quare, cùm prolem (ut plurimum) mis-tam quandam fabricam, sive compositionem ab utroque parente obtinere videamus, idque in cæteris omnibus partibus; idem tamen in genitalibus non eveniat: sed plerunque aut mas, aut foemina na-scatur, rarissimè verò *hermaphroditus*?

Denique multa insunt, antequam apparent; & quædam inter prima inchoantur, quæ postremò perficiuntur; ut oculi, genitalia, rostrum.

Dubia quoque hinc, & difficultates quædam, circa membrorum principatum, partiūmve dignitatem oriuntur; in quibus sese ingenia harum rerum studiosorum exerceant. Scilicet, num cor vitam & virtutem sanguini tribuat; an potius, sanguis cordi. Utrum sanguis corporis gratiâ sit, tanquam materia, nutrimentum, aut instru-mentum: an verò corpus, omnésque partes ejus, sanguinis caussâ, animæque primò ac principaliter in eo existentis, fabricentur. Si-militer, utrum ventriculi cordis, an auriculæ ejus præstantiores sint.

sint. Quippe has pulsare primò, & vivere, ultimóque emori, com-  
pertum est. Præterea, num ventriculus *sinister*, qui in homine pro-  
ductior est, pariete etiam crassiore & carnosiore obvallatur, spiri-  
tuūque origo creditur; sit præstantior, calidior, spirituōsior, ac  
vivacior: an *dexter*, qui postremò in morte enervatur & labascit, ma-  
jorēaque sanguinis quantitatē intra se continet; & in quo sanguis  
morientium ultimò concrescit, spirituūque ac vitâ deſtituitur; ad  
quem etiam (ceu principium) venæ primæ umbilicales sanguinem  
deſerunt, eidēmque originem suam acceptam referunt.

Hæc scilicet ex observatione ordinis generandarum partium oc-  
currunt: atque alia etiam, quia ex ipsis deducuntur, receptāmque  
vulgò physiologiam haud parūm turbant. Nempe (cum motum &  
ſenſum, ante natum cerebrum adesse liquidò cernamus) manifestum  
est, non omnem motum atque ſenſum à cerebro proficiſci: fiqui-  
dem ex historia constitit, in prima statim ſanguinis guttulâ in ovo,  
antequam quicquam corporis efformatur, ſenſum motuūque clarè  
elueſcere. Prima quoque corporis fabrica, ſive constitutio (quani  
mucilaginosam diximus) priusquam membra ulla discernuntur;  
cūmque cerebrum nîl aliud, quām aqua limpida eſt; ſi modò leviter  
pungatur, iñſtar vermis vel erucæ, ſeſe obſcurè movet, contrahit,  
& contorquet; ut ſentire ipsam, evidenter pateat.

Sunt & alia à motu ſenſuque deducta argumenta; unde, non tam  
cerebrum (cum *Medicis*,) quām (ex *Aristotelis* ſententiâ) cor ip-  
ſum, eſſe primum principium, judicemus.

Motus, & actiones, quas Medici appellant *naturales*, quòd illæ  
nobis, etiam nolentibus, contingent; neque eas moderari, acce-  
lerare, retardare, aut inhibere, pro arbitrio nostro poſſimus; ideoque  
à cerebro non dependent: illæ tamen prorsus citra ſenſum non fi-  
unt, ſed eundem ſubeffe indicant; utpote à quo excitentur, irri-  
tentur, & permittentur. Nempe, in corde ipſo, palpitationem, tre-  
morem, lipothymiam, syncopen, pulſuſque omnes alterationes, in  
magnitudine, celeritate, ordine, ſive rhythmo, & ſimilibus, à mor-  
bificis cauſis alterantibus, ſenſuūque lalentibus, fieri arbitramur.  
Quicquid enim contra irritamenta & moleſtias, motibus ſuis di-  
verſis nititur, id ſenſu præditum ſit neceſſe eſt.

Ventriculus, & intestina à pravis humoribus laceſſita, naſeam  
ſepe, ruſtum, rugitum, vomitum, & fluorem alvi concitant: eōſque  
motus ut nec ſiſtere, nec provocare, in potestate noſtrâ ſitum eſt;  
itā nec ſenſum aliquem à cerebro dependentem novimus, qui partes  
illæ ad actiones ejusmodi extimulet.

Mirum profeſtò eſt, quod, ab infusione antimonii epotâ, uſu ve-  
nit; quam nec gusto diſtinguiſimus, nec deglutitione aut rejeſtione  
moleſtam ſentimus; ventriculo tamen ſenſus quidam inefſt, quo  
noxiūm

noxium ab utili discernat, indéque ad vomitum provocetur.

Quin caro etiam ipsa, iustum venenatum, à non venenato facile distinguit; ideoque constringit sese, & densatur; unde tumores phlegmonodes excitantur: ut videre est, in iüstibus apum, culicis, & aranei.

Ipsem aliquando, experiendi cauissâ, manum acu pupugi; mox eandem acum aranei dente confricans, manum alio loco perforavi: nec potui quicquam discriminis inter duas has punctiunculas internoscere. Erat tamen in cute, quod discerneret; quippe eodem loco, ubi venenata punctione contigerat, subito sese in tuberculum contraxit, induitque mox ruborem, calorem, atque inflammationem; tanquam ad pugnam, & nocentis mali expugnationem, se roboret, & accingeret.

Matricis lœsiones, nempe contorsio, decubitus, prolapsus, ascensus, & suffocatio, aliisque incommoda & irritamenta, à cerebro, sive sensu communī non dependent; nec tamen citra omnem sensum evenire ea, existimandum est. Quicquid enim sensū planè expers est, non videtur ullo modo irritari, aut ad motum, actionēsque aliquas edendas, excitari posse. Nec certè alio indicio, animatum quid & sentiens, à mortuo, sensuque carente internoscimus, quām per motum à re aliquā irritante excitatum, qui sensum continuò & sequitur, & arguit.

Verū de hac re amplius, ubi de actionibus & usū cerebri agitur, disputare æquum est. Priscorum autem virorum, & antiquitatis iphis reverentia nos monet, ut, quantum veritas patitur, illorum dogmata tueamur. Neque enim decet eorum opera & statuta temerè desplicere, aut floccifacere; quorum prælatâ face, ad Philosophiæ adyta pertingimus. Quare ita censendum arbitror: Experimur in nobis sensus potissimum quinque esse, quibus de rebus externis judicamus: quoniā autem haud eodem sensu sentimus, quo nos sentire percipimus; (oculis enim videmus, iis tamen non intelligimus nos videre) sed alio sensu, organōve sensitivo, (nempe sensu communī interno) quo ea, quæ per singula sensoria externa nobis advenierunt, dijudicamus, albūmque à dulci, & duro distinguimus; sensorium hoc commune (cui ab externis omnibus sensoriis species referantur) cerebrum esse, manifestum est: quod unā cum omnibus suis nervis, organisque externis, iisdem annexis, adæquatum sensationis instrumentum censetur. Estque instar radicis sensitivæ, cui fibræ plurimæ contigerunt, quarum unā videt, alterā audit, tangit tertiam, aliisque olfact, & gustat.

Quemadmodum tamen actiones & motus quidam sunt, quorum regimen sive moderamen à cerebro non pendet, atque ideo naturales appellantur: ita quoque statuendum est, dari sensum quendam tactus,

tactus, qui non referatur ad sensum communem, nec cerebro ullo modo communicetur; ac propterea in ejusmodi sensu, non percipi mus nos sentire; sed, veluti iis evenit, quibus mens ægrotat, aut passione aliquâ animi vehementi agitantur, ut dolorem nullum sentiant, neque ea, quæ sensibus occurrent, animadvertant; itâ pariter in hoc sensu contingere credendum est: quem propterea à sensu animali distinguimus. Talem sensum in Zoophytis, sive plantanimalibus (ut herbâ sensitivâ, spongiis, & similibus) observamus.

Quare, ut multa animalia tum motu, tum sensu prædicta sunt, sine sensu communi, aut cerebro; uti lumbrici, erucæ, necydali, chrysalides, & alia: itâ quoque actiones quedam naturales in embryone, nobisque etiam contingunt citra opem cerebri; & sensatio quedam fit, sine sensu. Atque ut Medici docent, *actiones naturales*, ab *animalibus*, discrepare: itâ par i ratione, tactus quoque naturalis, videtur differre à sensu tactus animali, aliámque tactus speciem constituere: adeò ut iste, sensui communi, sive cerebro communicetur; ille verò, nequaquam.

Præterea, aliud est, musculum moveri aut contrahi; aliud verò, eundem, variis contractionibus & relaxationibus regulatis, actionem aliquam perficere, utpote, progressionem, vel apprehensionem. Certè musculi, vel organa motoria, in spasmo & convulsionibus, à caussa aliquâ irritante non aliter moventur, quam gallus aut gallina, quæ detruncato protinus capite, multis quidem pedum alarumque convulsivis motibus agitatur, sed confusis omnino & irritis; quoniam potestas cerebri ablata est, & sensus communis evanuit, cuius antea moderamine, cum rhythmo & harmoniâ, motus illi ad progressum, aut volatum regulabantur.

Dicendum itaque arbitramur, motus omnes *naturales* à virtute cordis profluere, & ab illo dependere: *spontaneos* autem, actionēmque aliquam perficientes, (quos Medici *animales* vocant) sine cerebro & sensu communi regulante, non fieri. Quemadmodum enim, sensu hoc communi, sentimus nos sentire; itâ pariter sentimus nos movere; idque ordinatè, vel secus.

Utriusque hujus motus exemplum in respiratione clare cernimus. Pulmones enim (cordis instar) motu naturali continuò sursum ac deorsum feruntur; ad tussim etiam, & frequentiorem agitationem irritantur: vocem tamen proferre & moderari, sive canere, nequeunt; sine sensu communis auxilio, & quasi jussu.

Verum istæc uberiùs (ubi de actionibus & usu cerebri, animæque contemplatione agetur) tractanda veniunt. Hæc autem hic obiter dicta sunt, ut reverentiam clarissimis Præceptoribus debitam servandi studium, & voluntatem nostram significaremus;



## De Nutritione Pulli in Ovo.

### Exercitatio 57.

**Q**UAM non sit temerè negligenda Veterum autoritas, vel hinc apparet : fuit olim celebris opinio (quam tamen, tanquam erroream, plerique hodie rejiciunt ; & *Fabricius*, ceu deliramentum, stultanique opinionem, impugnatū it) *Embryonem in utero materno sustinere*, p. 19. *gere* : habuitque *Democritum*, *Epicurum*, atque etiam *Hippocratem* alli-<sup>¶ 134.</sup> pulatores. Et *Hippocratis* quidem ratio duobus potissimum nititur *L. de carn.* argumentis ; nam, inquit, nisi suxisset, quomodo excrementa faceret : aut *& de nat.* queri. *protinus à partu sugere novisset?*

Atque hujus quidem perantiqui & celeberrimi Viri in nuda verba alias jurare solent, sufficitque in aliis rebus, *autē τὸν* : hic verò (quod receptæ vulgo sententiæ dissentanea afferat) *Fabricius* non modò affirmantem, sed & argumenta producentem aspernatur. Hanc igitur *Hippocratis* sententiam, num observationes nostræ, de generatione animalium, necessariam, nedum probabilem faciant, peritissimorum Anatomicorum, & doctissimorum Medicorum judiciis relinquimus.

Omnis profectò fatentur, fœtum, dum in utero est, copiosam aquam innatare, (nos, in ovi historiâ, liquorem hunc, *colligamentum nominavimus*;) eandemque sudorem, & humorem excrementum fœtus esse, Neoterici afferunt ; huncque usum præstare aiunt, ut in ea natans fœtus, (interea dum mater currit, saltat, aut alio aliquo violento motu agitatur) uterum non offenderet, vel ipsem ad circumposita ossa allisus, aut foris percussus laceretur ; præser-tim, cùm eo tempore membra ejus tenella & infirma sint.

**Pag. 137.** *Fabricius*, alias præterea istius aquæ utilitates adnectit ; nempe, ut vias omnes circumquaque madefacere, ac lubricas redderet, colligantque matricis ad maximam dilatationem facile ac promptum efficeret ; eaque omnia, inquit, non mindes efficit crassum illud ei respondens tertiae coctionis album excrementum, unctuosum ac pingue oleoflamque, antiquitus neglectum. Quod etiam & illud præstat, nè sudor, qui interdum acris ac salsuginosus segregari potest, tenellum fœtus corpus erodat.

Agnosco libenter utilitatem ab omnibus positam ; scilicet, ut tenellus fœtus à subitanis & violentis matris motibus indemnus sit, tutò

tutò adeò in aliis vespertilionum, uti vocant, appenditur, & copiosâ aquâ circuncingitur, ut facile quovis (etiam violento) motu materna latera (propter utrinque collocata retinacula) tangere nequeat; saltem, liquor iste circumambiens in medio libratum ab omni externo nocumento protegat. A Fabricio autem, quemadmodum in aliis plurimis, ità hic quoque ut seorsum sentiam, observationes mæz faciunt: quippe liquorem illum, quem diximus, fœtus sudorem non esse, certus sum. Nec crediderim, aquam istam commoda illa præstare in partu, quæ ipse memorat: multò verò minùs, liquorem hunc acrem & falsuginosum esse adeò, ut unctuoso munimento factui opus sit; præsertim ei, qui lanâ, pilis, vel plumis induitur. Est enim probi saporis, & similis lacti aquoso; ac proinde statim à partu, oninia ferè vivipara eum absorbent, jāmque natos fœtus lambendo detergunt; humorēmque, quem auferunt, avidè devorant; cùm fœtuum excrementatione nè attingant quidem.

*Fabricius*, aquam hanc acrem & falsuginosam dixit, quòd illam sudorem esse crederet. At quid, obsecro, incommodi pullo jam plumbis vestito sudor afferat? Si modò sudantem pullum unquam videbit. Neque, opinor, dixerit, usum illius aquæ in ovo esse, ut suâ humiditate ac lubricitate, pulli partum acceleret. Quantò enim siccior, & vetustior ovi cortex fuerit, tantò etiam fragilior, ac friabilior evadit. Denique, si sudor pulli esset, is prope exclusionem abundaret magis; quòd enim grandior est fœtus, & uberiori alimento utitur, eò plus sudoris quoque excernat necesse est. At verò paulò ante exclusionem pulli ex ovo (nempe circa diem decimum nonum, aut vicefimum) nihil omnino ejusmodi humoris cernitur; quippe paulatim, crescente pullo, absunitur; ut indè *alimentum* potius, quām excrementum esse, (si modò rem rectè perpendisset) existimare debuerit: præsertim, cùm dixerit, pullum in ovo respirare, vocem edere, sive pippire; quod certè aquâ circundatus neutiquam præsterit.

Sed neque in facilitando, lubricandōve partu (uti obstetrices expertæ probè nōrunt) humiditates istæ aquosæ in secundinis, ut *Fabricius* voluit, magnopere profundunt. Partes enim vicinæ circa id tempus, quasi maturitate quadam suâ, (citra illius aquæ profusio-nem) laxantur; præsertim illæ, quæ maximo solent esse impedimento; nempe, ossa pubis, & coccygis; circa quæ præcipua in expediendo partu obstetricis cura versatur: minùs enim, unguentis emollientibus partes carnosas oblinere studet, nè lacerentur; quām coccygi extrudendo sedulò operam navat; idque, si manu non posfit, sp̄culo matricis periti chirurgi manu procurat; hujus enim instrumenti triplicis latere uno ad coccygem applicato, reliquísque duobus ad ossa pubis, per vim loca illa distendit. Nam proditurus

infans, cùm se vertit, caputque deorsum præcipitat, os uteri laxat & aperit; descendens verò, si ad coccygis apicem impegerit, hæret, ægræque prodit foras; non sanè sine sui ipsius, fœtantisque discrimine. Naturæ autem instituto laxari & emolliri partes illas, manifestum est. Nam si immisso digito, orificium matricis molle & laxum obstetrix invenerit, appropinquantis partus signum æstimat certissimum, etiam antequam aquæ proruperint. Imò verò (experta prodimus) si quicquam vel post partum remanet ejiciendum, vel alio quovis tempore inest, quod uterus expellere conetur, orificium ejus tum inferius prolabitur, tum etiam molle & laxum reperiatur: sin autem illud post partum sursum retractum, & duriusculum inveniatur, salubritatis hoc est indicium.

Sinili quoque experientiâ edocitus assero, ossa pubis sèpe ab invicem in partu laxari, emollito eorum cartilaginoso connexu, totamque hypogastræ regionem ad miraculum usque ampliari; non quidem ab aquosâ substantiæ profusione, sed suâ sponte, ut fructus maturi excludendis suis seminibus solent hiscere. Quantopere verò coccyx partum remorari soleat, patet in quadrupedibus, quibâs cauda appenditur: tales enim nequeunt vel fœtum excludere, vel ani excrementsa emittere, nisi caudam sustulerint; quam si manu prehensam depresseris, stercoris exitum prohibebis.

Quinetiam partus naturalissimus habetur, cùm fœtus & secundinæ unâ cum aquosa substantiâ (ceu ovum integrum) prodeunt. Nam si istæ illæs fuerint, & aqua non profluxerit, contingit partes circumiacentes à parturientis nixibus magis distendi, ac dilatari; tensione scilicet membranarum: quo sit, ut fœtus minore conamine, citiusque elabatur, ac prorepat; licet id majore matris cum dolore eveniat. Quo casu novimus, parturientes interdum ab ingenti distensionis molestiâ, membranarum rupturâ, (sive obstetricis unguibus, sive forcipis operâ ea contingat) effluente subito aquâ, plurimum levari.

Nôrunt quoque harum rerum gnaræ obstetrics, si quando, ante debitam uteri apertione, omnis aqua simul effluxerit, fœtantem in partu diutiüs morari, ac difficultius fieri puerperium, quod contrâ tamen eveniret, si modò (ut *Fabricius* voluit) precedentes aquæ, emolliendo & lubricando tantopere proficerent.

Porrò humorem illum, quem nos colliquamentum appellavimus, fœtus sudorem non esse, liquidò constat, tum in ovo, tum cæteris etiam animalibus: quippe adest, priusquam quipiam fœtus constituitur, aut vestigium ejus illum exstat. Imò verò quamprimum fœtus conspicitur, & etiamnum totus mucilaginosus ac per exiguis est; tam ingens tamen aquæ hujus copia cernitur; ut tantilli corporis tantum excrementum dâri, planè impossibile videatur.

Accedit:

Accedit præterea, quod venarum umbilicalium fibræ, in istius aquæ amplectentem tunicam spargantur & terminentur; perinde atque in ovi albumina, & vitellum: ut indè clatè constet, (modò rem ipsam, prout est; verè æstimaverimus) humorem illum, alimen-tum potius, quām excrementum, censendum esse.

Verisimilior itaque mihi videtur sententia *Hippocratis*, quām *Fabricii* & aliorum Anatomicorum, qui liquorem illum, pro sudore ha-bent, noxāmq; factui afferre statuunt. Crediderim, inquam, colliqua-mentum hoc, aquāmve, in qua natat fœtus, ei pro alimento insér-vire; partémque ejus tenuiorem & sinceriorem, intra venas umbili-cales haustani, primogenitas fœtūs partes constituere, & augere; ex reliquo autem, ceu lacte, per suſtionem in ventriculum deglutito, ibidēmque cocto, sive chylificato, & venarum mesaraicarum operā attracto, novellum embryonem nutriri, & crescere. Idque ut cre-dam libentiūs, faciunt argumenta quādam non invalida, quā nunc dicam.

Quamprimum fœtus perfectionem aliquam nanciscitur, membrana protinus movet, & organorum motui destinatorum actiones auspi-catur. Videlicet autem pullum in ovo, intra aquam os reperire; quare necesse est, humorem in fauces lapsum deglutiat. Quicquid enim intra fauces, ultra linguæ radicem, ad gulæ summitatem per-tigerit; id nullum animal (citra vomitum) regerere posse certum est. Ideoque veterinarii, qui potionēs medicatas, aut morsellos, pilulāsve jumentis exhibent, prehensā eorum lingua, ultra hujus protuberan-tiam, ad radicem ipsam ingerunt; quo fit, ut, easdem quin devorent, evitare nequeant. Et si quis nostrūm, pilulam aliquam digito suo ad radicem usque linguæ intromiserit, experietur subito ad deglu-titionem ejus se compelli, nisi eandem vomitus impetu repulerit. Quamobrem si embryo in humore dicto natans, os suum aperit; necesse prosecto est, aquam fauces ingredi; & si alios musculos mo-vet, quidni credamus, eundem pariter & fauciūm organis usum, li-quorem illum absorbere.

Quinetiam certum est, intra pulli ingluviem (talisque prorsus in omnium en bryonum ventriculis cernitur) substantiam quandam co-lore, sapore, & consistentiā dicto jam liquori persimilem reperiri; eandēmque in ventriculo aliquantulū coctam, lac coagulatum re-ferre; quam etiam, chyli specie, in primis intestinis deprehendimus, inferiora autem intestina excrementis stercoraceis referta sunt. Si-militer in viviparorum fœtibus, intestina crassiora consimili excre-mento replentur; quali eadem, cùm lacte vescuntur, abundare cer-nimus. In ovibus etiam, aliisque bisulcis, manifesta insunt scy-bala.

Circa diem decimum septimum, in pullo, prope anum, stercora

evidenter reperi ; quin eadem quoque foras intra secundinas egista, paulò ante partum conspicatus sum. Idemque Volcherus Coiter diligens & peritus disector, à se observatum nieminit.

Quid dubitemus igitur affirmare, fœtum in utero fugere ; & in eo fieri chylificationem : cùm ejus manifesta adsint, tum principia, tum rejectamenta ?

Præterea, cùm eo tempore vesicam utranque, bile, & urinâ (quæ secundæ coctionis excrementa sunt) plenas videamus ; quidni pariter coctionem primam, chylificationem nempe, præcessisse jucidemus ?

Embryo itaque per os victum quærerit, & fugit. Idque facilè deprehenderis, si ei statim ab utero execto digitum in os immiseris. Quod, teste Hippocrate, nequaquam facheret, nisi priùs in utero fuisseisset. Videmus enim nuperos fœtus, tentando primùm, & periculum faciendo res omnes aggredi : nempe, membra movere, incedere, & vocem proferre : quæ postea diutinâ assuetudine edocti, promptè & accuratè peragunt. Fœtus autem quamprimum in lumen editur, imò verò priusquam natus est, fugit : tanquam id in utero jam pridem egisset. Quippe experti sumus, eum in partu hærentem, antequam ejulare, aut respirare possit, digitum ori admotum apprehendere, & fugere.

Quinimo recens-natus, suctionem accuratiùs molitur, quam adultus, aut ipsem per aliquot dies desuetus, queat. Neque enim infans papillam labii comprimens fugit, ut nos, absorbendo ; sed quasi deglutire vellet, totam in fauces usque attrahit, linguæque & palati auxilio, tanquam manducando, lac emulget ; majore profectò conatu, atque arte, quam adultus possit. Didicisse igitur longâ consuetudine videtur, antequam natus esset ; quod desuetudinem tam brevi dediscere post nativitatem experimur.

His, aliisque id genus observationibus, verisimile fit, pullum in ovo dupli modo nutriti ; per venas nempe umbilicales, & mesaraicas. per illas, alimentum probè confectum haurit, unde sanguis, & partes primogenitæ constituantur, & crescent ; per has, chylum trahit, in reliquarum partium fabricam, & augmentum.

Quomodo autem contingat, ut idem agens, ex eadem materiâ, diversimodè nutritionem instituat, (cùm natura nihil agat frustrâ) ratio forsitan in occulto latet. Dabimus tamen operam, ut eadem patescat.

Quæ per umbilicales venas attrahitur, purior & sincerior pars est. Colliquamentum verò reliquum, in quo natat fœtus, est veluti lac crudum, sive ebutyratum, & purissimâ suâ parte privatum. Sincerior itaque pars, concoctione ulteriore non indiget, quâ reliqua opus habet ; ac propter ea in ventriculum porrò recepta, in chylum

chylum transit. Simile huic est lac crudum & aquosum, quale in mammis statim post partum cernitur. Quippe albumen ovi colliquatum, & lac aquosum sive crudum in uberibus, ejusdem planè coloris, saporis, & consistentiæ apparent. Primus enim lactis proventus, serosus & aquosus est; & mulieres aquam prius è mammis exprimunt, quām lac in albedinem coctum, & perficuum.

Ac propterea colliquamentum in pulli ingluvie repertum, est lac quoddam crudum: idem verò in ventriculo coctum, album & coagulatum cernitur. Similiter in viviparis, antequam lac in mammis coquitur, quasi ros quidam, & colliquamentum apparet; è contrà verò, colliquamentum, postquam in ventriculo coquitur, lactis faciem induit. Ità fit, ad mentem Aristotelis, ut ex tenuiore, & sincerâ magis portione, primæ & principales partes condantur; ex reliquâ autem deteriore (per novam in ventriculo coctionem) elaboratâ, augeantur; simûlque aliæ sequioris ordinis constituantur. Sic Natura, ceu benigna ac indulgens mater, abundare potius superfluis, quām in necessariis desicere maluit. Aut potius rationi consentaneum esse, dicendum est, ut fœtus jam perfectior, perfectiore quoque modo (per os scilicet) enutriatur, alimentūnque perfectius, & duobus præcedaneis coctionibus purius redditum (utpote à duobus excrementorum generibus defæcatum) hauriat. Initio quidem, per umbilicales radices alitus, plantæ vitani quandam degit; unde corpus crudum, album, atque imperfectum conspicitur; &, plantæ instar, immobile atque iners manet. Quamprimum verò per os eodem alimento ulterius elaborato fruitur, quasi spiritu diviniore gaudens, & sublimiore exultans vegetationis gradu, mucago dicta in carnis naturam transit, motiva organa distinguuntur, spiritus locupletantur, motumque orditur: nec jam amplius, plantarum more, per radices; sed, animalis instar, per os nutritur, & illius vitam degit.

---

Dé

## De totius Ovi utilitatibus.

## Exercitatio 58.

**E**Nnarratis jam mutationibus iis, & processibus, qui in ovo gallinaceo ad foetū productionem requiruntur; *Fabricius* ad totius ovi partiūmque ejus utilitates progreditur: nec solum ovi gallinacei, sed & reliquorum omnium. Quæriturque unā, cur quædam ova heterogenea sint, & ex diversis partibus composita; alia verò homogenea, & similaria? qualia sunt ova insectorum, eorūmque quæ ex toto ovo oriuntur (nempe per metamorphosēm) non autem ex parte ejus gignuntur, ex parte verò natiuntur, ut priora.

Mihi autem de ovis omnibus generatim agere, non est animus; (quod nondum eorum historiam exposuerim:) sed ovorum gallinaceorum duntaxat, eorundēnique partium utilitates proponam. Quæ omnes è spectare debent, quod totius ovi actio; quam pulli generationem, & augmentationem esse, *Fabricius* verè innuit.

**L. 10. de us. par.** Atque inter ea (quæ totum ovum spectant) figuram, quantitatem, & numerum ovorum recensuit. Figuram ovi rotundam ait, ut in minimo spatio tota pulli moles contineatur; propter quam causam Deus rotundum mundum fecit, ut omnia complectēretur: atque ob eandem causam, hæc figura (teste Galeno) naturæ semper existit amicissima, & convenientissima. Præterea, cùm non habeat angulum externis injuriis expositum, ideo tutissima est, & ad ejusdem exclusionem opportunissima. Causa itaque affliganda erat, cur gallinarum ova non sint sphærica, (proinde atque piscium, vermium, & ranarum) sed oblonga, & acuminata. Quid sit nempe, quod in his figura perfectionem impedit. Figura mihi quidem videtur nullius esse ad pulli generationem efficacia, sed tam accidentaliter contingere; eoque magis, quod tam varia formarum discrimina, etiam in ovis gallinaceis spectentur. Variant scilicet pro uteri figura, à quo (ceu proplasmate, ut diximus) formam mutuantur.

**Hist. an.** Aristoteles quidem ait, ova oblonga, fœminas; rotundiora autem, mares producere. Ego verò super hac re nihil adhuc explorati habeo. **I. 6. c. 2.** **L. 10. c. 52.** Quin Plinius contrarium asserit; Fœminam, inquit, edunt, quæ rotundiora gignuntur, reliqua mares. Profectò si certi aliquid in hac re continget, quædam gallinæ semper mares gignerent, aliae fœminas: siquidem quorundam ova omnia unius formæ sunt; nempe vel rotunda, vel fastigio acuminata. Et oblonga potius mares producebant,

rent, nam illa perfectiora, magisque concocta habentur; eademque propterea gratioris saporis putavit Horat, Flaccus. *Plin. ibid.*

Rationes pro ovorum figuris à Fabricio allatas, quòd invalidæ sint, lubens prætero.

*Magnitudinem ovi quod attinet, ea amplitudini fœtūs ex eo generandi conducere videtur; quippe magnarum gallinarum, grandia ova cernimus. Crocodilus tamen parit ova, quanta anseres: nec aliud Id. l. 8. animal ex minori origine in majorem crescit magnitudinem. Verisimile c. 25.* autem, ovi amplitudinem, & liquorum in eo copiam, nonnihil ad fecunditatem facere: quoniam perpusilla ova (*centenina dicta*) omnia infœcunda cernimus.

Ovorum numerus eandem utilitatem præstat, quam conceptuum copia in viviparis solet. Quippe hoc pacto speciei consulitur perennitati. Natura enim iis ferè animalibus numerosos fœtus largitur, quæ viribus animisve imbecillia, ab aliorum injuriis ægrè se tutantur: adeoque vitæ brevitatem, copiosâ prole compensat. *Tribuit hoc avium generi natura, inquit Plinius, ut fecundiores essent fugaces L. 10. c. 52.* earum, quām fortes. Cùm enim generatio quælibet perpetuitatis gratiâ à natura instituatur, frequens iis contingit, quæ brevioris ævi sunt, & externis injuriis obnoxia, nè species deficeret. Ideoque aves, quæ robore pollent, & ex rapto vivunt, adeoque diuturniore ac securiore vitæ fruuntur, rarò plū quām bina ova edunt. Columbæ quidem, turtures, & palumbes, bina duntaxat ova simul incubant, sed numeri defectum frequentiâ compensant; decies enim quotannis pariunt. Multū itaque generant, licet non multa.

---

*De vitelli & albuminum utilitatibus.**Exercitatio 59.*

**O**vum, inquit Fabricius, propriè dictum, ex multis partibus componitur; *Pag. 47.* quia est organum generantis, & Galenus passim quodlibet organum ex multis partibus constare prodidit. Quæ ratio dubitandi ansam præbet, an non cuilibet ovo competit, esse heterogeneum: quoniam omne ovum est organicum. Et profectò quodlibet ovum videtur ex partibus diversis constitui; etiam insectorum, & piscium: quippe, membranis, involucris, ac munimentis constant; & materia contenta, constitutione dissimilari haud prorsus destituitur.

Idem porrò verè quidem statuit, cum Galeno, *Partes alias in ovo, precipuum instrumentum actionis esse; alias poni, tanquam sine quibus actio fieri*

fieri non potest ; alias, ut melius actio fiat ; alias denique, ad horum omnium tutelam & conservationem comparatas esse. Sed fallitur, cum ait, Si de prima actione loquamur, que est pulli generatio, precipua causa est semen & chalaza, quia haec sunt precipua pulli generationis causa : quarum semen, efficiens causam constituitur ; chalaza autem tantummodo materia est. Quippe ex sententia Aristotelis, necesse est fateatur ; intra ovum esse, quod generat. Semen autem galli ovo inesse, negat. Nec minus hallucinatur circa materiam, ex qua, seminis opificio, pullus corporetur. Nam neque ex ambabus chalazis, nec alterutrâ earum, pullus fit ; ut in historia constitit. Nec generatio pulli fit per metamorphosin, sive delineationem & divisionem chalazæ ; sed per epigenesin, quemadmodum explicuimus. Neque chalaza principaliter à semine fecundatur, sed potius cicatricula, sive ovi oculus à nobis dictus ; ex quo aucto fit colligamentum ; deinde in isto, & ex isto, sanguis, venæ, & vesiculæ pulsantes, tandemque corpus integrum constitutur. Quinetiam (ipsomet fatente) semen galli, uterum gallinæ nè ingreditur quidem ; & tamen ova non modo jam facta, sed & postmodum formanda pariter fecundat.

*Pag. 48,* Ad secundam ovi actionem (qua est pulli nutritio & augmentum) albumen, & vitellum retulit. Vitelli vero, inquit, & albuminis quantitas constituta est, ut melius illa actio fiat, & ad pulli absolutionem, & justum incrementum sufficiat. Ovi cortex, & membrane, ad totius ovi, similius actiones tutelam positæ sunt. Venæ vero, & arteriæ alimentum deferentes, erunt tanquam sine quibus actio, id est, augmentum & nutritio fieri non posset. Incertum autem, num intellexerit vasa umbilicalia fœtūs, an venas & arterias matris, unde ovum augeatur. Pari verò ratione, uterus atque incubatio, ad hanc ultimam classem referenda erant.

Accedimus itaque ad ovi liquorē, albumen nempe & vitellum ; hi enim, præ ceteris, fœtūs gratiâ instituuntur, & in iis potissimum secunda ovi actio spectabilis est.

Ova gallinarum bicolora sunt, & binis liquoribus constant, qui seorsum à se invicem membranis dissepuntur ; iidemque quoniam duplice venarum umbilicalium propagine distinguuntur, (quarum una ad vitellum, altera ad albumen abit) variae quoque naturæ esse verisimile est, ac proinde usus etiam & utilitatis diversæ. Luteum ovorum, inquit Aristoteles, atque albumen contrariam naturam obtinent ; non solum colore, sed etiam potestate. Luteum enim à frigore densatur : albumen non densatur, sed magis liquefit. Contrà, ab igne spissatur albumen ; luteum non spissatur, sed molle permanet, nisi peruratur. Et elixando, quam assando, plus concrescit, atque siccatur. Vitellus ab incubitu jam calescens, redditur humidior ; fit enim tanquam cerasa, aut pinguedo liquescens : unde etiam spatium amplius acquirit.

Paulatim

Paulatim enim, ut fœtus augetur, albumen absumitur, & crassescit: vitellus autem è contrà, perfecto jam fœtu, nihil penè magnitudinis suæ amississe cernitur; sed liquidior solum & humidior conspicitur, cum fœtus jam alvo tegi incipit.

Diversitatis autem hujus causam *Aristoteles* hanc reddit: *Cùm Degen. an. avis intra se perficere nequeat, cibum unâ parit in ovo. Viviparis enim l. 3. c. 2.* cibus in alia corporis parte paratur, quod lac vocatur, videlicet in mammis. At avibus hoc idem in ovo natura constituit; sed contrà quam homines putant, & Alcméon Crotoniates ait: non enim albumen ovi lac est, sed vitellus. Nam cùm fœtus viviparorum, dum matri adhæret (cū plantæ, terræ) ab utero ejus primum alimentum trahat; post partum autem, extra uterum locatus, è mammis lac sugat, unde adolescat: pullus, utriusque alimenti analogon in ovo invenit: quod nempe viviparorum uterus in parente sit; in oviparis autem è contrà, parens potius in utero esse dicendus sit. Est enim ovum tanquam uterus expeditus & ablegatus, mammæque quasi vicaria in eodem reperiuntur. Pullus, inquam, in ovo primùm albumine nutritur; hoc verò absumpto, vitello postea (tanquam lacte) alitur. Ideoque propago umbilicalis, quæ albumen adit, consecuto eo, fatiscit & abrumptur ante partum, nullumque tandem vestigium suî relinquit, (cum in viviparorum fœtu umbilicus permaneat) sed evanescit, antequam venter inferior abdomine clauditur. Propago autem altera, quæ luteum petit unâ cum isto (circuncluso abdomine) in ventrem reconditur, victusque inde tenello fœtui depromittur: donec scilicet, firmato rostro, cibum sumere & frangere possit; ventriculusque ingestum eum comminuere, ac digerere valeat. Quemadmodum viviparorum fœtus, lacte ex ubere vescitur, donec dentibus instructus fuerit, quibus cibaria masticando conterat. Pullo enim (ut diximus) vitellus pro lacte est: ovumque gallinaceum (quoniam & uteri, & uberioris vices subit) liquore bicolore, albumine nempe atque luteo donatur.

Et dictorum quidem liquorum discriminina omnes fatentur. Ego verò, ut pridem dixi, in ovo diversa quoque albumina observavi, membranâ intersepiente distincta, quorum exterius, aliud intra se complectitur; quemadmodum vitellus ab albumine continetur. Eademque etiam diversæ naturæ esse monui; quoniam & loco, & ambiente membranâ, ab invicem distinguuntur, quasi usibus similiter diversis inserviant. Ambo tamen nutritionis gratiâ instituta sunt: eorumque exterius primò absumitur; utpote in quod, venarum umbilicalium (albumina adeuntium) propagines prius disseminentur, quam in crassius alterum; quemadmodum eadem albumina prius adeunt, quam vitellum, quem istæ complectuntur, & unde pullus novissime alitur.

Verūm hac de re inferiūs plura: ubi modum exponemus, quo fœtus viviparorum in utero formentur, & augeantur; simūlque demonstrabimus, eosdem omnes ex ovo ortum ducere, duplicitique nutrimento albugineo in utero vesci. Est enim eorum alterum tenuius, & intra ovum (ive conceptum) reperitur; alterum verò per vasa umbilicalia è placenta uterique cotyledonibus, emulgetur. Quod in dicto conceptu continetur, colore, & consistentiā, albumen tenuius refert; est nempe lēntum, liquidum, & pellucidum, planèque ei simile, quod in ovo colligamentum nominavimus, in quo fœtus natat, & quo demum ore pascitur. Quod verò fœtus, vasorum umbilicalium ope, ab uteri placenta trahit, densius est, & mucosum, crassiorique albumini perfimile. Unde liquidò apparet, fœtum in utero, non magis sanguine parentis ali, quām lactentem postea, aut pullum in ovo; sed nutriti materia albugineā, in placenta concoctā, ovīque albori non absimili.

Nec profectō utilis minūs, quām admirabilis est providentia diuinæ contemplatio; quā Natura, in gignendis, augendisque fœtibus (eorum quasi ætati, viribūsque prospiciens) alimentum singulis præstat idoneum: his nempe concoctu faciliorem, illis difficiliorem vitum accommodans. Prout enim robur, vimque cibos digerendi, uberiorem fœtus acquirit; ità pariter crassius ei, duriusque alimen-tum suggeritur. Idque etiam in diverso animalium lacte observare est: editis enim nuper fœtibus, lac matri tenuius, faciliorisque transmutationis contingit; temporis autem processu, viribūsque fœtūs jam austis, crassius indies, & caseosum magis evadit. Ideoque mulieres moliores & delicatulae, quæ ipsæ fœtus suos non lactant, sed alienis uberibus nutriendos tradunt, malè profectō eorum saluti consulunt; cùm enim nutrices adscititiæ, robustiore plerunque sint corpore, & habitu duriore præditæ, lactuque vetustiore, & caseoso magis, coctuque proinde difficile, abundant; fit sāpe, ut infantes talibus parentibus oriundi, lac ejusmodi (præsertim dentitionis tempore) non ferant; sed cruditatibus, lactuque corruptione, febri, fluore alvi, vomitu, intestinorum torminibus, tussi, insultibus epilepticis, aliisque similibus malis infestentur.

**Pag. 34.** Quod Fabricius asserit, rationibūsque quibusdam confirmare nititur, nempe materiam pulli ex chalazis confitui; id nos suprà in historiā rejicimus, simūlque manifestum fecimus, substantiam pulli, primāque ejus stamina efformari, integris adhuc, & immutatis chalazis, locōque etiam ab iis diverso.

**Pag. 54.** Nec verum est, chalazas (quas semen galli fæcundas reddidisse automat) vicem seminis subire, ut ex iis pullus oriatur. Neque chalazæ, colore, substantiâ, aut corporis proprietate, ut ille voluit, semini ità persimiles sunt, aut fœtūs similitudinem adeò referunt in ovo coctio, ut jura partes

partes omnes spermaticas appellatas inde procreari, censendum sit. Sed potius colligamentum à nobis dictum, sive partem albuminis tenuiorum, liquatam & coctam, feminis naturam referre, ejusque vicem subire oculis credendum est.

Supina itaque est illa vetrandi Senis contemplatio : Cūm universa animalis substantia ex duobus corporibus inter se valde diversis, quinimo contraria, constituantur ; nimis calidis, & frigidis ; ( calide sunt partes omnes sanguineæ, & rubræ, ut jecur, cor, lien, renes, pulmōnes, denique carnosum omnē ac musculosum genū : contrā verò frigide sunt partes albæ, & exsangues, ut ligamenta, nervi, ossa, cartilaginiæ, cerebrum, spinalis medulla, veneæ, arteriæ, membranæ ; & membranosa omnia corpora, ut ventriculus, intestina, uterus, pericardium, & si que aliæ sunt ) due diversæ hæ partes proculdubio diversum inter se, sed sibi quoque simile expostulant alimentum ; si modo verum est, ex iisdem nos nutriti, ex quibus constamus. Merito itaque spermaticæ, frigidæ, & albæ, alimentum album & frigidum ; sanguineæ verò rubræ & calidæ, rubrum & calidum alimentum postulabunt. Merito similiter ad frigidas, albas, & exsangues nutritiendas partes, candidus ovi liquor, videlicet albus, frigidus, & exsanguis ; ad calidas verò & sanguineas, vitellus, utputè calidus liquor, ruber, & sanguineus, substitutus est. Sic enim omnes animalis partes, conveniens & familiare alimentum sibi procurabant, & attrahent. Nequaquam enim concedimus, binos in ovo liquores reperi, ut diversis partium generibus nutriendis inserviant. Quippe jampridem diximus, Cor, pulmones, renes, lienem, jecur, musculos, ossa, ligamenta, cæterasque corporis universi partes, albedinem ab initio induere, & exsangues apparere.

Quinetiam ex prædicta Fabricii sententiâ sequeretur, Cor, pulmones, jecur, lienem &c. non esse partes spermaticas, sive è semine oriundas ; (quod ille tamen nullo modo concesserit) quoniam illa possumus sanguine nutritiuntur, & crescunt : siquidem ex eodem quilibet res tum nutritur, tum constat ; cum nutritio sit substitutio consumilis substantiæ, in locum deperditæ.

Nec minus illi responsu arduum, quomodo (absunto jani albumine in ovo) partes frigidæ & albæ (nempe ligamenta, ossa, cerebrum, spinalis medulla &c.) ex vitello porrò nutritiuntur, & crescant ? cum hic sit illis alimentum non minus inidoneum, quam albumen partibus calidis, rubris, & sanguineis.

Inò verò ex præfata sententiâ concludendum foret, partes calidas & sanguineas, postgenitas esse, sive ultimò enasci : carnem scilicet, post ossa ; jecur, lienem, & pulmones, post ligamenta & intestina : frigidasque pulli partes, prius conflari, & adolescere, interea dum albumen absuntur ; calidas autem postea gigni, cum vitellus in eorum nutrimentum cedit, & imminuitur : certumque esset, non omnes

partes ex eodem candido liquore ortum ducere. Hæc tamen omnia, oculata experientia falli redarguit.

Addo insuper hujus rei aliud argumentum: Piscium cartilagineorum (nempe rajæ, pastinacæ, & caniculæ) ova bicolora sunt, & vitellum satis coloratum habent; cum tamen eorundem piscium omnes partes (ipsa etiam jecorum parenchymata) albæ, exsangues, & frigidæ appareant. Contrà autem, vidi genus quoddam gallinaceum, cuius statura ampla, color pennarum nigricans, caro sanguine saturata, jecur rubicundius; eorum tamen ova (etiam secunda) vitellos pallidissimos habebant, nec plus hordei maturi stipulâ colo-ratos.

*Pag. 55.* Verbis proximè sequentibus, videtur, quæ modò dixerat, retrahitare; cum ait: *Unum autem admirari tum in vitello, tum in albumine oportet; quod, cum nullum eorum sanguis sit, ita tamen nature sanguinis propinquæ sint, ut modicè omnino à sanguine distent, & parum absit, quin uterque liquor sanguis sit: quare & exiguo labore, levique concoctione in sanguinem vertuntur.* Et ideo videre est venas & arterias, in albuminis & vitelli membranas propagatas, perpetuo sanguine referatas: albumen autem & vitellum in sua naturâ consistere, sed simulaque à vasis utraque substantia exsugitur, in sanguinem migrare; adèò eorum substantia vicina sanguini est.

Cum itaque, certum sit, sanguinem non minùs in propaginibus venarum per albumen sparsis reperiri, quam in iis quæ vitellum adeunt; & utrumque liquorem sanguini adèò vicinum esse, ut facili negotio in eundem commigrent; quis (obsecro) dubitet, sanguinem, & proinde partes quoque omnes sanguineas, albumine pariter, ac vitello, nutriti & crescere?

*Ibid.* Ille verò mox parat subterfugium. *Quanquam autem, inquit, hec vera sunt; existimare tamen oportet, banc substantiam, quæ è vitello & albumine à venis exsugitur, eo modo esse sanguinem, quo chylus in mesentieris venis; in quibus nîl aliud conspicitur, quam sanguis; cum tamen chylus umbram tantum sanguinis suscepit, perficiatur autem in jecore: sic substantia ab albo & luteo exsucta, in venis statim sanguinis umbram contrahit &c.* Esto: sub hac umbrâ tamen latitans, non solvit dubium, Cur nempe sanguis, partēisque sanguineæ, ob rationes dictas, non æquè ab albumine, atque è vitello nutritantur.

Si equidein assuerisset, partes calidiores, ex eo sanguine (vel alimento in sanguine contento, chylōque analogo) potius enutrir, qui ex vitello, quem qui ex albumine attrahit; frigidisque contrà, ex eo potius, quem ab albumine venæ apportant, quam à vitello; me profectò haud magnopere habuisset adversarium.

Unum in hac re eum malè habet; quomodo scil. sanguis in ovo efficiatur; sive, à quo opifice uterque liquor in sanguinem mutetur, nondum

nondum existente jecore? Non potuit enim dicere, illum in ovo à materno sanguine profluxisse. Ait verò, *Hic sanguis potius in venis, quām in jecore elaboratur, & coquitur; evadit autem os, cartilago, caro &c. in ipsis paribus, ubi ex aëre, coquitur, & assimilatur.* Nec quicquam præterea addit; neque indicat, à quo coquatur, elaboretur, siatque sanguis perfectus in venuulis tam albuminis quām vitelli, nondum (ut dixi) existente jecore, aut corporis particulā aliquid, quæ ipsum vel coquat, vel elaboret. Et cùm prius dixerit, frigidas ex albumine, calidas autem & sanguineas ex vitello nutrirī; dicti immemor, hīc planè contrarium statuit: eundem nempe sanguinem, in os, cartilaginem, carnem, cæterasque partes evadere.

Silentio autem prætererit difficultatem maximam, & Medicorum animos non leviter torquentem: nimirum, quomodo jecur sit origo & opifex sanguinis; cùm hic non solum in ovo reperiatur, ante natum aliquod viscus; sed & ipsi Medici doceant, viscerum omnium parenchymata, esse sanguinis duntaxat affusiones? Estne opus, auctor sui opificis? Si hepatis parenchyma fit ex sanguine, quomodo illud hujus causa fuerit?

Similis commatis sunt, quæ sequuntur: *Est, inquit, & aliis albuminis usus, quo à vitello fuit segregatum; ut scilicet in albumine fœtus innatet, & ita sustentetur, nè deorsum suopte pondere vergens, ad unam partem inclinet, & vasa trahantur, rumpanturque; ad quod præstandum, tenacitas & puritas albuminis confert.* Etenim si in vitello degeret fœtus, facile deorsum in profundum descendereb̄, cum vitelli etiam rupture. Jejunè admodum! Quid enim, obsecro, albuminis puritas sustentando fœtui confert? aut quomodo tenuius albumen facilius eum sustinet, quām vitellus crassior & terrestrior? vel unde, quæso, nè deorsum labatur, periculum est? cùm ovum incubatum semper in latus decumbat, ut nec adscensus pulli, nec descensus aliquis metuendus sit. Natare quidem non solum pullum, sed & fœtus omnes (dum formantur) certum est; fit autem istuc in colliquamento à nobis dicto, non in albumine, aut vitello: cauſamque ejus rei alibi diximus.

Scribit Aristoteles (inquit) ascendere vitellum ad obtusorem ovi partem, cùm pullus concipitur. *Hoc propterea fit, quia ex chalaza pullus corporatur, que vitello adhæret; unde vitellum, qui in medio est, sursum attolli oportet ad latiorem ovi partem; ut inibi gignatur, ubi cavitas naturalis adest ad pulli salutem per quam necessaria.* At verò chalaza magis albumini, quām vitello adnexitur.

Ego autem ascensus ejus cauſam hanc afferō: Macula, sive cicatrica in vitelli tunica apprens, ob colliquamentum spirituosum ei innatum, dilatatur; ampliorēaque propterea locum requirens, versus obtusum ovi cacumen tendit: similitérque vitelli & albuminis portio colliquata distenditur, & jam cocta ac spiritalis reddit, cæteris

cæteris partibus crudis supernatat: quemadmodum particulæ aquæ in vase calefactæ, è fundo iursum properant: quod Medicis omnibus compertum, qui urinam crassam ac turbidam aquæ ferventis balneo immittentes, superiorem ejus partem primò claram & transparentem fieri nōrunt. Exemplo res fiet manifestior: Nota ferè omnibus est *machina*, ad risum & jocum potius, quam usum aliquem comparata: nempe in sphæra vitreâ, aquâ limpida maximam parten plenâ, complures globuli vitrei solo aere pleni, summæ illius aquæ superficie innatant; eandémque ob levitatem, varia simulachra (putâ Cupidinem pharetratum, quadrigas Solis, centaurum armatum, & similia) fundum aliâs petitura, mutuo adnexu sustentant. Itâ pariter *oculus pulli* à me dictus, sive colliquamentum primum, ab incubantis calore, virtutéque genitali dilatatum, ideoque levius factum, summa petit, & vitellum (cui adhæret) secum unâ attollit. Hinc albumen crassius ei locum cedit, chalazæque ad ovi latera feruntur; quod *cicatricula* illa in vitelli latere olim sita, nunc rectâ sursum tendat.

---

### De cæterarum Ovi partium utilitatibus.

#### Exercitatio 60.

**C**Ortex durus & densus est, ut liquores, pullumque in eodem hospitantes ab injuriis externis tueatur. Fragilis tamen est, præcipuè parte obtusiore, & instantे pulli exitu; nè scilicet hujus exclusioni moram afferat. Porosum etiam esse, constat: dum enim (præfertim recens) ante ignem cōquitur, sudorem quasi per poros guttatin emittit. Sunt autem hi pori, utiles ad ventilationem; utque calor incubantis faciliter penetrat; & pullus aërem extrinsecus attrahat: spirare enim in ovo ante partum, vocemque edere, certum est; ut pridem diximus.

Hist. an.  
l. 6. c. 3.

Membranæ humoribus continendis inserviunt; ac propterea parum his numero constant. Ideoque & colliquamentum, quamprimum oritur, propriâ statim tunicâ vestitur; quam Aristoteles his verbis indigitavit: *Membrana etiam, fibris distinctâ sanguineis, jam candidum liquorē circundat &c.* Instante autem jani pulli exitu, absuntisque albumine & colliquamento, membranæ omnes (præter eam, quæ vitellum ambit) exsiccantur, & evanescunt: illa verò, una cum vitello, intra pulli peritonæum retrahitur, & abdomine occluditur. Harum membranarum duæ toti ovo communes sunt, quod immediatè sub cortice comprehendunt; reliquæ tum albumini, tum vitello,

vitello, tum colliquamento propriæ : omnes autem & conservatio-  
ni, & distinctioni partium, quas amplectuntur, inserviunt. Com-  
muniū exterior, quæ cortici adhæret, durior est ; nè ab ipso pati-  
atur injuriam : interior verò lœvis & mollis, nè liquores lœdat.  
pari nempe ratione, quæ meninges cerebrum à cranii incumbentis  
aspreidine tutantur. Membranæ interiores, & propriæ, liquores su-  
os (ut dixi) continent, & distinguunt : unde tenues valdè, pelluci-  
dæ, & fragiles sunt.

*Fabricius* magnam quidem laudem & dignitatem chalazia attribuit,  
(utpote è quibus pullum fabricari censuerit) maculam autem, sive  
cicatriculam, vitelli tunica adnatam, nullius planè usûs esse statuit ;  
sed eam duntaxat pedunculi, in vitellario sive superiore gallinæ  
utero, à vitello abrupti vestigium existimat. Scilicet (ex ejus sen-  
tentiâ) per dictum pedunculum, sive vasa eum permeantia, vitellus  
olim alimentum hauriebat ; eodem verò jam à gallina non ampliùs  
enutrito, abruptoque, manet solùm prioris conjunctionis, & bene-  
ficii vestigium.

Ego verò è contrà sentio, nullum esse alium chalazarum usum,  
prater eum, quem dixi : nempe, ut sint tanquam poli istius microcos-  
mi, & connexiones omnium membranarum convolutæ invicem, &  
contortæ, quibus liquores non modò suis quique locis conserven-  
tur, sed debitam quoque invicem positionem retineant. Maculam  
autem jam dictam maximi esse momenti, mihi certò constat ; ut-  
pote quæ principale ovi centrum sit, in quo calor insitus nidulatur,  
& ex qua, ceu scintillâ primâ, anima ipsa acceditur ; cuius denique  
gratiâ, cæteri omnes liquores, eorundémque involucra exstructa  
sunt : quemadmodum suprà à nobis dictum est.

Olim quidem existimavi, cum *Fabricio*, cicatriculam hanc esse pe-  
dunculi abrupti vestigium : postea verò ex accurata inspectione con-  
trarium edoctus sum ; nempe pedunculum, à quo vitellus pendet,  
non in hujus exiguum aliquem locum inseri, (quemadmodum pom-  
mis & prunis contingit) indéque connexionis adhuc superesse ve-  
stigium ; sed eundem, antequam vitellum attingit, è racemo in or-  
bem (tubæ instar) dilatari ; ut vitelli horizontem, sive circulum  
bipartientem (non aliter, quæ tunica amphiblistroïdes, oculum)  
amplectatur : adeò, ut pars superior vitelli, sive hemisphærii, quæ  
racemum spectat, à pedunculi contactu & cohærentiâ prorsus libera  
sit ; in cuius tamen cupulæ, sive scaphii parte superiore (aliquantu-  
lum autem à latere) dicta macula locatur. Pedunculi igitur à vitel-  
lo abrupti vestigium dici nullo modo potest. Quantum verò in ge-  
neratione commodi hæc macula apportet, in *historia* jamdudum in-  
notuit.

Supereft modò, ut, *Fabricium* præmonstratorem, olímque præ-  
ceptorem

ceptorem nuncum sequens, cavitatis illius, in obtusa ovi parte, utilitas ostendatur.

Is quidem pluribus verbis, cavitatis istius commoda, pro varia ejusdem magnitudine, prosequitur. Ego verò paucis agam: Aërem intra se continet; idéoque utilis est ad ovi ventilationem; ad pulli perspirationem, refrigerium, & respirationem; ac denique ad loquiam. Unde cava illa primò exigua, mox major, ac demum maxima conspicitur; prout nempe varii jam dicti usus postulaverint.

Atque hactenus de generatione ovi & pulli, singularitumque ovi partium utilitatibus, egimus: ad cuius narrationis exemplar, de cunctis oviparorum generibus judicandum est. Reliquum jam est, ut de viviparorum pariter generatione, ad exemplum unius alicujus perfectè cogniti, dicamus.

### *Ovum esse primordium commune omnibus animalibus.*

#### *Exercitatio 61.*

Hist. an.  
l. 5. c. 1.

**A**nimalia, inquit Arist. cum stirpibus commune habent, quod alia semine, alia sponte oriuntur: ut enim stirpes, vel semine stirpium aliarum proveniunt, aut sponte erumpunt, primordio quodam contracto ad ortum idoneo; quarum aliæ ex terra alimento sibi hauriunt, aliæ in stirpibus alii nasci solent: sic & animalia quedam per formæ cognitionem generantur; nonnulla sponte, nullo cognitionis semine antecedente, oriuntur; quorum aliqua, ex terra vel stirpe putrescente (ut complura insecta) generantur; alia in ipsis animalibus, atque ex eorum partium excrementis gignuntur. His autem omnibus (sive sponte, sive ex aliis, sive in aliis, vel partibus vel excrementis eorum putrescentibus oriuntur) id commune est, ut ex principio aliquo ad hoc idoneo, & ab efficiente interno in eodem principio vigente, gignantur. Adeò ut omnibus viventibus primordium insit, ex quo, & à quo proveniant. Liceat hoc nobis primordium vegetale nominare: nempe, substantiam quandam corpoream, vitam habentem potentiam; vel quoddam per se existens, quod aptum sit, in vegetativam formam, ab interno principio operante, mutari. Quale nempe primordium, ovum est, & plantarum semen; tale etiam viviparorum conceptus, & insectorum vermis ab Arist. dictus: diversa scilicet diversorum viventium primordia: pro quorum vario discrimine, alii atque alii sunt generationis animalium modi; qui tamen omnes in hoc uno conveniunt, quod à primordio vegetali, tanquam è materiâ efficientis virtute

virtute dotata, orientur: differunt autem, quod primordium hoc, vel sponte & casu erumpat; vel ab alio praexistente (tanquam fructus) proveniat. Unde illa, sponte nascentia; haec, ex parentibus genita, dicuntur. Atque ista denuo à partu distinguuntur: sunt enim alia, ovipara; alia, vivipara; quibus Aristoteles vermis para accenset. Si vero, prout res ad sensum se habet, distinguere liceat, partus duæ solum sunt species: siquidem omnia animalia, aliud animal vel actu pariunt, vel potentiam. Quæ actu animal pariunt, vivipara dicuntur; quæ potentiam, ovipara. Quodlibet enini primordium potentiam vivens, nos (cum Fabricio) ovum appellandum judicamus; vermèmque Aristoteli dictum, ab ovo minimè distinguimus: tum quia ad oculum sic appetit, tum etiam quia ratione id videtur consonum. Primordium enim vegetale, quod potentiam vivit, est etiam potentiam animal. Nec distinctio illa, quam Arist. affert inter ovum & vermem, admittenda est: ovum enim appellat, ex cuius parte fit animal; quod autem, inquit, totum mutatur, nec ex parte ejus animal gignitur, id vermis est. Hoc autem inter se conveniunt, quod sint ambo partus non viventes, sed potentiam solum animalia; ambo itaque sunt ova.

Hist. an.  
l. 1. c. 5.

Gen. an.

l. 3. c. 9.

Hist. an.

l. 1. c. 5.

Ibid. c. 30:

l. 1. c. 9.

l. 3. c. 9.

l. 1. c. 9.

Quin ipsem Aristoteles, quos alicubi vermes dixit, eos alibi ovi nomine appellat. Et de brucis agens, corrumptuntur, ait, eorum ova in autumno, cum multi imbræ ingruunt. Idemque de cicadis loquens, cum in terra, inquit, creverit vermiculus, sit tettigometra: pauloque post, feminæ à coitu suaviores; habent enim ova candida. Imò vero, ubi vermem ab ovo distinxerat, addit: omne autem hoc vermiculi genus, ubi suæ magnitudinis finem receperit, quasi ovum efficitur, indurescit enim putamen corum, & tantisper immota redduntur; quod in vermiculis apum, vesparum, atque etiam in erucis apertum est. Et profectò cuilibet videre licet, aranearium, bombycum, cæterorūnique insectorum primordia, non minus in ovorum censu habenda esse; quam crustatorum, ac mollium, & reliquorum piscium ferè omnium: quæ actu quidem animalia non sunt, ex illis tamen animalia procreantur. Quoniam igitur, quæ actu animal producunt, vivipara dicuntur; ea certè, quæ potentiam animal pariunt, vel generali nomine carent, vel ovipara dicenda sunt: præsertim cum talis partus, sit primordium vegetale, plantarum seminibus analogum, quale etiam ovum habetur. Concludendum igitur, omnia animalia vel vivipara esse, vel ovipara.

Quia autem oviparorum plures sunt species, propterea etiam variae sunt ovorum differentiae. Neque enim quodlibet primordium, cuiuslibet animalis formæ recipienda idoneum est. Quanquam itaque ova universaliter sumpta non differunt; quia tamen alia sunt perfecta, alia imperfecta, merito distinguuntur. Perfecta dicimus;

*Ovum est primordium commune.*

quæ in acero absolvuntur, debitâmque in eo magnitudinem ante parum obtinent; qualia sunt pénatorum: imperfecta autem vocamus, quæ præmaturè excluduntur, magnitudinēmque absolutam nondum adepta sunt, sed foris post partum augentur; ut piscium, crustatorum, & mollium: similiter & insectorum primordia (quæ ab Arist. vermes appellantur) ad hanc classem referenda sunt; ut & eorum, quæ sponte oriuntur.

Præterea, licet perfectorum ovorum alia bicolora sint, ex albamine nempe & vitello composita; alia tamen unius duntaxat coloris sunt, & albumine solum constant. Similiter imperfecta ova, alia sunt propriè dicta, è quibus perfectum animal procreatur, ut piscium; alia impropriè dicta, unde animal imperfectum oritur, nempe vermis, vel eruca; medium scilicet quoddam, inter ovum perfectum, & imperfectum: quod respectu ovi, sive ipsius primordii, animal est motu sensuque prædictum, sive ipsum nutriendis; respectu vero muscæ, aut papilionis, cuius est potentia primordium, tanquam ovum repens, & se ipsum augens reputandum est; qualis eruca, quæ debitam tandem magnitudinem adepta, in chrysalidem, sive ovum jam perfectum mutatur, & à motu cessans, ovi instar, potentia est animal.

Ad eundem modum, quanquam alia ova sunt, è quibus totis (per metamorphosin, sive transformationem) perfectum animal producitur, nec ex reliqua ovi materiâ alitur, sed statim foris fibi pubulum parat; alia vero, ex quorum parte aliquâ fœtus fit, & nutritur ex reliqua; quanquam (inquam) tam variae sunt ovorum differentiae, nihil obstat tamen, quo minus ova dicenda sint, quos Arist. vermes appellat, (si modò è rebus, quæ sensu ac ratione nobis constant, judicium ferre liceat;) cum sint omnia primordia vegetativa, non actu quidem sed potentia animalia, verèque animalium semina, plantarum seminibus analoga; veluti jamdudum de ovo gallinaceo demonstravimus. Sunt igitur omnia animalia, vel vivipara, vel ovipara; quod vel vivum animal actu pariant, vel ovum (sive primordium,) non actu sed potentia animal.

Generatio igitur oviparorum omnium, ad exemplum ovi gallinacei referri potest, vel ex eodem saltem non difficulter elici; quod eadem, quæ in illius historia dicta sunt, in ceteris quoque eviparis reperiuntur. Quibus autem singula inter se differant, aut convenient; idque vel genere, vel specie, vel analogia; postea dicetur, cum de insectorum, sponteque nascentium generatione acturi sumus. Quoniam enim generatio quælibet, ad formam cuiuscumque animalis adipiscendam via est; prout animalia quæque, alia aliis similia magis, vel ab invicem discrepantia fuerint, adeò ut partes eorum nec specie, nec genere convenient; ita similiter in corundem gene-

generatione usu venit. Quippe natura perfecta, sibique in operibus suis consona, ad similes usus & actiones, partes quoque consimiles instituit; pariterque ad eundem finem, eandemque formam adipiscendam, eadem via progreditur, eademque semper methodo in generandis rebus insistit.

Quapropter in ovo cuiuscunque pennati animalis perfecto & bicolore (ex vitello nempe & albumine composito, corticéque donato) ut easdem partes, ita eodem quoque modo atque ordine, fœtus omnes gigni & fabricari (quo in ovo gallinaceo) observavimus. Eadémque similiter notanda in ovis serpentum, & quadrupedum *oviparorum*, ut testudinum, ranarum, & lacertorum; ut pote è quorum ovis perfectis & bicoloribus, fœtus eodem modo (quo ex aliis ejusdem generis) formantur & producantur. Nec pilces ab hac ratione longè absunt. Quomodo autem araneæ, & crustata, ut astaci & gammari; molliissimque genus, ut sepiæ & loligines, ex ovis suis proveniant; quo pacto etiam ex ovis insectorum, vermes atque erucæ primùm erumpant, è quibus postea in chrysalidas sive aurelias (tanquam in nova ova) deinde regressis, musca tandem vel papilio enascitur; quomodo, inquam ista in generatione suâ ex ovis, à gallinaceis differant, suo loco videbimus.

Quanquam denique ova omnia bicolora, haud eodem modo generantur, & fecundantur; sed quædam ex coitu maris & foeminæ, quædam alio modo prolifica reddituntur, ut *piscium*; & licet ovorum etiam in crescendi modo, aliquod discriminè sit, quod alia intra parentem, alia foris nutrientur & augeantur; nihil obstat tamen, quod minus ex ovo quolibet (dummodo perfecto) fœtus ad eundem modum generetur; quo pullus ex gallinaceo nascitur. Quare sufficit ad reliquorum omnium *oviparorum* generationem cognoscendam, explicata ovi gallinacei historia; & ad eorum etiam notitiam, quæ inde (ceu conjectaria) necessariò deducuntur.



## De Generatione Viviparorum.

### Exercitatio 62.

**D**E oviparorum quidem generatione, actum est à nobis hactenus. Reliquum est, ut de altera partū specie (viviparorum scilicet,) observationes nostras proferamus: ubi plurima quoque eadem, quæ in ovo consideravimus, indéque pensitanda deduximus, denuo describenda veniunt. Quæ licet paradoxæ sint, & receptæ hactenus de generatione opinioni contraria; eadem tamen, nili me animus fallit, veritati planè congrua apparebunt.

Inter vivipara autem, principem locum homo obtinet, animalium omnium perfectissimus: deinde (ut à notioribus progrediamur) animalia quæ nobiscum degunt, passimque obvia sunt, annumeranda veniunt; (quorum alia sunt solidipeda, ut equis, asinus: alia, bisulca, ut bos, capra, ovis, porcus, cervus: alia fissipeda, seu digitatis pedibus, ut canis, felis, cuniculus, mus, & hujusmodi alia) ex quorum generationis modo, de reliquis omnibus viviparis iudicium instituatur. Quare (ut in ovis fecimus) unum aliquod genus primò, tanquam cæterorum omnium exemplar, proponam; quod, ut pote notissimum, reliquis lucem afferat, & norma sit, ad quam alia omnia per analogiam quandam referantur.

Cur ab *ovo gallinaceo* reliquis etiam ovis documentum sumerem, jampridem dictum est: nempe, quodd illud parvo veniret, & ubique obvium esset; eoque nomine & nobis in rem ipsam accuratiùs inquirere liceret, & alii dictorum veritatem facilius tutiusque explorare possent.

In viviparorum autem generatione cognoscendâ, eadem facilitas non occurrit: ab humani enim uteri dissectione ferè omnino excludimur; in equis vero, boibus, capris, cæterisque pecoribus, aliquid ad hanc rem experiri, citra ingentem laborem & impendium haud exiguum, non licet. In canibus tamen, cuniculis, felibus, & hujusmodi aliis, qui veritatis indagandæ studio tenentur, poterunt eorum, quæ à nobis dicentur, periculum facere.

*Fabricius* ab *Aquapendente*, tanquam onnis viviparorum conceptus ovum quoddam esset, ab hoc (ceu universali generationis exemplari) Tractatum suum auspicatur; intérque alias hujus sui consilii

consilii caussas, hanc potissimum reddit, Quod ovi contemplatio latissimè pateat : quippe maxima animalium pars, inquit, ex ovis gignitur. ovi & pul. Nos verò, in observationum harum vestibulo, cuncta animalia quodammodo ex ovo nasci affirmavimus. Quippe quo modo, ordine, ac ratione pullus ex ovo fabricatur, & producitur ; eodem pariter, ex conceptu præexistente, viviparorum fœtus proveniunt. Una scilicet, atque eadem est utrobique generationis species ; & utriusque exordium, ovum dicitur, vel saltem analogiā quādam tale habetur. Nempe, ovum est conceptus foris expositus, unde pullus procreatur ; conceptus, est ovum intus manens, donec fœtus debitam in eo perfectionem acquisiverit : cætera verò convenienter, sunt enim primordia vegetabilia, & animalia in potentiam. Quare eadem illa theorematæ, & confectanea (licet paradoxæ) quæ suprà in ovi historia deduximus, de omnium pariter animalium generatione verissima sunt. Confessa enim res est & manifesta, fœtus omnes, etiam humanos, ex conceptu, (ceu primordio quodam) procreari. Ratum itaque hoc esto : Quod in sponte nascentibus, primordium ; in plantis, semen ; & in oviparis, ovum dicitur ; (nempe substantia corporæ, ex qua per internum principium movens, & efficiens, vel planta, vel animal producitur;) hoc idem in viviparorum generatione, primus conceptus est : idque tum sensu ipso, tum ratione comprobabimus.

Quod antea de ovo affirmavimus, nempe esse sperma & semen animalium, plantarum semini analogum : idem nunc de conceptu assertimus, qui revera animalium semen est, & proinde etiam ovum dicitur. Quippe verum semen, (ex Aristotelis sententiâ) est, quod ex ambobus coëuntibus originem trahit ; & utriusque sexus virtutem obtinet ; quale semen plantarum omnium est, & animalium quorundam, in quibus sexus distinctus non est : velut id, quod ex mare & feminâ primum miscetur, quasi conceptus promiscuus quidam, aut animal ; hæc enim jam habent, quod ex ambobus requiritur : materiam scilicet alendo fœtuī idoneam, & plasticam, sive formatrixem, opificemque virtutem. Ita similiter conceptus, est utriusque coëuntium maris & feminæ fructus, atque futuri fœtus semen : ab ovo igitur non discrepat.

Quod autem à generante proveniens, causa est, que prima obtineat principium generationis (scil. efficiens) genitura dici debet, non autem semen ; (ut à vulgo, & philosophis quoque hodie perpetram appellatur) quia non habet, quod ab utrisque coëuntibus requiritur, nec plantarum semini est analogum. Quicquid verò id possidet, & plantarum semini respondet ; illud etiam ovum, & conceptus dici meretur.

Quinetiam definitio ovi, ab Aristotele tradita, conceptui planè convenit : Ovum, inquit, id ex fœtibus perfectis vocamus, cuius ex parte principio

ibid.

Hist. an.

l. i. c. 55.

*principio animal consistit ; reliquum verò alimento ei , quod gignitur , est . Idem autem conceptui quoque commune esse , postea ipsis oculis testibus , ex viviparorum dissectionibus constabit .*

Porrò , quemadmodum pullus ex ovo , incubantis , vel alterius cuiuspiam externi caloris blando fotu , excluditur foras ; ita similiter fatus , ex conceptu in utero , suavi matris calore producitur . Dicam paucis : quod ovipara animalia sinu , & incubatu ; id vivipara utero , & amplexu interiore præstant . Cæterum , quod ad procreationem attinet , fœtus eodenī modo & ordine ex conceptu producitur , quo pullus ex ovo . Hoc solum interest , quod in ovo , quicquid ad constitutionem pulli , ejusque augmentum requiritur , id simul adsit ; conceptus autem (postquam fœtus ex eo constitutus est) ad suū incrementum , plus insuper alimenti ab utero matris trahat , unde unā cum fœtu augeatur . Ovum etiam , crescente pullo , inanitat ; alimentūmque quod in eo erat , absuntur ; nec pullus novum à matre nutrimentum accipit : viviparorum autem fœtus aliud denuo invenit , & lacte insuper vescitur . Piscium tamen ova mutuato aliunde alimento , augentur ; insectorum etiam , crustatorum , ac mollium ova , foris habent unde crescant ; nec minus tamen ova appellantur , & revera sunt : similiter & conceptus , ovi nomine meretur , licet aliunde , ad incrementum suū , varium alimenti genus hauriat .

Cur animalia quædam sint ovipara , & non omnia vivos fœtus pariant , Fabricius hanc caussam reddit ; Quod scil . avium volatui , ova (si ad pullorum exclusionem in utero detinerentur ) suo pondere obessent . Serpentum quoque versatilem motum ovorum multitudo impediret . Testudinibus , ovorum copiæ & incremento , locus idoneus intra arcè circunductam testam deest . Nec piscium venter , tot ovorum incremento sustinendo sufficit . Ideoque necesse habent , ova etiamnum imperfecta exponere . Quasi maximè naturale sit animali , conceptum in se eosque retinere , ac fovere , donec fœtus perfectus fuerit ; & natura interdum , ceu coacta , in quorundam ovorum præmaturo partu , alimento iis forinsecus quæsito provideat .

Quod autem ad procreationem fœtū spectat , omnia animalia eodem modo ab oviformi primordio generantur ; ( oviformi , inquam ; non quod illud figuram ovi referat , sed quod constitutionem , & naturam ejus possideat ; ) siquidem in eorundem generatione hoc solempne est , ut primordium vegetale (ovi naturam referens , & plantarum semini proportione respondens) præexistat , ex quo fœtus producatur . Estque hoc in omnibus , vel ovum , vel oviforme quid , quod scilicet naturam & conditiones ovi habeat ; quas , etiam plantarum semina cum animalibus communes obtinent . Ideoque primordia

primordia quorunlibet animalium, dicuntur semina, & fructus; ac similiter, omnia plantarum semina, conceptus & ova aliquo modo appellari possunt,

Ad hunc sensum Aristoteles: *Que intra se pariunt animal, iis quo-* Degen. an.  
*dannmodo post primum conceptum oviforme quiddam efficitur: humor enim in* l. 3. c. 9.  
*membranā tenui continetur, proinde ac si ovi testam detraxeris. Quamobrem*  
*depravationes conceptuum, quæ per id temporis accident, fluxus vocant.*  
*In mulieribus potissimum isti fluxus observantur, cum primo, aut*  
*secundo mense abortiunt; quales sæpiissime eo tempore rejectos vi-*  
*di; talémque Hippocrates ex tibicina saltu decussum, & prolapsum*  
*retulit.*

Inest igitur in utero omnium animalium conceptus primus, sive primordium; quod, teste Aristotele, est veluti ovum membranā obtecum, *Hist. an.* cui putamen detracitum sit. Idque ex dicendis constabit luculentius. l. 7. c. 7.  
 Interea vero concludimus cum Philosopho: *Omnia tum natalilia,*  
*tum pedestria, tum volatilia; sive animalis, sive ovi formâ proveniunt, si-*  
*mili modo gignuntur.*

*Historia generationis Cervarum, & Damarum, seu  
 reliquorum viviparorum exemplar ponitur:  
 factique ratio redditur.*

*Exercitatio 63.*

S Erenissimo Regi Carolo, quamprimum excessit ex ephebis, mos Serat, animi à curis gravioribus laxandi, firmandæque valetudinis gratiâ, singulis ferè septimanis feras venari; præcipue cervos, & dasmas: cuius generis nemo in orbe Princeps, plures vel in saltibus sylvisque errantes, vel intra septa, ac vivaria conclusos in hunc finem aluit. Tribus quidem æstivis mensibus, mares jam obesoſ, eluique jucundos; autumno vero & hyeme, pari temporis spatio foemellas venabatur. Hinc mihi (quo tempore foeminæ libidinantur, marésque admittunt, concipiunt, & utero novellos fœtus gerunt) eas dissecandi quotidie facta est copia; partésque omnes, præsertim genitales, intueri, atque observare, quoties vellem, libere licuit.

Nos igitur viviparorum omnium generationem, ex cervarum & damarum historiâ, tanquam exemplari maximè commodo, explorabimus. Idque ad eandem normam, quâ suprà in ovi gallinacei historiâ,

H h reliquo-

reliquorum quoque oviparorum generationem expendimus. Non quidem istuc privato aliquo contilio, easdémque ob causás, propter quas ova gallinacea ad hanc rem prætulimus, hoc genus animalia in exemplum adduximus: sed, quòd summi Principis (cui erám Medicus, quíque & ipse harum rerum indagine delectabatur, mihiq; de repertis attestari non deditus est) favore, ac munificentiā, ingens eorum copia, simùlque frequens dissecandi opportunitas, inquirendique libertas suppeterent.

Liber itaque cervarum & damarum historiam, ex plurimis à me annorum aliquot serie factis observationibus compositam, & tanquam mihi notissimam, unde de cæterorum quoque viviparorum generatione certi aliquid statui posuit, proponere. Quam dum fideliter perteximus, quæ in aliis quoque animalibus, bisulcis nempe, solidipedibus, fissipedibus, hominéque adeò ipso, notatu digna, vel casu obiter, vel institutis in eam rem dissectionibus, sese obtulerunt, omnia bona fide referemus; seriémque formationis fætūs, secundūm varios in eâ naturæ progressus, enarrabimus.

## De Cervarum & Damarum utero.

### Exercitatio 64.

**D**E generatione, & formatione cervarum, ac damarum acturo, de loco primū, sive utero dicendum est; ( quemadmodum suprà in gallinæ historiâ fecimus ) quòd cætera postea faciliùs rectiusque intelligantur. Hac enim ratione potissimum historia fabulæ præcellit; quòd ea, locis & temporibus præfinitis, res gestas enarret; certioréque propterea tramite ad sapientiam dederat.

Ut autem cervarum uterus nobis clarius innotescat, fabricam ejus, exemplo sumpto ab utero muliebri, tum externam, tum internam explicabimus. Homo enim animalium consummatissimus, ut partes reliquas omnes, sic *genitales* etiam perfectiores obtinuit. Ideoque partes uterinæ in muliere distinctæ magis apparent, nobisq; etiam ( ob Anatomicorum in hac re industria ) melius cognitæ habentur.

In cervarum igitur & damarum utero, plurima quidem occurunt, quæ eadem in muliebri quoque utero reperias; quædam verò discrepant. In externo orificio, nec labra, nec clitoris, nec nymphæ adiungunt; sed duntaxat orificia duo ( alterum urinæ, pectinis ossi adjunctum; alterum vulvæ, inter anum & urinæ meatum ) reperiuntur.

tur. Cuticula membranosa (qualem in gallina observavimus) deorsum ab ano protensum, velabrum operit, supplētque usum nymphae & labiorum pudendi, ad tutelam contra injurias externas. Velabrum hoc à fœmina, dum coit, aliquantulum retrahitur; vel saltē à maris pene, cùm vulvæ orificium ingreditur, sursum propellitur.

Divisâ, in cervis & Damis, ossis pubis commissurâ; cruribusque multum diductis, illico (non aliter; quām in muliere) conspectui sese offerunt, vesica urinaria, vagina uteri, seu vulva (quam veretrum maris ingreditur) cervix uteri, hujusque situs; suspensoria item ligamenta, cum venis, arteriis, & testiculis sic dictis; cornua uteri etiam in hoc animali, præ cæteris uteri partibus, notanda veniunt.

Vasa autem præparantia dicta, & deferentia, vel ejaculantia, hīc non invenias; nec (quid sciam) in alia aliquā fœminā visuntur; & Anatomici (fœminam in coitu semen emittere rati) ea in muliere sollicitè ninnis inquirunt: quippe omnibus non contingunt, & in quibus insunt, nunquam eodem modo reperiuntur. Quamobrem verissimum videtur, quod etiam (ut monui) mulierum major pars assent; ipsas nempe in coitu semen non effundere. Et licet salaciores quædam humorem aliquem in coitu emittant; eum tamen fœcundum semen esse, aut ad conceptum necessariò requiri, non arbitror: plurimæ enim sine ejusmodi effusione (& nonnullæ quoque citra voluptatem aliquam) concipiunt. Sed de his plura alibi.

Vulva sive vagina uteri, qua ab externo pudendi ostio, ad internum matricis orificium extenditur; in dama, pariter ac muliere, inter vesicam urinariam, & intestinum rectum locatur; marisque genitali, formâ, amplitudine, & longitudine respondet. Eadem dissecata, oblongis intus rugis sulcisque hians ad facilem distensionem, lentoque humore lubrica cernitur. In fundo ejus, orificium angustissimum & occlusum conspicitur: principium nempe cervicis uteri, per quod, quicquid ex uteri cavo propellitur, foras emanat. Est hoc orificium illud, quod in muliere gravidâ & virgine, arctè adeò connivens, & sigillatum, conclusumque Medici affirmant, ut specilli, sive aciculæ tenuissimæ apicem non admittat.

Sequitur uteri cervix, sive processus, transitusque longior, ac rotundior multò, quām in muliere; fibrosior etiam, crassior, & nervosior, à vulvæ fundo ad uterum usque protensus. Cervice hāc secundum longitudinem rescißâ, videoas non modò ingressum ejus exteriorē, in vaginæ fundo conspicuum, arctè connivere, firmiterque conglutinari, adeò ut nè aér quidem inflatus, in uteri cavitatem penetrare queat; sed & quinque alias consimiles angustias ordine collocatas, firmique contra omnem extraneæ rei ingressum constrictas, & mucagine glutinosâ sigillatas: quemadmodum & mulieris

uteri orificio in angustissimum flavescente glutine obstruitur. Tales etiam angustiae in cervice uteri ovilli, vaccini, & caprini (Fabricio quoque observatore) reperiuntur, atque omnes conclusae, & ingressum quemlibet pracludentes. Quinque autem hic recessus, disinctissime in cerva & dama conspicuntur, ceu totidem orificia uteri constricta & conglutinata; quae merito credas munimenta adversus cuiuslibet rei introitum. Usque adeo Natura videtur providisse, ut, si quid casu, aut vi aliquam foramen primum perrumperet, idem tamen in secundo sisteretur: & sic porrò in reliquis cautum est, ne quipiam omnino uterum subeat. Stylus tamen è cavitate uteri foras emissus, dicta foramina facilè recludit, & egreditur. Debuit nempe flatui, sanguini menstruo, aliisque humoribus excernendis via patescere; rerum autem externalium, etiam minimarum, (aëris puta, aut seminis) ingressui, omnino praecludi.

In aliis omnibus animalibus, orificium illud uteri eodem modo occlusum reperitur, quo in muliere solet; in qua foret has artes adeo interdum clausas novimus, ut menstrua, lochia, aliive humores, ob denegatum iis exitum, in utero retenti, symptomata hysterica sævissima excitaverint; ac propterea instrumentum ad hanc rem idoneum excogitare opus fuerit, quo aperto hoc uteri meatus, intus stagnantia foras profluerent, & praedicta accidentia dissiparentur; tum etiam, ut injectiones in uteri cavitatem penetrarent, quibus ego ulceribus matricis internis, & sterilitati quoque aliquando medelam attuli.

Uteri cavitas, in cervis & damis, minima est; uti & substantia ejus magnitudine & crassitie exigua. Quippe uterus, in illis animalibus, est tanquam vestibulum, sive propylæum, in cuius cavitate, iter utroque apertum, dextrorum & sinistrorum in cornua ducit.

Aliter enim se habent partes istæ in cæteris ferè omnibus animalibus sanguineis, atque in muliere; in qua, pars uteri præcipua est corpus ejus; cervix autem, & cornua (cæti appendices) vix conspicuntur. Cervix nempe brevis est; cornua pusilla, & quasi processus teretes, sursum ab uteri fundo, tanquam binæ tubæ, protenduntur; quas Anatomici vulgo *vasa ejaculatoria* esse arbitrantur. In cerva autem, & dama, ut & cæteris quoque viviparis sanguineis (præter mulierem, simiam, & solidipedum genus) pars generationis præcipua, non est uterus, sed cornua. Scilicet in muliere, & solidipedibus, uterus est locus conceptionis; in cæteris autem, conceptus in cornibus perficitur. Ideoque Autores passim, cornua ista in aliis animalibus uteri nomine appellant; dicuntque, *uterum* quibusdam animalibus *bipartitum* esse, quibusdam vero minimæ; eo vocabulo conceptionis loca intelligentes, quæ cornua sunt, in quibus omnia ferè animalia vivipara, præsertim multipara, concipiunt:

ad quæ etiam omnes venæ & arteriæ uterinæ feruntur; quibūsque reliquæ partes genitales subserviunt. Quare & nobis liceat, in eorum animalium generationis historiâ, tum uteri, tum cornuum nominibus promiscuè uti.

In muliere, ut dixi, duæ *tubæ* propè cervicis uteri exortum in cavitatem ejus perforatae, non habent vulgò cornibus analogæ, sed à nonnullis Anatomicis, *vasa spermatica*; ab aliis, *spiramenta uteri*; ab aliis, *vasa semen deferentia*, aut *reservantia*; censentur. Tanquam essent de genere vesicularum seminalium; cum tamen revera cornibus uteri cæterorum animalium proportione respondeant; ut liquidò patet, *ex situ*, connexione, amplitudine, perforatione, similitudine, atque etiam officio: quemadmodum enim alia animalia (ut jam dictum est) semper in cornibus concipiunt; ità aliquando etiam mulier reperta est, quæ fætum in cornu, sive tubâ illâ gereret; ut doctissimus Riolanus ab aliis observatum meminit, & nos etiam pro priis oculis conspeximus.

*Antrop.*  
l. 2. c. 34.

Cornua ista in communem cavitatem definunt, quæ (tanquam porticus, aut vestibulum) utrique præfigitur; &, in cervis, utero muliebri analoga est; quemadmodum mulieris *tubæ* dictæ, earum cornibus proportionē respondent. Nomen autem à formæ similitudine sortiuntur: quemadmodum enim arietis aut hirci cornua, basi sunt amplâ; & antrorsum protuberantia, retrorsum incurvata cernuntur; ità similiter & hæc uteri cornua (in cervis & damis) ortu suo ampla sunt, paulatimque sursum attenuata, versus spinam reflectuntur. Atque ut illorum cornua, à parte anticâ inæqualia, tuberosa, & rugosa sunt; à posticâ verò parte, lævia apparent: sic uteri cervarum cornua, intrâ quidem cellulis quibusdam protuberantibus rugosa sunt, ad coli intestini modum; suprà verò (quâ spinam spectant) lævia, & æqualia, ac quasi tæniâ ligamentosâ astricta recurvantur; sensimque, cornuum instar, gracilescunt. Si quis intestinum vacuum (quali, farciminibus faciendis, coquus utitur) tæniâ ab uno latere secundum longitudinem contractum, caperatum, & coarctatum tenuerit; idem ex adverso latere (ad formam intestini coli) in cellulas corrugatum cernet. Talis est fabrica cornuum uteri cervarum, & damarum: in aliis verò aliter se res habet; nam vel majoribus cellulis, vel nullis constant. Licet autem in cervarum & damarum cornibus plures sint cellulae, non omnes tamen uniusmodi sunt magnitudinis, sed prima cæteris longè major est, in qua potissimum conceptus continetur.

Quemadmodum in muliere, uterus, ejusque tubæ, (seu cornua) cum reliquis ad eum pertinentibus, ossi pubis, dorso, & circumjacentibus partibus alligantur, mediante latâ & carnosâ membranâ, (tanquam vinculo suspensorio) quam Anatomici vespertilionum alias

nominant ; quòd uterus hoc modo suspensus, vespertilionem cum expansis alis referat : ità similiter in damis & cervis, cornua uteri utrinque cum testiculis, omnibúsque uteri vasis, circumvicinis partibus (præsertim dorso) crassâ membranâ annexuntur ; inque ea partes omnes dicta suspenduntur ; idémque officium partibus uterinis præstat, quod mesenterium intestinis, & mesometrium utero gallinæ. Nam ut à mesenterio, venæ & arteriæ mesaraicæ ad intestina derivantur ; ità quoque vasa uterina per dictam membranam disseminantur : in qua etiam vesiculæ quædam utrinque, & glandulæ cernuntur, quas Anatomici vulgo testiculos appellant.

Substantia cornuum uteri cervarum & damarum, est cuticularis, sive tunica carnosa (qualis intestinorum) venulis quibusdam gracillimis conspersa. Poteris eam, more Anatomico, in plures tunicas dispertere, diversisque fibrarum ductus observare, ad motus & actiones varias obeundas utiles ; retentionem scilicet, & expunctionem. Quippe cornua ista, instar lumbricorum terrestrium, sese moventia saepius conspexi ; sicut cuilibet licet, recenter occiso animali, apertoque confessim abdomen, intestina sese undoso motu contorquentia clarè cernere ; quo (tanquam circundato annulo striatiore, & depresso ; aut digitorum operâ, constrictio fieret) chylum & excrementationa ad inferiora promovent.

Venæ uterinæ omnes (ut in muliere) originem è vena cava, prope emulgentes, ducunt : arteriæ verò (quod illis etiam, cum muliere, commune est) è ramis arteriæ magnæ descendentis cruralibus oriuntur : & quemadmodum in muliere gravidâ, vasa uterina sanguinea plura & majora sunt, quam in reliquo ejus corpore ; ità quoque cervis & damis prægnantibus usi venit. Arteriæ autem, (contrà, quam in cæteris partibus) multò, quam venæ, numerosiores sunt ; exdémque inflatæ, vicinas venas pariter distendunt ; quod illis, ab inflatis venis, vicissim non contingit. Hoc ipsum quoque à D. Riolano observatum video ; estque validum argumentum pro circuitu sanguinis, à me invento ; dari enim transitum ab arteriis in venas, non autem retro è venis in arterias, luculenter probat : suntque plures arteriæ, quam venæ ; quòd copioso alimento ad nutriendum fœtum opus sit, cuius reliquias pauciores venæ regerant.

Testiculi in his, ut & ovibus, capris, ac bisulcis omnibus, visuntur quidem, sed sunt quasi parvæ glandulæ, quæ prostatis potius, aut mesenterii glandulis proportione respondent, (quarum usus est, stabilire venarum divaricationes, & humorem lubricandis partibus conservare) quam semini, eisque prolifico concoquendo, coitûsque tempore profundendo, institutæ sunt. Siisque egomet hujus sententiæ, tum ob alias rationes plurimas alibi allatas ; tum maximè, quòd coitûs tempore (quando maribus testiculi turgent, & humore

humore seminali replentur) in cervis & damis, cæterisque viviparis omnibus (in quibus reperiuntur) uteri cornua immutentur; testiculi autem dicti (tanquam ad generationem nihil facerent) nec turgeant; nec quicquam à solitâ constitutione (sive antè coitum, sive post ipsum) varient; neque ullo indicio, utilitatem aliquam vel ad coitum, vel ad generationem afferant.

Dictu mirum, quanta maribus (in talparum, & muriū majorum genere) coitū tempore, tum in vesiculis seminariis plurimū distentis, tum etiam in testiculis, abundet genituræ copia; (quod etiam in gallo gallinaceo antea observavimus) & quam ingens mutatio in utriusque sexūs genitalibus cernatur; cum tamen glandulæ, (quas fœmellarum testiculos arbitrantur) citra variationem ullam, pristinam faciem servent.

Quæ hactenus circa uterum, ejusque cornua, in cervis & damis notavimus, cæteris quoque viviparis maximam partem conveniunt; licet in muliere discrepent; quod hæc in utero concipiatur, illa vero omnia in cornibus, præter equam, & asinam; quæ tamen ipsæ licet in utero conceptum gerere videantur, is tamen conceptionis locus, cornu potius naturam & constitutionem, quam uteri, refert: locus enim ille non est bipartitus, sed oblongior, & ab utero discrepans tum situ, tum connexione, tum fabricâ, & substantiâ; magisque utero superiori, seu processui uteri gallinæ (ubi ovum crescit, & albumine cingitur) comparandus est, quam utero muliebri.

---

*De Cervarum & Damarum coitu.**Exercitatio 65.*

**H**istoria uteri cervarum, & damarum ita se habet. Ubi, quæ ad generationem videbantur necessaria, paucis expedivimus: nempe conceptionis locum, & quæ hujus caisâ fabrefacta sunt. Restat, de loci hujus actione & functione, coitu scil. & conceptu, jam dicamus.

Damas & cervæ, uno solùm statóque anni tempore mares admittunt; nempe sub medium Septembri, post festum Sanctæ Crucis: pariuntque post medium Junii, circa festum divi Joannis Baptiste. Gerunt itaque utero novenis mensibus, non autem octonis, ut Plinius voluit: saltem apud nos patere solent nono mense postquam L. S. c. 32. primum coierunt.

Coitū.

Coitus tempore, mares fœminis aggregantur ; aliás verò secedunt ab invicem ; marésque (præsertim seniores) cum maribus ; fœminæ, cum fœminis, & maribus junioribus degunt, & pascuntur. Mensē círciter integro libidinis desiderium exercent : ejusque initium, si tempestas sicca fuerit, tardius ; sin pluviosa, citius auspicanter. Ideoque in Hispania (ut intellexi) raro coëunt antè Octobris Calendas : quod imbres illic haud prius ingruant. Durat autem raffissimè, apud nos, eorum coitus ultra medium Octobris.

Eodem tempore, furore libidinis sœviant ; canes, hominésque adoruntur : aliás verò timidi valde, & imbellis sunt ; ac vel à minimæ caniculæ latratu, sese continet in fugam proripiunt.

Quilibet mas fœmellas suas omnes novit, nec aliquam errare patitur à grege suo, sed cursu facto, palantem oculis revocat ; interque conjuges obambulat. zelotes ; crebro circumspectat, gregémque proprium circumagit, diligens custos. Si forte fœminam alienam offenderit, non ardenter eam insequitur, sed abire sinit : sin autem mas alter ad hujus gregem venerit, statim occurrit obviā, & intentat cornua.

Cerva (uti & dama) inter castiora animalia censemur : ægrè enim maris initium patitur, (quippe, tauri instar, cum impetu coitum peragit) & nisi vi compulsa, aut fatigata, congressum repudiatur. Quæ etiam causa videtur aggregationis fœmellarum ad proprios mares, eosque seniores, & potentes armis : adventante enim mare alieno, coitumque appetente ; ad proprium illico maritum, gregémque consugiunt, tanquam ad asylum, ut castitatem suam & pudicitiam tueantur.

Si forte mas junior cœlebs fœminam solivagam repererit, accurrit oxyū, & persequitur, cursuque fatigatam, & jani amplius aufugere nequientem descendit, & per vim comprimit.

Mares iesorum quilibet loca sibi parant coëundi, (Angli dicimus, their rutting place;) fodunt scrobes scilicet, aut loco acclivi adstant, amasiásque suas vicissim ad se venire cogunt. Quæ coitura est, posteriores pedes in scrobem (in hoc paratam) demittit, sidensque, (si opus sit,) clunes aliquantulum deprimit ; quo sit, ut insiliens mas, unico initio (taurino more,) eum protrudens verberet, coitumque absolvat.

Veteres & robusti mares, plures in grege suo fœmellas habent ; juvenes, & infirmi, pauciores. Aliis, deni, quindeni, aliis associantur. Custodes aiunt, altero, vel tertio saltu coitu impleri fœminam : ea verò simul ac prægans evaserit, mare denuo non admittit.

Mas, postquam fœmellas suas implevit, deservescit ; simulque timidior factus, ac macilentior, gregem deserit ; vagat̄ solus ; avidéque

avidéque pascitur, ut attritas vires resarciat; nec fœminam aliquam postea toto anno aggreditur.

Mari ad coitum maturo, pili in gutture & collo nigricant; ejusdemque coloris est præputii extremitas, quæ etiam putret, & vehementer fecerit. Fœminæ marem raro patiuntur; & non nisi noctu, locisve obscuris; qualia ob eam caussam à maribus in connubia eliguntur. Si isti invicem (ut fit) prælia commiserint, victi fœmellæ omnes victori in possessionem cedunt.

---

*De constitutione, sive immutatione uteri Cervarum, &  
Damarum, mense Septembri.*

*Exercitatio 66.*

**A**ccedimus jam ad partium genitalium fœminarum post coitum immutationem, & conceptionem ipsam. Mense itaque Septembri, cum primùm fœminæ ineuntur, earum uterus (cornua intelligo, sive conceptionis locum) paulò carnosior, & crassior; mollior etiam, & tenerior conspicitur. In cavitate utriusque cornu, (parte illâ, quæ, tanquam tæniâ caperata est; nempe quâ spinæ objicitur) carunculæ quinque, ceu verrucæ molles, aut papillæ ordine dispositæ, protuberant: quarum prima reliquis major, cæteræque suo ordine continuo minores sunt; quemadmodum & ipsa cornua perpetuo ductu versus extremum cacumen tenuantur. Earum aliquæ, ad digitii crassioris amplitudinem (quasi caro fungosa luxurians) ex crescunt: quæ aliis albidiiores, aliis rubicundiores videntur.

Circa dieni Septembri vicesimum sextum, aut vicesimum octavum, (ut etiam postea in Octobri) uterus crassior redditur; & carunculæ, jam tumidiorez, mulierum papillas referunt: lacti profundendo paratas crederes. Abscissâ harum summitate, (ut ablatâ extimâ superficie, interiorem constitutionem dignoscerem) easdem ex innumerabilibus punctis albis compactas, tanquam ex totidem fetis cum mucosa aliquâ visciditate erectis, conspicabar: factâque inter pollicem & indicem à radicibus sursumversum constrictione, è singulis punctis minima sanguinis guttula prodiit. Unde diligentiore postea indagine intellexi, totidem arteriolarum capillamenta esse.

Tempore coitus itaque, vasa uterina (præsertim arterias) plura,

& conspectiora observavi. Quanvis (ut suprà monui) testicu l qui dicuntur, neque ampliores, nec repleti magis quām antea, nec à pristina suā constitutione mutati apparent.

Uteri (scil. cornuum) cavitas, & interior superficies (quam cellularum parietem dicas) haud aliter, quām interior ventriculorum cerebri concameratio, aut caro glandis intra p̄epūtium, tātu mollissima & lāvissima appetat. In illa verò nec sperma maris, nec aliud quippam ad conceptum spectans (licet accuratam per Septembres atque Octobris menses totos dissectionem instituerim) invenire unquam potui. Mares tamen interea quotidie coitum celebrabant, egóque fœmellas quamplurimas dissecabam. Et que hoc ipsum mihi multorum annorum experientiā compertum. Vidi quidem in nonnullis, carunculas inter se vicinas adeò, ut quasi protuberantiam quandam continuam, ex quinque simul junctis, p̄se ferrent. Cūm autem, periculo s̄p̄ius factō, nihil aliud intra uteri cavitatem occurreret; cœpi primū dubitare, num maris semen ullo pacto (injectione scilicet, aut attractione) conceptionis locum posset ingredi? tandemque, iterata s̄p̄ius inspectio sententiam hanc mihi ratam fecit, Nihil prorsus seminis ad ea loca pertingere.

*Quid iis eveniat mense Octobri.*

## Exercitatio 67.

**P**Lurimis quidem dissectionibus mense Octobri, tum ante finitum earum coëundi terniuin, tum etiam postea, institutis; nunquam tamen in uteri cavitate, aut ejus cornibus, semen, aut sanguinem, alteriūs ve rei vel vestigium quidem reperire licuit. Uterus solū major, & aliquantulum crassior; carunculae quoque tumidiiores, ac floridiores conspiciebantur: è quibus, facta digitis expressione validiore, minimæ sanguinis guttulæ emanabant: quemadmodum è gravidarum papillis, quarto p̄agnationis mense, lac aquosum exprimi solet. In unius quidem, aut alterius utero p̄pter naturam extenuato, inveni putrilaginem quandam viridem, & ichorosam, abscessū instar, cavitatem ejus replentem; cetera tamen, damæ illæ sanæ erant & obesulæ; non minùs reliquis, quas simul recenter mastatas inspeximus.

Circa Octobris finem, & principium Novembres, finito jam tandem

tandem coitu, sœmellisque à marium consortio discedentibus; cœpit uterus (aliis prius, aliis posterius) minorem molem præ se ferre, atque interioris cavitatis paries, ceu inflatus, tumefieri; namque, ubi cellulæ nuper erant, ibi nunc globuli interius extuberabant, qui cavitatem ferè omnem opplebant; adeò ut latera sese mutuò tangentia & quasi agglutinata conspicerentur, nihilque inter se spatii relinquerent. Nempe, ut puerorum labia (dum favos decalcantur, ut mella liguriant) apum spiculis ista, tument, infiantur, orisque hiatum arctant; ità pariter uteri damarum interior superficies turgescit, mollissimaque & pulposa substantia (qualis cerebri est) cavitatem implet, & carunculas involvit. Atque istæ quidem carunculæ nihilo majores, sed albidiiores tantum, & quasi aquâ calidâ maceratae videbantur; quales lactantis papillæ, statim ab infantis suetu, conspici solent. Sanguinem verò ex illis, ut antea, digitorum compressione elicere non potui.

Interior ista uteri superficies tuberibus inflata, adeò nunc tenera, delicata, & lœvis evasit, ut nihil suprà. Credas equidem, ventricolorum cerebri molilitiem adesse; digitumque ei admovens, nisi oculos consulueris, vix percipias te eam tangere. Jamque aperito, statim post internacionem, uteri sinu; undofum, ac testudineum motum sæpe vidi (qualis in ima parte cochlearum, aut limacis, dum reptit, conspicitur) quasi uterus esset animal in animali, motumque proprium exerceret. Ejusmodi intestinorum motum (ut modo dictum est) in vivorum dissectione sæpe conspicatus sum: eundemque visu, & tactu, in vivis canibus & cuniculis (etiam integris) experiri licet. Similem quoque motum in marium testiculis, & scroto observavi: novique mulieres, quibus palpitaciones ejusmodi, pro spe gravitationis, imposuerint. Num autem uterus muliebris, in hysterics symptomatibus (ascensu nempe, descensu, & contortione) tali motu, tive agitatione palpitet, necne; atq; utrum cerebrum quoque in suis conceptionibus similiter moveatur; quæstu ut arduum, ita haud indignum censeo.

Paulò post, dista interioris tunicae uteri extuberantia fatiscere, (ac si madore perfunderetur) & paulatim sidere, atque extenuari cœpit: quinetiam nonnullis, sed raro, purulenta quædam materia (sudoris in modum) adhærebatur; qualis in vulneribus, aut ulceribus cerni solet, cum concocta dicuntur, ac pus reddunt album, lœve, & æquale. Visâ primùm hâc materiâ; dubitabam, num maris semen esse, an ex puriore illius parte concoctum quid arbitrarer. Quoniam autem eam rarissimè, & in paucis admodum conspicabar; & jam viginti diebus præteriisset cum mariibus consuetudo; materiâque ipsa non esset lenta, viscida, aut spumosa, (quale semen comprehenditur;) sed magis friabilis, & purulenta, ad flavedinem tendens

apparebat; potius casu aliquo, vel à sudore, ex nimio cursu antē necem defatigatis, eam contigisse judicabam: quemadmodum in gravedine, tenuior catarrhi materia in mucum densata flavescit.

Hanc in utero mutationem cùm sèpe serenissimo Regi (tanquam primum prægnationis indicium) obtulisse; similius ostendisse, nihil etiamnum seminis aut conceptus in uteri cavo reperiri; Ipsèque pluribus idem, ceu rem miram, communicasset; orta denum est controversia: Custodibus, & venatoribus afferentibus primùm, argumento esse, tardam fore conceptionem; & defectum imbrium caussabantur. Postea verò, cùm coëundi tempus præteriisse cernerent, egóque idem usque affererem; constanter affirmabant, & me deceptum esse, & à me Regem ipsum; deberéque necessariò aliquid conceptus in utero reperiri: donec propriis oculis rem, ut erat, perscrutati, summā cum admiratione de lite desisterent. Medici, autem absque maris semine superstite conceptum fieri, nihilque protinus à coitu fœcundo in utero remanere, inter adūsalia referebant.

Quò clarius igitur hoc tanti momenti experimentum posteris constaret; serenissimus Rex, experiendi caussā (quoniam in omnibus idem concipiendi modus, & tempus est) duodecim circiter damas feminas, circa initium Octobris, ab omni marium consilio segregavit, murisque inclusas in vivario suo ædibus Hamptoniensibus vicino detinuit; loco nempe, cui *Cursus* nomen; quòd intra ejus septa, ferarum immixtarum veloci cursu, canum insequentium perniciatem experiantur. Nè verò quis caussaretur; has ita seclusas, semen ex ultimis congressibus retinuisse, (coitus enim tempus nondum præterierat) earum aliquas dissecui, vidique, nihil seminis in ipsarum uteris superesse: cùm reliqua tamen ex præcedente coitu, (seu contagio quodam) prægnantes fuerint, fœtusque suos statu tempore pepererint.

In canibus, cuniculis, aliisque plurimis animalibus, expertus sum, nihil prorsus in utero post coitum, per aliquot dierum spatium reperiri. Adeò, ut exploratum habeam, in viviparis quoque (quod suprà de Oviparis constitut) nec ex spermate maris, aut feminæ, in coitu projecto; nec ex ambobus simul misis (ut Medici volunt) oriri fectum; neque ex sanguine menstruo, tanquam materiâ, (ut Aristoteles censuit;) neque protinus à coitu, conceptus aliquid necessariò constitui. Et proinde haud verum est, in coitu prolifico, materiam aliquam in utero paratam adesse, quam masculi seminis virtus (coaguli instar) coquat, coagulet, & efformet; vel in actum generationis deducat; aut, resiccatâ extrinsecus superficie, membranis includat. Nihil enim omnino per dies complusculos (nempe ad duodecimum Novembiris) inesse cernitur.

*Patet insuper, non omnes feminas, dum coeunt, semen in uterum.*

profundere; neque enim in dama, aut cervâ, aliisque plurimis viviparorum generibus, ullum est, vel menstrui sanguinis, vel semenis indicium. Quid autem sit, quod à mulieribus petulcioribus in coitu, cum virium resolutione, ac voluptate, non minùs quam à viris, profluit; & an necessariò ad conceptum faciat; utrum à testiculis proveniat; an sit semen, & num prolificum; alibi à nobis dictum est.

Atque hæc dum agimus, ignoscant mihi niveæ animæ, si (summarum injuriarum memor) levem gemitum effudero. Doloris mihi hæc caussa est: cùm inter nuperos nostros tumultus, & bella plusquam civilia, serenissimum Regem (idque non solùni Senatus permissione, sed & jussu) sequor; rapaces quædam manus, non modò ædium mearum supellecilem oninem expilârunt; sed etiam (quæ mihi caussa gravior querimoniaz) adversaria mea, multorum annorum laboribus parta, è musæo meo summanârunt. Quà factum est, ut observationes plurimæ (præsertim de generatione Insectorum) cum reipublicæ literariæ (ausim dicere) detimento, perierint.

---

*Quid in utero Damarum contingat, mense Novembri.*

### Exercitatio 68.

**C**irca diem Novembris duodecimum, aut decimum-quartum, aliquid primùm in uteri damarum cavo, ad futuram prolem pertinens reperiri, plurimorum annorum experientiâ edoctus, verè testor.

Memini quidem, anno salutis 1633. conceptionis signa, sive exordia, paulò citius apparuisse; quod tempestas nubila, & pluviosa esset. In cervis etiam, quæ sex septénve diebus priùs, quam damæ, coëunt; octavo, vel nono circiter Novembris die, aliquod semper futuri factûs vestigium deprehendi. Quid autem illud sit, & quomodo inchoetur, jam dicam.

Paulò antequam quippiam discernitur, uteri sive cornuum substantia minor apparet, quam cùm primùm libidinabantur; albæque carunculæ flaccidiores sunt (ut antè monui) & interioris tunicæ protuberantia subsidit aliquantulum, corrugatur, ac madescit. Circa tempus enim prædictum, per medium utriusque cornu atque etiam uteri cavitatem, mucosa quædam filamenta (tanquam aranearum telæ) ab ultimo sive superiore cornuum angulo ducuntur;

quæ simul juncta, membranosa ac mucilaginosa tunicam, sive manticam vacuam referunt. Atque ut plexus Choroïdes per cerebri ventriculos traducitur; ita sacculus iste oblongus, per totum utriusque cornu, intermediisque uteri cavitateni protelatur. In quo ductu, intra rugas fatiscentis tunicae interioris se insinuans, inter praedictas globulosas extuberantias tenues fibras implicat; ad eum prorsus modum, quo pia mater intrâ cerebri gyros se abscondit.

Post diem unum, aut alterum, mantica hæc impletur aquosâ, albâ, lentâ, & albuginâ materiâ; longumque farcimen humore isto plenum refert. Lentore quidem suo exteriore, uterî lateribus continentibus aliquantulum adhæret; ita tamen, ut facile ab iis separari queat: quippe in uteri angustiâ (ubi constringitur, dum eam pertransit) arrepta illa, ex utroque cornu integra educitur, modò cautè actum fuerit.

Conceptus iste adactus, & extractus, figurâ manticæ, sive duplicitis farcimini deprehenditur; & exteriorius quidem, purulentâ quadam forde oblinitur; intus verò lubricus est, lentumque humorem, ovi albumini liquidiori non absimilem, in se continet.

Est hic cervarum & damarum conceptus primus. Et quoniam naturam, atque conditionem ovi obtinet, convenientque ei definitio ovi ab Aristotele tradita, nempe *cujus ex parte animal gignitur; reliquum cibus ei, quod gignitur est*: quoniam etiam futuri foetus primordium existit; propterea quoque animalium horum *ovum* dicitur: secundum illud Philosophi, *Quæ intrâ se pariunt animal, iis quodammodo possit primum conceptum oviforme quiddam efficitur*. Humor enim in membrana tenui continetur, perinde quasi ovi testam detraxeris: quamobrem depravationes conceptum, quæ per id temporis accident, fluxus vocant. Est igitur (ut supra de ovo diximus) conceptus iste, verè sperma, sive semen, utriusque sexus virtutem in se complectens, & plantarum semini analogum. Ideoque Aristoteles mulierum conceptus primos describens, ait esse, *veluti ovum membranâ obiectum, cui putamen detractum sit*: qualem Hippocrates è tibicina profluxisse memnorat; nosque etiam mulieribus sœpe secundo mense decidisse vidi mus, ad ovi columbini molem, sine foetu; aliquando etiam ad phasiani, vel gallinacei ovi magnitudinem: atque hoc tempore, embryo intus longitudine unguis digiti minimi fluitans cernitur. Membrana verò conceptum obtegens, placentam annexam nondum obtinet, neque utero affigitur: sed solummodo parte sui superiore & obtusiore, quasi musco tenui, aut lanugine quadam vestita, accrescentis jam placenta rudimenta exhibet: interior autem superficies, levis & lubrica existens, plurimis vasorum umbilicalium propaginis referta cernitur. Tertio mense, ovum hoc, anserinum magnitudine superat, atque embryonem perfectum duos digitos transversos

versos longum amplectitur. Mense quarto, struthionis ovo gran-  
dius visitur. Atque hæc in abortibus ( crebrò factis dissectioni-  
bus) diligenter observavi.

Ad hunc, inquam, modum damæ & cervæ, licet per mensem in-  
tegrum ( atque etiam amplius ) à coitu, nihil sensibile in utero ha-  
beant, quodam tamen veluti contagio affectæ, conceptus hujusmodi  
& primordia ( quemadmodum plantæ, semina ; arborésque, suos  
fructus ) ovorum instar producunt : quæ circa diem decimum octa-  
vum Novembris, aut ( ad summum ) vicefimum primum, perficiun-  
tur ; idque interdum in dextro cornu, aliquando in sinistro, non  
nunquam in utroque ; habentque in se materiam colliquatam, trans-  
parentem, & crystallinam ( quam, in ovo gallinaceo, colliquamentum  
sive oculum nominavimus ) propriâ tunicâ tenuissimâ atque orbicu-  
lari contentam , humoréque eo, in quo postea conceptus natat,  
longè puriorem ; in cuius medio, fibra sanguinea, & punctum sali-  
ens ( primum futuri fœtûs fundamentum ) citra ullam præterea cu-  
juslibet rei præsentiam, clarè discernuntur : estque hæc prima pars  
genitalis. Quâ demum constitutâ, anima non modò vegetativa,  
sed & motiva jam inesse dicitur ; à qua cæteræ omnes fœtûs partes,  
suo quælibet ordine, generantur, efformantur, & disponuntur, vi-  
támque suscipiunt : eodem prorsus modo, quo pullum ex ovi colli-  
quamento fabricari diximus.

Ambo isti humores omnibus viviparorum conceptibus insunt :  
eosdemque plurimi pro fœtûs excrementis habent ; dum alterum qui-  
dem, urinam ; alterum verò, sudorem ejus esse arbitrantur. Cum  
tamen nihil tetri sapient, & conceptui semper manifestè insint,  
priusquam quicquam fœtûs discernitur.

Tunicarum, utrumque humorem ambientium, exterior, *Chorion* ;  
interior, *amnium* appellatur. Nec plures his duabus reperias. Illa  
totum conceptum involvit, & per utrumque cornu extendit : hæc  
in priore aquâ natans, in alterutro duntaxat cornu continetur ;  
nisi ubi gemini fœtus adfuerint ; quo casu, utravis una inest ; quem  
admodum in ovo gemellifico, bina colliquamenta : adeò ut, ubi binî  
fœtus fuerint, ambo in uno eosdemque conceptu communi ( tan-  
quam uno ovo ) cum binis aquis suis crystallinis contineantur. Ex-  
teriorum membranam alicubi si dissecueris, aqua turbidior statim  
omnis ex utroque cornu effluit ; crystallina verò, quæ in interi-  
ore amnio est, non simul elabitur, nisi & ipsum quoque apertum  
fuerit.

Vena, quæ primùm in humore crystallino intra amnium conspi-  
citur, è punto saliente originem trahit ; atque umbilicalium vas-  
orum naturam, & officium subit ; paulatimq[ue] anterior reddita, in  
alias quoque ramifications, per colliquamentum sparsas, protelari  
cerni.

protelari cernitur : ut certò constet, nutrimentum sub initia à solo colliquamento (in quo fœtus natat) hauriri.

Punctum hoc in utero dissecto adhuc palpitanus, serenissimo Regi videndum exhibui ; parvum adeò, ut (nisi beneficio radiorum Solis obliquè illustrantium) motum ejus tremulum cernere non potuerit.

Colliquamentum integrum, aquæ tepidæ claræ in vase argenteo vel stanneo inditum, punctum faliens intuentium oculis perbellè exhibit. Eique, sequentibus diebus, mucago, instar vermiculi, galbae formâ, adjacet, (nempe corporis futuri primordium) in duas partes divisa ; ex quarum alterâ, truncus formatur ; ex alterâ, caput : eodem planè modò, quo de ovo gallinaceo antè retulimus. Spina, instar carinæ, paululum inflexa ; caput, ex tribus vesiculis, sive globulis parvis, imperfectè compositum cernitur, & in aqua crystallinâ natans, crescit continuò, figuramque debitam adipiscitur. Hoc solùm interest, quod oculi in oviparis, quam in viviparis, majores multò & conspectiores sint.

Post sextum & vicesimum Novembribus diem, fœtus corpore propemodum perfecto cernitur ; atque indiscriminatim, quibusdam in dextro, quibusdam in sinistro cornu, reperitur : quibus autem gemelli fœtus contingunt, iis in utrolibet cornu unus adest.

Eodem tempore, mas à fœmina genitalibus suis facile distinguitur ; quæ in embryone humano conspicua sunt, simulatque arteria aspera discernitur.

Marem & fœminam (prout casus tulerit) modò in dextro, modò in sinistro cornu invenias. Sæpius tamen fœminam in dextro, in sinistro marem observavi : idque frequenter in damis, quæ gemellos utero gerebant (aliquando etiam in ovo) mihi videre contigit. Ut certum sit, constitutionem aliquam, aut virtutem lateris propriam, sexui discriminando nihil conferre. Néque enim uterus est fabricator aut formator fœtûs, nec quidem mater ipsa ; magis, quam gallina pulli, in ovo cui incubat. Quemadmodum enim pullus, ab interno agente & formante, in ovo fabricatur ; ita fœtus similiter, ex hoc damarum ovo conficitur.

Miretur aliquis, tam brevi temporis spatio à primo sanguinis punctique salientis ortu, fœtum intrâ amnium formari, integrèque perfici. Enimvero circa diem decimum nonum, aut vicesimum Novembribus, punctum illud priniò comparet : circa vicesimum primum, aut postridie ejus, verniculus sive galba informis conspicitur : sex autem septémve indè diebus, fœtus adeò perfectus discernitur, ut marem à fœmina (membrorum genitalium ope) internoscere, pendisque formatos, unguis fissa, mucosas, paaumque flavescentes videare planè liceat.

Quamprimum fœtus formari incipit, & crescere ; substantia uteri pluri-

plurinūm extenuatur: contrā quām in muliere usu venit, cuius uterus indies, prout fœtus increverit, crassior & carnosior evadit. Quippe in cerva & damā, quantō magis embryo augetur, tantō propriū etiam earum uteri cornua ad intestini formam accedunt; illidq; cornu præcipue (in quo fœtus continetur) sacculum refert, licet amplitudine & capacitate suī, alterum exsuperet.

Ovum hoc, sive conceptus, nuspiām hactenus matris lateribus adhæret vel adnascitur (quanquam fœtus jam perfectus cernit) sed facili negotio integrum eduxeris: quemadmodum in ove expertus sum, quæ fœtum pollicis ferè longitudine in utero gestabat. Quapropter manifestè constat, fœtum adhuc solo albumine nutriti intra conceptum inclusu: sicuti in ovo gallinaceo evenire, suprà notavimus. Venarum enim umbilicalium ore, intra conceptū albumen, & vicinos humores, eorumque tunicas oblitterantur; nuspiā autem adhuc utero annexa sunt, licet per eas venas solas alimen-tum fœtui subministretur. Et quemadmodum in ovo, venarum propagines in colliquamentum (ceu plantarum radices in terram) primò sparguntur; posteāq; ad tunicam exteriorem (*chorion dictam*) tendunt; pabulique suī gratiā, quoquoversus per humorē albugineum in extima membranā contentum infinitis furculis ramifications: ità pariter in abortu muliebri, venas in *chorio* conspicuas observavi; Ari-  
stotelesque etiani, membranam illam ventis refertam dixit. Hist. an.  
l. 7. c. 7.

Si unicus fœtus fuerit, illius vasorum umbilicalium distribu-tio ad utrinque cornu (ramulis quibusdam per uteri cavitatem ductis) protenditur, ut utrinque alimentum hauriant. Sin bini adfuerint (in singulis nempe cornibus unus;) uterque vasa sua um-bilicalia in illam solum conceptū partem disseminat, quæ proprio suo cornu respondet: nimirum dexter fœtus, è dextra conceptū parte viectum quærit; sinistru, è sinistra: ceteraque etiam similiter conceptus geminus cum ovo gemellifiso sese habet.

Sub finem igitur Novembris, partes omnes clare ac distinctè dig-noscuntur; fœtusque jam magnitudine fabæ majoris, vel nucis mos-chatae apparet; occipite quidem prominulo, ut in pullo; sed ocu-lis minoribus. Os ad utranque auriculam hians cernitur: buccæ enim & labia ultimò perficiuntur, utpote partes cutaneæ. In omnibus, inquam, fœtibus (etiam humano) paulò ante partum, oris rictus, sine labiis & buccis, ad utranque aurem protensus cernitur. Eandémque ob caussam, nisi fallor, multi nascuntur cum labro superiore fissi, (Angli, *bare-lipt.*, i. e. leporina labia habentes nominant; qualia scilicet lepori, & camelō sunt) quia in fœtū humani formatione, superiora labra tardissimè coalescunt.

Fœtum magnitudine fabæ maiuscule, intra tunicam *Amnion* trans-parentem, in purissimo suo pabulo natantem, vasi argenteo aquâ

limpidissimâ pleno sâpe indidi ; hæcque potissimum notatu digna observavi. Cerebrum albumine ovi paulò crassius ( tanquam lac mediocriter coagulatum ) rudique formâ, sine calvaria, intra ambientem undique membranam continetur. Cerebellum, in apicem prominent, sicut in pullo. Cordis conus albicat; cæteraque omnia viscera ( ipsimque adeò hepar ) alba sunt, & quasi spermatica. Truncus venarum umbilicalium ex corde oritur, jecorisque gibbum transiens, in venæ Portæ truncum perforatur; indequæ paululum progressus, & in plurimas propagines dispergit, per colliquamentum, & tunicam Chorion ( ut dixi ) innumerabilibus surculis diffunditur. Latera utrinque à spina ascendunt; unde thorax quasi cymba aut navicula appetet, priusquam cor, & pulmones intra ejus ambitum reconduntur: perinde omnino ac in pulli formatione evenire diximus. Quippe intestina, cor, aliâque viscera planè conspicua sunt, videnturque corporis veluti appendiculæ; donec obducto anteriori thorace, atque abdomen, ( tanquam superstructo ædificii hujus testo ) intra eorundem cavitatem occluduntur. Eodem tempore, latera utrobique, tam pectoris, quâni alvi, alba, mucilaginosa, & quasi similaris constitutionis visuntur; nisi quod per interiora pectoris, exiles quædam & capillares lineaæ candidissimæ occurrant; quarum indicio, inter futuras costas, partésque lateris carnosas distinguimus.

Vidi etiam aliquando in consimilis ætatis conceptionibus ovillis factus geminos, ( interdum unum duntaxat ) qui digitum transversum longitudine æquabant: forma iis erat minimæ lacertulæ; magnitudo, vespæ, aut erucæ: spina dorsi in orbem flectebatur adeò, ut caput propemodum ad caudam pertingeret. Uterque separatim in aqua limpidâ peculiari intra Annium natabat; ejusdemque magnitudinis ( tanquam ab uno initu, conceptuque nati essent ) conspiciebantur. Quamvis enim alter in dextro cornu, in sinistro alter reperiatur, ambo tamen in eadem mantice, eadémque aquâ exteriori ( ac proinde in eodem ovo ) continebantur. Os amplum; oculi verò puncta erant exigua, & vix conspicua; contrà, quâni in avium genere contingit. Präcordia quoque illis nondum intra corporis cavitatem conclusa, sed foris pendula cernebantur. Exterior membrana, Chorion dicta, utero minimè adhærebat; adeò, ut conceptum integrum extrahere licuerit. Simul etiam in eadem tunica, infinitas ramorum umbilicalium propagines ( utero nusquam alligatas ) conspicabar; quemadmodum in cervis observavimus; eadémque prorsus modo, quo extimam ovi gallinacei tunicam suprà descriplimus. Aderant solùm bini humores, totidémque hos continentis tunicæ: quarum Chorion per utrunque cornu protendebatur, plenumque aquâ turbidoire, ovum, sive conceptum efformabat: tunica.

tunica verò Amnios penè invisibilis ( qualis oculi arachnoïdes ) humorem crystallinum amplectebatur, in quo fœtus ovillus natabat.

Humor intra Chorion, ad alterum centuplā ( nè dicam, millesimā ) proportione erat ; licet ipse humor crystallinus in Amnio eā copiā esset, ut nemo illum tantilli fœtūs in ipsa natantis sudorem esse, jure suspicari posset. Quinetiam limpidus valde, nulloque malo odore, aut sapore imbutus apparuit ; sed ( veluti in cervis & damis observavimus ) omnino lac aquosum videbatur, nihilque excrementitiae pravitatis obtinebat. Addo etiam, si humor iste de excrementi naturā esset, deberet ipse quoque, crescente quotidie fœtu, augescere. Ego verò in conceptu ovillo planè contrarium expertus sum ; quippe paulò ante partum vix quicquam ejus reperitur. Ideoque alimentum potius, quam excrementum esse crediderim.

Tunica uteri ovilli interna, innumeris carunculis ( ut cōlum, stellis ) tota insigniebatur : erantque oculis cancri, à nobis dictis, non absimiles, sed minores ; & tanquam verrucæ pensiles, glandulosæ, ac albæ, inter tunicas uteri hærentes, conceptum versùs non-nihil excavabantur ; ( contrà quām cervis & damis evenit ; in quibus illæ fœtum versùs extuberant : ) quinetiam sanguine turgebant ; earumque interior superficies, quā conceptum respicit, punctis nigris sanguineis plena conspiciebatur. In has carunculas, venæ fœtūs umbilicales nondum inferebantur ; nec conceptus ipse utero adhærebat.

Allantoïdem, quam prædicant, tunicam à Chorio distingtam, in ovillo conceptu non invenio ; sed postea ( fœtu grandiore facto ) cùm ovum sive conceptus utero adnascitur, venæque carunculis inseminantur ; Chorion ulterius protenditur, & utrinque in extremitatibus ejus, ( tanquam appendicibus ) humor quidam flavedine tinctus ( excrementium dices ) seorsum cernitur.

Conceptus muliebris, primis gestationis mensibus, ab ovo vix quicquam discrepat. Vidi enim, ante natam placentam, humorum album ( tenuiori ovi albumini similem, ovōque columbino, imò phasiani, magnitudine aliquando parem ) intra membranam subtilem contineri ; in quo embryo, longitudine unguis digiti auricularis, ranulæ instar, conspiciebatur : nempe, corpore lato ; scisso ore ; cruribus, & brachiis, ceu florū apicibus, noviter protrusis ; occipite prominente, sive potius vesiculā reliquo capiti appensâ, quam in pullo futuri cerebelli exordium diximus.

In alio conceptu muliebri ( dierum circiter quinquaginta ) ovum erat, gallinaceo ovo aut gallinæ Indicæ æquale. Fœtus longitudo fabæ majusculæ visibatur, cum capite prægrandi, quod cerebellum, tanquam crista, supereminebat ; cerebrum autem ipsum, lacti coagulato

coagulato erat simile. Cranii vice, membrana coriacea, & aliquibus locis cartilaginea, per frontem ad narium radices dividebatur. Rostrum apparuit caninum. Auriculae nullae; neque item nasus: arteriam asperam tamen in pulmones descendantem, penisque rudimentum discernere licuit. Ambae cordis auriculae, tanquam oculi nigricantes, cernebantur.

In muliere quadam ex febre mortuâ, embryonem hermaphroditum ejusdem ferè magnitudinis reperi. Pudendum ei erat, quale cuniculo: labia, præputium; nymphæ, glandem referebant. Visum est quoque parte superiore penis exordium; & utrinque, pro testiculis, scroti laxior cutis aderat. Uterus autem perexiugus, uterî ovilli, vel talpæ effigiem, cum duobus cornibus, exhibebat. Et quemadmodum prostatae glandulæ juxta pueri penem locabantur; itâ similiter testiculi visendæ magnitudinis cornibus istis adjacebant. Adeoque foris, sexum virilem potius; intus autem, muliebreni magis præferebat. Uterus matris ingens apparuit, cum vesica urinaria (seu appendice) adjunctâ: contrâ autem in fœtu, vesica magna cum annexo utero percixugo sese obtulit.

Dicti omnes muliebres conceptus, ovis similes, rugosâ foris superficie erant, & quasi gelatinâ aut glutine quodam oblinebantur: eodemque tempore, nec placenta apparuit, neque aliqua cum matrice unio; aut vasorum umbilicalium, per ipsam conceptus superficiem sparsorum, in uterum insertio.

Quanquam in eodem cervarum & damarum conceptu, plures fœtus (ceu pulli, in ovi gemellifaci eodem albumine) reperiuntur; ut etiam in oībus, capris, aliisque bisulcis evenit: res tamen in canibus, cuniculis, suībus, cæterisque viviparis & multiparis animalibus, aliter se habet; in quibus fœtus quilibet, binos humores, & utrāq; tunicam peculiares sortitur.

In canibus, per totum cornu ductum, varii nodi sunt; in quibus totidem humores continentur; & in singulis eorum, singuli fœtus. In lepoie, & cuniculo, multi globuli (quemadmodum in serpentibus ova) tanquam armillæ ex pluribus succinai globulis filo unitis, conspicuntur. Et leporinus quidem conceptus, glandi querincæ persimilis est; dum eum placenta, ad modum cupulæ, complectitur; humorēsque in tunicis conclusi, ceu glandulæ, propendent.

*Conceptus*

*Conceptus Cervarum & Damarum ut se habeat,  
mense Decembri.*

*Exercitatio 69.*

**P**rincipio Decembri, auctior jam & perfectior foetus conspiciatur; digitii nempe longitudine. Cor, cæteraque viscera, & intesta (quæ antea foris appensa cernebantur) in corporis cavum absconduntur; ut ea, citra sectionem, intueri, cordisque pulsus distinguere nequeas.

Conceptus, sive ovum, mediantibus in utrolibet cornu quinis carunculis (quarum saepe antea meminimus,) utero totidem in locis copulatur, & adnascitur; non adeò validè tamen, quin facilis conatus avelli queat. Quod ubi factum est; in exteriore Chorii superficie, quâ utero per dictas carunculas adhærebat, vestigia harum inæqualia, lento quodam viscosa & rugosa conspiciuntur: quasi eodem glutine adhæsio, sive conjunctio facta foret. Jamque tandem natura, atque usus istarum caruncularum innotescit: nam quæ prius (tanquam fungi, aut verrucæ) uteri lateribus adnatæ cernebantur; nunc conceptui annexæ, vicem supplent placentæ, sive hepatis uterini. (in muliere,) eodemque officio funguntur. Præstant nempe usum papillarum, unde foetus, ope vasorum suorum umbilicalium, alimentum à matre suppeditatum trahat; ut ex sequentibus palam fiet.

Magnitudo & capacitas uteri (quo nomine, cornua intelligimus; loca nimirum conceptionis) pro incremento foetus, augentur; ita tamen, ut cornu illud, in quo foetus hospitatur, altero majus sit.

Conceptus (aut ovum) est in iis unicus; sive foetus singularis, sive plures indè orientur. Idemque in utrumque cornu protenditur: adeò, ut duplex sarcimen, vel unicum potius & in medio sui constrictum, videatur; quemadmodum supra à nobis dictum est: quippe ex alterius lateris ultimo cornu tenuis ac teres prodiens, sensim augetur, diduciturque ad eum locum communem, qui in muliere uterus dicitur, & matrix; (quod è parte, fœmina mater fiat, foetu concipiendo, & fovendo;) ubi, tanquam per isthnum transiens, restringitur; denuòque in altero cornu dilatatus, ad illius extrenum protenditur; ubi (veluti in principio sui) gracilior factus, definit. Conceptus itaque hujusmodi, modò integer ex-

trahatur, manticæ (*Angli nominant a wallet*) aquâ utrinque plenæ similis est: indéque tunica hæc chorion, dicitur etiam *allantoïdes*; quòd istorum animalium conceptus, intestinum inflatum infarctum-ve, medióque suî coarctatum referat.

In embryone hoc tempore dissecto, interiora omnia distincta & perfecta conspicuntur: præsertim ventriculus, intestina, cor, renes, & pulmones; qui etiam in lobos divisi, sanguinolenti apparent, formamque debitam naeti sunt. Color autem his rubicundior est, quam iis qui aërem aliquando inspirârunt; quod pulmones, ab eo dilatati, albedinem induant. Eoque indicio facile internoveris, matérne vivum, an mortuum fœtum pepererit: illico enim ab inspirato aere, mutatur pulmonum color; qui, etiam post repentina fata, idem permanet.

In fœtu scæmineo, testes (impropriè sic dicti) juxta renes, in uteri suspensorio, utrinque ad fines cornuum, positi sunt; majorisque proportione, quam in adultis; &, caruncularum instar, albæ vi-  
suntur.

In fœtûs ventriculo, materia aquæa (non absimilis ei, in qua natat) reperitur; sed turbidior paulò, minùsque transparens: quale lac est, cum primùm prægnantibus mulieribus, circa quartum aut quintum mensem, è papillis emulgetur; vel serum albidius, quod nos white posset dicimus.

In intestinis superioribus, chylus ex eadem materiâ cocta abundat. In colo autem, excrementa virescentia, & formata scybalia apparere incipiunt.

Urachum non invenio perforatum: nec differentiam aliquam tunicæ *allantoïdis* (quæ urinam continere dicitur) à *chorio*: neque urinam in secundis reperio, sed in vesica, eamque copiosam. Vesica ipsa oblongior, inter arterias umbilicales, è ramis arteriæ magnæ descendenter orta, sita est.

Jecur rude est, & propemodum informe; ac, quasi aliquid præter naturam esset, videtur solum rubicunda & sanguinolenta effusio. Cerebrum nonnihil figuratum intra membranam crassiorem continetur. Oculi sub palpebris occulti latent; hæq; adeò invicem conglutinatae sunt, arcteque cohærent. (veluti canibus mox ab ortu evenit) ut eas disjungere, oculosque aperire vix potuerim. Pectoris osla, & costæ jami sensim durescunt: muscularum quoque color, ex albo in sanguineum transit.

Institutis per hunc mensem plurimis dissectionibus, factus sum quotidie certior, carunculas illas placenta uterinæ officiò fungi: eadémque jam rubicundæ ac turgidæ, nucis juglandis magnitudine reperiebantur. Conceptus, quem antea mucoris solum ope carunculis adhærere diximus, jam vasorum umbilicalium raniusculos, in

in ipsis carunculas (ut plantæ radices suas in terram) inserit, quibus utero agglutinatur, & adnascentur.

Sub finem Decembris, fœtum spithamæ longitudinis, sese validè moventem, calcitrantemque vidimus. Os, ac fauces aperiebat, claudebâtque. Cor, in pericardio situm, dissectoque pectori conspicuum, manifestè, fortiterque pulsabat. Ventriculi tamen ejus, uniformes erant, & magnitudinis ejusdem; parique cacumine (ceu bicipiti cono) constabant: parietum quoque crassities æqualis apparuit. Quinetiam liquidò vidimus, cordis auriculas (quæ hoc tempore, tanquam vesicæ majusculæ, sanguine replebantur) postquam cor ultra pulsare desisiit, motum tamen suum diutulè continuare.

Interiora omnia, quæ nuper quidem perfecta erant, nunc ampliora, & conspectiora sunt: Calvaria partim cartilaginea, partimque osssea est. Ungulæ flavescentes, flexiles, ac molles (ut adulorum, aquâ calidâ emollitæ) conspicuntur. Carunculæ quoque maximæ (ceu fungi grandiores) per totam uteri cavitatem extenduntur, placentaque vicem planè subeunt: propagines enim complures amplèque venarum umbilicalium in illas penetrant, ut alimentum inde fœtui nutriendo hauriant: quemadmodum, in jam natis, chylus per venas mesaraicas in jecoris portas transfertur.

In quoconque hujusmodi conceptu, unicus solum fœtus efformatur; ejus vasa umbilicalia ad omnes carunculas (tum ejusdem, tum etiam oppositi lateris) derivantur: in quo autem bini fœtus adsunt, eorum utriuslibet umbilicalium ramificatio, non ultra ejusdem lateris carunculas porrigitur.

Venæ umbilicales minoris versùs fœtum tendentes, dum coëunt, in alias majores desinunt; eadēisque similiter ulterius progressæ, & unitæ, in alteras majores; tandemque duos truncos constituunt; qui simul juncti, sanguinem in venam cavam & Portam regerunt. Arteriae verò umbilicales (è ramis arteriæ magnæ descendantis ortæ) duæ sunt, per quam exiguæ, nec, nisi ob pulsum, conspicuæ: exdémque ad ambitum conceptus (scil. ad conjunctionem placentæ, sive caruncularum, cum venarum propaginibus) diductæ, in capillares primū, ac demum in invisibiles oblitterantur.

Quemadmodum in utero, vasorum umbilicalium extrema in carunculas terminantur; ita similiter extra eum, vasa uterina (quæ copiosa, & larga sunt) sanguinem à matre versùs matricem (mediante suspensoriorum ductu) deferentia, in easdem carunculas forinsecüs desinunt. Notandum etiam, vasa interiora ferè omnia, venas esse; exteriora verò plurima, esse arteriarum propagines. In placenta muliebri, statim à partu (si rem probè inspexeris) arterias multò plures, quam venas, majorésque, cum infinitis propemodum surculis quo-

quoquoversum ad extremum usque ambitum ejus diductis ac disseminatis reperies. Sicut etiam in simili lienis fungoso parenchymate, arteriarum numerus, quam venarum, major est.

Tendunt, inquam, vasā uterina exteriora ad matricem; non autem ad testiculos, in dicto suspensorio locatos; ut aliqui arbitrantur.

In gibba sive convexâ caruncularum parte, quæ conceptum spectat, miram Naturæ observavi solertiam: in plurimis nempe cavitatibus & cotyledonibus, sive acetabulis exteriū hiantibus, materia alba & mucilaginosa reperiebatur; quæ (ut mel, favos) carunculam totam implebat; eratque colore, consistentiâ, ac sapore albumini ovi persimilis. Conceptum verò à carunculis istis si avulseris; videas illico ex singulis cotyledonibus, & favis, eorundemque mucore, totidem surculos, sive capillares vasorum umbilicalium ramusculos (tanquam filamenta oblonga) simul extrahi: quemadmodum herbas è terra evulsas, radices suæ comitantur.

Unde clarè constat, vasorum umbilicalium extrema, nullo modo cum vasis uterinis per anastomōsin conjungi; neque sanguinem ex illis haurire; sed in mucagine istâ terminari, atque obliterari, indeque sibi alimentum sumere; eodem proflus modo, quo antea ex humore albugineo intra conceptus tunicas comprehenso, victum queritabant. Et quemadmodum in ovo gallinaceo, pullus per vasa sua umbilicalia ex albumine alitur; sic etiam fœtus in damis & cervis, ex consimili in his cellulis reservato albumine nutritur, non autem ex sanguine.

Quapropter meritò carunculas has, vel hepar uterīnum, vel mammas uterinas dixeris: nempe organa albuginoso isti alimento concoquendo, venarūque attractioni præparando idonea. Ideoque quibus viviparis, carunculæ, & placenta defunt; (ut equis, & porcis) eorum fœtus, ad partum usque, humoribus duntaxat intra conceptum repertis enutriuntur; neque uspiam illorum conceptus utero adnascitur.

Manifestum itaque est, in illis, atque etiam in his (cæterisque forsan omnibus) animalium viviparorum speciebus, embryonem non aliter in utero, quam pullum in ovo, sustentari; ex eadem scilicet materiâ alibili, specieque simili albuminis nutrimento. Enimvero ut in ovo, vasorum umbilicalium fines in albumine & vitello terminantur: ita pariter in cervis & damis, aliisque, quibus hujusmodi carunculæ insunt; ultima vasorum umbilicalium orificia, in humores, qui intra conceptum continentur; inque albumen, quod in acetabulis cotyledonib⁹ istis est, aperiuntur, & desinunt. Idque etiam inde porrò cognoscitur, quod extrema umbilicalium filamenta, cùm è prædicto mucore extrahuntur, alba omnino conspiciantur;

firmo

firmo arguento, eadem colliquatam hanc mucilaginem duntaxat, non autem sanguinem absorbere. Idemque experimentum possis (modò cupias) in ovo instituere.

Placenta muliebris, gibbâ sui parte, quâ utero adhæret, plurimis tuberibus inæqualis est; videturque istorum operâ, eidem adnasci. Adeò, ut non ubique utero affigatur, sed iis solùm locis, ubi vasa in eum porrecta nutrimentum eliciunt, & in quibus propterea vasorum quasi fines abrupti cernuntur. Num autem dictæ vasorum extremitates sanguinem ab utero exsugant, an potius concoctum quid albumini simile, quale in cervis & damis reperiri diximus, nondum exploratum habeo.

Denique (ut prædicta veritas certò constet) si carunculas illas digitis compresseris; ex earum unâ aliquâ (tanquam ex papilla) succi istius alibilis facilè cochlearis mensura emulgetur: idque nullo apparente sanguine; quem attrectatu, etiam valido, nunquam elicueris. Quinetiam caruncula sic emulcta atque inanita, compressæ spongiæ instar contrahitur, & flaccescit; plurimisque foraminibus pertusa cernitur. Adeò, ut omnibus indiciis pateat; carunculas istas esse ubera uterina, five albuminis nutritii conceptacula, & promptuaria.

Finito Decembri, carunculæ minùs firmiter, quàm antea, utero adhærent; parvóque negotio ab eodem disjunguntur. Imò, quò grandior fœtus fuerit, partuque vicinior; eò facilius etiam carunculæ istæ ab utero recedunt: tandemque (ceu fructus maturior, ab arbore) suâ sponte, tanquam ad conceptum attinentes, ab utero delabuntur.

His ab utero separatis; videas, in earum relictis vestigiis, arteriolarum adeuntium puncta sanguinem fundere. Sin verò ab ipsis carunculis conceptum avulseris, sanguis ex illis non emanat; verùm contrà, è caruncularum solùm vestigiis, in conceptum impressis, effluit: licet rationi magis consonum videatur, sanguinem potius ex carunculis, quàm ex conceptu in eorum ab invicem divulsione, effusum iri. Cùm enim illæ plurimis arteriarum ramulis ab utero prodeuntibus scateant, sanguinemque alendo fœtui depromere credantur; easdem etiam copioso sanguine abundare oportuit. Verùm, ut dixi, sanguinem, nè multis quidem aut compressæ, emittunt: quippe non tam illo, quàm albumine plenæ sunt; neque illius organa concoctricia videntur, sed hujus promptuaria. Ut manifestum sit, fœtum in utero non ali sanguine materno, sed albumine hujusmodi commode apparato. Foritan, neque adulti etiam sanguine nutriuntur; sed quiddam sanguini commissum, illis commune ultimumque alimentum est: ut aliás fortassis in physiologia, & peculiari de sanguine disceptatione dicetur.

L. de nat. mul. de morb. vulg. & s. 5. aph. 45: Suspectus mihi est plurimum locus Hippocratis, ubi ait: *Quibus acetabula mucoris plena, abortunt.* Iste enim non est excrementum, & abortus causa; sed nutrimentum, & origo vita. Sed Hippocrates forte alia acetabula intellexit: in muliere enim non reperiuntur; neque ejus placenta materiam aliquam hujusmodi in cavitatibus ullis sensibiliter distinctam continet.

Medici recentiores, ex *Arabum* sententiâ, tres humores alibiles commenti sunt; *rōrem* nempe, *gluten*, & *cambium*: quos *Fernelius*, successos nutritios nominavit. Quasi voluerint, corporis nostri partes non sanguine, ceu alimento ultimo, immediatè nutriti; sed secundariis istis humoribus: quorum primo, *rōris* instar, particulæ omnes, etiam minimæ, undiquaque aspergantur; hic coctione ulteriore crassior redditus, partibusque adhærens, *gluten* dicitur; tandemque virtute loci mutatus, & assimilatus, *cambium* appellatur.

Poterit quis, ad illorum mentem, materiam hanc in acetabulis repertam, *gluten* sive albumen nutritum nominare; diceréque, eandem (utpote alimentum ultimum singulis foctūs partibus destinatum) albumini, aut vitello ovi analogam esse; & conceptum ipsum ovo, dempto cortice, respondere. Nam quemadmodum nuper, cum *Aristotele*, diximus, vitellum esse lacti analogum; Ità similiter à ratione non alienum credimus, materiam hanc, in placentæ uterinæ cotyledonibus sive acetabulis conclusam, foctui lactis vicem supplere, quandiu in utero hospitatur: adeoque carunculas illas esse veluti ubera interna; materiamque alibilem inde (post partum) in mammas transferri, & lactis naturam induere; ut foetus, hoc pacto, eodem vietu foris fruatur, quo intus gaudet. Ideoque inter oviparorum ova bicolora (è vitello nempe, & albumine composita) atque ova (sive conceptus) viviparorum animalium, hoc solùm interest; quod in illis, vitellus (qui est cibus secundarius) intra ovum paretur, statimque à partu in ventrem pulli reconditus, provisus reponatur; in his autem succus ille nutritius ante partum, in acetabulis conservetur, post partum verò, ad mammas deferatur. Adeò, ut pullus quasi lacte intus concluso alatur; viviparorum autem foetus, idem è matris uberibus depromat.

Post Decembrem, mensibus Januario, Februario, & sequentibus, cum nihil novi, aut notatu digni eveniat, de quo non sit dictum prius; (prater pilos, dentes, cornua, & similia;) sed ea omnia auctiora solùm apparent, generationis verò negotium minus spectent; visum est, de iis impræsentiarum nihil dicere.

Eodem tempore, conceptus ovillos plurimos dissecui; qui (perinde ac damarum) per utrumque uteri cornu extensi, figuram quoque manticæ, aut duplicati farciminis referebant. In aliquibus, binos foetus reperi; in aliis, duntaxat unicum, eumque omni lanâ nudum

nudum, oculisque arctè adeò occlusis & agglutinatis, ut palpebras aperire non potuerim ; ungulæ tamen aderant. Quibus bini fœtus contingebant, ii in diversis cornibus reperiebantur ; & quidem promiscuè, nullo observato ordine, mas interdum in sinistro, fœmina in dextro ; aliquando, contrà, inerant : ambo autem semper eodem conceptu comuni, eadèmque exteriore membranâ chorio comprehendebantur. Cujus extrema utrinque ad finem cornuum, quasi bilioso excremento tintâ apparebant ; videbanturque turbidi aliquid, & excrementum in se habere.

Carunculæ (sive placentulæ) plurimæ, & magnitudinis variæ reperiebantur ; contrariæ etiam, quâm in damis & cervis, figuræ : quippe in ovibus, quasi fungus rotundus, abrupto pedunculo, inter uteri tunicas continetur : ejusque pars gibba, utero ; (quod etiam vaccino conceptui commune est;) concava autem (qua & lævis) fœtui obvertitur : majores quoque ramuli ad partem hanc concavam feruntur ; quemadmodum etiam interiori placenta muliebris parti contingit. Eadem vasorum umbilicalium propagines, carunculis annexæ, firmiter adeò adnascuntur ; ut, cum divellere eas cuperem, pars gibba à tunica uteri interiore abrumperetur potius, quâm à conceptu recederet : contrà, quâm in cervis & damis evenit ; quarum membrana chorion facile à caruncularum cotyledonibus avellitur ; quibus etiam pars caruncularum convexa, conceptui juncta, separabilis est ; concava verò pars, vel potius radix, sive pedunculus, firmiter utero adhæret. Cæteroquin, idem utrobique officium, eadèmque acetabula deprehenduntur ; atque eodem modo, viscosus & albugineus mucus (qualis etiam vaccinis carunculis inest) emulgetur.

In quo conceptu, singularis fœtus continetur, hic ad omnes utriusque cornu carunculas vasa sua umbilicalia transmittit, ut indè nutrimentum petat : cornu autem, in quo fœtus ipse (in aquâ crystallinâ intra amnion natans) reperitur, altero majus est. In quo autem bini fœtus insunt, eorum alteruter privatas suas carunculas obtinet ; missisque in proprium duntaxat cornu vasis umbilicalibus, ex eodem sibi alimentum querit.

In fœtu masculo, testiculi (pro ætate) magni, foris in scroto propendent. Fœmellarum autem ubera, ibidem loci, papillis (quales mulierum manimæ habent) donantur.

In duplici fœtûs ventriculo, (nempe omaso, & abomaso) aqua crystallina, similis illi in qua natabat, apparuit ; quippe colore, odore, sapore, & consistentiâ, planè inter se congruebant. Inerat quoque, in intestinis superioribus, quasi chylus ; in inferioribus, excrementum viride, & scybala ; qualia, cum gramine pascitur,

egerere solet. Jecur satis amplum, reperiebatur : fellis quoque vesicula oblongior, & in quibusdam, vacua.

Quem autem ordinem hactenus, in ovo, ac damis, cervisque, à nobis perspectum diximus ; eundem quoque semper in omnibus viviparorum embryonibus observavimus.

*De calido innato,**Exercitatio 70.*

**Q**UONIAM saepe *Calidi innati* mentio incidit, libet hīc (*epidorpidis* loco) de eodem, & *humido primigenio*, paucis agere : idque è libentiūs, quòd multos videam nominibus istis plurimum deliciari ; cùm rem ipsam tamen (meo quidem judicio) mindūs intelligent. Non est opus profectò spiritum aliquem à sanguine distinctum querere, aut calorem aliunde introducere, Deos-ve in scenam advocate, philosophiāmque fictis opinionibus onerare : domi scil. nascitur, quod vulgò ab astris petimus.. Solus nempe *sanguis* est calidum innatum, seu primò natus calor animalis : uti ex observationibus nostris circa generationem animalium (præsertim pulli in ovo) luculentè constat : ut entia multiplicare, sit supervacaneum. Nihil sanguinē in corpore animalium, sanguine prius aut præstantius reperitur ; neque spiritus, quos à sanguine distinguunt, uspiam ab illo separati inveniuntur : quinetiam *sanguis* ipsem, sine spiritu aut calore, non *sanguis*, sed *cruor* appellandus est. *Sanguis* (inquit *Aristoteles*) quodam modo *calidus* est ; videlicet eo, quale est ei *sanguini* esse ; perinde quasi aquam ferventem nomine uno significemus : at verò subiecto, & quod tandem cùm sit, *sanguis* est, non *calidus* est : & quodammodo per se *calidus*, quodammodo non per se *calidus* est, *caliditas* enim in ejus ratione inest, quemadmodum albedo in albi hominis ratione : at eo, quà *sanguis* per effectionem sive passionem est, non per se *calidus* est.

*De part. an.  
l. 2. c. 3.*

Nimirum id nobis *Medicis* spiritus est, quod *Hippocrati*, impetum faciens ; quicquid scilicet proprio conamine aliquid molitur, & cum agilitate ac vehementiā motum excitat, aut actionem aliquam aggreditur : éoque nomine, *vini*, *vitrioli* &c. spiritus dicuntur. Ac propterea apud *Medicos*, tot sunt spiritus, quot partes corporis præcipuæ, aut operationes ; nempe *animales*, *vitales*, *naturales*, *vivi*, *auditorii*, *concoctivi*, *generativi*, *implantati*, *influentes* &c. *Sanguis* autem (pars corporis *primogenita*, & *principalis*) virtutibus hisce.

híscé omnibus dotatus, agendíque potestate, præ cæteris, præditus est; ideoque καὶ ἐξωχῶ spiritū nomen meretur.

*Scaliger, Fernelius*, aliique, sanguinis eximias dotes minùs pendentes, spiritus alios (tanquam præstantius & divinius calidum innatum) aëreos, aut, æthereos, vel ex substantia æthereâ & elementari compositos finxerunt, proximùmque animæ instrumentum ad omnia maximè idoneum crediderunt: èà potissimum ratione nixi, quòd sanguis (utpote ex elementis compolutus) supra vires elementorum, mistorumque ex iis corporum, agere nequeat. Finxerunt itaque spiritum, calorēmque innatum aliud, cœlestis originis & naturæ; corpus nempe simplicissimum, subtilissimum, tenuissimum, mobilissimum, velocissimum, lucidissimum, æthereum, quintæque essentiæ participem. Nuspam tamen demonstrarunt, ejusmodi aliquem spiritum dari; aut eundem supra vires elementorum agere: vel majora opera præstare, quam sanguis solus possit. Nos sanè, qui perscrutandis rebus sensu duce utimur, tales aliquem nullibi invenire potuimus. Nec cavitates aliquæ illorum generationi aut conservatiōni destinatæ sunt, vel ab illis assignantur. *Fernelius* quidem ait: *Physiol.* l. *Quisquis calidi innati substantiam & statum nondum plenè est assequutus, 4. c. 2.* corporis nostri structuram contemplatus, arterias adeat, in cordis sinus, & in cerebri ventriculos introspiciat; quos dum inanæ, ac nullius propè humoris participes videbit, neque tamen frustrè ac temere tantos à natura conditos; hæc quidem mente contrectans, mox, opinor, cogitatione comprehendet, prætenuem auram eos tum implevisse, dum in vivis fuit animal, quæ tamen eo animam agente, levissima cùm esset, sine sensu evanuerit. *Hujus fovendæ gratiâ, inspiratione aërem introducimus; qui non modò corpori refrigerationem, (hæc enim sat's posset aliunde comparari) sed pabulum quoque subministrat.* Nos autem, arterias, cordisque sinus (quandiu animal superstes est) sanguine impleri dicimus: ventriculos quoque cerebri tam excellenti muneri inidoneos judicamus, eosdémque excrementis secernendis potius factos credimus: quid, quòd plurium animalium cerebra ventriculis careant? Et ut verum sit, aërem aut vaporem aliquem ibidem reperiri (siquidem vacuum omne Natura effugiat) eundem tanien cœlestis originis, tantarumque virtutum hæredem esse, minùs fit verisimile. Miramur vero quam maximè, spiritum è cœlis oriundum, tamque eximiis dotibus ornatum, à communi nostro & elementari aëre nutriti: præsertim, cùm iis ratum sit, elementa quælibet supra vires suas nihil agere.

Fatentur insuper, spiritus in perpetuo fluore esse, facilèque dissipari, & corrumpi posse; nec momento temporis superesse; nisi à jugiter subministrato pabulo redintegrerentur; ac propterea, perinde ac primum vivens, continuò nutriri. Quid igitur extraneo illo hospite opus est, calore (inquam) æthereo? cùm eadem omnia à

sanguine præstari queant ; nec spiritus ab illo vel latum unguem (citra interitum) recedant. Imò verò sine eo nuspiam (tanquam corpora separata) vagantur, aut penetrant. Sive enim ex tenuiore sanguinis parte (ut aliqui censem) sive ex humido primogenio (ut alii volunt) eos gigni, nutriti, & augeri dixerint; fatentur tamen, ipsos extra sanguinem nuspiam reperiri ; sed eidem, utpote pabulo suo (quemadmodum flamma oleo, sive ellychnio solet) perpetuò adhærescere. Eorum itaque tenuitas, subtilitas, mobilitas &c. nihil plus commodi afferunt, quam sanguis, quem isti continuè comitantur. Est igitur sanguis sufficiens, & idoneus, qui sit immediatum animæ instrumentum ; quoniam & ubique præfens est, & huc illuc oxyssimè permeat. Nec sānè corpora alia, aut qualitates spiritalis incorporeæ, calorēsve diviniores (tanquam lux & lumen) concedi possunt ; uti Cæsar Cremoninus (Aristotelicæ Philosophiæ eximiè peritus) contra Albertum nervosè contendit.

Dicitato 7.

Si dixerint, spiritus illos in humido primogenio, veluti in alimento ultimo, existere ; indeque, ut partes omnes nutriant, in totum corpus influere ; rem profectò statuant impossibilem : nempe calidum innatum, partem corporis primogenitam (qua & ipsa alitur) universo corpori nutriendo inservire. Quippe hoc pacto idem essent, quod alitur, & à quo id alitur ; idémque sciplum, secundum idem, aleret, & aleretur : quod fieri euidem nullo modo potest ; quoniam alimentum cum alito nè misceri quidem probabile est ; & quari enim potentissimis, invicemque agere miscibilia oportet ; di-  
stinctumque est Aristotelis, ubi nutritio, ibi nulla mistio est. Siquidem ubi-  
cunque nutritio est, ibi aliud est alimento, aliud quod ex eo ali-  
tur ; & omnino necesse est, ut alterum in alterum transseat.

Degen. an.  
l. 2. c. 3.

Quòd autem existimant, spiritus, & alimento ultimum sive primogenium ; vel aliud quid in animalibus reperiiri, quod (magis quam sanguis) supra vires elementorum agat ; non videntur, quid sit supra vires elementorum agere, satis intellexisse : nec verba illa Ari-  
stotelis rectè interpretati sunt, ubi ait : *Omnis animæ sive virtus, sive  
potentia, corpus aliud participare videtur, idque magis divinum, quam ea,  
qua elementa appellantur.* Et mox : *Inest enim in semine omnium, quod fa-  
cit ut fœcunda sint semina ; videlicet, quod calor vocatur : idque non ignis,  
non talis facultas aliqua est ; sed spiritus, qui in semine spumosè corpore  
continetur, & natura qua in eo spiritu est, proportione respondens elemento  
stellarum.* *Quamobrem ignis nullum animal generat ; neque constitui quic-  
quam densis, vel humiliis, vel siccis videatur.* At verò Solis calor & anima-  
lium, non modò qui semine continetur, verùm etiam si quid excrementi sit,  
quanquam diversum à natura, tamen id quoque principium habet vitale. Ceterum,  
calorem in animalibus contentum, nec ignem esse, neque ab igne ori-  
ginem ducere, apertum ex his est. Idem enim ego quoque de calido  
innato

in nato, & sanguine affirmaverim; non esse scil. ignem, neque ab igne originem ducere; sed corpus aliud, idque divinum magis participare: ac propterea non agere facultate aliquā elementari; sed quemadmodum in semine inest aliquid, quod ipsum secundum reddat, & in fabricando animali vires elementorum excellat; spiritus nempe, & natura in eo spiritu respondens elemento stellarum: ita pariter in sanguine, inest spiritus, sive vis aliqua, agens supra vires elementorum, (in singulis animalis partibus nutrientis & conservandis valde conspicua) & natura, immo anima in eo spiritu & sanguine, respondens elemento stellarum. Calorem denique in sanguine animalium (durante vita) nec ignem esse, neque ab igne originem trahere, manifestum est; nostraeque observationes id luculenter docent.

Ut autem haec liquidū magis appareant, liceat nobis à proposito aliquantulum digredi, & paucis ostendere, quid sit *spiritus*, & quid, *supra vires elementorum agere*; quid etiam significant ea verba, *participare corpus aliud, idque divinius, quām que elementa appellantur*; & quid sit, *natura in eo spiritu respondens elemento stellarum*.

Quid sit *spiritus*, & principium vitale; partim antea à nobis dictum est, partim etiam uberiorū jam dicetur. Sunt tria corpora (eāq; simplicia) quā videntur sibi spiritū nomeni, vel saltem officium præcipue vendicare; nempe ignis, aëris, & aquæ: & quodlibet eorum vitam, sive corpus aliud participare videtur, ob motum & fluorem perpetuum; flamma (inquam) flatus, & flumen. Flamma, est fluxus ignis; flatus, aëris; flumen, aquæ. *Flamma*, tanquam animal, se ipsam movet, nutrit, auget; vitaque nostræ symbolum est. Ideoque in ceremoniis divinis passim usurpatur; in templis quoque Apollinis & Vestæ, à virginibus religiosè (ceu res sacra) custodiebatur: èundemque ab ultima antiquitate, apud Persas, aliisque gentes plures, divino honore cultum accepimus. Quasi Deus in igne maximè conspicuus sit, & ex igne nobis (ut olim Mosi) loqueretur. Aëris etiam suo merito spiritus dicitur, siquidem hic à spirando nomen sumpsit; & Aristoteles disertis verbis fatetur, *vitam quandam, atque ortum & interitum vel flatuum esse*. Denique & fluminis aqua, *viva ap-*  
De gen. an.  
l. 4. c. ult.

Videntur itaque tria ista (quatenus vitam quandam obtinent) supra vires elementorum agere, & corpus aliud divinius participare: ideoque in Divorum numerum ab Ethniciis relata sunt. Quippe unde opus aliquod eximiū, nudisque elementorum facultates superans exoritur; id ipsum ab agente aliquo divinore proficii arbitrabantur. Tanquam idem sit, supra vires elementorum agere, & corpus aliud divinius eam ob caussam participare, quod ab elementis originem non trahat.

Sanguis quoque similiter supra vires elementorum agit, cum jam pars

parte primogenita & calor innatus existens (ut fit in semine & spiritu) reliquias totius corporis partes ordine fabricat; idque summam cum providentia & intellectu, in finem certum agens, quasi ratiocinio quedam uteretur. Haud equidem ea praestat, quatenus elementaris est, & ab igne originem dicit; sed quatenus virtutis plasticæ, animæque vegetativæ munere, calidum primogenitum, virtusque instrumentum immediatum atque idoneum efficitur. *ὕπα, τὸ ζωτικὸν τὸ ἀνθρώπου,* inquit *Suidas:* quod de reliquis quoque animalibus verum est. Idque etiam *Virgilius* videtur voluisse, ubi ait:

*Eneid. 10.*

*Unâ cùdemque viâ sanguisque animisque sequuntur.*

Sanguis itaque est *spiritus*, ob eximias ejus virtutes, & vires; est etiam *cœlestis*, liquidem in illo spiritu hospitatur natura (nempe anima) respondens elemento stellarum; id est, aliquid cœlo analogum, cœli instrumentum, cœlique vicarium.

Ad hunc etiam modum, corpora omnia naturalia duplice ratione consideranda veniunt; nempe, vel prout illa privatim estimantur, & intra propriæ naturæ ambitum comprehenduntur; vel prout instrumenta sunt agentis cuiusdam nobilioris, & superioris potestatis. Nam ad vires eorum proprias quod attinet, non est dubium, quin omnia generationi & corruptioni subjecta, ex elementis originem ducant, & ad eorundem normam operentur. Quatenus vero præstantioris agentis instrumenta sunt, & ab illo regulantur, non jam ex natura propriâ operantur, sed ex regimine alterius; ideoque corpus aliud & divinus participare videntur, virésque elementorum excellere.

Similiter & sanguinis calor est *animalis*, quatenus scilicet in operationibus suis ab anima gubernatur: est etiam *cœlestis*, utpote cœlo subserviens; & *divinus*, quod Dei Optimi Maximi instrumentum sit: quemadmodum supra à nobis dictum est; ubi etiam mare & fœminam, Solis, cœli, vel Satoris summi instrumenta esse, perfectorum animalium generationi inservientia, demonstravimus.

Mundus inferior, secundum Aristotelem, superioribus lationibus adeò continuus est, ut omnes ejus motus & mutationes inde originem sumere, & gubernari videantur. Perfecto in mundo isto (cui κόσμος Græcis, ab ordinis pulchritudine, nomen est) res inferiores & corruptibles, superioribus aliis & incorruptibilis subserviunt: omnes autem summo, omnipotenti, atque æterno Creatori & subsunt, & morem gerunt.

Qui igitur rem nullam ex elementis compositam, supra horum vires operari posse autemant; nisi simili corpus aliud, & quidem divinum magis participet: ideoque spiritus istos, partim ex elementis,

partim

partim ex substantia aliqua ætherea & coelesti constare arbitrantur: næ illi rationes suas malè subduxisse mihi videntur. Quippe vix ullum corpus elementare invenias, quod, in agendo, vires proprias non supereret. Nè longè quæram, quod ubique obvium est: aër & aqua, dum navigia ad extremos Indos, & circumcirca orbem terrarum (sæpèque simul in partes contrarias) deferunt; cùm molunt, pinsunt, cribrant, puteos exhaustiunt, ligna secant, ignem suscitant, quædam vehunt, alia obruiunt, résque alias infinitas & admirandas præstant; an non supra vires elementorum agere videntur? Ignis similiter, quot, & quanta efficit? nimirum in culina, in officina metallicâ, & chymicâ, sublimando, fundendo, concoquendo, corrumpendo, coagulando, aliisque modis infinitis. Quid, cùm ferrum ejus operâ producitur? —— *quod terram domat, & quatit oppida bello.* Cùm magnes (cui Thales propterea animam attribuit) ferrum ad se attrahit, *domitrixque illa rerum omnium materia* (ut ait Plinius) *ad inane l.36.c.16.* nescio quid currit; & acus ferrea eidem afficta, mundi cardines perpetuò respicit: cùm horologia nostra singulas diei noctisque horas constanter indicant: an non corpus aliud (præter elementa) idque divinius participare videntur? Quòd si ex artis dominio & gubernatione, tam præclara quotidie supra rerum ipsarum vires efficiantur; quid ex Naturæ præcepto ac regimine fieri putabimus, cuius ars solum imitatrix est? Et si hominibus serviendo, tam admiranda perficiant; quid, quæso, ab iis exspectabimus, ubi instrumenta fuerint in manu Dei?

Nimirum distinctione istâ opus est: Nullum agens primarium primum-ve efficiens, supra vires suas operatur: omne verò agens instrumentale, in agendo proprias vires superat; agit enim virtute, non solum suâ, sed etiam superioris efficientis.

Qui itaque tam præclaras dotes sanguini denegant, & spiritus nescio quos è cœlo deductum eunt, quibus virtutes illas divinas attribuant: nesciunt profectò, vel saltē non cogitant, generationis opus (atque etiam nutritionis, quæ revera generationis quædam species est) cuius gratiâ iisdem tam eximia privilegia largiuntur, ipsorum spirituum vires excellere: nec spirituum modò, sed & animæ vegetativæ; immò etiam sensitivæ; addo quoque, & rationalis. Vires dixi? immò verò & captum etiam animæ rationalis longè superat: natura enim generationis, ejusque ordo, admirabilis planè est & divinus, suprà quæ quispiam cogitatione capere, aut mente complecti possit.

Ut igitur clarius constet, virtutes illas præclaras, quas spiritibus & calido innato Viri docti attribuunt, uni sanguini convenire: præter ea, quæ in ovo (antequam quippiam fœtûs appareat) & in fœtu perfecto adultoque mirificè conspicua sunt; pauca hæc diligenti animo perpendenda veniunt. Sanguis nempe extra venas absolutè

& per se consideratus, quatenus est elementaris, atque ex diversis partibus (tenuibus scil. serosis, crassis, & concretis) componitur, crux dicitur, paucisque admodum & obscuras virtutes possidet. In venis autem existens, quatenus est pars corporis, eademe animata & genitalis, atque immediatum animae instrumentum, sedesque ejus primaria; quatenus etiam corpus aliud divinius participare videtur, & calore animali divino perfunditur; eximias sanè vires obtinet, estque analogus elemento stellarum. Quatenus spiritus, est focus, Vesta, lar familiaris, calidum innatum, Sol microcosmi, ignis Platonis; non quòd (ignis communis instar) luceat, urat, & destruat; sed quòd vago ac perpetuo motu se ipsum conservet, nutriat, & augeat. Spiritus etiam nomen meretur, quatenus humido radicali, ultimo scilicet proximoque alimento, primò & præ aliis partibus abundat; cæterisque omnibus eundem viætum (quo ipsemet nutritur) & parat, & exhibet: dum nempe perpetum universum corpus peragrat, partesque omnes (quas ipsemet fabricat, sibiique adjungit) nutrit, fovet, ac in vivis sustentat: non aliter certè, quam superiora astra (Sol præsertim, & Luna) servatis perpetuò circuitibus, inferiora ista vivificant.

Quoniam itaque sanguis supra vires elementorum agit, dictisque istis virtutibus pollet, atque summi Opificis instrumentum est; nemo facultates ejus admirabiles & divinas satis unquam deprehendaverit. Habet profectò in se animam primò ac principaliter, non vegetativam modò, sed sensitivam etiam & motivam: permeat quoquaversum, & ubique præsens est; eodemque ablato, anima quoque ipsa statim tollitur: adeò ut sanguis ab anima nihil discrepare videatur; vel saltem substantia, cuius actus sit anima, estimari debat. Talis, inquam, anima est; quæ nec omnino corpus sit, nec planè sine corpore; partim foris adveniat, partim domini nascatur; aliquo modo sit pars corporis, aliquo autem modo principium & causa omnium, quæ in corpore animalis continentur; nimis nutritio-nis, sensus, & motus; ac proinde vitæ pariter & mortis: quicquid enim nutritur, id ipsum vivit; & vice versa. Similiter quod abunde nutritur, idem augetur; quod autem parcè nimis, id decrescit: quod etiam perfectè nutritur, sanitatem servat; quod secus, in morbos labitur. Juventutis ergo & senectutis, somni insuper & vigiliarum, atque etiam respirationis, ut anima, ita sanguis quoque causa & autor estimandus est: præsertim cum instrumentum primum in naturalibus, moventem causam internam in se contineat. Eodem ergo res redit, si quis dicat, Animam & sanguinem, aut sanguinem cum anima, vel animam cum sanguine, omnia in animali perficere.

Solemus, rerum negligentes, speciosa nomina venerari. Sanguis, qui nobis præ manibus atque oculis est, nil grande sonat: ad spirituum

tuum verò, & calidi innati, magna nomina obstupescimus. Detracta autem larvâ, evanescit, ut error, sic etiam admiratio. Lapis ille misericus, Mizaldo plurimis virtutum elogiis à Pipino celebratus, non illum modò, sed & Thuanum etiam (eximum suâ ætate historiographum) summâ admiratione compleverat. Libet gryphum ipsius attexere. Nuper, inquit, ex India orientali Regi nostro allatum hic vidi mus lapidem, lumine & fulgore mirabiliter coruscantem; quique totus, veluti ardens & incensus, incredibili lucis splendore præfulget, micatque. Is jactis quoquoeverus radiis, ambientem circumquaque ærem luce nullis ferè oculis tolerabili latissimè complet. Est etiam terra impatientissimus: si cooperire conteris, suâ sponte & vi facio impetu, confestim in sublime evolat. Contineri verò inclusive loco ullo angusto nullâ potest hominum arte, sed ampla liberâque loca duntaxat amare videtur. Summa in eo puritas, summus nitor; nullâ sorde, aut labe coquinatur. Figuræ species nulla ei certa, sed incerta & momento commutabilis. Cùmque sit ad speciem longè pulcherrimus, conteneri tamen se non sinit; &, si diutius adnitaris, vel obstinatius agas, incommodum affert: sicuti multi, suo non levi malo, me præsente, experti sunt. Qued si quid ex eo fortasse enixiūs conando adimitur, aut detrahitur, sit (dictu mirum) nihil minor. Addit insuper is hospes, hujus virtutem ac vim esse ad quamplurima cùm utilem, tum præcipue (Regibus imprimis) necessariam: sed quam revelatus non sit; nisi pretio ingenti prius accepto. Potuissètque idem hospes porrò addere, lapidem hunc nec mollem, nec durum esse; eundemque variis formis ac coloribus præditum, trementem valdè ac palpitantem conspici; atque animalis instar (cùm tamen sit inanimus) plurimùm pabuli quotidie vorare, in nutritionem & augmentum suù. Quinetiam accepisse se ab hominibus fide dignis, lapidem hunc olim è cœlo in terram decidisse; & jam sape tonitruum, fulgurumque caussam esse; & interdum è radiis solaribus per aquam refractis gigni.

Tam stupendum lapidem quis non admiretur, credatque eundem supra vires elementorum agere, & corpus aliud participare, spiritumque æthereum possidere? præsertim, cùm eundem elemento Solis proportione respondentem videat. At verò Fernelio Oedipo, parva flammula totum ænigma solvit.

Ad eundem pariter modum, si sub fabulae involucro sanguinem alicui depingerem, lapidisque Philosophici titulo insignirem, atque omnes ejus singulares dotes, operationes, ac facultates ænigmaticè proponerem; illum procul dubio pluris æstimaret; supra vires elementorum agere facile crederet, corpùsque illi aliud ac divinius non illibenter attribueret.

De abd. rer.  
caus. l. 2.  
c. 27.

## De Humido primigenio.

## Exercitatio 71.

**S**anguinem jam calidi innati titulo ornavimus; æquumque pariter censemus, ut colliquamentum crystallinum à nobis dictum (ex quo fœtus, ejusque partes primæ immediate oriuntur) *humidi radicalis & primigenii* nomine insigniatur. Neque enim res alia aliqua in animalium generatione occurrit, cui potiore jure id nominis conveniat.

Humidum diximus *radicale*, quod ex eo prima fœtūs particula, sanguis nempe, reliquæque omnes partes postgenitæ, tanquam è radice, orientur; atque ex eadem materiâ procreentur, nutriantur, crescant, & conserventur.

*Primigenium* quoque appellavimus, quod in cuiuslibet animalis fabricâ primùm generetur, reliquisque sit veluti fundamentum: ut in ovo videre est, in quo, post brevem incubationem, primarium existit insitæ foccundantis & generativæ facultatis opus.

Idem quoque est simplicissimum, purissimum, & sincerissimum corpus, terminabile; in quo omnes pulli partes potentia quidem sunt, actu vero nulla: videturque Natura idem illi concessisse, quod materia primæ, rerum omnium communi, vulgo tribuitur; ut potentia nempe sit omnium formarum capax, actu autem formam nullam habeat. Sic humor oculi crystallinus, ut colorum omnium susceptivus sit, ipsemet nullo colore prædictus est: & similiter media, five organa singulorum sensuum, rerum sensibilium qualitatibus deslituuntur; olfactus scilicet & auditus organa, atque aer iisdem inserviens, odore & sono carent; linguae item orisque saliva, sine sapore est. Atque huic potissimum argumento innituntur, qui intellectum possibilem statuant incorporeum; quia nempe susceptivus est omnium formarum sine materia; & ut manus, organum organorum dicitur, ita illum formam formarum afferunt, nullam habentem materiam, profusque incorporeum; ideoque possibilem eum, non autem passibilem aūunt. Videtur etiam humidum hoc, si non idem, saltem analogum esse ultimo alimento, ex quo Aristoteles animalium genitaram, semen dictam, fieri docuit. Ultimum dico alimentum, quod Arabibus *ros* dicitur, quo omnes corporis partes madescunt, & irrorantur. Quemadmodum enim *ros* ille ab ulteriore condensatione atque adhäsione.

bæsione in alibile gluten & cambium evadit, unde partes corporis constituuntur; ita vice versâ, in prima generatione & nutritione, ex glutine colliquato & tenuiore reddito, fit ros: nimirum ex albamine ovi, fit colliquamentum dictum, sive humidum radicale, & ros primigenius. Imò verò res utrobique eadem est, si modò observationibus nostris fidès debetur; & verum est, quod Philosophi omnes concedunt, & Medici etiam non diffitentur; nempe, animal ab eodem nutriti, ex quo fit; & ex quo generatur, ab eodem augeri. Differt itaque ros nutritius, à colliquamento, sive humido primigenio, prioris tantùm & posterioris ratione; quòd hoc à parentibus coquatur & fiat, ille verò ab ipso fœtu; ambòque succi animalibus proximum & immediatum alimentum sunt; non quidem primum, secundùm dictum illud, *contraria ex contrariis*; sed ultimum (ut dixi, & Aristoteles quoque monuit) secundùm illud, *similia ex similibus augeri necesse est*. Estque uterque humor in ea proximâ potentia, quâ (sublatis impedimentis) suâ sponte, vel naturæ lege in omnes corporis partes abiturus sit.

Quibus ità se habentibus, videntur omnes controversiae super materia animalium, eorumque alimento, haud difficulter componi posse. Cùm enim aliqui, semen sive materiam in coitu emissam ex omnibus corporis partibus disceptatam crederent, indéque prolixus cum parentibus suis similitudinem deducerent, *Aristoteles hæc habet: Contrà, quā Veteres putârunt, dicendum est: cùm enim l. i. e. 18. illi, quod ex toto secedit, semen esse fateantur; nos, quod ad totum suâpte naturâ facit, semen esse fatebimur: cùmque illi colliquamentum dicant; nos excrementum potius esse statimus; (dixerat autem paulò antea, Excrementum appello reliquias alimenti; colliquamentum, quod ex incremento secernitur resolutione præter naturam: ) quod enim ultimum accedit, & excrementum ultimi est, id simile esse probabilis est. Perinde ut pictoribus se numero aliquid purpurissi remanet, simile ejus, quod consumperint: tabescens autem quodque & coliquescens corruptitur, & degenerat. Argumentum, non colliquamentum, sed excrementum potius esse, illud est; quod animalia magni incrementi minus fœcunda, parva fœcundissima sint. Plus enim colliquamenti esse in magnis necesse est, sed minus excrementi: nam in corpus magnum alimenti copia absuntur; itaque parum fit excrementi. Item, locus secundum naturam nullus colliquamento datus est, sed fluit quo-cunque facilis ferri potest: at naturalibus excrementis omnibus locus præscriptus est: verbi gratiâ, alimenti siccii excrementis, alvus; humili, vesica; utilis, ventriculus; seminalis, uterus, genitalia, mammæ: in ea enim loca se colligunt, atque confluunt. Aliisque porrò ratioñibus probatum it, materiam seminalem, ex qua factus fit, esse eandem cum illa, quæ partibus nutriendis parata est. Veluti si quis à pictore aliquo purpurissum peteret; ille certè, quod jam illitum est, non abraderet;*

Ed quod ab opere superest, ei præberet; ejusdem scil. naturæ cunneo, quod absumperat. Ita similiter, excrementum ultimi alimenti, sive roris glutinisque quod superfluum est, ad genitalia deponitur: estque ea sententia, ovorum in gallina generationi maximè consentea.

Medici quoque (qui partes omnes ab initio ex spermate fieri statuunt, eoque nomine spermaticas appellant) semen ex alimento ultimo (quod, cum Aristotele, sanguinem esse existimant) virtute genitalium fieri, & materiam factū constituere aiunt. Manifestum sanè est, ovum è matre, hujusque ultimo alimento (rōre scil. nutritio) produci. Ovi igitur album, aut colliquamentum istud primum genitum, vel potius antegenitum, semen gallinæ verius reputandum est (quamvis in coitu projectum non sit; sed ante coitum, paratum; vel post eum, collectum fuerit; ut in plurimis animalibus contingere, postea forsitan fusius explicabitur) quòd genitura maris, secundum Aristotelem, coagulet.

Cùm itaque videam, ex uno hoc humido, (tanquam materiâ aut radice primâ) partes omnes fieri, & augescere; idemque necessariò ita fieri, ratio antedicta suadeat; continere me sanè vix possum, quin Empedoclis, & Hippocratis etiam sectatores (qui corpora omnia similia, ex quatuor elementis contrariis (ceu mista) congregatiōne generari, & segregatione corrumpi volunt) vellicem, ac perstringam: nec minus Democritum, eumque sequutos Epicureos, qui ex diversarum figurarum atomis simul congregatis omnia componunt. Quippe olim eorum omnium, hodiisque etiam vulgaris error est, corpora omnia similia ex diversis sive heterogeneis generari. Hoc pacto enim, *Lynceis* oculis nihil esset simile, unum, idem, & continuum; sed potius apparet solūm unio, minimo-rūmque corporum congregatiōne vel colligatione quādam, facta congeries & acervus: neque generatio, ab aggregatione, debitāque partium positurā quicquam differret.

Ego verò, neque in animalium productione, nec omnino in ulla corporum similiarum generatione, (sive ea partium animalium, sive plantarum, lapidum, mineralium &c. fuerit) vel congregationem ejusmodi, vel miscibilia diversa in generationis opere unienda præexistere, observare unquam potui. Neque enim (quantum saltem nobis videre licuit, aut ratione aliquā assequi potuimus) partes similes (utpote membrana, caro, fibra, cartilago, os &c.) prius suo quilibet ordine fiunt, aut una existunt; ut ex iis (tanquam animalium elementis) simul junctis, organa sive membra, totumque animal postea componatur: sed, ut antea à nobis dictum est, primum corporis rudimentum, est simile dūntaxat & molle gluten spermatico concremento non absimile; ex quo (procedente generationis lege)

lege) mutato, simûlque secto, vel in plura diviso, seu effato divino, ut diximus, (fiat hic os; illuc musculus, aut nervus; hic viscera, illuc excrementorum receptacula &c.) ex inorganico fit organicum; ex similiari, dissimilare; ex uno, ejusdemque naturæ, plura, eaque diversa & contraria: Non quidem transpositione aliquâ, aut motu locali (quasi virtute caloris fieret homogeneorum congregatio, & disgregatio heterogeneorum) sed potius disgregatione homogeneorum, quam heterogeneorum compositione.

Idemque in omni generatione fieri crediderim; adtò, ut corpora similia mixta, elementa sua tempore priora non habeant, sed illa potius elementis suis priùs existant (nempe, *Empedoclis* atque *Aristotelis* igne, aëre, aquâ, & terrâ; vel *Chymicorum* sale, sulphure, & *Mercurio*; aut *Democriti* atomis) utpote naturâ quoque ipsis perfectiora. Sunt, inquam, mixta & composita, etiam tempore priora elementis quibuslibet sic dictis, in quæ illa corrumptuntur & desinunt; dissolvuntur scil. in ista, ratione potius, quam re ipsâ & actu. Elementa itaque quæ dicuntur, non sunt priora iis rebus, quæ generantur aut oriuntur; sed posteriora potius; & reliquæ magis, quam principia. Neque *Aristoteles* ipsemet, aut aliis quispiam unquam demonstravit, elementa in rerum naturâ separatim existere, aut principia esse corporum similiarium.

Philosophus quidem, ubi elementa dari confirmatum it, consilii incertus videtur, utrum elementa actu, an potentiam solum existere, statuendum sit: & in ipsis naturalibus, potentiam potius, quam actu, esse autumat; ideoque ex divisione, segregatione, & solutione rerum, elementa dari asserit. Est tamen argumentum minus validum, corpora scil. naturalia ex iis generari vel componi primò, in quæ corruptuntur, vel solvuntur ultimò: quippe eâ ratione, quædam ex vitro, cineribus, & fuliginibus (in quæ tandem ab igne redacta cernimus) componerentur; & cum destillatio artificialis clarè monstraret, vapores sive aquas plurimas specieque differentes omnes, ex totidem diversis corporibus elici; debet certè elementorum numerus crescere in infinitum. Neque etiam quisquam Philosophorum ait, corpora, quæ ab arte soluta, sincera specieque indivisibilia dicuntur, elementa esse magis simplicia, quam aërem, aquam, & terram, quæ sensu percipiuntur, nobisque ob oculos versantur.

Nec denique ex igne, tanquam miscibili, quicquam naturaliter generari cernimus: estque fortassis impossibile; cum ignis (ceu vivens quoddam) in continuo fluore sit, & pabulum querat, ut codem nutritatur, & conservetur: secundum illud *Aristotelis*, Ignem nutritiri solum, idque maximè ipsius formæ esse. Quicquid verò nutritur, fieri nequit ut id ipsum cum nutrimento suo misceatur. Unde sequitur, impossibile esse, ignem esse miscibilem. Mixto enim ex *Aristotelis*

L. 3. de  
cœlo c. 3. 2.

De gen. &  
cor. l. 2.  
c. 50.

stoteli sententiâ, est miscibilium alteratorum unio ; ubi aliud in aliud non transmutatur, sed ambo invicem activa & passiva sibi tertium : generatio. verò (præsertim per metamorphosin) est unius rei similaris alterandæ, in plures alias distributio. Nec mixta similaria ex elementis generari, sed ex iis quodammodo constitui dicuntur ; in quæ etiam potentia solubilia sunt.

Hæc autem ad Physiologię partem illam, quæ de elementis & temperamentis agit, propriè spectant : ubi etiam de iisdem copiosius disceptandum est.



De





## De Partu.



Enerationi *partus* est consecutaneus, quo fœtus in lucem prodiens externo aëre fruitur. De eo igitur paucis hîc agere, opera & pretium judicavimus. Itaque (cum Fabricio) ejus caussas, modum, & tempora; item quæ eum antecedunt, & subsequuntur, considerabimus.

Quæ paulò ante partum contingunt, &, in mulieribus præsertim, instantem parturitionem præsagiunt; sunt partim foetantis præparatio, ac dispositio, ut conceptum dimittat: partim situs, sive positio foetus ad egressum idonea.

Positionem quod attinet, *Fabricius* ait, *eam figure conglobatae & inflexæ esse, nè fœtus extremitatibus atque eminentiis suis, utero aut membranis continentibus noceret; tum etiam ut minore loco contineretur.* Ego verò *positure non arbitror locum (ob prædictas caussas) eandem semper membra- rum posituram servare.* Quippe in aqua natans, seseque movens, modò huc, modò illuc extenditur; varièque inflectitur, & voluntatur; adeò ut proprio umbilici funiculo implexa, mirè interdum irretiatur. Certè animalia omnia, dum quiescent & dormiunt, membra sua ut plurimum adducunt & complicant, figuramque ovalēm aut conglobatam querunt. Hâ pariter embryones, qui atatem suam maximè somno transigunt, membra sua positione eâ quâ plasmantur (tanquam naturalissimâ, ac maximè indolenti, quietique apitissimâ) componunt. Ideoque infans in utero ut plurimum reperiatur, adductis ad abdomen genibus, flexis retrorsum cruribus, pedibus decussatis, manib[us]que sursum ad caput sublatis, quarum alteram circa tempora vel auriculas, alteram ad genam detinet; ubi N n maculæ

*De formæ fœti. c. 9.  
p. 140.*

maculae albæ, tanquam confractionis vestigia, in cute cernuntur: spina in orbem flectitur; caput ad genua, incurvato collo, propendet. Tali membrorum situ, qualem in somno per quietem querimus, capite superne, facieque ut plurimum ad matris spinam versâ, embryo locatur. Paulò autem ante partum, capite deorsum inflexo, versus matricis orificium (tanquam exitum quæsiturus) urinatur, imumque petit. Sic Aristoteles: *Omnia animalia naturaliter in caput exirent; obliqua autem, vel in pedes, contra naturam.* Hoc tamen non est perpetuum in omnibus animalibus; sed prout situs eorum in utero diversus fuerit, ita quoque & exitus variat; ut in Canibus suis, aliisque multiparis. Fœtum etiam humanum in utero diversum situm nancisci, gravidæ nôrunt; quarum uterus modò superne, modò inferne, nunc in hoc, nunc in illo latere pulsat.

*Matrix.* Similiter Matrix ad partum matura, descendit inferius, emollitur, atque orificio suum aperit. Colliguntur etiam aquæ vulgo dictæ: i. e. pars quædam chorii, in qua prædicta materia aquosa continetur, factum antecedit, atque è matrice in vaginam prolabitur: partes quoque vicinæ laxantur; & distensioni aptæ fiunt: quinetiam sacri & peccatis ossium cum coxendice copula (quæ fit per synchondrosis) adeò emollitur & solvit, ut dicta ossa facile exeunti fœtui cedant; & hiantia, regionem totam hypogastricam ampliorem reddant. Hæc dum fiunt, parturitionem jam instare constat. Nempe ut fœtus (quasi fructus maturus) in lucem prodeat, natura provide iter aperit, ac dilatat: quemadmodum fœtui mox nascituro lac prævium in manimis præparat, ut foris postmodum victuro sit unde sustentetur. Sunt quidem hæc partus antecedanea. Ideoque inter igna imminentis partus, lac potissimum habetur: tale, inquam, quod & copiâ, & consistentiâ, alendo fœtui sit idoneum: quale (ex Aristotelis sententiâ) non nisi parturitionis tempore cernitur; ac propterea ante septimum mensem non conspicitur.

*Gen. an. l. 4. c. 8. & l. 7. 6. 5. Pag. 141.* Fabricius duo potissimum de partu inquirenda statuit, quando scilicet, & quomodo partus fiat. Primum, tempus ferendi uteri: secundum, è vulva ad auras excundi modum, explicat.

*Degen. an. l. 4. c. 4. & 8.* Tempora ferendi uteri, ab Aristotele varia censentur: certa, inquit, cuique animalium sunt, magnâ quidem ex parte pro vite spatio; vivaciorum enim generationes diuturniores esse necesse est. Præcipua autem hujus rei causa ab eo assignatur magnitudo animalis: haud enim, inquit, tempore brevi constitutiones perfici magnas vel animalium, vel quorunvis aliorum fere facile est. Quamobrem equæ, & que iis cognata sunt animalia, quamquam minus temporis vivunt, tamen diutius uterum ferunt. Ideoque elephantorum uterus biennio (ut aiunt) gestatur, propter exuperantiam magnitudinis. Cujusque autem animalis certa est magnitudo, quem terminum non supragreditur: ac proinde materiæ quoque (ex qua fiunt) copia ipsius.

ipsis definita est. Ait porro : Ratione autem optimâ tempora omnium & gravitatum & generationum, & vitarum dimensionem circuitibus sibi exposcent recipere. Circuitum appello diem, noctem, mensem, annum, & tempora, quæ iis describuntur, atque etiam lune trajectiones : hæc enim principia generationis sunt omnibus communia. Nam ut rerum minùs principium circuitus sequatur magis principalium rerum circuitum, rationale est. Eorum igitur motibus generationes atque obitus animalium deflniri, naturâ comparatum est.

Et prout animalium partus ex circuitibus Solis aut lunæ dependent, ita varia etiam habent tempora coëundi, & ferendi uterum; eaque prolixiora, aut breviora.

*Homini soli* (inquit ibidem Philosophus) *tempus ferendi uteri enor- me est.* Cæteris enim unum est tempus, homini vero, plura sunt : quippe & septimo mense, & decimo nascitur ; atque etiam inter septimum & decimum positis : qui enim mense octavo nascuntur, et si minùs, tamen vivere possunt. Plurimis quidem stata sunt pariendi tempora, & præsertim Vere, adventante Sole ; multis, in æstate ; nonnullis, in autumno, ut piscibus cartilagineis. Indéque fit, ut accedente pariendi tempestate, ad solita loca revertantur ; ut stabula vel nidos suos tutò exstruant, ubi foetus pariant, foveant, alantque. Hinc dicti Ornithiæ, venti sub initium Veris spirantes ; scil. ab adventu avium, quæ eo tempore, illorum ventorum ope ad certa loca transvolare solent. Pisces similiter qui turmatim ad multa centena millia, proliis educandæ gratiâ, certis locis convenire solent, stata anni tempora designant. Quinetiam Vere, quamprimum erucæ cernuntur, (quarum femina, instar atomorum invisibilium, à ventis ut plurimum deferuntur ; non autem, ut vulgo creditur, sponte, vel è putredine ortum dicunt) arbores statim gemmulas suas protrudunt, erucis illis cessuras in alimento ; quas vicissimi aviculæ plurimæ insectantur, alendisque pullis suis in nidos deferunt. Adeò ut, quotiescumque cernere contingit inusitata erucarum genera, simul aviculas raro visas, peregrèq; adventantes conspiciamus ; (tanquam hæ illas è remotioribus terris persequerentur) suntque utrisque eadem ferè pariendi tempora. Medicis statim, conspectis iis, novos morbos præ foribus adesse hariolantur. Apes Majo mense pariunt, cum roris melliflui copia est : Vespa, æstate ; cum fructus maturescunt : quemadmodum viviparorum factura contingit, cum in inanimis eorum lac idoneum reperitur. Alia vero animalia, quæ inquilina sunt, & cælum non mutant, sua quæque pariendi loca, ut & pabuli proventum, statis temporibus repetunt. Indè fit, ut agricolæ, à diversatum avium, & spermologorum præcipue conventu, arandi, seminandi, & metendi tempora dijudicent. Sunt tamen nonnulla animalia, quorum pariendi tempora varia & incerta contingunt : ut plerisque usu venit, quæ domestica

domestica appellantur, & cum hominibus degunt. Ea enim variis temporibus, & venerem exercent, & pariunt; nempe ob pabuli copiam, & inordinatam, præter naturæ morem, lasciviam. Talibus verò (ut & hominibus) partus difficiliores sæpe, & periculosiores observantur.

Alia porrò animalia, lunæ circuitus magis observantia, quolibet ferè anni tempore coëunt, & pariunt: ut cuniculi, mures, & mulieres. *Sympos. l. 3. res. qu. 10.* Dicitur enim (inquit Plutarchus) ad expediendum partum luna conducere, cùm orbe fulget dimidio: quod laxandis humoribus dolores mitiget. Hinc arbitror etiam Diana vocabula *Locbeia*, quod est, partui præficiæ, & *Eilytheia*, sive *Lucina*, fuisse facia: cùm eadem sit Diana, quæ luna.

*L. 7. c. 5.* Cæteris animantibus, (inquit Plinius) statum & pariendi, & partus gerendū tempus est: homo toto anno, & incerto gigantis spatio. Nam licet his quoque præfinitum pariendi tempus natura ut plurimum deslinaverit: interdum tamen magna suboritur differentia; adeò ut quædam septimo mense, nonnullæ decimo quarto partus vivos ac vitales edidisse memorentur. Et licet Aristoteles, ex iis, qui in Graecie regionibus octavo mense nascuntur, multos interire dicat; fatetur tamen in Ægypto, atque aliis aliquot locis, (ubi mulieres con.modè perfervunt) salvari vitales. Et quanquam ait: (*Qui ante mensem septimum prodeunt, nulli ullâ ratione possunt vivere. At septimus maturè oriendi principium est. Verum plerique sunt imbecilles; ideo involvunt eos lanis.*) fatetur tamen, tales vivere posse.

*In epis. de animal. c. 4. ibid.* Franciscus Valesius quinquemestrem puellam refert suo tempore duodecimum ætatis annuni ingressam fuisse. Adrianus Spigelius in certo tempore bellarii cuiusdam meminit, qui urbis Medioburgensis testimonio publico partus lico omnibus monstrabat, se sexti mensis initio editum, corpore exiguum, & viribus ita debilem, atque ossibus infirmum, ut mater coacta fuerit gossypio circumductum fovere, donec robur acquisiverit, quo posset fasciæ circumligari. Avicennas quoque refert, sexto mense natum bene vivisse. Similiter, post undecimum mensem natos vitales fuisse, multorum quoque & veterum & recentiorum testimoniorum comprobatur. *Masturz. L. 9. de nat. c. ult.* Massurius (ait Plinius) autor est, *L. Papyrus Prætorum*, secundo hærede lege agenti, bonorum possessionem contra eum dedisse, cùm mater partum se tredecim mensibus diceret tulisse; quoniam nullum certum tempus pariendi statutum videretur. Fuit profectò non ita pridem apud nos mulier, quæ factum in utero sedecim amplius mensibus gesit, eumque ultra decem menses (pluribus ejus rei consciis) huc illuc variè se commovit sensit, tandemque vivum peperit. Sunt autem, fateor, ista ex raro contingentibus. Ideoque Spigelius Ulpianum Jurisconsultum immerito reprehendit, quod, post decimum mensem, editum neminem ad legitimam hæreditatem admiserit. Quippe leges & præcepta artium, actionibus vita ordinatis ut plurimum adaptantur.

Præterea

Præterea non negandum, reperiri multas subdolas & frātidis plenas mulieres, quæ lucro inhiantes, aut pœnarum, vel infamiae metu, sese gravidas fingunt, & dejerant. Notum quoque, alias facile decipi, quæ rerum ignaræ, etiam vacuo utero se prægnantes autumnant. Huc faciunt illa Aristotelis : *Concepcionem eorum, qui post undecimum mensis editi sunt, videtur latuisse. Illorum enim conceptus initium ignorantibus. Flatibus enim uteri se numero occupati, postea cœundo gravide factæ, illud arbitrantur fuisse initium conceptionis, quod ex indicis usitatis agnovissent.*

Alias etiam novimus, post trimestre aut quadrimestre spatum, mortuo jam conceptu, & in utero putrescente, paulatimque (ceu putridis lochiis) effluente tabo, superfœtasse. Eadem tamen, post decimum-quartum denūm mensem se peperisse affirmârunt. Evenit aliquando, ait Arist. ut aborsu factio, decem ac duodecim superfœtatione *ibid.* concepti exciderint. Quod si statim conceperint, extulere in lucem eum quo superfœtarint; sive eos edunt, quasi qui gemellorum eduntur lege. Id quod de Iphicle & Hercule fabulanter. Atque hoc jam constitit : Adultera enim quedam, alterum marito similem, adultero alterum peperit. Olim etiam quedam gemellos utero cum gestaret, tertium insuper concepit. Appetente igitur tempore iusto, illos quidem suo perfectos tempore edidit, hunc autem quinquemestrem; atque is illico periit.

Famula quædam ab hero suo compressa, ut culpam tegeter, Septembri mense Londinum advolat; ubi clanculum peperit; & firmata valetudine, domum reversa est. Decembri autem sequente; novo partu (nam superfœtaverat) occultatum antea crimen divulgavit.

Alii contigit (addit Philosophus) ut cum unum septimestrem peperisset, postea duos mensium justorum fine absoluto pareret: quorum ille mortuus est, bi vixere. Quedam etiam abortientes simul concepero, alterumque ejecere, alterum peperere.

Fieri nempe facile potest, ut priore ait posteriori superfœtantium conceptu post tertium quartumve mensem ejecto, sequentes menses vel plures iusto, vel pauciores numerentur: præsertim à credulis & ignaris mulierculis.

Perire intus conceptum, & in putrilaginem versum sensim indies (tanquam fluores albos) emanare; nonnunquam observavimus, tum in mulieribus, tum etiam in aliis animalibus. Erat non ita pridem Londini mulier; quæ, post ejusmodi abortum, concepit denio; debitoque tempore infantem peperit. Postea vero, interpositis aliquot mensibus, dum consueta obit munia, sine dolore, & ægritudine aliquâ insigni, prioris abortus ossicula nigra frustatim ejecit. Eorum quedam ad me delata, esse spinæ, femoris, & aliorum ossium fragmina, indicium fecerunt.

Novi Juvenculam, filiam cuiusdam Medici mihi familiarissimi,

quæ grava facta, symptomata omnia prægnantes comitari solita experiebatur : ea sana, & vegeta, post decimam quartam septimanam, fœtus in utero motum sensit ; tempisque partui debitum emensa est ; indicaque jam imminentis partus adesse rata, cubile, incunabula, ceteraque ad partum necessaria in procinatu habuit. Sed frustra omnia, & Lucina votis abnuit : motus enim soliti cessarunt ; ac paulatim, ut increverat, detumuit venter, absque ulla ægritudine : sterilis autem mansit in posterum.

Novi etiam Matronam nobilem, quæ plūs decies enixa fuerat, quāmque menstruorum suppressio citra prægnationem nunquam fecellerat. Postea autem alteri denupta, præter alia signa solita, ex motu quoque (quem ipsa, sororque ejus juxta cubans, saepe noctu sentiebant) se se gravidam judicabat ; neque ab eâ opinione ullis à me allatis argumentis dimoveri poterat : donec tandem spes omnis in flatum, & pinguedinem faceret.

Adeò interdum certissima quoque gravitationis signa, non modò ignaras mulieres, sed obstetrics expertas, & peritos etiam Medicos atque attentos fecellerunt. Quapropter, cùm præter dolos muliebres, varia sint prægnationis falsa indicia, de partu inordinatio ante septinium mensem, aut post undecimum, haud temere statuendum est.

Usitatus sanè uti gerendi computus, eum terminum servat, quem Christum Salvatorem nostrum hominum perfectissimum in utero Matris suæ emensum credimus : nempe à die annuntiationis Angelicæ, mense Martio, ad nativitatis illum beatum diem, quem Decembri mense festum celebramus. Adque hanc normam matronæ prudentiores calculos suos subducentes (dum singulis mensibus, solidum menstrui fluxus diem in fastos referunt) spe raro excidunt ; verum, transactis decem lunæ curriculis, eodem die, quo (absque prægnatione foret) menstrua iis profluerent, partum experiuntur, ventrisque fructum colligunt.

*De us. parti. l. 15. c. 7.* Ad causas verò excludendi fœtus quod attinet, *Fabri*cius præter eam Galeni (asserentis, fœtum tantisper in utero gestari, donec auctius & perfectius jam factus per os nutriti posset : quâcchè ratione, imbecilliores fœtus diuturniorem in utero moram traherent ; quod tamen non evenit : ) aliani, & quidem potiorem, putat, *majoris*, per respiracionem, refrigerii necessitatem ; cùm factus ubi primè ortus est respiret, nequam autem cibum ore assumat. Id quod non solum ( ait ) in homine & quadrupedibus, sed etiam maximè in pennatis observatur ; que etiè parva sunt, & rostrum adhuc tenerum habentia, pulli tamen ovi coricem eâ parte percutiunt, quâ respiratione opus habent : hoc agentes potius à respiratione, quam à cibi indigentia coacti ; cùm statim atque è cortice sunt exclusi respirent, sine cibo autem biduum diutiusque consistant.

Verum

Verum num refrigerii gratia respiratio instituta sit, an in aliud finem; alibi pleniū, ex observationibus nostris, disputabimus.

Libet interea problema hoc viris doctis proponere: Quomodo nentipe embryo post septimum mensem in utero matris perseveret? cum tamen eo tempore exclusus statim respiret; immo vero sine respiratione ne horulam quidem superesse possit: in utero autem manens (ut dixi) ultra nonum mensem, absque respirationis auctulo, vivus & sanus degat. Dicam planius: Qui sit, ut fetus in lucem editus, ac membranis integris opertus, & etiam in aqua suā manens, per aliquot horas, citra suffocationis periculum, superest sit: idem tamen secundis exutus, si semel aërem intra pulmones attraxerit, postea ne momentum quidem temporis absque eo durare possit, sed confessim moriatur? Non sit hoc certe ob defectum refrigerationis; nam in partu difficulti, sēpe per aliquot horas in angustiis illis sine ulla respiratione hærens, vivus tamen persentitur: quamprimum autem egressus fuerit, & vitalem hanc auram hauserit, eādem mox præclusa dictum factum extinguitur. Similiter, cum in sectione cæsareâ fetus horis complusculis post matris obitum eximitur, vitalis tamen reperitur, & intra secundas sepultus, aëris nihil indigus, superest: simulac autem eo semel gavissus fuerit, (etiam in easdem secundas repositus) illico, ob hujus parentiam, suffocatur. Hæc qui diligenter perpenderit, naturāmque aëris penitus introspexerit, facile (opinor) fatebitur, eundem nec refrigerationis gratia, nec in pabulum animalibus concedi. Siquidem constat, fetus, postquam eum semel hauserit, citius suffocari; quam cum ab illo prorsus arcebatur: quasi fervor in eo, ab aere accenderetur potius, quam restingueretur.

Hæc autem obiter duntaxat de respiratione diximus; proprio loco de eadem forsitan copiosius disceptatur. Quā sanè disquisitione vix aliam scruposiorē invenias; siquidem ea in utramlibet partem paribus ferè rationum momentis libratur.

Ad partum redeo, quem (*præter prædictam respirandi necessitatem*; *Pag. 142.*) *alimentique inopiam*) *Fabricius* fieri putat, quod tunc fetus grandior fatus pondere gravet; tum mole suā magnā non ampliùs intus detineri possit; *præterea*, inquit, excrementa iam copiose aucta sunt, ut in membranis contineri amplius non valeant. Probavimus autem superius, humores in utero contentos, non esse excrementitos. Nec ratio à pondere aut magnitudine fetus deducta, magis verisimilis est: fetus enim humoribus innatans vix ullum placenta uterove gravamen adfert; fetus etiam aliqui novimestres pusilli sunt, & aliis octimestribus minores; non possunt tamen ulterius in utero morari. Et profectò ad pondus quod attinet, gemelli qualeuscunque octavo mense, cuiilibet singulari fetus novimestri præponderant, nec tamen propterea ante:

ante nonum mensem in lucem prodeunt. Nec meliore jure alieni menti penuriam adesse, caussari potest: cum ad id temporis gemellis, & aliquando pluribus foetibus, vietus abunde suppetat: & lac, quod puerperis ad mammas delatum, alendo foeti sufficit, ad uterum traductum, foetum inibi æquè commodè nutritur.

Ego potius nascendi caussam esse dixerim, quod succus intra amnion, alendo foeti maximè accommodus, tunc temporis vel deficit, vel ab admixtis excrementis depravetur. Ut etiam suprà monui. Uteri autem, præter naturæ usitatum tempus, gerendi diversitatem (quaæ potissimum humano generi contingit) vitæ consuetudini, imbecillitati corporis, animique variis affectibus attribuerim. Ideoque etiam animalia cicura, quaæ cum hominibus degunt, ob otium, pabulique copiam, incerta magis tum coëundi, tum pariendi tempora obtinent; quam fera, & ex naturæ lege vitam agentia. Mulieres quoque firmæ valetudinis, partus plerunque leviores, promptiorésque experiuntur: contrà autem iis evenit, quibus sanitas attrita est. Idem nempe iis usu venit, quod plantis, quarum semina & fructus in regionibus frigidis tardius & rarius, quam in aliis terræ bonitate Solisque beneficio gaudentibus, proveniunt.

Ita mala aurantia, apud nos, plerunque biennium integrum arboribus adhærent, antequam ad maturitatem pertingant: & ficus etiam vix in nostro cœlo perficiuntur, quaæ in Italia quotannis bis terve maturescunt. Similiter quoque in uteri fructibus contingit: nimis ob pabuli ubertatem, vel inopiam; corporis robur, vel imbecillitatem; vitæque (secundum sex res Medicis non-naturales dictas) rectum regimen, vel inordinatum; foetus etiam serius aut citius ad maturitatem sive partum perducuntur.

*Partus quomodo fit.* Partus modum Fabricius sic describit: Uterus à foetu mole distentus, ut sine periculo distendi amplius non queat; atque ob id ad expulsionem excitatus, siveque fibris transversis agentibus in se contractus, angustiorem locum facit. Itaque cum prius neque excrementa propter copiam, neque foetus propter molem contineri amplius possent, nunc adhuc impensis angustatus & compressus, mulierem continere est possibile; propter quam caussam, primè membrane, tanquam imbecilliores impensisque distentæ abrumpuntur; & hanc, qui magis est fluxilis, jure prius ad vias lubricandas exit. Inde vero foetus secutus, non solam suam gravitate auctus (quod amplius in humore non innatet) deorsum descendens, atque ad uteri os imperum faciens, sed etiam ab utero similiter compressus, propulsatus, atque expensus: cui muneri musculi abdominis, una cum diaphragmate, mirum in modum comprimento famularuntur.

Quibus verbis, excrementorum alvi ejectionem potius, aut abortum; quam verum & naturalem partum descripsit. Ut enim mulieribus plerunque membranæ ante foetus exitum disruptæ aquam profun-

profundant; id eamen non est perpetuum: namque cætera animalia ad eum modum pariunt, sed conceptum integrum (fœtum nempe cum secundis) excludunt: ut in canibus, ovibus, equabus, aliisque videre est; & præsertim in vipera, quæ ovum unicolor & molli cortice (qualis muliebris conceptus est) intra se concipit, ibidemque tandiū servat, donec fœtus inde efformatus fuerit, quem membranā obvolutum parit, quæ (teste Aristotele) tertio die rumpitur. Evenit ta- <sup>Hist. an-</sup>  
men interdum, ut catuli, erosis (dum adhuc in utero sunt) mem- <sup>l. 5. c. 34.</sup>  
branis, in lucem prodeant.

Pariter obstetricibus expertis non ignotum, mulieres aliquando conceptum integrum, cum ambientibus membranis illæsis, exclu-  
dere. Atque hujusmodi partus videtur maximè naturalis; in quo fœtus (tanquam fructus maturus qui ab arbore totus solvitur, se-  
minibus ante destinatum à natura tempus minimè effluentibus) unà  
cum secundis elabitur. Ubi autem secùs fit, & placenta post na-  
tum fœtum utero adhærescit; ea sèpe difficulter solvitur, & prava  
symptomata inducit, quæ fœtor ingens, & interdum gangræna, co-  
mitatur; unde mater in præsenz periculum deducitur.

Quoniam igitur partus à *Fabrio* descriptus, non omnibus ani-  
malibus competit; sed mulieribus solum contingit, neque istis om-  
nibus, sed iis duntaxat quibus præmaturus, & quasi coactus ob-  
venit: is certè non tam naturalis, quam præternaturalis, sive præ-  
cipitatus, ac quodammodo abortivus censendus est.

In naturali igitur & genuino partu duo requiruntur, quæ sibi <sup>Ad partum</sup> invicem operas mutuas præstent; nempe parturiens mater, & pari- <sup>legitimum</sup> endus fœtus. Qui ambo nisi ad hoc negotium parati fuerint, <sup>duo requi-</sup>  
<sup>runtur.</sup> vix felix succedit partus; cuius hora idonea communem utriusque maturitatem requirit. Nam si, vel fœtus inquietus, & exeundi cu-  
pidus, exstimulando, vimque utero inferendo matrem prævenerit;  
aut hæc, ob retinendi imbecillitatem, (tanquam nauseâ uterus la-  
boraret) aut expellendi necessitatem aliquam, anteverterit: partus ejusmodi morbosus potius & symptomaticus, quam naturalis & cri-  
ticus astimandus est. Utì etiam, cum partes aliquæ conceptus for-  
ràs eliduntur, dum aliae adhuc intus hærent: nempe, si fœtus ad extum inclinet, necdum abruptâ ab utero placentâ; aut è contrâ, solutâ placentâ, fœtus nondum ritè compositus, nec uterus ad egressum ejus laxatus fuerit. Ideoque increpandæ sunt obstetrics, præ-  
sertim juniores, temerariæ, & ~~παλυπεριηγοροις~~; quæ, cum parturien-  
tes præ dolore ejulare, opémque efflagitare audiunt; nè <sup>τη</sup> μωσίλλης imperitæ, parumve satagentes videantur; manus oleis oblinendo,  
locâque muliebria distendendo, mire turbulantur; porrectisque potionibus medicatis facultatem expultricem irritant; atque moræ debitæ impatientes, dum accelerare, ac facilitare partum cipiunt,

eundem retardant potius & pervertunt, efficiuntque non naturalem, ac difficultem, relictis retro secundinis, aut parte aliquâ placentâ utero etiamnum adhærente; miserisque mulierculas, aëris injuriis exponunt; &, ad sedile frustâ cogentes, fatigant; inque præsens vitæ discrimen deducunt. Melius profectò cùm pauperculis res agitur, iisque, quæ furtim gravidæ factæ, clanculum pariunt, nullius obstetricis advocatâ operâ: quanto enim diutius partum retinent & morantur, tanto facilis & felicis rem expedient.

Partus itaque non-naturalis duo potissimum sunt genera: cùm nempe fœtus vel ante destinatum à natura tempus, (estque hic partus quodammodo abortivus) vel post illud, enascitur: fitque partus difficilis, & laboriosus, quod nec modo, neque ordine debito res peragatur, aut pravis aliquibus symptomatis impediatur: quæ duabus de causis præcipue eveniunt; quod nempe vel mater in expellendo deficiat, vel fœtus ipse segnior, egressum suum haud sat promoveat: fit enim ab utriusque connixu partus facilis, & legitimus.

Pariendi opus *Fabricius* utero attribuit; cui muneri, inquit, famulantur abdominis musculi, unâ cum diaphragmate. Mihi vero rem penitus intuenti, videtur cum totius corporis motu atque agitatione (quemadmodum in sternutatione evenit) parturientium nixus fieri. Novi *Juvenculam*, quæ ob summum pariendi laborem in animi deliquium incidit; statimque adeò consternata, stupida, & comatosa facta est, ut nullis remedii excitari potuerit. Ad eam vocatus (cùm clysteres prius injecti essent, aliâque remedia idonea citra frumentum ullum adhibita, nec quicquam per os deglutire posset) pennam sternutatorio fortiori illitam in nares indidi; unde commota, (licet stupore usque adeò obruta esset, ut sternuere, aut excitari nequiret) totius corporis convulsione quâdam tentari cœpit, quæ ab humeris exorsa, paulatim per totum corpus ad inferiora pertinebat. Quotiescumque autem stimulo hoc usus sum, movebatur partus; tandemque, insciâ matre, & in affectu comatoso adhuc permanente, natus est infans sanus & vegetus.

Licetque in aliis etiam animalibus (utpote, cane, ove, & jumentis) observare; hunc connixus modum, non esse uteri aut ventris solius actionem, sed totius quoque corporis conatum.

Quantopere autem fœtus accelerando & facilitando partui conferrat, in oviparorum præcipue ortu palam fit; constat enim, fœtum ipsum, non autem matrem, corticem effringere. Unde etiam verisimile est, in viviparorum quoque partu, præcipuam nascendi causam fœtui deberi. *Melimini*, inquam, ejus; non autem ponderi, ut *Fabricius* voluit. Quid enim in quadrupedibus stantibus, aut sedentibus, aut muliere jacente, pondus efficiat ad fœtus productiōnem?

nem? Nec prodeuntis nisu solùm à mole suâ, aut aquarum copiā provenit, ut ille censem; (ea quidem mortuis, & in utero putridis fœtibus exeundi cauſa est, qui putredine & acrimoniâ uterum ad exclusionem stimulant) sed ipſe fœtus prono capite uteri clauſtra aggreditur, eadēque propriis viribus recludit, & in lucem elutatur. Ac propterea partus ejusmodi expeditior & auspicatior habetur; nascentem autem in pedes procedere, contra naturam est, inquit, *l.7.c.8.* Plinius; eoque argumento appellavere Agrippas, quasi ægrè partos. Pigro enim & laborioso partu tales nascuntur. Nihilominus in abortu, & ubi fœtus mortuus fuerit, aut aliter difficultis partus contigerit, adeò ut manuum operâ opus sit, aptior exeundi modus est in pedes; ita enim, tanquam adacto cuneo, uteri angustiæ facilius aperiuntur. Quare cùm pariendi spes maxima in fœtu est, (utpote vitali & vegeto) nitendum, ut capite primùm prodeat; sin utero id negotium præcipue incumbit, exitus in pedes procurandus est.

Fœtūs operam in partu potissimum conspicuam effe, non modò in pennatis videre est, quæ suis viribus, citra matris auxilium (ut diximus) corticem rumpunt; sed & in aliis animalibus compluribus: muscæ enim omnes, & papiliones, membranulas (in quibus aureliæ delitescebant) perforant; bombyx etiam folliculum sericeum, quem muniminis gratiâ intus occultatus neverat, statim tempore humectando emollit, rodit, & sine ullo adminiculo extraneo foras egreditur. Ad eundem modum vespæ, crabrones, & reliqua insecta, omnésque pisces, sponte suâ nascuntur. Apparet hoc maximè in raia, pastinacâ, galeo, omnibúsque piscibus cartilagineis, qui ova intus concipiunt, eaque perfecta & bicolora, (albumine scil. & vitello prædita) atque cortice cartilagineo valido quadrangulari conclusa; è quibus intra abdomen & uterum detentis pisciculi efformati, rupto vi cortice, egrediuntur foras: quemadmodum & viperini fœtus ovi continentis tunicam aliquando in utero parentis, aliquando in ipso exitu harentes, aliquando etiam altero tertiove post nativitatē die erodunt. Unde orta est fabula, viperinos catulos ex eo matris utero nasci, patrísque necem ulcisci. cùm tamen idem solùm agant, quod reliqui omnes fœtus visentes lumen auræ, dum in partu, aut subito post eum, anplexantes membranas, secundas dictas, perrumpunt.

Quantum autem adjumenti ad partum fœtus adferat, plurimæ observationes luculenter demonstrant. Mulier quædam apud nos (compertum narro) sub vesperam mortua, in conclavi sola relicta est: manè autem sequehti, inter femora ejus repertus est infans, qui proprio nisu exitum sibi procuraverat. *Gregorius Nymanus exempla aliquot hujus commatis ex probatis autoribus colligit.*

Novi etiam mulierem, quæ à difficiili & laborioso parti

grum vaginæ ambitum interiore laceratum atq; excoriatum habuit; adeò ut, finito puerperio, licet gravida denuo fieret, tamen non solum orificii pudendi latera juxta nymphas coalescerent, sed totius quoque vaginæ cavitas, usque ad internum matricis osculum prorsus connasceretur: unde nec virili membro, nec specillo quidem ingressus patuit, neque menstruorum fluxui egressus. Instante itaque pariendi tempore, torquebatur misella per quam miseris modis, omnémque speni deponendi sarcinam abjecerat: quare traditis marito clavibus, ordinatisque rebus suis, amicis præsentibus valedixit. Cùm ecce inopinatò, robusti admodum fœtūs summo conamine, totus ille tractus dirumpitur, fitque insperatus partus; & validus infans, sibi matrīque suæ salutis autor exsistit; viámque apertam aliis post nascendis reliquit. Idoneis enim adhibitis remediis, mater pristinam valetudinem recuperavit.

Addo aliud exemplum magis memorabile. Serenissima *Anglie* Regina equam candidissimam, formæque eximæ dono acceperat: ejusque genitalia (nè ab equis admissariis inita corporis gratiam, atque equitandi usum amitteret) equisones (ut fieri solet) anulis ferreis infibulaverant. Eadem tamen, (nescio quo pacto, nec custodes mihi modum indicare poterant) facta est gravida; tandemque, cùm nihil tale suspicarentur, noctu peperit, pullusque vivens manè ad matris latera conspicitur. Id cùm mihi nunciaretur, adii illico locum, vidique ambo vulvæ labia anulis consuta, totumque pudendum versus sinistrum latus detrusum, abruptum, & à dextra coxendice laceratum adeò; ut, solutâ, per incredibilem fœtūs vim, partis robustissimæ unitate, facile ei per ingentem illum hiatum exitus patesceret. Tantus scilicet est maturi vegetique fœtūs vigor & efficacia.

E contrario verò, si foetus morbosus aut languidus fuerit, vel ante debitum tempus in lucem prodierit; non tam partus fit, quām abortio; fœtusque ejicitur potius, quām paritur: ideoque, etiam aliquot dies natus, nec mammam commodè sugit, neque excrementa ritè deponit.

Fert tamen etiam uterus huic operi auxiliares manus: ut sequenti exemplo constabit. Mulier quædam paupercula, & linetaminum loturâ vietum queritans, procidentiâ uteri diu laboraverat; ejusque vagina inter femora ad pugni amplitudinem propendebat; tandemque, cùm nulla remedia adhiberentur, tantopere invaluit malum, ut jam scrotum referret, cute rugosâ & squalidâ; minúsque jam molestiaz inde persensit, quām in recenti prolapsu consueverat. Consilium tamen à me petenti, suasi, ut in lecto per aliquot dies se detineret, fomentis & inunctionibus arida loca emolliret, eoque pacto intra corpus reductum uterum pessariis fasciisque ibidem retineret, donec siccantium & corroborantium remediorum usu in loco

loco debito firmaretur. Successit aliquantis per ad votum curatio: verum dum ipsa, præ egestate, quæstus faciendi causâ, ad solita opera revertitur, intermissisque remediis diu erecto corpore obambulat, recidivam passa est; eamque æquo animo toleravit, modò intus, modò foris existente utero; ut plurimum autem noctu in locum solitum reduxit, ibidemque aliquandiu permanxit. Elapsis verò diebus complusculis, ad me reversa conqueritur, remediorum, & præsertim fomentorum, usu (ut arbitrabatur) tumefactum ute- rum intus amplius retineri non posse. Præscriptis tamen unctiōibus usa, eundem vi intrò adegit, sed non duraturo juvamine; quamprimum enim in pedes surgeret, & consueta munia obiret, uterus confessim præ mole ac pondere molestiam ipsi attulit, facilèque denuo prolapsus est. Et jam, taurini scroti instar, ad me- dium femur pependit; adeò, ut, non solum vaginam, sed & ma- tricem ipsam inversam esse, aut herniam quandam uterinam suspi- carer. Tandem capitis humani magnitudinem excessit tumor re- nitens, & genuum tenus propendens dolorem intulit, incessūmque (nisi prōnō corpore) impedire cœpit; atque in ima sui parte de- hincens, madorem (tanquam locus ulcerosus foret) & saniem pro- fudit. Ego re inspectâ (tactu enim non explorabam) cancrum aut carcinoma uteri jam affore metuebam, idéque ligaturam & abscis- sionem meditabar; & interea consului, ut blandis fotibus dolorem leniret. Nocte verò sequenti ex eodem tumore infans spithame longitudine perfectè formatus, sed mortuus, protruditur, & postri- die ad me defertur; quem, sublatis interaneis, per aliquot menses in aqua frigidâ natantem citra corruptionem servavi, pluribūque amicis meis (ceu rem mirandam) ostendi. Cutis in hoc foetu non- dum efformata erat; sed pellicula duntaxat apparuit, (qualis in pomo cocto cernitur) quam nullo negotio integrum detraxi; unde omnes totius corporis musculi (macilenter enim erat) distinctè ad- modum apparuerunt. Quæ in hujus foetus dissectione porrò obser- vaverim, alibi dicetur: hisc duntaxat, quomodo matrix sola abor- tum concitaverit, proprioque nixu foetum propulerit, adnotandum duximus.

*Fabricius*, in partu & post partum duo admiratione digna (ut ait) *foetus*, pag. 142. proponit: primum, de uteri dilatatione in partu; alterum, de re- ductione ejusdem post partum ad pristinam angustiam. Miratur nempe, uterum tantopere ad egressum foeti præbendum distendi; cundemque denuò, post partum, brevi tempore ad pristinam suam parvitatem reverti.

Quomodo uteri cervix crassa, dura, & occlusa adeò ut nè speci- lum quidem admittat, tantam distensionem partus tempore patia- tur, mirari quidem nos posse, cum Galeno; intelligere autem non posse, De usq[ue] L. 15. c. 7. profitetur. Caussa tamen hanc reddit, quod uteru[n]s non pregnans sit Pag. 143.

crassum corpus & durum, & similiter ejus orificium; prægnans autem evadat tenue & molle; & quod magis ad exitum propinquat, eò uteri corpus, & consequenter ejus orificium tenuius & mollius efficiatur. Idque fieri putat ob distensionem, quam uterus patitur; qui dum distenditur, compactum ipsius uteri corpus, & (ut ita dicat) complicatum expanditur, & explicatur; & ita, cum crassum & durum prius esset, tenue & molle redditur, & per consequens ad exitum fœtui præbendum aptum. Addit postea: Quesivit aliquando quispiam: quomodo, si ita se res habet, verum esse potest, quod in utero gerentibus uteri orificium ita occlusum sit, ut nè specillum quidem ingredi possit? Respondi, evenire propterea, quod uteruS dum distenditur, & quasi linteum compactum & plicatum explicatur, in superiori ejus parte primùm incipit sursum attolliri & explicari; indè vero sensim & sensim inferiores uteri partes distenduntur, quo usque tandem ad orificium distentifica illa facultas perveniat; quod consentaneum est accidere, dum uterus ad partum propinquat. Quare meritò uteri orificium primis mensibus penitus occlusum, (quando scil. adhuc crassum & prædurum est) ultimis autem jam dilatari appetet. Atque hæc de Galeni causa incognitâ dicta sint. Possemus quoque alias addere, quæ dilatationem orificii reddunt faciliorem: ut priùm fœtus excrementa, sc. sudor & urina, quæ eti in propriis continentur conceptaculis & membranis, nihilominus tamen vis humectandi potest etiam hujusmodi orificio impetriri, præcipue cùm inferius sit, & propositis humiditatibus propinquum, sempèrque præsens. Adde, quod ad uteri orificium semper mucosa & pituitosa quedam comperiantur.

Sed fallitur, mēa quidem sententiā, eximus Vir: uteri enim cervix non est dura ex complicatione, sed à propria substantiā, nervosāque constitutione: & accidentales cauissæ (quas recenset) minus huic negotio momenti afferunt. Fit certè isthuc à divina naturæ providentiā, (similiter ac reliquum totius corporis artificium admirabile) quæ opera sua instituit in finem, actionem, & usum. Est itaque uteri talis constitutio, ut in prima conceptione orificium nervosum constrictum habeat, retentionis gratiā, quod postea in partu (tanquam fructus in arbore) ex duro ad maturitatem mollescat, in expulsionis commodum: idque non explicazione aliquā, sed ab immutata temperie. Nam & ossium quoque commissuræ, synchondrosis nempe coxendicis cum osse sacro & pubis, & coccygis syneurosis solvuntur, & emollescent. Admirabile sanè est, exiguum pullulantis nuclei apicem (anygdalarum putta, aut aliorum fructuum) ossa, quæ vix malleo rumpuntur, effringere; tenellāsque radicis hederæ fibras in tenues faxorum rimulas irrepentes, prægrandes tandem muros discindere. Non est autem quod magnopere miremur, sœminarum genitalia in partu relaxata subito post durescere, & constringi, quod partibus illis naturale est; si cogitemus, penem virilem in coitu valde tensum & durum, peracto negotio

negotio statim languescere & emolliri. Mirandum magis, (quod omnini plicaturam superat) uteri substantiam, pro foetus incremento, non modò indies ampliari sive distendi, (tanquam ad *Fabricii* mentem evolveretur) sed crassescere, & carnosiores, ac robustiores fieri. Illud quidem cum *Fabricio* stupendum magis, tantum uteri molem, tam paucis diebus, per celebrem lochiōrum purgationem, ad pristinam magnitudinem redire: cùm id tumoribus aliis, aut abscessibus non contingat; qui ex materia præternaturali, & coctrici, expultricique facultatibus rebelli constantes, longiores in sanando moras trahunt. Non est tamen hoc admiratione dignius, quām reliqua naturæ opera: *Fovis* enim plena sunt omnia, & naturæ numen ubique præsens cernitur.

Ultimo loco, *Fabricius* maximè miratur, vasa illa embryonis (nempe foramen ovale è vena cava in arteriam venosam, & transitum è vena arteriosa in aortam; de quibus, in tractatu decircitu sanguinis, fusè diximus) statim à partu marcescere, & obliterari. Cogitürque ad rationem eam *Aristotelis* à nobis præcitatam confusione; nemirum, partes omnes actionis alicujus gratiâ conditas esse; l. i. c. 5. eaque ablata, ipsas quoque evanescere. Nempe oculus videt, auris audit, cerebrum sentit, ventriculus concoquit; non quia illarum partium talis temperies, & fabrica contigit; sed organa ista, ut destinatas à natura operationes obeant, ejusmodi temperie & fabricâ donantur.

Quo argumento constat, uterum inter partes generationi dicatas præcipuam esse; testiculi quippe, genitura aut seminis gratiâ constructi sunt; semen autem in coitum conceditur; & coitus ipse, vel seminis emissio, ut utero fœcunditas accedit, & generatio contingat, à natura instituitur.

Diximus antehac, ovum esse tanquam fructum animalium, & eum uterum foris expositum. Nunc vicissim uterum, tanquam ovum intus permanens, contemplabimur. Quemadmodum enim arbores, statim temporibus, foliis, floribus, & fructibus ornantur; & ovipara animalia interdum ova generant; & pariunt; aliquando autem effœta sunt, & nè locus quidem, aut pars ea continens reperitur: ita & viviparis animalibus suum ver, & autumnitas data est. Fœcunditatis & generationis tempore, partes genitales, præsertim in fœminis, plurimum immutantur; adeò ut in pennatis ovarium, allâs inconspicuum, turgidulum appareat; & piscium venter sub partum, ob ovorum multitudinem, fœminisque copiam, facile reliquum corpus mole superet. In plurimis animalibus viviparis, genitalia, (nempe uterus, & vasa spermatica,) non semper eodem tenore, temperie, & fabricâ conspicuntur; sed prout prægnantia, aut effœta fuerint, ita variè permutantur; adeò, ut eadem esse virgines

dignoscere queas. Quippe in natura ut nihil deest, ità nihil superfluit. Ideoque partes genitales, cùm earum nullus est usus, marcescunt, retrahuntur, ac veluti oblitterantur.

Tempore coitūs, leporibus & talpis maribus testiculi conspicui, fœminīque uteri cornua adsunt. Dictu profecto mirum, quanta seminis copia tunc temporis in talpis & muribus majoribus conspiciatur, in quibus aliás nihil omnino feminis, (testibus extenuatis, intusque retractis) visitur. Uterus autem in iis effœtis vix reperiatur; ut maren à fœmina internoscere planè arduum sit.

Uterus, in muliere potissimum, prout foeta aut vacua fuerit, tam temperie, quam iis quæ eam consequuntur, (utpote situ, magnitudine, figurâ, colore, crassitie, duritie, & densitate) mirè variat. Puellæ impuberes ut mammas non habent, quam pueri, majores; ità uterus illis est perexiguus, albus, cutaneus, venis destitutus, digitique majoris apicem, aut fabani majusculam magnitudine non excedens. Similiter vetulæ, ut collapsa ubera, ita uterum retrahitum, flacidum, vietum, pallidum, venis & sanguine carentem habent. Quam etiam cauſam arbitror, cur senescentibus mulieribus menstrua non fluant; sed vel in hæmorrhoidas abeant; vel præmatrè suppressantur; non sine sanitatis dispendio. Cùm enim uterus frigidus, & quasi emortuus reddatur, venasque omnes atque arterias abolitas habeat; superfluuus sanguis effervescens, vel restagnat, vel in hæmorrhoidas vicinas divertitur. E contrâ verò virginibus pallidis & febre lentâ laborantibus (quibus uterus exilis est, & menses re-

*De gen. an. 3. c. I.* stitant) à coitu maris (inquit Aristoteles) detrahitur mensum excrementum, trahit enim humorem uterus tepefactus, & meatus aperiuntur. Unde sumnum illis ægritudinis levamen: quippe ab utero officii sui immemore, multa universo corpori obveniunt mala. Est enim uterus pars principalis, quæ totum corpus facile in consensem trahit. Neminis sanè (paulum saltem exercitato) ignotum est, quam prava symptomata uteri ascensus, descensus, perversio, & convulsio concident: quam stupendas animi aberrationes, delitiae, melancholias, & furores, tanquam incantamento fascinatis, affectus uteri præternaturales incutiant; quot etiam morbos ægrè curabiles, menstruum depravatum profluviū, aut venenis usus diu nimis intermis-sus valdeque desideratus inducant. Nec minùs notum, quanta virgini alteratio contingat, incremente primū, & tepefacto utero: pubescit nempe; coloratio evadit; mammæ protuberant; pulchrior vultus renidet; splendent oculi; vox canora, incessus, geltus, sermo, omnia decora fiunt; morbique graviores hoc ipso tempore, vel nunquam, curantur.

Novi fœminam nobilem à furore & melancholiâ uterinâ ultra decennium delirantem; cui, postquam omnia frustrâ tentata essent, contigit

contigit uteri prolapsus : quem ego affectum, contra aliorum sententiam, salutarem illi fore prædixi ; suäsique, uterum nè reponeret, donec à frigore externo intemperies ejus deferbuisset : successit res ex sententia, brevique planè convaluit ; atque uterus demum loco suo restitutus, ibidem permansit ; vitamque etiamnum salubriter degit.

Vidi etiam aliam, hysterics syniptomatibus nulli remediorum generi cedentibus diu laborantem ; quæ tandem post multos annos ab uteri decubitu sanitatem recuperavit. Utrique, sedatis symptomatibus, uterum felici cum successu reposui. Uterus namque ab acri aliquâ materiâ ad expulsionem vehementer exstimulatus, non solum delabitur, sed (instar recti intestini à tenescio molestante irritati) seipsum foras præcipitat.

Varia itaque est uteri constitutio ; eaque non modò præternaturalis, sed etiam secundum naturam, tempore nempe fœcunditatis, aut sterilitatis. In pueris (ut dixi) & effectis, fabæ magnitudine exsanguis est. In virgine nubili, pyri magnitudinem, & formam refert. In mulieribus fœcundis, & ad concipiendum idoneis, parvæ cucurbitulæ, aut ovi anserini amplitudine conspicitur ; simûlque cum mammis turgescit, laxatur, & carnosior factus incalescit ; superatque (ut *Virgilius de agris* loquitur.)

— *Tener omnibus humor,  
& genitalia semina poscunt.*

Quare instantibus jam, aut modò præteritis mensibus, dum adhuc calor loci & humiditas (duæ generationis caussæ necessariæ) superflunt, mulieres ad concipiendum aptissimæ sunt. Et similiter reliquis animalibus (cum ad venerem accenduntur) genitalia madent, turgent, atque intumescunt.

Talem quidem uteri constitutionem ante partum reperi. In gravidis autem, ut diximus, uterus ad fœtū incrementum dilatatur, & in molem ingentem excrescit. Reperi eum, statim à partu, magnitudine capiti æqualem, & plus quam digiti majoris latitudine crassum, vasisque plurimis sanguine plenis refertum. Profectò admirabile est, & humanum ingenium (ut *Fabricius* ait) planè superat, tantam uteri molem tam brevi tempore (nempe quindecim aut vinti dierum spatio) tantopere detumescere.

Uterus enim statim ab excluso fœtu & secundis, sese sensim colligit, cervicem arctat, atque interiora versus in locum pristinum se retrahit ; & partim per diaphoresin insensibiliter minuitur, partim in lochia solvitur : partesque omnes vicinæ, ossa, venter, totaque regio hypogastrica simul constringuntur, & firmantur. Per lochia

emanat primò sanguis purus; postea saniosus, recentis carnis loturæ similis; deinde ichorosus: mulierculæ nostræ *lacis* proventum nominant, cùm lochia non amplius sanguine tincta conspiciuntur; forsitan, quòd eodem tempore lac è mammis copiosius & salubrius scaturiat; & lochia tunc minui, & exsiccati incipiunt: utpote succo alibili, ab utero jam ad ubera translato.

Cæteris tamen animalibus haud tanto molimine opus est; quibus dictæ partes uno aut altero die perfectè restituuntur, & consolidantur. Imò verò eorum nonnulla (ut in lepore, & cuniculo videre est) horulae unius spatio, post partum, marem admittunt, & à coitu de-nuo implentur. Quemadmodum gallinam diximus protinus ab edito ovo à gallo comprimi. Mulieres solæ, ut menstruis, ità etiam lochiiis abundant; & puerperia difficultia, ac periculosa experiuntur: quòd, vel uterus ob imbecillitatem intempestivè se colligat, vel lochia contra naturam depravata sint, vel non promanent. Sæpe enim contingit (præsertim delicatulis) ut lochia intus corrupta, & fœtentia, febrem aliisque sava symptomata accersant. Quippe uterus à placenta separatione (præcipue violentâ) excoriatus, tanquam ulcus ingens internum, lochiorum liberiore emanatione detergitur, & mundificatur. Ideoque per excreta, de puerperæ sanitate, aut discrimine statuimus. Si quid placenta utero annexum relinquitur, lochia malè olentia, virescentia, & cadaverosa promanant: & nonnunquam, prostratis prorsus uteri viribus, sphacelismus repentinus certam necem adfert.

Si vel sanguinis grumi, vel aliud quid præternaturale, post partum in cavitate uteri remanserit; hic nec sursum retrahitur, nec ori-ficiuni suum claudit; sed cervix ejus mollis, & aperta persentiscitur. Ut expertus sum in muliere, quæ febre malignâ, cum summa virium jacturâ, laborans abortivit; & post exclusionem fœtûs incorrupti atque integri, prostratis tamen viribus, cum pulsu vermiculante, & sidoribus frigidis moribunda procubuit. Uteri ejus orificio laxedum, molle, & patentissimum deprehendi, unâ cum malè olentibus lochiis: unde, subesse aliquid in utero, quod putresceret, suspicatus sum; digitisque immissis, molam ovi auferini magnitudine, carne densissimâ, nervosâ, & penè cartilagineâ, foraminib[us]que aliquot (atram viscidam, & fœtentem putrilaginem in se habentibus) præ-ditam, extraxi; statimque inde à prædictis symptomatibus liberata est, & brevi convaluit.

Cùm uteri cervix post partum sese modicè contrahit, & propte-rea sanguinis grumi cum difficultate aliquâ prodeunt, doloréisque illos faciunt, quos obstetrics nostræ *enixus posteros* (*the after-throws*) vocant; res omnis in vado esse creditur, & revera esse solet; cùm indicium sit roboris & firmitatis uteri, sese facile in sūmum debitum colli-

colligentis ; quo sit ut lochia promptius expellantur, & sanitas cintius recuperetur.

Observavi autem, in nonnullis, orificio uteri statim à partu constrictum adeò, ut detentus intra uterum sanguis, subitóque indè grumescens & putrefactus, sava induxerit symptomata ; cùmque nullà arte exitus ei parari posset præsentaneam mortem intulerit.

Pueraræ cuidam nobilissimæ, febricitanti, ( quòd lochia nulla profluenter) pudendi labra tumida erant, & fervida : matricis ejus orificio durum, & clausum, instrumento ferreo immisso per vim aliquantulum aperui, ut injectionem per siphunculum admirteret ; indéque grumescens, ater, foetidusque sanguis ad libras aliquot effluxit, cum præsenti ægræ levamine.

Oblata est mihi Doctoris Theologiae uxor satis boni habitus, sed infecunda ; quæ summo prolis desiderio flagrans, multa à multis præscripta incassum tentayerat : menses quidem statim temporibus profluebant ; sed aliquando (præsertim ab equitatione) saniosum quid & purulentum ab utero emanabat, quod subitò post subsisteret. Aliqui fluorem album esse arbitrabantur : alii ulcus sinuosum suspicati sunt ; eā potissimum ratione ducti, quòd non perpetuò, ac pendentiam, sed per intervalla, & affatim profluxio fieret : quamobrem speculi matricis ope totam uteri vaginam perlustrabant, variisque remedia adhibebant ; sed frustra omnia. Ego tandem advocatus, aperui internum matricis orificio, indéque protinus cochlearia duo circiter puris saniosi, & fibris sanguineis tincti effluxerunt. Quo conspecto, ulcus in uteri cavo latitare dixi ; injectisque medicamentis congruentibus, pristinæ eam valetudini restitui. Hanc autem ejus curam dum molior, videoque usitata remedia parum proficere, validiora aggredior ; quoniam antiquum ulcus esse (& fortassis cum supercrescente carne) suspicabar. Injectionibus itaque prioribus addo aliquantulum vitrioli Romani ; à cuius acrimoniâ percussus uterus, subitò se contraxit, induruítque adeò, ut ad tactum lapide rigidior sentiretur : similiusque plurima symptomata hysterica oborta sunt ; quæ ab uteri strangulatu, tetricisque inde vaporibus sursum latis, Medici vulgo fieri existimant. Duravit aliquandiu hoc malum ; donec à mitioribus & anodynis remediis placatus uterus, orificium suum laxaret, liquorēmque acrem ( quem injecram ) unā cum saniosa putrilagine expelleret. Factūque adeò est, ut ægra brevi convalesceret.

Historiam hanc ex observationibus meis medicinalibus hoc transferre libuit, ut clarè constet, quām sit uterus sensus acerrimi ; & quām facile se, præsente hoste, claudat ; præsertim in gravi ac diffili puerperio. Mulieribus, præ ceteris animalibus, hæc contingunt ; & præsertim delicatis, vitamque umbratilem & mollem degere assue-

tis : ut & iis, quæ teneræ valetudinis sunt, & facile in morbos labuntur. Nam agrestibus, iisque quæ duros labores pati consueverunt, haud tam levibus momentis gravia damna incumbunt. Harum aliquas, aliquando intra mensem denuo prægnantes videas ; cum illæ fæpe ultra bimestre spatium ægrè solitis vitæ muniis fungantur.

*L. de saeu.* Hippocrates purgationes à partu præscribit tot dierum numero quot dati sunt formationi foetus. Itaque plures fœminæ, quam <sup>com. in A. ri.</sup> nati. bñst. an. strarum plus mensē purgatur post puerperium : multæ quinto & decimo die absolvuntur ; quedam etiam septimo : vidimus etiam tertio, etiam editis fœmellis. Multa de hac re Galenus quoque περὶ κυρέων. Mulieres (ut fama est) in novo orbe, quo die pariunt, eodem latitant ; postridie autem, ad usitata munia revertuntur.

Addam duntaxat, coronidis loco, exemplum memorabile, mihi narratum ab illustrissimo Domino Georgio Carew, Comite de Tonnes, & Munsteri in Hybernia diu Proconsule, qui etiam eorundem temporum annales conscripsit. Mulier scilicet gravida maritum in castris stipendia facientem comitabatur ; cumque exercitus quotidie in alia loca migraret, forte à minoris fluminis occursu impeditus, per horam substitit : simûlque gravida hæc, ingruente jam partu, ad arbusta & vepreta proxima secessit, solaque, citra ullius obstetricis operam, aliūnve apparatum, duos infantes peperit ; quos ad flumen deferens, aquâ vivâ proliuit, séque ipsa lavit : quo factò gemellos rudi velamine inclusos humeris gestavit, eodemque die, nudis pedibus (ut erat) exercitum comitata, duodecim mille passuum iter fecit, idque sine ullo valetudinis dispendio. Sequenti verò die, illustrissimo Proregi Comiti Montjoy, (qui eò tempore contra Hispanos in obsidione Kinsaliensi exercitum ducebat) ipsique Proconsuli, rei novitate motis, sacro lustrico inter-esse, nominaque infantibus dare placuit.





DE  
UTERI MEMBRANIS  
ET  
HUMORIBUS.



Ieronymus Fabricius quatuor genera corporum re- Lib. de censet, que extra fætum consistunt: nempe, vasa form. fætum umbilicalia, membranas, humores, & carneam substantiam. De quibus, quid (variis observationibus instructus) seorsum ab illo sentiam, paucis dicam, postquam priùs sententiam ejus super his, breviter proposuero.

Membrane, inquit, tres sunt; quarum due fætum universum ambient, tertia vero non item. Que fætum ambient, una interior est, que proximè fætum investit, & unius dicit, i. e. amiculum. Altera huic supposita, xteror Grecis dicitur, Latinis innominata, (sed male ab interpretibus secunda, seu secundina nuncupatur) que similiter totum ambit fætum. Tertia dicitur allantois, i. e. intestinalis, quod intestino farcto similis sit; que ob id fætum non obvolvit, sed thoracis & abdominis parti subjicitur, & ad utrumque uteri cornu porrigitur. Membranam hanc in ovillo, & bovino duntaxat fætu reperiri agnoscit; eandemque cum urachio jungi, & per hunc è vesica urinam excipere affirmat. Ideoque inquit, in cornigeris, quibus data est allantoides tunica, cap. 7. urachus ita latus est, & rectus, ut intestinulum referat; sensimque usque ad vesicæ fundum gracilescit; quod facile ejus ortum potius ad intestinalem, quam ad vesicam esse persuadet. In homine vero, aliisque utrinque dentatis, allantoiide destitutis, memorata urachi amplitudo ita deperditur; ut cum unicu[m] à fondo vesicæ exoriatur, paulù post in minutissimas fibras fundatur;

que una cum vasis umbilicum prætergressæ, urinam in chorion tunicam (modo penè visum effugiente) transfundunt. Eoque nomine Arantium duplicitis erroris postulat: &, quod urachum in homine reperiri negaverit; &, quod factum per pudendum urinam reddere, asseruerit.

Ego vero, me in iisdem cum Arantio erroribus (si tales dicendi sunt) versari, libens profiteor. Quippe certus sum, à vesicæ compressione in foetu grandiore (tum humano, tum aliorum quoque animalium) institutâ, urinam per pudendum effluere. Urachum autem nunquam conspicatus sum; nec urinam, à vesicæ compressione, in secundas trajectam observavi. Vidi quidem in ovibus, & cervis (inter arterias umbilicales) quasi vesicæ processum quandam, urinam in se complectentem; non autem talen, qualis urachus ab eo describitur.

Haud præfactè tamen negaverim, dari allantoïdem: membranæ enim interiores, usque adeò tenues sunt, ac transparentes (quales inter bina albumina reperiri diximus) ut conspectum facilè eludant. Quinetiam in ovo gallinaceo, inter colliquamentum, & albumen (i.e. inter amnion, & Chorion) aliquid excrementi albidi, immò vero feces alvi interdum reperiuntur; ut suprà à nobis dictum est, & Coiterus quoque observavit. Præterea, ipsius colliquamenti tunica (in qua pullus natat) licet pellucida, tenuis, & subtilis sit adeò, ut (fatente ipsomet Fabricio) tenuior excogitari non possit; tamen (cum, eodem teste, membranæ omnes, quamvis tenuissimæ, duplices nihilominus sint) posset natura aliquando coacta, inter illius duplicaturas, urinam, vel aliud quippiam deponere. Atque ejusmodi quidem allantoïdem, Fabricio non illibenter concederim: farcimen vero aliud, ad utrumque cornu diductum, in bisulcorum secundinis non reperio; neque aliud quicquam; præter conceptum ipsum. Invenio solùm (ut jam dixi) vesicæ processum quandam, qui, inter arterias umbilicales positus, humorem excrementitium in se continet; idemque in aliis productior, in aliis brevior certinatur. Quamobrem (meā quidem sententiā) tunica, quam Fabricius allantoïdem appellat, est chorion: eam tamen Veteres allantoïdem nominarunt, ob figuram duplicitis farciminis, quam obtinet. Membrana enim exterior, quæ, (instar manticae medio suî constrictæ) ad utriusque cornuti extrema protenditur; uterum vero interpositum (sive amborum cornuum connexionem) pertransiens, constringitur; est chorion: quod, ovibus, hædis, cervis, damis, cæterisque bisulcis, in medio illò transitu manu prehensum, facilè integrum extrahitur: idemque illarum conceptum, sive ovi esse, diximus. Quippe, ovi instar, duplarem liquorem, factum, omniaque ad eum spectantia in se continet; habetque easdem conditiones, quas ovo

Aristoteles attribuit; nempe, ex cuius parte principio animal consistat, reliquum verò alimentum ei, quod dignitur, sit: ut jam sèpe dictum est.

Tunicam itaque, quam Fabricius *allantoidem* nominavit, ego vel *chorion* esse, vel ex reduplicatione tunicarum aliquid præter naturam accidisse arbitror. Ideoque in paucis duntaxat animalibus, neque id perpetuè, eam reperiri certum est. Ab initio enim non reperitur; posteaque in aliis magis, in aliis minùs conspicua est; in nonnullis verò, vesicæ solùm processus cernitur. Quin ipsem *Fabricium*, eam haud ambiendo fœtui, sed urinæ solùm continendæ necessariam existimat. Et certè crediderim, eum recensuisse illam potius, ut Veterum doctrinam quereretur; quād quòd revera talem reperiri, aut usui alicui inservire crederet. Enimvero (cum Antiquis pariter, & totâ Medicorum scholâ) fatetur, *Chorion* urinam in se continere; ubi ait, duos humores circa fœtum esse; alterum, *sudorem* in *annio*; Cap. i. alterum, *urinam* in *chorio*. Manifestum itaque est, Veteres unam eandémque tunicam, sub dupli nomine intellexisse: nempe in *bisulcis* (in quibus solis reperitur) *allantoidem*, ob figuram, vocabant; in aliis verò, ab officio, quo urinæ excipiendæ destinata credebatur, *chorion* appellabant. Ac propterea, neque in homine, nec aliis quibusvis animalibus, tunicam eam reperiri fatentur. Quid enim aliâ tunicâ urinæ continendæ opus sit, cum id muneris jam (ex eorum sententiâ) à chorio præstetur? Non potest sanè verisimilis ratio afferri, cur in ovibus, capris, reliquisque bisulcis, ea tunica insit; in cane autem, fele, mure, aliisque, non item. Enimvero, si urinæ reservandæ causâ instituta foret; necesse esset, vel, in ovillo & bovino fœtu, majorem urinæ copiam abundare, quām in utrinq[ue] dentatis; vel, tres diversos humores dari: vel faltem bina esse urinæ conceptacula. Quippe mihi certum est, *chorion* (à primo statim ortu) aquâ plenum cerni. Non libet verò hīc loci, contentionis funem ducere: malim, quid ex observationibus meis repeterim, enarrare.

Aliud quidem est, conceptus, sive embryonis jam perfecti fabricam exhibere, uti à *Fabrio* factum est; aliud verò, ipsius generationem, primumque schematismum exponere: quemadmodum aliud est, poma, aut semina plantarum matura describere; aliud, eorumdem è germinibus productionem elucidare. Nos itaque, quomodo conceptus paulatim perficiatur, à carceribus ad metam breviter rescepsimus: ut inde clarius constet, quid de membranis, reliquisque ad fœtum attinentibus statuendum sit.

In cunctorum viventium generatione (sicut diximus) hoc solenne est, ut ortum ducant à primordio aliquo, quod tum materiam, tum efficiendi potestatem in se habeat; sitque adeò id, ex quo, & à quo, quic-

quicquid nascitur, ortum suum ducat. Tale primordium in animalibus (sive ab aliis generantibus proveniant, sive sponte, aut ex putredine nascantur) est humor in tunica aliquâ, aut putamine conclusus; corpus nempe similare, vitam habens actui, vel potentia: idque, si intra animal generatur, ibidemque manet, donec animal univocum produixerit, *conceptus vulgo appellatur*; sin verò partu foras exponatur, sive principium aliunde casu sumpserit, *ovum*, vel *vermis* dicitur. Ego autem utrunque pariter *primordium* nominandum censeo, unde animal oritur; quemadmodum plantæ è semine suos ducunt natales: suntque omnia ista primordia generis uniusmodi, nempe vitalia.

Hujusmodi *primordium* in omnium viviparorum utero reperio, antequam quippiam foetus discernitur. Adeo scilicet humor clarus, latus, albus (qualis ovi albugo) in membrana inclusus, quem eorum ovum nomino; idemque in cervis, damis, ovibus, reliquisq; bisulcis, totum uterum, & utrunque cornu replet.

Tempore procedente, ex hoc primordio, sive ovo, pars quædam aquosa limpidissima, & purissima (qualem in ovo gallinaceo *colligamentum nominavimus*) secernitur; & claritate sive perspicuitate, reliquum ovi humorem (in quo continetur) longè superat. Forma illi rotunda est; & in propria membrana tenuissimâ, ac transparente includitur, quam *Annion* vocant. Humorem alterum, crassiorum, & turbidiorem, exterior tunica *Chorion*, concavæ uteri superficie contigua, totumque ovum ambiens, complectitur; formamque varians, pro diversa uteri figurâ, adipiscitur: quibusdam enim, ovalis est; in aliis, oblonga reperitur; in bisulcis autem, manticam refert.

Paulò post, in colliquamento hoc crystallino, punctum rubrum saliens emicat; indeque subtilissimi venularum ramuli (ceu radii) sparguntur. Mox, primum corporis concrementum (*galbe instar*) appetet, in orbem carinatum reflexum: atque ordine reliqua, quæ in historia diximus, subsequuntur. Nempe, procreationem foetus in viviparis, eodem modo ex ovo sive conceptu, fieri observavimus; quo nuper pulli fabricam in ovo gallinaceo descripsimus.

Differunt autem (ut monui) isti viviparorum conceptus, figurâ, numero, & connexu cum utero. Princípio enim, conceptus (præsertim in bisulcis) utero non adnascitur; sed illi solidum contiguus, totam ejus cavitatem replet, ac distendit; facilèque integer extrahitur. In bisulcis, (quæ in uteri cornibus concipiunt) & solidipedibus, unicum duntaxat hujusmodi ovum reperitur, idque in utrunque cornu protensum: & licet aliquando singularem, aliquando binos foetus procreent; adeoque interdum unicum, interdum bina colliquamenta adsint, (alterum scil. in dextro, in sinistro cornu

cornu alterum; ) in eodem tamen communi ovo continentur.

In aliis verò animalibus, quot foetus, tot illico separatim ova concipiuntur; totidemque in iis colliquamenta reperias: veluti in cane, fele, mure, & hujusmodi aliis utrinque dentatis.

Figura ovi, in bisulcis, est instar manticæ; talis nempe, qualem *Fabricius* allantoidi attribuit. In equa, forma uteri interna sacculum oblongum refert: in muliere verò orbicularis est.

Quibuscumque conceptus utero annexitur (quod in multis quidem non sit, priusquam foetus perfectè formatus fuerit) ille etiam, pro varia connexionis ratione, distinguitur. Aliis enim uno solum loco affigitur, mediante carnosâ substantiâ, quam in muliere placentam dicimus, quod figuram placentæ rotundam exprimat: aliis autem, variis in locis; colligantibus eum pluribus substantiis carnosis, sive carunculis; nimirum quinque, in damis & cervis; in vacca, pluribus, sed minoribus; in ovillo autem genere, quamplurimis, & magnitudinis variæ. In canibus, & felibus, carnosæ substantiæ, in orbem (quasi cingulum) qualibet ova circumvolvunt. Similis substantia, in lepore & talpâ, earum uteri lateribus adnascitur: quemadmodum etiam placenta in muliere, quæ conceptus ejus plus quam dimidium amplectitur (ut cupulae glandes solent, cum primù expullulant;) adeoque pars ejus gibba utero firmiter adhæret, sima autem membranæ Chorio adnascitur.

His præmissis, quid de humoribus, membranis, carnosâ substantiâ, & vasorum umbilicalium distributione (à *Fabrizio* memoratis) censeam, jam dicam.

Rectè quidem *Fabrizius*, per d'Avreçg. & Ussagl., secundas sive secundi- cap. 5. nam intelligit: scilicet, non membranas solum, sed totum id, quod in partu postremò egreditur, (vel saltē multò post eum) & ex humoribus, membranis, carnosâ substantiâ, vasisque umbilicalibus constituitur.

De humoribus autem quæ afferit, & ab Antiquis recepta (tandem De humo- quam rem certissimam & quæ probatione nullâ egeat) supponit; ribus. nempe, aquam in Amnio, in qua embryo natat, illius esse sudorem; alteram verò exteriorem, in chorio, ejusdem urinam esse; planè incongrua, & falsa sunt. Uterque enim humor prius in conceptu reperitur, quam quippam foetus appareat: & is, quem urinam nominant, prior altero (quem sudorem esse credunt) conspicitur. Imò verò in conceptibus quibusdam irritis & infuscatis, (in quibus nullum foetus vestigium) dictos humores, præsertim exteriorem, invenias.

Conceptus ejusmodi, ceu ova subventanea, mulieres interdum De gen. av. ejiciunt: & Aristoteles, fluxus vocari, ait: nostrates fals conceptions, l. 3 c. 9. & slips, nominant. Simile ovum Hippocrates è tibicina abortivè excusit.

*Ibid.* excus sit. Quæ enim animal intra se pariunt, iis (teste Philosopho) quodammodo post primum conceptum, oviforme quiddam efficitur: nam humor in membrana tenui continetur, perinde quasi ovi testam detraxeris. Huniorem autem eum in chorio contentum, (quem Fabricius, aliisque Medici, urinam censem) Aristoteles, spermatis, sive genituræ li-  
*Hist. an-* quorem esse, arbitrari visus est; ait enim: Exceptum ab utero semen, ubi immoratum fuerit, membranâ obducitur. Si enim prius exeat, quād dearticuletur, videtur quasi ovum membranâ obtectum, cui putamen detrac-  
*L.7.c.7.* sum sit. Membrana autem illa venis referta est: nempe Chorion, quæ à venarum choro, sive copiâ, nomen obtinuit. Sæpe, secundo, aut tertio mense, hujusmodi ova elisa vidimus: sèpius intus cor-  
 rumpuntur, sensimque (tanquam fluores albi) effluunt, & obscuram conceptionis spem elidunt.

Præterea, humores illi (quos diximus) urina, vel sudor censeri nequeunt; quòd statim ab initio tantâ copiâ abundant, ut Embryo in iis natans, à partium circumiacentium collisione (dum mater currit, vel saltat, aliterve corpus suum validius agitat) tanquam circumposito munimento, præservetur.

*Ibid.* His adde, multa animalia nunquam sudare: (cùm tamen, autore Aristotele, omnia tum natilia, tum pedestria, tum volatilia, addo etiam serpentia, & insecta; sive animalia, sive ovi formâ, sive sponte, pro-  
 veniant, simili modo gignantur) pennata omnia, serpentes, & pisces, neque sudant, neque urinam emittere creduntur. Canis, & felis nunquam sudant; nec aliud aliquod animal, dum copiosè mingit. Neque fieri sanè potest, ut ullum animal mingat, ante renum & vesicæ exstinctionem.

Porrò, quod cæteris est argumentum validius, humores isti non possunt esse excrementitii, in quos per chorion, tot raniuli venarum umbilicalium disseminantur; qui alimentum indè (quasi è præsepi ampio) exsugentes, idem postea in fœtum transferunt.

Deinde, si humor ille, (qui in Chorio) urina est; quid opus est allantoïde? Si sudor est, qui in amnio continetur; cur Natura, quæ commodissimè omnia instituit; fœtum in excremente proprio natare voluit? & cur, statim à partu, mater (pluribus enim animalibus is nos est) excrementum suæ proliis, unà cum membranis continentibus, tam avidè devorat? Aliqui observarunt, animalia illa, nisi ista comedant, lac suum ægrè dimittere.

His tamen non obstantibus, crediderit fortè aliquis, humores illos (quos fœtui in alimentum designavimus) esse excrementitios; idque eâ potissimum ratione motus, quòd unà cum fœtū incre-  
 mento augeantur; & in partu quorundam animalium (quo tem-  
 pore alimentum omne propemodum absumptum esse verisimile  
 est) magna copiâ conspiciantur; ac præterea alias utilitates præ-  
 sent,

stent, quæ nutrimenti officio minimè conveniunt. Ego nihil minus fiderem assero, dictos humores ab initio fœtui pro alimento esse; (quemadmodum colliquamentum & albumina pullo in eum finem inserviunt;) procedente autem tempore, tenuioribus & prioribus partibus exhaustis, reliquas excrementi utilis naturam induere; & in quibusdam animalibus reservari, ut fœtus securitati consulant, & parturi facilitent. Nam ut vinum; vanescente spiritu, fit vappa; & excrements plurima ab alimenti reliquiis proveniunt: ita similiter, postquam id omne quod alendo fœtui accommodum est, ex humore illo, qui in Chorio est, eductum fuerit; quod reliquum est, in excrementi naturam abit, & in usus jam dictos reservatur. Quicquid autem intra amnion continebatur, plerunque appropinquante partu absumitur; adeò, ut verisimile sit, fœtum præ cibi inopiâ exitum querere.

Denique, si aliquando humor aliis in allantoïde continetur (ut certè interdum reperitur) eum ego præternaturalem esse existimo. Nonnunquam enim mulieribus in partu aquani ingenti copiâ profluxisse vidimus; aliquando etiam geminam: obstetrices nostræ, *brywaters* nominant. Ideoque mulieres aliquæ, ingentem ventris tumorem præ se ferunt, licet parvulum postea & extenuatum fœtum pariant; aquas verò copiosissimas profundunt. Aliqui existimant, majorem aquarum copiam imbecilliores fœtus, & foemellas comitari; robustiores autem, & mares, minorem. Vidi sæpe aquas medio gestationis tempore proruere, citra abortum: salvo interea, & vigente ad partum usque robustiore fœtu: Quemadmodum itaque naturaliter binæ tantum aquæ sunt, (quarum altera in *Chorio*, altera in *amnio* continetur;) ita interdum, præter naturæ consuetudinem, sieri potest, ut plures in propriis membranis, aut chorii duplicaturis accumulentur.

Ad membranas, sive tunicas uteri quod attinet; cum earum officium, atque usus præcipuus sit, ut continendis aquis inserviant; atque istæ solùm binæ appareant; certissimum videtur, neque ipsas membranas (necessariò, atque usitatè) numero plures reperiri.

Qui autem tres tunicas numerant, indè eos deceptos arbitror, quod à Veteribus (ut dictum est) eadem membrana modò *chorion*, à venarum copiâ; modò, à figura, *allantoïdes* nominetur.

Omnis certè conceptus, duabus illis membranis contingit: quemadmodum & cerebrum omne, dupli meninge gaudet; omnis arbor atque frutex dupli cortice vestitur; omnia denique semina, & fructus binis involucris muniuntur: quorum exterius interiore durius & robustum magis deprehenditur.

Dictarum tunicarum interior (colliquamentum, sive humorem puriorem in se continens) tenuissima est, & *Amnios* dicitur, i. e.

animalium, quod fœtum amiciat, & obvolvat. Exterior autem, (quæ multo major, ac robustior) *Chorion* nominatur, quod (inquit Fabricius) *multæ vena*, & arteriæ sint in ipso, tanquam in choro quodam, congressæ ac dispositæ. Unde, ad horum vasorum in chorio similitudinem, *Xoççedîs* appellatur oculorum tunica, & venarum arteriarumque in cerebri ventriculis plexus.

Membrana hæc *Chorion*, totum uterum replet; lendum etiam, & turbidiorem humorem intra se complectitur; partique ejus exteriori, placenta aut carunculae adhærentes, conceptum utero annexantur.

Eadem (in muliere) parte suâ inferiore, cum *Amnio* ferè jungitur; nec facilè ab isto separabilis est. In bisulcis, est amplissima; humorisque in se centuplo plus, quam *Amnios*, continet: hic enim ab initio, nucem moschatam, aut fabam majorem, magnitudine vix æquat; & plerunque in altero duntaxat cornu reperitur; eo nempe, in quo fœtus hospitatur.

Membrana *chorion* (in muliere præsertim) foris inæqualis, & viscosa est; intus autem, laevis & lubrica cernitur, venis plurimis intertexta. Pars ejus superior (in muliere) est crassior, molliorque; inferior autem, tenuior, & magis membranacea.

In muliere etiam, placenta parti hujus membranæ superiori adnascitur. In oviibus vero, carunculae plurimæ variis ejus partibus annexantur. In damis, & cervis, conceptus quinis solum locis utero conjungitur: idem autem, in equa, infinitis propemodum locis internæ uteri superficie adhæret. Ideoque *Fabricius*, in omnibus ferè viviparis, carnem mollem, laxam, raram, crassam, & subnigram, vasorum umbilicalium finibus affusam ait; eandemque spongiaz, vel hepatis aut lenis laxiori parenchymati similem assert; quam propterea *Galenus*, carnem adenosam appellavit; & jam vulgo hepar uterinum dicimus; in quod vasorum umbilicalium extrema disseminantur, nutrimentum fœtui ab utero allatura.

At vero, nec in omnibus animalibus; neque omni tempore, ejusmodi carnaea substantia inest: sed in iis tantum, in quibus conceptus utero firmiter adhæret; & tum demum, postquam is alimenti gratiâ eidem annexus fuerit. Principio enim, conceptus (tanquam ovum in utero locatum) partibus omnibus uteri circumiacentibus contiguus reperitur, nullibi vero eidem adnascitur; sed ex humoribus intus contentis (quemadmodum in ovo à gallina incubato fieri diximus) fœtum producit, & nutrit. Adhæsio autem illæc, sive connascentia, tum primùm fieri, & carnea hæc moles (quæ conceptus cum utero copula est) generari incipit; cum fœtus jam perfectè formatus, & alterius, vel uberioris saltem alimenti indigens, vasorum umbilicalium extremitates ad uterum mittit; ut ex eo (veluti plantæ

Cap. 3.

5 Aphrodis.

plantæ radicibus suis è terra solent ) saccum alibilem hauriat. Quippe initio (ut diximus) cùm punctum saliens, & sanguis tantummodo apparent ; propagines venæ umbilicalis, in colliquamento solum, amniique tunicae conspiciuntur. Constitutâ verò semel corporis fabricâ, propagines illæ ulterius porriguntur, & numerosæ per chorion disseminantur ; ut ab albugineo humore ibidem existente nutrimentum fœtui appotent.

Quibus manifestè constat, fœtum viviparorum sub initia eodem modo ali, quo pullum in ovo nutriti diximus : eamque ob causam in utero degere, ut tandem (cùm alimentum amplius de suo non suppetit) ei, mediante carnosâ substanciali, adnascatur ; & à matre, nutrimentum uberiorius suggerente, alatur & crescat.

Quapropter restè à Fabricio observatum est, conceptum in quibusdam animalibus vix utero annexi. Id ēoque sues, & equæ, carnosam hujusmodi copulam non habent ; sed, in iis, ovum sive conceptus, ut primò ex succis in utero scatentibus sit, (quemadmodum ovum, in gallina, albumine augerit diximus, citra ullam ejus cum utero connexionem) ita pariter incrementum accipit : fœtusque etiam, alimento à conceptu (in quo continetur) subministrato, in eundem modum alitur, quo pullus ex ovi liquoribus. Insigni planè argumento, fœtum eorum non magis, quam pullum in ovo, materno sanguine nutriti : neque humorem, quem Chorion intra se complectitur, urinam, aliudve excrementum esse ; sed fœtui pro alimento infervire. Licet (ut antea monuimus) absumpto succo nutritioni idoneo, reliquiæ ejus in excrementum, urinæ simile, degenerent. Idque ex eo quoque manifestum est, quod de cotyledonibus in cervarum, aliorūque bisulcoïum carunculis supra diximus : nempe carneam molem in iis animalibus spongiosam esse, & (favi instar) infinitis penè acerabiliis constare, eadēque mucoso albumine repleri ; (quod etiam Galenus olim observatum meminit;) atque inde vasorum umbilicalium fines nutrimentum haurire, quod in fœtum transferant : quemadmodum in jam natis animalibus, venarum mesentericarum ramuli, per intestinorum tunicas diffusi, ex illis chylum absorbent.

Ego itaque placenta & caruncularum tale munus existimo, quale De placenta hepatis atque mammis vulgo tribuitur. Hepar nempe, chylum ex centa. intestinis haustum corpori alendo ulterius præparat : & placenta similiter, succum alibilem à matre provenientem nutriendo fœtui porrò concoquit. Mammæ etiam, (adenosæ substanciali participes) lacte turgent ; & quæ alias (in quibusdam animalibus) nupiani apparent, prægnationis tempore plenæ tumidaeque visuntur : placenta pariter, (caro laxa & fungosa) succo albugineo scatet, & gravitationis solum tempore reperitur. Jecur, inquam, est organum

L. de diff.  
uteri, c. ult.

num nutritivum corporis, in quo est; mamma, infantis; placenta, embryonis. Et quemadmodum mater ex victu plus lactis conficit, quam sibi in carnis aut sanguinis usum opus sit, idemque in umeribus coquitur insuper, & reconditur; ita quoque gravidæ (quibus in utero placenta est) alimentum in carnosa ista substantia defactum, factui parant, & suppeditant. Indeque contingit, ut embryonibus victus purus, aut illaudabilis suggeratur; prout matres cibio probo, aut improbo usæ fuerint, eundemque dictis uteri organis plenè, aut secus preparaverint. Aliqui enim embryones organum perfectius paratum habent, quale est carnosa ista uteri substantia, quæ in aliis desideratur. In quibusdam etiam, placenta reperitur crassior, amplior, & sanguine abundantior: in aliis vero spongiosior, & albidiior; instar thymi, aut pancreatis. Non minorem enim harum rerum varietatem in animalibus invenias, quam umerum, aut viscerum: jecora enim, ut de iis nunc solum dicam, in aliis rubicunda, & sanguinea; in aliis vero (ut piscium maximæ parti, & hominibus cachecticis) pallida obtigerunt. Equæ crudo gramine vescuntur, nec ruminant; sues impuro quovis cibo saginantur; iisdemque placenta (perfectioris alimenti organum) deest.

Cap. 3.

Verè itaque Fabritius: *Carnea hæc substantia, in multis animalium generibus, figurâ, magnitudine, situ, numero, admodum varia est. Homines unicam habent; ut & mures, cuniculi, sacula Indica, canes, feles, & pleraque animalia, quibus pedes digitati, & utrinque dentes. Plures habent omnia bisulca, & alterâ parte dentata; sive domestica, ut ovis, vacca, capra; sive sylvestria, ut cerva, caprea, dama, & id genus alia. Rursus, que unicam habent carneam molem, in iis vel placentam imitatur, (indeque ei impositum nomen) ut hominibus, cuniculis, lepore, talpâ, muribus, & porcellis Indicis: vel cingulum, seu zonam, aut fasciam refert, corporis truncum obvolventem; ut canibus, felibus, viverris, & hujusmodi. In quibusdam, calicis, vel cupulæ glandis instar, majorem conceptus partem comprehendit (ut in lepore, & cuniculo;) parsque ejus convexa, utero adhaeret; concava, factum respicit. Item quæ unicam habent placentæ similem, est figurâ in omnibus similis, situ tamen dissimilis est. Nam homini uteri fundo adhaeret, & longissime, hoc est, per longa vase, à factu distat: muribus vero, porcellis Indicis, & cuniculis, partim lumborum regioni, partim thoracis lateri annectitur. At quæ plures habent carneas moles, hæc alterâ parte dentata sunt omnia, ut oves, vaccæ, capræ, cervæ, capreoli, & similes. In quibus tamen hæc spectatur varietas. Nam ovibus plures carunculæ sunt, variæque amplitudinis; quarum maximæ, nucem moschatam magnitudine æquant; minimæ, cicer vel orobum: rotundiores quoque & rubentiores sunt, uterumque versus convexæ, tanquam verrucæ molles, aut papillæ. Vaccis vero majores, planioresque sunt, & albidiiores;*

ores, spongiosaque corpori, aut fungis similes : videnturque è chorio ortum ducere. Cervis & damis, quinque tantum contigerunt : eademque ex uteri lateribus prognatae, versus conceptum protuberant, & acetabula sua exhibent. Omnibus autem hoc commune est, ut diæ carunculae, utero firmiter affixa, ægræ inde separentur ; nisi appropinquante jam partu ; quo tempore facilissime (ceu maturi fructus) soluto nexus decidunt. Iisdem ab utero dilaceratis, sanguinis maximam partem non ex conceptu, sed ab ipso utero profluere observavimus.

*Fabricius*, agens de unione carnosæ hujus substantiarum cum utero, pluribus quidem rationibus (sed invalidis) contendit, vasa umbilicalia, cum uterinis, plurimis osculis conjungi ; idque potissimum ab eo factum est, ut antiquum dogma ab omnibus ferè receptum tueretur : fatetur enim se nihil certi super hac re affirmare posse, quod carneæ moles rem ipsam perspicere ac judicare vetet. Veruntamen nec ratio, neque sensus suadent ; dari magis anastomoses in intero, quam in hepate, inter ramos Portæ, & cavæ ; aut in mammis, inter vasa, quæ sanguinem, & ea quæ lac deferunt. Est quidem alicubi vasorum juxtapositio contigua, & interdum unius in alterius tunicam ingressus ; nuspianam autem perfectus coalitus sive unio, qualis *Fabricius* imaginatur. Alter enim si foret, deberent & venæ pariter cum arteriis conjungi : vasa enim, sanguinem à matre in uterum & carunculas deferentia, sunt arteriæ ; quæ autem ab utero in foetum remeant, venæ sunt, uti omnibus palam est ; sanguinem enim deducunt è placenta in venam cavam.

Verior itaque mihi videtur *Arantii* sententia ; oscula nempe venarum umbilicalium, cum vasorum uteri orificiis minimè conjungi. Minor enim numerus est vasorum deferentium ad uterum, quam venarum regerentium ad foetum ; plurimæque harum propagines in Chorio terminantur. *Fabricius* tamen Veterum sententiam, vel eorum reverentiâ ductus, vel erga *Arantium* invidiâ, mordicus defendere nimisquam satagit.

De Cotyledonibus, sive acetabulis, *Fabricius* nihil certi statuit ; cap. 4. sed varias solum Antiquorum sententias recensuit. Nos autem sibi, in historia foetus cervini, indicavimus, quibusnam animalibus acetabula insint ; similiisque diximus, eadē esse cellulas plurimas exiguae capacitatibus, per carunculas, aut carnosam substantiam dispersas, atque albumine sive materiâ mucilagineâ refertas ; ut favus melle repleri solet.

In cervis, formam cavitatis coxendicis femur excipientis aptè referunt ; ideoque, ob figuram, à Græcis Cotyledones nominantur ; Latini verò acetabula appellant, quod similia sint vasculis, quæ olim in mensa aceto plena ad intinctus apponi solebant. Cavitatos istos,

istæ, spongæ majoris loculamenta magnitudine non excedunt; inquæ singulas earum, totidem vasorum umbilicalium ramuli tenuissimi profundè penetrant: quippe in iisdem, alimentum fœtui reconditur; non quidem sanguineum (ut Fabricius voluit,) sed mucosum, ovique albumen crassius planè referens. Unde etiam mammestum est (ut dudum diximus) bisulcorum fœtus (ut & alios omnes) sanguine materno non ali.

H. fl. an.  
l. 7. c. 8. Quod Aristoteles ait, *Acetabula*, fœtu accrescentie, subinde minui, ac postremò aboleri; id experientia non respondet: quod enim fœtus major fuerit, eò etiam carunculæ grandiores, earumque acetabula aquiora, & plura, materiæ albugineâ pleniora apparent.

Easdem carunculas si compresseris, sanguis quidem nullus prodit; sed veluti è pressa spongia, aut favo, aqua vel mel effluit; ita similiter, coarctatis acetabulis, albugineus liquor emanat; eodemq; expresso, illa statim contracta, albida, & flaccida conspiciuntur; ac demum mammarum papillas, aut verrucas pensiles majores referunt.

Aristoteles quidem verè asserit, acetabula in omnibus animalibus non inesse; in muliere enim non invenias; neque in aliis ulla (quod sciam) quibus una duntaxat carnea moles, sive placenta obtigit. Officium tamen, atque usum eorum quod attinet; opinor, carunculas omnes (überum modo) non sanguinem, sed succum albulini similem concoquere, eundemque fœtui subministrare.

De Um- Pulcra est, apud Fabricium, vasorum umbilicalium descriptio, bilico. ut & picturæ elegantissimæ. Venæ, inquit, ab utero versus fœtum pro-

cedentes mutuò semper uniuntur, ac majores semper sunt; neque cessat mutua earum cōtio, donec ex omnibus duo magni trunci resultent; quibus fœtus umbilicum penetrantibus, unus tandem grandis efficitur; qui in jecur infantis inseritur, atque in cavam & Portæ venam perforatur. Simili modo venis arteriæ adjunctæ, & plurimæ, & minutissime ex utero ad fœtam progressæ, similique subinde unite, ac majores semper faciæ, in duos magnos degenerant trunco: qui postquam umbilicum prætergressi sunt, à venis separantur, & ad vesicæ latera membranæ cuiuslibet interventu inhaerentes, in ramos magne arteriæ ad crura descendentes binc inde pertendunt, & applicantur. Notandum verò, hanc Fabricii descriptionem, infantis solùm umbilico convenire, non autem cuiuslibet animalis fœtui communem esse. Nec infanti etiam, nisi jam formato, congruit: arteriæ enim (sub initia) sunt inconspicuae; utpote exiles adeò, ut iis inveniendis, Lynceis oculis opus sit: nec postea quidem, nisi ex pulsu, innotescunt: cætera enim à venis non distinguuntur. Quoniā igitur (ut alibi docui) pusilli arteriarum ramuli non pulsant, (quantum saltem oculis constat) eadem à venis internofici nequeunt. Sunt, inquam, arteriæ tunc temporis subtiles adeò,

ut,

ut, tanquam filamenta tenuissima, venularum tunicis attexantur, vel potius in tunicas venarum obscurè repant; quo fit, ut sensum omnem prorsus effugiant. Venæ autem omnes (exortu retrogrado) unitis tandem surculis, in unum truncum (veluti ramuli in arborem) coalescunt; quemadmodum & mesentericæ venæ omnes in Portam terminantur.

Juxta embryonem quidem in duos truncoſ dividuntur; eundem vero ingressæ, unam venam umbilicalem constituunt; quæ in Cavam, prope dextram cordis auriculam, definit; jecirque permeans, in Portam perforatur; nullasque præterea propagines de ſe spargit, donec è gibba jecoris parte prodeat, orificio fatis amplio. Adeò ut, apertâ venâ cavâ ab auricula cordis deorsum versùs, sanguinéque omni depletâ, orificia tria quaſi ſimul juncta conſpicari licet: quorum unum, venæ cavæ deſcendentis eſt introitus; alteruni, rami jecorarii, per totam hepatis gibbam diſſeminati, exitus; tertium autem, venæ iſtius umbilicalis origo. Unde dilucide conſtat, venarum originem in jecore neutiquam quærendam eſſe: quippe orificium yenæ cavæ deſcendentis multò amplius eſt, quam rami jecorarii; cui tertium illud, venæ umbilicalis, eſt æquale. Rami verò, trunci ſui principium non dicuntur; ſed ubi truncus earum maximus reperitur, ibidem quoque venarum principium cendendum eſt: iſtuc autem ad cordis ventriculi dextri ingressum contingit; ideoque hic venarum omnium principium, sanguinisque promptuariū ju dicandus eſt.

Redeo ad vasa umbilicalia, quæ in omnibus animalibus hanc eodem modo dividuntur: in quibusdam enim bini venarum ramuli, plurimæ, in fœtū corpore reperiuntur; quorū alii jecur tranſeunt, alii in Portam, vel mesentericas venas inſeruntur. In humano autem fœtu, trium quatuorve digitorum ab umbilico intercapidine, venarum atque arteriarum trunci ſimul involuti complicantur, (perinde ac ſi cereos aliquot, funis instar, contorqueas) eosdēmque membrana crassā ac mucosā obducit, & conglutinat. Funiculus ipſe chorion adiens, in ſima placentæ parte, choriique interiorē ſuperficie, in plurimas propagines dirimitur; ac deinde in alias propemodum infinitas ramificatur; quibus alimentum, ceu per radices haustum, alendo fœtui diſtribuitur. Ejusdem funiculi venæ, variis locis nodos aliquot, ſive varices, quaſi veficulas ſanguine plenas, obtinent: quā arte à Natura cautum eſt, nè ſanguis in ſecum confertim refluat. Ex horum varicū copiā, ſuperstitioſæ obſtrictrices de futuræ ſobolis numero divinarē ſolent; & ſi nulli ejusmodi nodi adſuerint, ſteriles in poſterum fore pronuntiant; ex eorundem quoque ab invicem diſtantia, de puerperiorum intervallo; & ex colorum varietate, de ſexū diſcrimine aniliter hariolantur.

Consimilis quoque est vasorum umbilicalium constitutio in aliis fœtibus ferè omnibus, quibus unica placenta obtigit; veluti in canibus, muribus, aliisque: funiculus tamen iis brevior est, minùsque complicatus. In bovis autem, ovibus, cervis, damis, suis, reliquaque, quibus alimentum non ab una solum carnem mole, sive placentam, sed à pluribus suppeditatur; vasorum umbilicalium distributio diversa cernitur. Ramuli nempe, atque fines vasorum, non modò per carneam substantiam, sed etiam (& quidem potissimum) citra ipsam, per membranam chorion fibris minutissimis disseminantur: qualis etiam vasorum umbilicalium distributio (sine funiculo scilicet) in fœtu humano cernitur, antequam conceptus utero adnascitur. Unde constat, embryonem non omne nutrimentum ex placenta haurire; sed partem ejus, & quidem præcipuam, ab humore intra chorion contento accipere.

Vasorum umbilicalium utilitates quod attinet, ego quidem *Fabricio* non assentior: arbitratrur enim sanguinem omnem fœtui ab utero per venas suppeditari; spiritusque vitales eidem à matre per arterias accedere. Negat etiam partem aliquam fœtus in utero publicum munus exsequi; sed unamquamque sibi met ipsi dantaxat privatim prospicere, ait, ut nutritur, augeatur, & conservetur. Similiter, quia nervum in umbilico nullum invenit, sensum omnem motumque embryoni denegat. Quasi verò prægnantis uterus, aut placenta, cor esset, sive principium, unde ista fœtui subministrarentur, singulique partibus influens calor proveniat. Quæ omnia erroris manifesta sunt. Quippe fœtus humanus nondum quadrimestrus (alii verò citius) haud obscurè sese movet, volutatur, calcitat: præsertim si frigus, calorémne nimium, aut alind aliquod externum patiatur incommodum. Quinetiam punctum saliens (nec dum exstructo corde) evidenti pulsū micat, sanguinēisque, & spiritus distribuit: idemque (ut diximus) præ frigore languidum & moribundum, admoto alicunde calore, refocillatur denuo ac reviviscit. In partu cæsareo quoque clare liquet, vitam embryonis non immediatè à matre procedere, neque spiritus ab illa proficiunt: vidimus enim sèpissimè fœtus abutero exfectos, defunctis jam ante horas aliquot matribus superstites. Cuniculum etiam, & leporem ex cæsis matrum uteris extractos, supervixisse novimus. Præterea, num infans, in partu hærens, vitalis sit, necne; ex arteriarum umbilicalium pulsatione clare dignoscitur. Certum autem est, arterias illas, non matris, sed cordis proprii virtute agitari; quippe rhythnum, sive ordinem à matris pulsū diversum obtinent: idque facile experiri licet, si manum alteram carpo matris, alteram umbilici funiculo adnoveris. Imò verò in ejusmodi cæsonibus, membranā chorio etiamnum obvolutis, sàpe reperi (matre jam extinctâ, & planè

planè rigidâ) arterias umbilicales micantes, fœtumque vegetum. Quare haud verum est, spiritus à matre per arterias ad fœtum pertingere: nec magis verum, vasa fœtū umbilicalia cum uteri vasis per anastomosin conjungi. Fœtus enim vitâ propriâ fruitur, habetque arterias pulsantes, & sanguine ac spiritibus plenas, diu antequam conceptus (in quo efformatur, & natat) utero alligatur: non aliter omnino, quām pullo in ovo contingit.

Usum arteriarum in fœtu (atque etiam in adultis) longè alium esse demonstravimus, in libello quem de *sanguinis circuitu* scripsimus; qui hinc etiam confirmari possit:

Secundæ reverà conceptûs partes sunt, & à fœtu dependent; ab eoque etiam vitam & vegetandi facultatem mutuantur. Quemadmodum enim in mesenterio, per ramos arteriarum cœliacarum & mesentericarum, sanguis ad intestina impellitur; idemque inde per venas regressus, chylum unâ secum ad jecur, & cor defert: itâ similiiter arteriæ umbilicales sanguinem in secundas ingerunt, quem venæ, unâ cum succo nutritio, ad fœtum redditunt. Ac propterea arteriæ istæ non prodeunt immediatè è corde, ceu vasa principalia; sed (utpote inferioris ordinis, atque usûs, ut etiam magnitudinis) è ramis cruralibus exoriuntur.

Prodiit nuper liber *Adriani Spigelii, de formato fœtu*; in quo egit de usu arteriarum umbilicalium; validisque argumentis docuit, fœtum non accipere *spiritus vitales* à matre per arterias: rationib[us]que in contrarium adductis plenè respondit. Potuisse autem iisdem quoque argumentis evincere, neque *sanguinem* è maternis venis per venarum umbilicalium propagines in fœtum transferri: quod præcipue ab ovi gallinacei, partusque cæsarei exemplis palam est.

Prosebat, si calor & vita sanguini à matre profluerent; emortuâ illâ, infans quoque illico extingueretur, (res enim esset confatalis;) imò verò ante eam; appropinquante enim interitu, partes subordinatae priùs languent, & refrigescunt, quām principales: ideoque cor ultimò omnium deficit. Sanguis, inquam, ipsius fœtus, calorem primò amitteret, & muneri suo fieret inidoneus, utpote ab utero derivatus; cùm & ipse uterus, priùs corde, calore omni vitali destituatur.





## DE CONCEPTIONE.

**M**ulta quidem in *partu* miranda *Fabricius* recensuit; nobis autem plura de conceptione occurunt quæ miremur. Res sanè est tenebrarum plena: & tamen audebimus aliquid problematicè proponere; ut, non solum sententias alienas eliminatum ille, sed & nostram quoque aliquo modo in medium attulisse videamur. Quæ tamen à me super hac re dicentur, non ita accipi velim, quasi eadem è Tripode prolata existimem, aut aliorum omnium suffragia extorquere cupiam: sed libertatem illam, quam aliis libenter concedimus, nobis etiā jure merito poscimus; ut, quæ in obscuris rebus verisimilia videntur, eatenus pro veris offerre liceat, donec manifestè de eorum falsitate constiterit.

Utero quidem præcipuè debet hoc negotium, citra cujus apparatus & functionem, conceptum ullum frustrà expectaveris. Quoniam autem genituram maris in uteri cavitatem haud pertingere, nedum diu ibidem immorari, certum est; eadēque contagione duntaxat quadam (non quia jām tangens & operans, sed quia antea tetigit) fœcunditatem apportat: videtur sanè fœmina, post tactum (in coitu) spermaticum, eodem modo affici, nulloque sensibili corporeo agente prolifica fieri, quo ferrum, à magnete tactum, hujus statim vi dotatur, aliisque ferramenta ad se allicit. Accepta nimirum semel virtute illa, quam diximus, plasticam exercet generandi potentiam, similēque suī procreat; non secūs ac

planta, quam utriusque sexūs viribus imbutam cernimus.

Mirari tamen subit, ubinam facultas ista (peracto jam coitu, ante ovi vel concepiū productionem) hæreat? & cuinam activa illa maris virtus commissa sit? scilicet, num utero soli, an toti etiam fœminæ? vel potius utero primariò, fœminæ autem secundariò? an denique, quemadmodum oculis videmus, & cerebro cogitamus; ita fœmina utero suo concipiat?

Quanquam enim fœmina interdum (post coitum, concipiens) fœtum nullum producit; symptomata tamen ea contigisse novimus, quæ peracte conceptionis (licet irritæ) claram fidem facerent. Caniculæ delicatulæ, coitum (citra fœcunditatem) admittentes, observantur nihilominus debito partus tempore ignavæ esse, & parturientium more latitare, atque ab alia cane catulos surripere, eoque (ceu proprios) lambere, & foovere, imò verò pro iisdem acriter dimicare. Nonnullæ etiam lac, sive colostrum in mammis habent; aliisque gravidarum & parturientium affectibus obnoxiae sunt; perinde ac gallinæ suo tempore glociunt, licet ova, (quibus incubent) nulla habeant. Aves quædam (utpote columbae) si stato tempore coierint, quamvis ova nulla, aut subventanea pariant, tenentur tamen solitâ nidificandi sedulitate.

Usque adeò nempe fœcundat virtus à mare in coitu proveniens, ut integrum fœminam, tam animi moribus, quam corporis vigore immutet. Et licet hoc utero, ad id parato, principaliter contingat; indéque toti corpori virtus virésque adveniant; (quemadmodum à turgentibus marium testiculis, reliquo etiam corpori robur additur:) eadem tamen manet dubitatio; quomodo scilicet ipsi utero potestas illa communicata inhæreat? utrum nempe toti utero, an alicui ejus parti duntaxat? Quippe nihil in eo, post coitum, invenias: genitura enim maris, brevi vel elabitur, vel evanescit; sanguisque ab utero, circuitu facto, per vasa regreditur.

Porrò, quænam est illa præparatio & maturitas uteri, qua se-men genitale exposcit; aut unde manat? Nisi enim uterus ad coitum paratus fuerit, frustra sunt alia molimina: imò verò nè coitum quidem aliter, plurima animalia admittunt. Contingit quidem, factor, citius illa maturitas, ob blandas marium illecebras, & consuetudinem; ipsa tamen (non minùs, quam fructuum in plantis) naturæ sponte procuratur. Qualis autem ista mutatio sit, sicut eam reperi, jami expediam.

Uterus primùm crassior appetet, & carnosior; posteaque (quoad interiorem superficiem, loco nempe conceptionis futuro) tenerior factus, lævitate pariter ac mollitie internos cerebri ventriculos æquat: quemadmodum nuper de cervis, aliisque bisulcis diximus.

In

In canibus autem, felibus, cæterisque digitatis animalibus multiparis, uteri cornua, teretes muliebris uteri tubulos, aut intellectinorum avium appendices, vel ureters in homine planè referunt: habentque, quibusdam in locis nodulos, qui interius intumescent, & mollissimi evadunt; iisdemque post coitum (ut in cervis & damis observavimus) quasi fatiscentibus, transudant in corum capacitatem humores albuginei primævi, unde conceptus, ceu ovum, efformatur. Hoc pacto uterus à maris coitu (sicut fructus à calore æstivo solent) ad summum maturitatis apicem deducitur, & impregnatur.

Quoniam autem nulla manifesta conceptionis indicia cernuntur, priusquam uterus fatuscere incipit, & albugineus liquor, vel tenuia stamina, (aranearum telis similia) futurique ovi, sive conceptus primordium apparent; cùmque adeò substantia uteri ad concipiendum parati, sit cerebri constitutioni persimilis: quidni merito suspicari liceat, utriusque etiam functionem esse similem; &, quod phantasma sive appetitus est in cerebro, illic idem, vel faltem ejus analogum, à coitu in utero excitari; unde generatio, sive procreatio ovi contingat? Functiones enim utriusque, conceptiones dicuntur; sūntque ambae immateriales; licet principia sint omnium totius corporis actionum: hæc nempe, naturalium; illa, animalium: hæc, omnium quæ ad animalis generationem attinent; illa verò omnium, quæ ad conservationem ejus peraguntur, causa prima, & principium primum. Et quemadmodum appetitus à cerebri conceptione ortum dicit, atque hæc ab appetibili externo: ita etiam à mare (utpote animali perfectiore) tanquam appetibili maxime naturali, conceptus *naturalis* in utero foemina oritur; sicut in cerebro sit *conceptus animalis*.

Ab hoc appetitu sive conceptu evenit, ut foemina prolem genitori similem producat. Nam quemadmodum nos, à conceptione formæ, sive idæ, in cerebro, similem ei in operibus nostris efficimus: ita pariter idea, aut species genitoris in utero existens, formatricis facultatis ope, similiem foetum generat; dum speciem nempe, quam habet immateriale, operi suo imponit. Non aliter sanè; quæm ars, quæ in cerebro est, sive species operis futuri, similem in agendo profert, & in materia gignit. Sic enim pictor, mediante conceptu, faciem exprimit; imitandoque internum cerebri conceptum, in actum producit: Ita quoque ædificator, ex conceptu prehabito, domum exstruit. Idemque pariter in cæteris operibus, & artificiois generationibus contingit. Adeò ut, quod disciplina in cerebro efficit, nempe artem; analogum ejus coitus maris in utero præstet, nimirum artem *plasticam*; unde foetus complures similes,

similes, aut dissimiles ab eodem coitu procreantur. Si enim generationes, primique conceptus artificiales (qui naturalium dunt taxat imitamenta sunt) hoc pacto à cerebro fiunt; quantò magis ipsius animalis generationis & conceptionis exemplaria, similiter ab utero procedere verisimile est?

Et quoniam Natura (cujus opera omnia admirabilia & divina sunt) organum ejusmodi (cerebrum nempe) instituit, à cuius virtute & facultate sensitivâ, insunt rationalis animæ conceptus; appetitus scil. & artes, tantorum tamenque variorum operum principia & caussæ, quorum homo (à facultate cerebri motivâ) per imitationem, autor est: quidni putemus, eandeni Naturam, quæ uterum non minus admirabilem extruxit, similique constitutione ad conceptionis munus obeundum fabricavit; hunc functioni consimili, vel saltem analogæ destinasse; atque utrobique organo simili, ad opus simile uti voluisse? Cùm enim peritus artifex, instrumento uno, ad unum; eodemque, ad idem; & simili, ad simile affabre utendo, opera sua perficiat; adeò ut, ex organorum substantiâ & formâ, de eorundem usu atque actionibus judicare facile sit; non minus certè, quam Aristoteles, ex corporum animalium, eorumque partium conformatione, naturas illorum cognoscere nos docuit; & physiognomia, ex faciei linearientis & partibus (ut putâ oculis, naso, fronte) de hominum ingenii ac moribus hariolatur: quid obstat, quò minus ex eadem partium fabricâ, idem quoque earundem officium esse, conjecturam facere liceat?

Analyt.  
l.2. c.35.

Verum iniquè ita comparatum est, ut, cùm solita & familiaria nobis perpendenda veniunt, magnitudinem eorum atque admirationem consuetudo imminuat; ubi verò res minoris momenti, sed insuetæ magis offeruntur; mirabiliora ea statim præ novitate & desuetudine videantur. Quicunque secum animo pensitaverit, quomodo cerebrum artificis, aut artifex virtute cerebri, res absentes, quas jam non intuetur, sed quas olim viderit, ad amissim tamen depingat: & quo pacto aviculae in caveis enutritæ, cantilenas, quas æstate didicerant; sequenti vere in mentem revocent, & exactè canant, licet interea temporis earum praxin nunquam exercuerint; & quod maius est, quomodo avicula nidum suum (cujus exemplar nunquam viderit) artificiosè componat, idque non ex memoria, vel habitu aliquo, sed solaphantasiâ; quomodoque araneola, sine vel exemplari, vel cerebro, solius phantasie operâ suas telas texat: qui haec, inquam, diligenter perpenderit; haud, opinor, absurdum valde, aut monstrorum judicabit, foeminam ex conceptu ideæ generalis sine materia imprægnatam, generationis opificem evadere.

Ridebunt, scio, hæc nasuti quidam ; qui, nisi quod ipsi sentiant, nihil rectum putant. Hic tamen philosophorum mos est ; cum res ipsam, ut se habeat, clarè percipere nequeant ; fingunt saltem modum ejus aliquem naturæ operibus consonum, & veritati proximum. Profectò omnes (quas jam magni facimus) opiniones, initio mera figmenta & imaginationes erant ; donec per experimenta sensibilia, & cognitis causis necessariis confirmatae, pleniorem fidem facerent.

Aristoteles ait, *philosophos fabularum quodammodo amatores esse*, eò quod *Metaphys.*  
*fabula ex mirandis constet.* <sup>l. i. c. 2.</sup> Enimvero homines pridam rerum admiratione ducti, philosophiam coluerunt. Ego, cum in utero nîl amplius à coitu relictum videam, cui principium generationis accepturn referam ; quam in cerebro, post sensationem, & experientiam, quod artis principium sit ; sed similem utrobique constitutionem reperiam ; hanc commentus sum fabulam. Viri docti & ingeniosi de ea cogitent ; fastosi, per me, rejiciant ; &, petulanti qui sunt splene, liberè irrideant.

Quoniam, inquam, nihil sensibile in utero post coitum reperiatur ; & tamen necesse est, ut aliquid adsit, quod foeminam secundam reddat ; atque illud (ut probabile est) corporeum esse nequeat : superest, ut ad merum *concepitum*, specierumque sine materia receptionem confugiamus ; ut idem scilicet hic contingat, quod in cerebro fieri nemo dubitat : nisi quis, cui è meliore luto — finxit *precordia Titan*, causam efficientem aliam, præter prædictas, invenitur.

Quidam nostræ quoque ætatis philosophi, antiquam de atomis opinionem recoluerunt : ideoque arbitrantur, contagium hoc (ut & omne aliud) ex subtilissimis semenis masculi effluviis, odorram more facile emanantibus, inque uterum coitus tempore illis, provenire. Alii, spiritus incorporeos, tanquam demiurgos, aut angelos, vel dæmones in scenam vocant. Alii, contagium intelligunt, fermenti, aut fracedinis instar. Alii alia fingunt, & imaginantur. Concedatur itaque inter cæteras, etiam huic nostræ conjecturæ locus ; donec de re ipsâ certi aliquid constituerit.

Plurima quidem sunt à me observata, quæ dictas aliorum opiniones facile convallant : (adèò in proclivi est, quid res non sit, potius, quam quid sit, dicere) non sunt autem hujus loci, sed alibi potius proponenda. Impræsentiarum hoc solum dicam : si, quod communi nomine *contagium* à nobis appellatur, utpote à contactu in coitu spermatico ortum, & in foemina (citra genitrix præsentiam) superstes, futuræ procreationis efficiens & opifex ; si, inquam, contagium hoc (sive atomi, sive odor, sive fracedo, sive aliud quid fuerit) à corporis naturâ alienum sit ; necesse est, sit incorporeum aliquid.

aliquid. Et si porro inquisientibus illud neque spiritum, neque dæmonem, neque animam, neque partem aliquam animæ, neque quid habens animam, esse planè constet, (ut variis argumentis & experimentis à me demonstrari posse arbitror;) quid superest, cum aliud imaginari nequeam, nec alius quispam ha-  
ctenus, nè per somnum quidem, effinxerit; quam ut hære-  
mishi aquam libere profitear? Qui autem dubitat, & admiratur, in-  
quit Aristoteles, fateatur se ignorare. Quare si, propter fugam ignoran-  
tie, ingenui viri philosophantur; patet, quod causa cognoscendi, & mul-  
tius usus gratia, ipsum scire prosequantur.

Metaph.  
l.2.c.1.

Non itaque id vicio nobis vertendum est; si rerum cognoscen-  
darum avidi, eoque nomine loca nullius ante irita solo adeuntes,  
aliquid attulimus; quod primo intuitu, fictum aut fabulosum  
videatur. Nam ut omnia levi credulitate amplectenda non sunt;  
ita neque ea protinus repudianda; quæ acriter disque perpensa  
fuerint; licet statim cornicem oculos non configant. Ipsem  
Aristoteles librum scripsit, de mirabilibus auditis. atque alibi  
ait: Non solum illis agendæ similitudine, quoniam opinionebus quis  
acquiesceret; sed iis etiam, qui superficie tenuerunt. Conferunt  
enim aliquid etiam isti: habitum namque nostrum exercuerunt. Si enim  
Timotheus non fuisset, nullam melodie nequaquam habuissimus. Si ta-  
men Phrynis non fuisset, ne Timotheus quidem exstisset. Simili mo-  
do & de illis est, qui de veritate assertuerunt. A quibusdam enim ali-  
quas accepimus opiniones; quidam vero, ut hi fierent, causa fue-  
runt.

Exemplo igitur tanti viri, ejusque auctoritate motus, nè  
totus ad destruenda solidum aliorum dogmata compositus videar;  
malum sententiani fictam potius, quam nullam proponere: plä-  
cuimus hic Timotheo Phrynū agere; socordiam nempe hujus ævi,  
atque ignaviam excutere, studiosorum ingenia excitare, sine-  
reque potius ut me loripedem rectus incedens irrideat, quam  
ut diligens rerum indagator inertia accuset.

Nullum profecto theorema magnificenter quæsieris, nec didice-  
ris utilius; quam, quomodo omnia ex univoco siant? quo pacto  
scil. idem semper idem progeneret? idque non solum in rebus arte  
factis (ita enim dominus edificat dominum, facies faciem depingit, &  
imago imaginem format) sed in iis etiam quæ ad animalium spectant:  
nempe mens, procreat mentem; opinio, opinionem. Democriti  
atomi, & Eudoxi sumnum bonum in voluptate situm, imprægnâ-  
runt Epicurum: Empedoclis quatuor elementa, Aristotelem: veterum  
Thebanorum dogmata, Pythagoram ac Platonem: & geometria Eucli-  
dem. Ad eandem hanc hormani, filius hascitur parentibus suis  
similis,

similis ; virtutes etiam genus nobilitantes, & virtus hæreditaria, post longam aliquando annorum seriem, in nepotes transferuntur. Morbi quoque aliqui, sibi similes in aliis producent, in quo censu, sunt lepra, podagra, syphilis &c. Quid morbos memoro? atavorum etiam nævos, verrucas, & cicatrices, longâ subsequentे serie aliquando ostendit progenies. *Quarto partus Dacorum* (inquit *Ariſt. hist.* *Plinius*) originis nota in brachio redditur. Mens, opinio, mores, quæ*i* nunc ſeculum tenent; quidni multis abhinc annis (*exoletis inter-* *an. l. i. c. 5.* *rea omnibus, quæ hodie in usu sunt.*) denuo recurrant? Nempe *L. 7. c. 11.* Creatoris æterni mens divina, rebus impressa, in conceptibus humanis procreat imaginem suū.

Superatis jam aliquot in hac re difficultatibus, crescit mihi animus paulò nervosius de eādem agere: ut, quod à nobis hactenùs veritatem disputatum fuit, verisimilitudinem ſaltē maiorem obtinere videatur. Simil etiam, ut, ad ardua hæc penitus inquirendā, ſtudiorum ingenia excitentur.

Sit itaque (ut rem clariū ob oculos ponamus) *A*, ovum ſecondum (materia nempe futuri pulli) mobile & terminabile in pullum, ſive potentia pullus. Sit etiam *B*, id quod ovum ſecondum reddit, & à ſubventaneo discriminat; ſcilicet efficiens pullum, ſive movents ovum & terminans in pullum. Et *C*, pullus, vel finalis cauſa, cuius gratiā & ovum, & ſecondans ſunt: actus nimirum, ſive ratio pulli.

Habeamus igitur pro concesso (quod ab *Aristotele demonstratur* *Phys. l. 7. c. 3.*) omne movents primum ſimile eum eo, quod ab ipso moveatur. Ea vero (ab eodem) propriissime dicuntur ſimiles, quorū generatio eodem tempore contingit: nempe, ut movents & mobile una actu fint, positōque uno eorum, ponatur necessariō alterum; nimirum, praesente effecto, adſit ſimil ejus cauſa.

Quādōcunque igitur *A*, (ſcilicet ovum ſecondum) actu est; *B*, quoque (nempe movents internum & efficiens, ſive ſecondans) ſimil actu exiſtit. At vero quādōcunque *B* actu est, inest pariter *C*, (ſaltē aliquo modo) species nimirum pulli, ſive forma ſine materia. *B*, enim est efficiens pulli internum; i.e. movents *A*, (ovum ſcilicet) in *C*, nempe rationem pulli. Ut igitur omne movents ſimil ſit cum ſuo mobili; omnisque cauſa, cum ſuo cauſato; neceſſe est, ut *C*, unā cum *B*, exiſtat: quippe finalis cauſa, tam in natura, quam arte, reliquarum omnium prima est; movents enim, & non moventur: Efficiens autem movents, quia à cauſa finali impellitur. Inest enim quodammodo in omni efficiente, ratio finalis; à quo illud, cum providentia operantis, moventur.

*Aristotelis* autoritas nobis plānè suffragatur: *Principia* inquit *De gen. l. 1. c. 1.*

inter causas generationis naturalis, illa obtinere videtur, quam sub hoc verbo, cuius gratia, significamus. Hæc enim ratio est; ratio autem principi-  
am est pariter in rebus tam arte, quam natura constituendis. Ubi enim vel  
per intellectum, vel per sensum Medicus sanitatem, opifex ædes definierit;  
rationes & causas rei, quam facit, reddere solet, & cur ita faciat subjunc-  
git: quanquam illa, cuius gratia, causa, & ratio boni & pulcri, nature  
exhibebit potius, quam artis conjuncta est.

*Phis. b. 1.  
Tratt. 3.* Finis autem, ait, est id cuius gratia; ut deambulandi, sanitas. Cur  
enim deambulat? dicimus, ut bene valeat: &, cum sic dixerimus, puta-  
mus nos causam reddidisse. & quocunque igitur alio movente interjecta,  
finis gratia fiunt: ut sanitatis gratia sit extenuatio, vel purgatio, vel  
pharmaca, vel instrumenta: hæc enim omnia finis gratia sunt. Et paulo  
post: Oportet autem semper summam cuiusque rei causam querere, quem-  
admodum & in aliis rebus. Ut homo edificat, quia est edificator: edifi-  
cator autem est, secundum artem edificandi: hæc igitur causa prior est.  
atque ita se res habet in omnibus. Et proinde causam eam, que prima  
movet, & cui ratio inest & forma, meliorem magisque divinam esse asserit,  
quam materiam.

*De gen. an.  
l. 2. c. 1.* In omni igitur animalium generatione naturali, tum materia ex  
qua, tum efficiens à quo, (nempe mobile, A, & movens B.) ani-  
malis geniti aut gignendi gratia pariter sunt: quippe ambobus simul  
inest, quod movet & non movetur, nempe C. Ambo enim illa (sc.  
A & B.) simul mobilia sunt, & moventur; nimis rursum, B,  
(quod & movet, & movetur) & quod secundum fit, A, nempe ma-  
teria, sive ovum, quod solum movetur, vel mutatur. Quamobrem  
si nullum mobile actu moveatur, nisi movens una adsit; certè neque  
materia movebitur, nec efficiens quippiam efficiet, nisi simul primum  
movens aliquo modo adfuerit; forma scilicet, aut species sine ma-  
teria principatum obtainens. Efficiens enim & generans, (secundum  
*De gen. an. Arist.*) qua talia sunt, ad id pertinent, quod efficitur, & generatur. Sit  
l. 2. c. 4. itaque syllogismus ex primis necessariis:

Quandocunque B est in actu, simul etiam C est in actu (nempe  
aliquo modo movens.)

Quandocunque A est in actu, B est in actu;

Ergo, Quandocunque A est in actu, simul etiam C est in actu.

Generatio sanè naturalis, & artificialis, eodem modo se habent.  
Utraque enim alicujus gratia fit, & similiter ex providentia quadam  
in finem propositum operatur: utraque etiam à concepta formâ ali-  
quæ fine materia movetur primo, & per conceptionem producitur.  
Cerebrum nempe est conceptionis hujus organum, (ars enim est  
ratio

ratio operis, (*ab junctâ omni MATERIâ*) in anima, cuius organum est cerebrum; ) illius verò, uterus, vel ovum.

Conceptio itaque uteri vel ovi, similis erit (aliquo saltē modo) ipsius cerebri conceptioni; finisque pariter eodem modo utrique inheret. Nempe, inest species sive forma pulli in utero vel ovo, sine ullâ materiâ: quemadmodum in artifice inest ratio sui operis; ut putâ in ædificatoris cerebro, ratio domûs.

Quoniam verò *nd* inesse forsitan equivocum est, & res simul esse multifariam dicuntur; ideo dicimus & asserimus, speciem futuri pulli & formam immaterialē, esse aliquo modo caussam prægnationis sive fœcunditatis uteri: quia, post coitum, nihil corporeum in eodem reperitur.

Quomodo autem caussa hæc immaterialis, tanquam principium, utero pariter ac cerebro insit, & quâ ratione convenienter inter se, vel ab invicem discrepant, conceptus cerebri, & uteri; sive ars, & natura; & quo pacto, id quod fœcundat (nempe efficiens procreandi animalis internum) similiter insit in mare, atque ejus genitûrā; in fœmina, & ejus utero; in ovo etiam, cœi opere utriusque mixto; & quænam sit in iis differentia: posthac, cum universim de omnium animalium generatione agetur, (etiam eorum, quæ per metamorphosē oriuntur; insectorum scil. & sponte orientiam, in quorum ovis sive primordiis, ut & alio omni semine, species sive forma immaterialis, tanquam principium movens eorum quæ procreanda sunt, planè inest;) & cum de animâ, ejusque affectibus; quomodoque, ars, memoria, atque experientia, cerebri solùm conceptus sint, dicetur; copiosè simul, atque luculenter explicare conabimur.

---

*FINIS.*





Menda, lector candide, sic emenda.


**P**Ag.4.lin.26.bronchia, p.13.l.8. tandem reperrus est, ib.l.10.pro,vir evasit.leg.  
viri munis obiisse. p.15.l.5.orbiculatum p.16.l.17.pro,ovi leg.uteri p.19.l.17.  
ova p.24.l.14.pro, placenta,leg.pancreas, p.30.l.37.& (accidente aëris ambientis  
frigore) incr. p.34.l.29. ferè è directo p.39.l.10. efficta, ib.l.25. ab p.45.l.40. ad  
obt. p.52.l.3.animalis. p.55.l.33.pro,circa leg,ante p.76.l.26.pro, Quid leg.Quod-  
nam p.79.l.39. neat p.86.l.29. mares ; p.107.in marg.Arist.de gen.ib.l.36.cestro  
p.110.l.17. desubitus ib.in marg.lib.9.c.50. p.112.l.40. itaque Medici p.114.l.5.  
dele, aut ex musico immusicum, p.135.l.28.avis p.146.l.penult. ac, p.149.l.7.ro-  
tius p.150.l.25. suâ ib.l.30. distentio p.151.l.6. operæ p.153.l.27. pro, auxilio  
leg.ministerio p.155.l.26. pro, ex leg. à ib. pro, è leg. à p.157.l.11. retrahit l.12.  
pro,dilatari : leg.prorudi: p.163.l.pen.sparg. p.168.l.18.zentur à formatrice; ib.  
antur ab auctrice) ib.l.26. operæ p.17.l.40. pro, esset, leg.fit, p.195.l.19. suâ p.  
197.l.19.aperire ; p.198.l.41.del.sive ebutyratum, p.206.l.39. quām p.122.l.26.  
sunt, pro proportione, p.226.l.1. testiculi p.229.l.15. Quo p.232.l.41. parūmq,  
p.236.l.17.ceu ib.l.ul.t.glandes p.24.l.30. pro, è caruncularum sol.vest,in conc.  
imp.lege, è vasorum solam finibus ex conceptu prodeuntibus, p.248.l.19. est  
sortasse p.255.l.ul.t.mistio p.264.l.8. vel à relictis recrementis depr: p.265.l.1.  
pro,namque leg. neque.













2

A. 12



